













28,080/B/2







Par P. Hecquet.



42550  
DE

# PURGANDA MEDICINA

ACURARUM SORDIBUS\*.

UBI DETECTO EVACUANTIUM FUCO,  
*Purgationum* fraudes & imposturæ, scandalo  
artis & artificis opprobrio futuræ revelantur.

Datôque partium *Mechanismo*, Purgandi leges,  
tempora, rationes emendatæ restituantur.

Ibique *tritûs* ictibus everberatâ *fermentatione*, *fer-*  
*mentorum* obliteratur memoria; tûm firmo *solî-*  
*dorum systemate* stabiliuntur Morborum *etiolo-*  
*gia* solidiores, & nobiliores curæ.

\* *Medici, nobiliores animos nennihil erigant, neque toti snt in*  
*curarum sordibus.* Bacon. Hist. vitæ & Mort. in præfat.



PARISIIS,

Apud GUILLELMUM CAVELIER, viâ  
Jacobeâ, propè viam de la Parcheminerie,  
sub Signo Liliî Aurei.

---

MDCCXIV.

*Cum Approbatione & Privilegio Regis.*







PROLOQUIUM  
DE  
TOLERANDIS MEDICINÆ  
NOVIS LIBRIS,  
UBI

*De illorum utilitate aut damno,  
de censurâ illorum aut iudicio.*

**M**EDICINAM agro com-  
paraveris, quem infestave-  
rint noxiæ aut inutiles her-  
bæ, adeò frumentum superat zi-  
zania! Id incommodi pessimo ho-  
minis mali consilio commissum  
fuisse nemo crediderit; ecquis e-  
nim in genus humanum gratis &  
malignè sic animatus fuerit, ut  
aij

etiam sæviendo mortuus, hominum strages & homicidia patrare voluisset? Isthæc enim fors est medicinalium librorum, si pravi fuerint, ut hominum vitis insidientur. Verùm malè feriatorum, otiosorum, imperitorum, invidorum & iracundorum culpâ, id admissum fuisse comperiet, qui sedulus, studiosus veri & iracundiæ purus, rem perspexerit. Hæc illi confessa fiet, qui secum periculo facto, ex scriptis medicinalibus ea sejunxerit, quæ circa dissidia aut lites authorum occupantur, aut quæ inutilia, merè theoretica & *interminabilia* tractant, quæque ad nauseam usque repetita sunt; stupendum enim quot mala veluti genimina, quot frutices cassi, quot spurii fructus, verbo quot superfluæ plantæ terram inutiliter occupabunt, quæ runcandæ venient & exherbandæ. Interim indè fit, ut vitæ, quæ brevis est, pars melior, juvenus ni-



PROLOQUIUM. v

mirum in studendo frustrà sæpè  
deteratur; quâ de causâ fit non  
rarò ut postquam libris medicina-  
libus impallueris, novitius in arte  
medendi conseneskas. Hinc quo-  
que videas non paucos naturalis  
historiæ rebus insuccatos, vel me-  
dicinam totos eructantes, nihil  
tamen minùs quàm medicos; me-  
dendi enim peritiâ vacui sunt, ut-  
potè qui artis amœnitates venan-  
do, utilitates omisère. Errandi oc-  
casio fuit de medicinâ præconce-  
pta opinio, illam eruditionis titu-  
lo habuerunt, quæ multa scire de-  
bet, cùm sapientia sit quâ multum  
scire convenit. Concedendum in-  
tereà, medicum non dedecere *poly-  
mathiam*, at illum non facit, ad-  
juvat tantum, aptiorem medicinæ  
reddendo; igitur ut eruditio omit-  
tenda medico non est, facienda  
pluris est sapientia. Ingenium hæc  
est ac mentis capacitas, germana  
naturæ, ideòque moribus illius,

femitis & institutis capiendis , internoscendísve facta ; quæ ingeni-  
ta animo est non ascititia ; quam  
alit meditatio , sed quam labefa-  
ctare potuerit eruditio aut offusca-  
re. Itaque eligendum medico id  
lectionis aut studii genus , quod  
animum vegetando , veritati re-  
rum , naturæque contemplationi  
parem efficiet , ab altero cavendo ,  
quod delectando mentem aut col-  
lustrando hallucinatur , mendaci  
aut erroneo fulgore , qui quam  
monstrat viam perdit ac suffura-  
tur ; certiùs in præcipitium ductu-  
rus.

His luminum præstigiis cautum  
fuiſſet , ſi in deſcribendis rebus  
medicinalibus in eâ perſeveratum  
fuiſſet , ſcribendi ratione , quæ me-  
dicorum principi conſueta fuit.  
*Aphoriſtica* hæc erat , cuius gene-  
ris apud *Hippocratem* ſunt *coacæ*  
*prænotiones* , *aphoriſmi* , &c. aut  
ſimplici , concifo , ac neceſſario

stylo exarabatur, cujusmodi sunt apud eundem *prognostica*, libri de *aëribus*, *locis & aquis*, &c. exemplaris loco adhuc esse potuissent *epidemiorum* libri iis quibus cordi fuisset morborum historias, curationes & remedia tradere; illinc edoctis non in verborum ambagibus aut lenociniis, non in *ætiologiarum* commentis aut tædiosis enarrationibus ea esse ponenda, at in expositione simplici, obviâ, & historiâ eorum, non quæ ratio aut ingenii sagacitas effinxerit, sed quæ prodiderit assiduum cum naturæ motibus commercium, quæ exploraverit usus, & tempus comprobaverit. Ejusdem styli exempla præbuisse quoque suis in scriptis primævi medicinæ antistites, qui utpote *Hippocratis* dogmatum tenaces, structuræ orationis ejusdem æmulatores se præstiterunt. Hujus censûs sunt *Aurelianus*, *Celsus*, *Aretæus*, qui in rebus



medicinalibus describendis Hippocratem æmulando ipsissimæ naturæ *ichnographiam* delinearunt.

Exinde verò degeneres *Arabes* in rebus & verbis miserè nugando, à simplici, historico & brevi stylo recedere docuerunt, summâque rerum ( temporum ignorantia ) potiti, posteris errandi occasionem dederunt. Posthâc veritatis simplicitati successit opinionum multiplicitas, garrulâque facta, quæ muta nata fuerat, & silentio nobilis medicina, in pugnas verborum, disputationum tumultus & authorum odia desinere cœpit, tanto autem medicinæ damno, ut *Rhasi* excepto, vix in aliquorum fastidiosis voluminibus *Hippocratici*, styli non dicas, sed dogmatis umbram invenias. Ampliùs, summo artis malo, per imperia, regiones grassando *Arabismus*, *Arabum Philosophia*, authoribus innumeris, non paucisque scholis imi-

tamento fuit. Quot indè manarunt scripta, quæ *Hippocraticam* phrasin & indolem mutaverunt, nemo est qui non intelligat, tantòque & tam infelicitèr grassanti malo subjaceret adhuc medendi ars, nisi auxiliatrices manus adhibuisset, *hoc vel solo titulo saluberrima* dicenda, *medica facultas Parisiensis*. Prævit suprà laudes omnes *Fernelius*, facundus indicendo non minùs quàm simplex, sermone brevis, sensu copiosus, quàm utilis, tam amandus. Ex eodem facultatis gremio nati sunt adhuc *Duretus*, *Hollerius*, *Ballonius* gallicæ medicinæ principes, qui labantem *Hippocratis* cogitandi & scribendi rationem restituerunt. Sub his gloriòsè quia feliciter merebatur medendi scientia, quorum scriptis, exemplo & documentis redivivo factò *Hippocrate*, medentium magistra & artis domina facta est *facultas Medica Parisiensis*. Reverà,



x PROLOQUIUM.

exindè quasi volitantes per orbem redivivi *Hippocratis* manes, medicorum mentes, nullius non gentis, in *Hippocratis* amorem, studium & æmulationem exsuscitando accenderunt; sic ut pullularint undique nobiliores *Hippocratis* interpretes aut asseclæ. Tales fuère *Foësius*, *Mercurialis*, *Cornarus*, *Martianus*, *Marinellus*, *Pinus*, *Zuvingerus*, *Lindanus*, *Valesius*, tùm è Parisiensi scholâ *Martinus Casterius*, tot artis heroës, qui revocando in orbem medicum *Hippocratis* genio feliciter allaborarunt. Nihilominùs tamen clanculùm serpebat radix amaritudinis, quæ sensim surgendo otiosè fruticabat, philosophiam intellige *scholasticam*, quæ ut ut illaudanda, nescio quo altercandi spiritu fœta, authorum non paucorum scripta, rixarum, & disputationum aspergine fœdabat; unde ab *Hippocraticâ* simplicitate descivit libro-

rum medicinalium pars maxima.

Jejuna ut visa fuit isthæc philosophandi ratio, ad utiliore veritatis indaginem mentes incitavit, vocibûsque barbaris sæpè, sæpiùs sensu vacuis res ipsas sufficere aggressi sunt, an bono medicæ artis & incremento, fama erat; at quod extrà dubitationis aleam positum est, altera labes medicorum scriptis hinc inusta est. Materix *proprietatibus* enodandis dicatam esse totam philosophiæ operam multi existimantes, has omnes *proprietates* materix motu & hujus speciebus, tum divisibilitate & hujus formis contineri docuerunt. Insecabilem suscipientes alii materiem, hujus moleculas individuales, hoc vel illo situ ordinatas, hâc vel illâ determinatione pulsas statuendo, totam physices œconomiam consecutos se putaverunt. Saltem, quod pro confesso erit, suum ad arbitrium ordinandam ut place-

a vj

bat materiem suscipiendo, philosophandi minùs quàm fingendi licentiam sibi indulserunt: maximè cùm excusso veterum autoritatis jugo, factâque comminiscendi copiâ, cuique, ut placitum fuit, de physicis dicere, interpretari ea & exponere concessum sit. Ad medicos serpens blandum id contagii genus, inò horum molliens animos isthæc philosophandi lascivia, fecit, ut physicam, quæ illis abdicanda fuisset, ut medicinam ingrederentur, amabiliter amplexi fuerint, undè in tantùm physicum non exuerunt, ut medicum vix induerint, adeò posthæc eorum libri visi sunt in philosophando luxuriari.

Non hîc constitit medicinæ jactura, mali fons uberius ex altero philosophandi genere scaturivit, ex *chymia* scilicet, quam absit tam infestam medicinæ quàm imperio adulteratam monetam habueris, ut *chymiam* exosis placitum est, at



quæ mendacibus suis *analogismis*,  
medicinam lusit non infrequenter.  
Fortassis id convicii genus ad *al-*  
*chymiam* spectare videbitur, utpo-  
tè quæ *panaceis* suis, *auro-potabili*,  
aut panchrestis remediis, multis  
decipulæ fuerit; at ut ut sublimes  
sefe profiteantur animos arcanae  
illius philosophiæ adepti, ferien-  
tisque sydera vertice, fidei quam  
dederant defuere toties, ut vix  
hodie inveniant cui fraudi sint,  
aut verba dare valeant. Ut ut sit  
emendata quantumvis & ad me-  
liorem frugem revocata ut crede-  
batur *chymia*, suis errandi occasio-  
nibus facta superstes, mendaciis  
suis medicinam adhuc incertavit.  
Hic autem, ut alias, vitio fuit no-  
vandi cupido, quâ castigando se  
*chymia*, se ipsam perdidit. Quina-  
rium enim principiorum nume-  
rum circumcidendo, incassum se  
mutilavit, cum duo, *acidum* & *al-*  
*cali* quæ adoptavit, curta adeò &

manca senferit tam sæpè medendi ars, ut ab his resiliere fuerit coacta, eadem quæ repudiarat quinque sibi reconciliando. At mihi hîc videas in ipsâ arte *analyticâ*, analysis vanitatem, cùm sua sui ipsius principia *extrahendo* contrahendove *chymia*, in auras ferè sese *resolverit*. Nihilominùs tamen, siue decurtata fuerit, siue fuerit redintegrata, medicorum perseveravit sic fascinare animos, ut omnia illorum scripta chymiam crepent. Eò graviùs crevit malum, quòd facile sit & ad omnium manus; supposititia enim ut sunt *chymicæ* principia, utpotè quæ prodit una ignis *tortura*, eadem à torturâ imaginationis obtinet chymista recoctus, eo successu, ut quæ in officinis operabitur, ea in humano corpore creaverit. Apprehenderit v. g. *acidum* in stomacho, *sulphur* in jecore, *alkali* in sanguine, acorem in lymphâ, hæcque

omnia conflagrare jubeat & concentrare, quot ex *equo trojano* milites, tot ex liquoribus ac visceribus pululare videbis *fermentationes*, *ebullitiones*, *luctas*, *effervescentias*, easque calidas, frigidas, arcanas, manifestas, plus minus tumultuantes; unde habeas quæ exponent tibi aut supponant morborum species, materias, symptomata, causas, horumque omnium rationes. Hæc nugamenta erant & ludibria, in quibus evagantes nuperi medicinæ scriptores, ab *Hippocraticâ* phrasi non tantum aut scribendi ratione, at ab illius quoque mente, ingenio & dogmate aberraverant. Tolerandi quidem, si in verbis dissentientes, convenissent in rebus, at nihilo fecius quam si cum inerti materiâ, quæ ipsis ad nutum secanda daretur & ordinanda, res esset, naturam ipsam suam ad arbitrium cogunt, suisque aut suorum commentorum



legibus subicere aggrediuntur.

Præteribis illos, qui cùm è limine nondùm medicinam salutarunt, & à scholarum pulvere recentes adhuc, methodum quâ ægrotantibus sibi propè diem curandis medebuntur, secùm in mulsæo cudunt. Observabis alios esse nec paucos, nec inferioris notæ, de quibus suspicio non levis est, suis *systematis* naturam mancipare, ita ut causæ quas incusant, quæ commemorant symptomata, quas tradunt curationes, quæ recensent remedia, quas auctuarii instar assuunt morborum historias, pro mendaciis habere possis. In causâ est in nonnullis præjudicata opinio de partium fabricâ & functionibus, quibus eruditè & ad pompam stabilitis naturam addicere tentant. Verùm obvia magis est errandi occasio iis, qui liquorum officinalium proprietatibus affueti, eas transferunt ad anima-

lis succos, his aptando quæcunque in illis observarunt. Huc spectat illorum error, qui quas in materiâ supposuit *philosophia* affectiones, sanguini attribuendo, *de falso supponente* in medendo ratiocinantur. Sed frequentius chymicorum erratum est, qui ex sanguine eadem quæ ex aliis mixtis aut liquoribus extraneis eliciendo, utrisque non absimilia inesse sanguini concludunt, nec dissimilibus rationibus tractanda venire, similiter proindè contemperanda, edulcanda, *absorbenda, concentranda*. Interim utrinque mendacium est, utpotè cum tam supposititia sint, quæ ex extraneis liquoribus fabricata sunt, quam ascititia quæ è sanguine elicita fuere principia. Inde tamen factum est, ut in recentium plurimorum libris, à se mutata natura jam ignoretur, ægrè saltèm agnoscatur; quòdque de mulieribus proditur, quod *Hip-*

*pocratem mendacem fecerunt*, arthritidi, à quâ eas ille vindicaverat, culpâ suâ factæ obnoxia, recentiorum scriptis non ineptè aptaveris ; mendacem enim arguunt *Hippocratem* ; cuius sic obscurarunt effata, verba, observationes & dogmata, ut naturæ imposuisse *Hippocratem*, aut verba posteris dedisse, crederes. Pro minimo fuisset, si neglectâ aut omisâ *Hippocratis* dictione, naturæ rerum, observationum historiæ, & narrationum gravitati, simplicitatî servatus fuisset honos, aut habitæ reverentia, talium enim imitamentis auxilio, morborum, quos tractandos suscepissent neoterici, historiam, symptomatum seriem, hincque tutò deductas *ætiologias*, traditione quâdam, nobis communicassent : è contrâ spuris *systematum* fulgoribus abrepti, imprimis principiorum *chymia* fuco delusi, naturam præoccupant, suas



consiliorum naturæ loco substit-  
tuendo conjecturas, prævertendo  
motus & conamina illius præpe-  
diendo. Hinc factò primo morbi  
insultu, positâ nondùm insipientis  
morbi historiâ, ancipiti adhuc *dia-*  
*gnosi*, operæ manum eos adhibe-  
re videas, à remediis auspicari do-  
cendo tùm cùm spectamini vacan-  
dum est & explorationi, quantùm-  
vis inconscii sæpè sint, quæ futura  
morbi nascentis indoles, quæ spe-  
cies, qualis forma, quale inge-  
nium. Donandum id audaciæ ar-  
tis magistrorum in medendo per-  
spicacitati, qui statim præludente  
morbo, id auxilii illicò usurpare  
norunt, quod venturis turbis, quas  
usu longo subolfacere didicerunt,  
præire solitum est; at ut omnes  
non penès est id sagacitatis, me-  
dentis sapientiæ fuerit morborum  
initio, ab his temperare remediis,  
quæ *drastica* erunt, stimulantia  
plurimùm, turbâsque datura: his

defuisse describendis præcautionibus, libros medicinales confusione, tenebris, aleâ & incertis respersisse est, maximè cum juniorum & novitiorum sint non pauca quæ in lucem eduntur volumina, qui speculationibus eruditis ebullientes, quæ cogitando, non quæ exercendo congesserunt, produnt in vulgus cruda studia, generalioribusque tantum medendi intentionibus instructi, quas sanandis morbis satis esse confidunt, nulli morbo curando, vincendo symptomati nulli impares se putant. Nilominus tamen in medendo maximè *dimidium facti qui bene cepit habet*; enimverò in auspicandâ appositè morborum curatione, tota medelæ sita felicitas est, quandoquidem si inter initia morborum graviter delictum fuerit, damnum inde emergens vix posthac resarcire dabitur, cum morbi speciem, formam, ingenium, præ-

vertere soleat, id delicti genus. Re  
verâ, quod medentis memoriâ  
nunquam excidat, morbi non na-  
turæ vi fit primus morbi insultus,  
quem proindè sequetur nusquam  
nec æmulabitur medicus, qui na-  
turæ non morbi ministrum se ge-  
rere debet. Igitur grave quodvis  
*symptoma* unâ cùm oriente morbo  
se prodens, naturæ vias quantùm-  
vis affectet, pro morbi impetu erit  
non pro naturæ motu; hic enim  
nisus est, quo ad *secretoria* tendit  
morbidus humor, præcipitantia  
ille est, quâ eò ruit: ille fit bonis  
ægri rebus cum *euporiâ* & leva-  
mine; hæc ægrotantis damno,  
cum labore & periculo: sub illo,  
talìa, qualia, eaque noxia excer-  
nuntur; sub hâc vel utilia quoque  
prodiguntur: argumento sunt *hæ-*  
*morrhagiæ*, quæ vel prima mor-  
borum initia infestant. At nùm  
erumpente, nascente morbo, san-  
guine, sub hoc intelligendam esse



naturæ tendentiam, imitandamve concludes? Facinorosum certè; at piaculum huic proximum est, cuivis alii evacuationi quæ ineunte morbo contigerit, favere. Hæc sunt *Hippocratis* documenta, quorum exemplo innuerent recentiorum scripta, & inculcarent, per initia morborum *nihil esse movendum*; at ex quo super isthâc nimiùm vulgari doctrinâ nauseare cepit, ut putant, medicina recens, in verbis, sic in factis facta audacior ad inconcessa prorupit. Hinc surgente morbo *nausea, cardialgia, vomituro*ritio se produnt? Ad *emetica* illicò confugere moris est: *sudor* erumpit? *Sudorifera* statim adhibentur: *maculae, papulae, pustulae* per cutem efflorescunt? *Cardiaca* citò oggeruntur. Prætereundo *nauseas*, sæpè sæpiùs esse argumenta interclusi sanguinis corporis centro, retrogradi nempè & resilientis à *peripheriâ*, undè repellitur

PROLOQUIUM. *xxiiij*

ad corporis interiora ; omittendo, tunc temporis prodeuntes *sudores*, impulsī fortiū & adaçti sanguinis esse indicia, qui factus difficilè re-  
dux, *serum* exprimit ; non intelli-  
gendo tandem cutis *maculas* aut  
*efflorescentias*, non purgantis se, sed  
strangulati sanguinis indices esse ;  
verbo tot argumenta esse dejectæ,  
maléque se tuentis naturæ. Por-  
rò his annuere naturæ lapsibus  
adeonè tutum erit ? Quasi dice-  
res, *alvo* currenti, statim orien-  
te morbo, addendos venire *pur-*  
*gantis* stimulos ; *miçturitione* oriun-  
dâ cum febre, jubenda esse *diure-*  
*tica* ; datâ *tussî*, quæ *seri* multum  
extundat, *hydrotica* & *expectoran-*  
*tia* esse adhibenda ; tandem vi fe-  
bris protrusis *mensibus*, *emmenago-*  
*ga* aut *aperientia* venire usurpan-  
da. Neque disparilitatem causa-  
beris, ut enim *secretionum* omnium  
materies est *lymphæ*, sic omnium  
*excretionum* materia est *serum* ; cu-

xxiv PROLOQUIUM.

jusque fit per vomituritionem aut per sudores immatura protrusio, tam hostilis est & invitâ naturâ facta, quam quæ per alia emissaria cogitur; ubique naturæ vim inferri, mutatosque, perversos aut inversos illius motus, intelligit naturæ familiaris.

Atqui tot *emetidis*, *purgantibus*, *cardiacis*, *sudoriferis* referta videas recentiorum volumina, tamque densâ formularum farragine respersa, ut medendi rationem, & cautiones ab arte hodiè exulasse crederes, adeò in libris hodiernis rara sunt, quæ ad observationem aut artis sapientiam pertinent. Reverà tamen, historiæ morborum, qui tractantur & curationes, non paucas librorum paginas occupant, sed quâ fide incompertum relinquunt, omittendo morbi tempora, occasiones & circumstantias, sub quibus remediorum exit felix exitus, prætereundóque casus



sus ubi fuisset infelix. Adde, non illis infrequens esse, non constare seriem symptomatum quæ recensentur, ægréque in istis morborum enarrationibus animadverti sincere aut naturæ proprios morborum exitus, utpotè quos mutat, antevertit aut opprimit tumultuaria & incondita remediorum vis.

Intereà, absit credat aliquis, hæc omnia malo aut invido animo, aut unicè suggillandi causâ dicta esse; ut enim authorum fermè nemo est, per quem ars aliquatenùs non profecerit, nullus est cui non habendus sit honos: at succensere liceat, quòd utiliùs, ut digni erant, operam suam non impenderint. Potuissent autem, ad *Hippocratis* normam temperando ea quæ addenda habebant; quâ ratione librorum & lectionum compendio consulentes, suo & lectorum tempori pepercissent. At authorum non paucorum vitium aut ambitio est,

xxvj *PROLOQUIUM.*

si novum aliquid aut inauditum de morbo scribendum habent, cætera quæ ubique prostant invento suo addenda suscipiunt, quasi de mole magis quàm de utilitate voluminum decertandum haberent. Modestaque erit isthæc eorum ambitio, si de uno morbo factâ scribendi occasione, morbos omnes lustrare non aggrediantur. Cæterùm, sua quisque communicando inventa, ut ferè nemo foret artis curiosus qui asymbolus defungeretur, consiliis, monitis, remediis, cautionibus locupletata videretur, non obscurata medicina; quæ omnia si *Hippocratis* stilo simplici & sincero, tradita forent, brevi & facili conspectu ab *Hippocrate* ad nos usque descripta videretur locupletior sanandi scientia. Reapse minueretur voluminum moles, non autem numerus, si enim quæ tantùm sibi propria sunt authores contribuissent, quod voluminum moli

*PROLOQUIUM. xxvij*

decrevisset, utilitate & delectu pensaretur, quantòque magis minueretur magnorum voluminum numerus, tanto magis densaretur tractatum singularium seges; quo autem artis & temporis lucro intelligent utriusque curiosi.

Librorum lectioni diffusus hâc nostrâ memoriâ medicus inter Anglos celeberrimus, meritòque celebrandus D. *Sydenham*, quod operæ evolvendis libris impendunt alii, meditationi infumendo, labantem aut oblitteratam *Hippocratis* scribendi rationem æmulando restituit: quâ arte id beneficii contulerit & consecutus sit, ostendit insignis illius sollicitudo, & indefessus labor in congerendis ordinandisque observationibus, tum circâ symptomata propria naturæ, ex quibus nempè nascuntur morbi, in quibus pergunt, in quæ desinunt; tum circâ remedia, corporis exercitationem & diætam,



xxviii PROLOQUIUM.

quæ proficua recognoverat ; quâ occasione , quo in sexu , quâ durante aëris constitutione subjungendo. Porro ex his omnibus ideam morbi statuendo , quæ medentem ad praxim informat , magis quàm causæ rationem , quæ erudiret ad garrulitatem , medicinam provexit efficacius , paucioribus heu ! quibus vixit annis , quàm vel integris sæculis factum fuerat.

Sydenhamio successit D. *Morton* apud Anglos adhuc nobilissimus medicus , in describendis morbis tam accuratus , in curandis tam prudens , in explicandis tam perspicax , ut vel solus de *phthisi* tractatus posteris imitamento esse possit , qui naturam pingere voluerint ; non imparis erit valoris & pretii ille alter , qui de *febris* inscribitur , ubi ea est illius industria in revelandis febrium speciebus , involucris & metamorphosis , ut naturæ contubernalis fuisse videa-

tur, adeò moribus illius, ingenio aut indoli affuefactus apparet: nec illaudandus qui de *variolis* est, sic enim eas *graphicè* describit, & ad vivum, ut earum naturam exprimat; lapsus interim in admoventis paulò audaciùs calidioribus remediis, ideò fortè quia *systemati fluidorum* aut præjudicio paulò nimium indulgit. De cætero observationum doctrinæ strictè addictus est, dignusque quem medicinæ scriptores æmulentur; nam, in *physicis chymicis & anatomicis* rebus, usum, ut illi moris est, rationi assiduè præponit, undè, dum artis, quam cum splendore proficitur, theoriæ honori est, praxeos utilitati & profectui servit adhuc magis.

Nec perperam aut cæco casu hîc laudatur *sydenhamiana* sedulitas, in observandis diætâ & corporis exercitatione quæ morborum curationibus debentur, inter tot

xxx PROLOQUIUM.

enim ac tanta quæ in scriptis recentiorum desiderantur, veteribus aliundè usitata, *diæta* imprimis annumeranda est, tanti autem olim habita, ut in pluribus licet defecerint *Arabes*, ab *Hippocrate* degeneres facti, *diætam* sic excoluerint, ut etiamnùm illorum laudi sint, quæ de *diætis* reliquerunt volumina. *Diætæ* comes assidua fuerat priscæ medicinæ corporis exercitatio, quæ quanti fuerit tunc momenti, produnt veterum monumenta; imò in eâ solâ medelæ summam posuerant non ignobiles veteris ævi medici. Hanc autem necessariam curationum conditionem in recentiorum libris sic obliteratam videre datur, ut ei auctori non mediocris gratia habenda sit, qui tam insignis auxilii memoriam refricaverit.

Duplex autem illud librorum recentium erratum indè venit 1<sup>o</sup>, quia *diætæ* factum satis crediderunt,



PROLOQUIUM. xxxj

jubendo generatim inter medendum ut victus *euchymus* ægris exhiberetur; at *euchymum* cibum sigillatim persequi, tùm variis morborum generibus, occasionibus & temporibus, tùm ægrotantium temperamentis, sexui, conditionibus, item constitutionibus aëris, regionum moribus illum attemperando omiserunt; quod *diætas* particulares olim vocitabant. Neglectûs ejusmodi duplex ratio fuit recentioribus; prior, nimia in medicaminum potentiis confidentia; altera de *euchymis* ex vulgi præjudicio imbibita animis opinio. Eam vim remediis inditam esse rati, quæ sanitati restituendæ par esset, in illis unis medicinam collocaverunt; tùm laudabiles judicando cibos qui actuosi sunt, *sulphurei*, *spiritibus* foeti, præstantiores illos æstimaverunt, qui ex carnibus animalium succosis, utpotè vividioribus & jurulentis constant;

xxxij PROLOQUIUM.

non observando dari morbos, in quibus pinguibus & *sulphureis* uti tam ominosum est, quàm faustum & felix usurpare *hordei*, *oryzae*, &c. cremores, cæteraque id genus pulmenta, universæ notæ veteri medicinæ, *Hippocrati* imprimis, illius non paucis operibus, pluribûsque operum locis. Hinc mirari defines *Sydenhamii* monitum ex carnibus juscula indulgentis in morbis *inflammatoriis*, eo tantùm tempore, quo ab iis reconvalescunt ægrotantes, quallium jusculorum loco *avenata*, *hordeata*, &c. jubet, quandiù ii morbi vigent. Indè patet adhuc ratio, propter quam *sero lactis* affatim hausto, *dysenterias* & *rheumatismos inflammatorios* feliciter medicabatur idem ille *Anglus Hippocrates*; istiusmodi enim sunt affectus, quos alit sanguis præfervidus aut *inflammatorius*, *sulphuribus* tumens, ac tumendo lentescens, qui insuccari

*PROLOQUIUM.* xxxiiij  
indiget minùs quàm dilui, molliri,  
tenuari.

Fecit occupata nimiùm circà  
*fluida* recentis medicinæ sollicitu-  
do, ut despiciatui, neglectui saltem  
habita fuerit *solidorum* cura; undè  
sua laus periit corporis exercitatio-  
ni. Fama fuit publicaque fides,  
sui ipsius motùs authorem esse san-  
guinem, undè hunc actuassee, om-  
ne punctum tulisse sibi persuase-  
runt, in *cardiacis*que, volatilibus  
& sudoriferis omnem impende-  
runt artis operam; sed quo suc-  
cessu, aperit perversus non pauco-  
rum morborum exitus, qui in in-  
curabiles, difficiles saltèm & mo-  
rosos affectus, ab adusto, cremato,  
*alcalisato*, aut *incinerato* sanguine  
desierunt: auspiciatùs suus eorum  
labor iis cessisset, si confirman-  
do, roborando aut restituendo  
*solidorum* tono studuissent, tantò  
magis quantò *solidorum* vis, san-  
guinis seu *fluidorum* potentiam su-



xxxiv PROLOQUIUM.

perat. Reverà, stupendum quantò vegetiores sint, tùm qui rura colunt, tùm qui laborando vitam sustentant, præ iis qui otio torpent & inertia, sic observante latino *Hippocrate*, *ignavia*, inquit, *corpus hebetat, labor firmat*. Id ipsum confirmavit præsentis & præteritæ ætatis usus, nam *quæ neque medicamenta, neque ferrum, neque ignis sanant, ideòque insanabilia æstimantur*, sanat & expedit corporis exercitatio. *Colica spasmodica* omnem elusit medentis curam? Sanat *equitatio*; *arthritis* sanari tardat, aut dubii exitûs ægrum fatigat? Auxilio venit opportuna deambulatio. *Phthisi* tabescens morti fermè nomen dedit? Hunc ab inferis vindicat *peregrinatio*. Denique non numerandis morbis, ad aquas *thermales* vehi, remedio est; an quia *sulphureæ* sint & actuosæ, id quoque in partem venit; at ideò magis, quod cùm dissitæ sint, ad *vec-*

*tionem* cogant. *Vestitionis* utilitatem, ex succussu & agitatione abdominis concludes, quæ viscerum fermenta exsuscitent? Non paucorum interpretatio fuit, sed verius imputabis exsuscitatae *solidorum systoli*, quæ oblitæ fibrarum vibrationes actuando, *occillationes* partium otiantes, feriantesque *spirituum undulationes* refocillando, *coctiones*, *digestiones*, *secretiones* restaurat ac restituit.

Sub iisdem circiter temporibus apud Italos aliud fulgere cepit medicinæ lumen, *Baglivium* intellige, *Hippocratis* dogmatum & scribendi rationis asseclam fidissimum, zelatorem generosum & assertorem, assiduum æmulatorem. Is ille est apud quem observandi methodum ac scientiam reperire daretur, si medicinæ perisset. Artis genium putantes, adeò inventorum tenax est, curax invenientorum, addendorumque capax.

xxxvj PROLOQUIUM.

Enimverò observandi scientiam tenet non tantum & peritiam, sed & viam docet & modum. *Baglivium* igitur observationis doctorem facile nuncupabis, utpotè qui, quod studendo, meditando, & imitando didicit docere aggreditur, adeò ut per exempla non solum proficiat, sed & per præcepta. Solis his titulis factus insignis, de arte medendi optimè meritis habendus esset, aliundè tamen venit adhuc æstimandus; notus enim ut erat naturæ, hujusque assuetus ingenio, mores illius sentiens, pinxit aut expressit systemate simplici, facili & obvio, quod vel solis his conditionibus naturam redolere videretur. Interim aliis adhuc titulis eam refert; sinceræ, veræ & confessæ corporis œconomiae consonat; iterum nedum in his consistit, priscis respondet & novis, imò & novandis observationibus; aut futuris; quò usquè profecisse,



PROLOQUTUM. xxxvij

nunquid non artis apicem monstrasse est, aut spondere? *Solidorum systema* illud est, quod *fibrarum systole*, aut *elaterere* continetur. Fibræ autem *homogeneæ* partes sunt & simplicissimæ; insuper suo cum elaterere nemini non confessæ sunt, potentissimæque habentur; nam cum præ cæteris partibus, *fluidis* non exceptis, frequentiores sint, multiplices, communisque maximè, dispersæ nempè per partes universas, ac singulis propriæ, potentiæ præ cæteris erunt & vegetioris & universalioris, vixque ab ullis aliis viribus superandæ.

Sub illâ fibrarum texturâ naturæ potentiam intueri licet; sub illarum consensu ejusdem contemplaberis industriam. Fibrarum enim consonantias, affinitates & commercia revelat *Baglivianum* systema; quæ si pauca videbuntur, *solidorum* cum *fluidis* amicabile æquilibrium ostendet. Illa ad sa-

xxxviii PROLOQUIUM.

nitatem, seu ad nativam corporis œconomiam faciunt, hæc ad morbidam partium *diathesin*. Undè regulas *Baglivius* scribit & canones, quibus æstimabuntur partium *proportiones*, vires & *æquilibrium*, quæ modulum omnium judicent & exuperantias, ut quantum assequendis sanitatis legibus, tantum obtinendis morborum *ætiologiis* inserviat.

Neque gratis & temerè effutita isthæc omnia suspicaberis, tutores enim sui systematis habet *Baglivius* & sponsores, quotquot perspicaciores habet *geometria*, quotquot numerat oculatiores *anatomia*, quot habet & habuit medicina sapientiores.

Antesignanus est *Borellus*, qui quasi ex trutinâ & ad libellam metiretur partium vires ac *potentias*, mittit has in digitos & ad calculos reducit.

Compar est *Bellinus*, fibrarum *contractilitatis* assertor insignis &

PROLOQUIUM. xxxix

accuratus , qui demonstrando quantum *fluidis solida* præpolleant ; aperiendo quantulâ *fluidorum* quantitate opus sit vitæ sustentandæ , computandóque , quàm exiguæ molis sit *lymphæ* nervorum , quàm *spiritus* vocant , genuinos innuit indicationum fontes , eruendos nimirum ex *solidis* , undè proficiscitur morborum vis major.

His comitem se dedit *Pitcarnius* , *Scotorum* medicinæ decus , qui ludibrio habitis pororum *configurationibus* , *fermentorum* nugamentis , tùm quæ de *secretionibus* spargebantur fabellis ; firmis rationibus , inconcussis argumentis , certis observationibus , imò & calculis demonstravit quod in *œconomiâ* animali caput est , rationem intellige coctionis alimentorum in ventriculo , quam sic exposuit , enucleavit , expedivit , juxtâ *systematis trituræ* mentem , quæ eadem est cum *solidorum* dogmate , ut me-



xl PROLOQUIUM.

lius, certius, & utiliùs nemo *solidorum* doctrinam tractaverit.

Partium *æquilibrium* quod stabilierat *Baglivius*, fuggillare visus est *Strom* in suo tractatu de *mechanices* theoriâ, ac sepositâ *æquilibrii* voculâ, quam secùs ac *Baglivius* interpretatur, de *solidorum potentiis* rationes & argumenta prodiit minùs quàm effata, *demonstrationes* & axiomata.

Solidis *solidorum* basibus superstructi fuère deinceps nobilioris notæ *physiologici* tractatus, cujusmodi sunt de *œconomiâ animali* D. *Cockburn*; de *instaurandâ medicinâ* D. *de Moor*; de *sanguinis mechanismo* D. *Hofman*; *dissertationes* D. *Stalhl*; de *naturâ humanâ* D. *Bergeri*; tùm de *physiologicis* D. *Boerhave* opusculum, si molem spectes; opificium, si utilitatem attendis aut meritum.

*Pathologicis* operibus quæ posthâc evulgatæ sunt, stabiliendis ser-

*PROLOQUIUM.* xli

vrit non minùs *solidorum systema*; nam omiffis iis quæ de *solidorum* morbis tentavit *Baglivius*, jam prodierant *Bellini* tractatus de *febribus*, de *urinis*, de *morbis capitis*, de *venæfèctione*, ubi totus est author ille clariffimus, in exponendis, curandisve morbis, ad *proportionum*, *determinationum* & *æquilibrii* leges. Ejusdem scopi sunt & instituti illustriffimi *Pitcarnii* dissertationes, ubi non pauca utiliffima de *morbis oculorum*, de *febrium* curatione, de *purgantium* & *corticis peruviani* operationibus præli-  
bat.

His annumerabitur *pathologia cerebri* D. *de Moor*, eruditum opus & fingulare, *mechanicæque* legibus superstructum, quod authoris & artis sapientiam redolet, movendæ salivæ idoneum, tùm lectoribus quos sui ad amorem studiûm-  
que pertrahet, tùm authoribus quos ad imitationem sui invitabit.

*xlj* PROLOQUIUM.

Neque omittenda D. *Freind* docta simul, jucunda & utilis *emmenologia*, ubi *physico-mechanici* industriam, scientiam *chymici*, *medici* peritiam, medicinæque sapientiam ostendit.

Cæterum exponendis, sanandisve morbis serviit non tantum *solidorum systema*, contribuit quoque enucleandis venenorum effectibus, ut videre est in tractatu de venenis D. *Linder*, ubi industriè non minùs quàm utiliter, tam sapienter quàm doctè revelat præclarus author, nefandas venenorum operationes, quas in *solidas* partes imprimis exerceri probat.

Denique quod *solidorum systemati* adhibitam fidem & auctoritatem evincit, in methodum redigi cepit illius doctrinæ principiis fulta *pathologia*; hujus enim fortis & ingenii ea est, quam nuper exaravit doctissimus Leiden-  
sium medicinæ professor D. *Boer-*



*PROLOQUIUM. xliij*

*have* ; si enim , ut aiunt , *ex ungue leonem* , ex hoc artis specimine augurari decet , quantas , faxit Deus , pandet imposterum artis divitias , qui primo in limine tam multas compendio coercere novit.

At quò , inquit , hæc præludia ? Quid illis omnibus cum hoc de purgatione opusculo ? Certè ut tutelam inveniat & indulgentiam. Cùm enim præfatorum authorum doctrinam referat , horum patrociniis uti ambit. An adulatoris titulo , qui laudationes laudum fœnore rependì vellet ? Longè secùs est ; in clientelam eorum recipi cupit , non quidem ut promeritas illis probos apud & doctos laudes dividat , at ut sub umbris eorum , per quos stat restitutæ & renovatæ medicinæ salus , delitescens , artis utilitati natum videatur ; fide ac tutelâ eorum exceptum , qui revalescunt à nugaliū opinionum ludibriis , in quibus aut

otando elanguebat, aut perperam exercita medendi ars evagabatur. Enimverò non secùs ac strage factâ exercitûs, errantium militum, qui generosi sint officii est, ad vexilla pedem referre, sic qui *systematum* turbine dissipati sunt medentium muneris est, eò reverti undè discessum fuit; ad artis veritatem, quam ut invenit, sic tuitus est *Hippocrates*; quod si fuerit inconcessum, confugiendum quoquè ad eos qui ad *Hippocratem* proximè accesserunt, qui licet diffiti adhuc ab illâ ipsius simplicitate sincerâ, aut sinceritate simplici, in medendo, in scribendo, in enarrandóve, hanc in curando saltem invenerunt philosophandi rationem, quæ genuinam *Hippocratis* medicinam, quæ simplices illius curandi vias, quæve sinceras illius indicationes, revocet, instauret & restituat.

Reverâ optabilius fuisset fa-

*PROLOQUIUM. xlv*

cunda inter mutæ artis silentia, naturam in suâ majestate observando contemplari, tacitôque mentis intuitu intellecta illius narrare consilia, ne ornata verbis adulterarentur: medicum enim naturæ actuarium putes, qui gesta illius describat, qui gressus, qui calles, qui tramites, qui vestigia notet, de suo addendo nihil præter fidem & veritatem, loqui dediscens ut agere discat; adeò ut historiæ scriptoris instar, interpretando nihil, annales ac monimenta ordinet, verba non effutiat aut interpretamenta. Exemplaris enim aut speculi loco habebit naturam, facta cujus factis magis & operibus reddere curabit quàm sermonibus, quibus interpretata curiosius natura, sæpè minuitur. Absit enim ignaros naturæ speculatores commendatos hîc velimus; quàm enim altè se condunt operum illius arcanae rationes, tam apertè



xlvi PROLOQUIUM.

se produnt imitanda illius opera ,  
quantùmque jubent illæ silentii ,  
tantùm hæc suadent laboris. In-  
terim utilitatis non minùs & no-  
minis afferrent hanc ad mentem  
descripta volumina , spondente  
quam sibi fecerunt *Hippocratis*  
libri celebritate , tùm & postero-  
rum , qui dogmatum illius & ob-  
servandi ritùs assertores se præsti-  
terunt , nominibus , scripta quo-  
rum fama durat , pessumdatis in-  
tereà mille millium opellis , qui-  
bus *Hippocratis* philosophiam sug-  
gillare tentaverant aut despicere.  
Similem expectabis sortem auda-  
culis illis homuncionibus , qui scho-  
larum pulvere sordidi adhuc , ju-  
venili petulantia & imperitis ser-  
monibus naturæ exprobrando in-  
sultant. Eia ( non secùs ac *cornix*  
*aquilam provocaret* ) exprobrando ,  
inquiunt , tandem se monstret de-  
cantata tantùm , quæsitæ tandiù ,  
incognita adhuc illa natura. Hæc

PROLOQUIUM. *xlviij*

se det æquiparandam cum *fermentis* & *fermentationibus*, famosis illis recentioris medicinæ numinibus; quantum habet illa vanitatis & mendacii, tantum hæc prodeunt veritatis & pretii: dum nullibi est isthæc naturæ chimæra, adsunt ubiquè omnipotentia *fermentorum* entia; ubivis præest non obscura *fermentatio*, tam commoda iis à quibus colitur, tam aptè serviens eorum votis & obnoxia, ut ex iis discipulos minùs quàm procos sibi faciat, imitatores minùs sibi devinciat quàm amasios, dignissima tandem (eorum palato) quæ sit illis vice magistræ, aut domicellæ loco. Sic est, ludibris phantasie delusi, in scenam vertunt, jocosèque habent artem omnium maxime feriam, hominùmque vitas ridiculè tractant. Mimographos garrire putares, *fermentationes* debellandas ubique videre sibi videntes, quò suos frequentent trium-

xlviij PROLOQUIUM.

phos; similes scurræ \* illi urbano sale noto, qui in obviis quibuscunque moletrinis ponebat sibi expugnandos gigantes; proh Deus, quos, heu infelix nimiùm *fermentatio*, formas discipulos! quos medicos paras!

Has peperit insanias systematum furor, quo ferventibus animis, systematis indulgendum fuit, ne pejora audiret natura; jam enim motibus illius despiciatui habitis, *fermentationum* potentias substituere cœptum erat. Igitur garrulâ factâ quæ muta nata fuerat medicinâ, systematis indiga facta fuit, quibus obsistere diutiùs cum negabatur, nùm tolerabilius ei veniebat, quàm quod ipsi referebat naturam & repræsentabat? Tale autem est *solidorum*, quod idem est ac *tritûs* & *æquilibrii* dogma, vestigium nempè *ordinis* illius, digito creatoris operibus suis insculpti.

\* Dom Guichotte.

Motus



PROLOQUIUM. *xlix*

Motus est in humano corpore iustus adeò , tandiù constans, quandiù duratura, undè dependet, partium symmetria, proportio, æqualitas, *solidorum cum fluidis concors & mutuus consensus*, placidum utrorúmque *æquilibrium*. *Horologii* enim naturam intelligis? Qui tensus est *elater*, actuat sic, informat aut animat singulos illius orbes ac machinulas, ut hæc æquabiliter in menses circumagat aut hebdomadas? Corporis humani naturam habes, quæ nihil est aliud quàm stabilitus à Deo partium *elater*, nitens in annos, à quo evibratæ *potentiæ*, sanguinem circumpellunt, quámque à creatore vibrationem acceperunt retinent, usque dùm detritis partibus, cadentibúisque harum *proportione*, consonantiâ, atque consensu, *æquilibrium* pereat; ut enim labante aut titubante *æquilibrio*, morbi contingunt, pessundato, mors

## I PROLOQUIUM.

consequitur. Sic definiendo naturam à calumniis vindicabis, quibus illam ut inanem derident; sic enim tam certa erit, quàm confessà numinis omnipotentia in condendâ rerum universitate, firmandisq; hujus legibus, quibus cùm satisfuerit unico verbo creante expressa Dei voluntas, his conservandis sufficit ex hoc eodem verbo manans, perseveransque creatoris intentio. Quò loci observari convenit, quàm digna sit, quàm nobilis medici institutio, quâ voluntatum creatoris suis in operibus imitator est aut custos. Quàm aliundè spectabilis, quàm antiqua medicina, quàm verè ab *altissimo* creata, utpotè quæ ipsi mundo concreata fuerit, digitóque Dei suis in operibus, exarata; in ipsis nempè motuum illorum legibus, iis, inquam, ipsissimis, quæ medendi arti imitandæ veniunt, sic ut princeps medici

## PROLOQUIUM. ij

laus sit, quòd illum in regendo microcosmo administrum posuerit rerum conditor. Undè liquet, quantæ molis erat & necessitatis, *solidorum* nobile systema usurpare, in exponendis *purgationum* operationibus; hæ enim dogmate fallaci *fluidorum* obscuratæ, altero indigebant, quod ex ipso naturæ gremio nasceretur, ut naturæ scopo & intentionibus in purgando restituendis serviret nobiliùs, meliùs & commodiùs.

Appositè, ex artis nempè & naturæ ingenio, à majoribus traditæ fuerant *purgandi* leges, quas ex eorum operibus, non secùs ac inconcussa *theoremata*, exscribere satis fuisset, si simplicitati suæ superstites, non *systematum* fuco, non peregrinis opinionum coloribus, non deviantibus interpretationum cuniculis adulteratæ fuissent. Ast illas impuritatum notionibus sordidatas repurgare, fumorum chy-



lij PROLOQUIUM.

micorum nigrore obsitas abstergere, *tartarorum* denique & crassaminum pinguibus ideis offusas emundare opus erat, quod beneficii expectare decebat ab eo *systemate* quod è sinu naturæ profectum, naturæ nitori famulabatur.

Cæterùm, id consilii temerè hîc susceptum nemo facile putaverit, penès quem fuerit rerum artis, purgationis præsertim historiæ cognitio. A pluribus retrò sæculis adhæc usque nostra tempora, medicos inter nobiliores non paucos numerare est, qui labantes purgationis leges animadvertendo, identidem reclamarunt. Ex his sunt *Martianus, Fuchsius, Vallesius, Sylvaticus, Septalius, Ballonius, Hollerius, Duretus, Helmontius, Poterius, Stisserus, Konig, Thomson, Cnoëfelius, Kergerus, Garmers in Rubei* exercitationes, *Heurnius, Waldsmidius, Sydenhamius, Mortonus, Baglivius* singu-

PROLOQUIUM. liij

lares autem hîc sunt *Heinsius* suo tractatu doctissimo de *purgantium abusu*; tùm *Pancratius Bruno* libro de remoris & impedimentis purgationis. Quibus addideris *Stalb* differrationes multiplices, eò, ut videtur, collimantes, ut ostendant, quàm aut noxiæ esse possint aut inutiles purgationes. Sub densâ hâc tutorum nube improtectum hoc opus nemini certè videbitur, si materiem aut institutum spectes, secùs autem si instituti rationem. Ecce, inquit, mutanda iterùm venit tota medicinæ facies; relinquenda erunt *subtilis materiæ, atomorum, configurationum* amabilia nomina? Obliteranda *acidorum, alcalium, fermentorum, fermentationum, explosionum* memoria? *Humoribus, sordium saburris, excrementorum acervis, seri colluvionibus* dicendum vale? De *solidis, fluidis, æquilibriis, systole, spasmo, triturâ* unicè imposterùm sermo erit,

utpotè quibus unis habebitur honos?

In causâ est facta primùm systematis indulgentia; quandiù *Hippocratis* philosophiæ, veterumque patrum decretis fides servata fuit & reverentia, medicorum *populus erat labii unius & sermonum eorundem*, at ex quo nomen suum medici celebrare voluerunt in fingendâ sublimiori philosophiâ, ut primævi homines in faciendâ turre *Babylonica*, confusa sic *lingua eorum est, ut non audiat unusquisque vocem proximi sui*. Intereâ cùm *lateres* seu *fictilia principia fecerant*, quos coxerant *chymicorum igne*, lateres tantùm seu fragiles materiaturas recentiorum, pro *saxis* seu solidis veterum observationibus habuerunt; porrò fundatam domum non *suprà petram*, sed *suprà arenam*, quid aliud quàm *ruina magna* manebat? Itaque ut sua medicinæ rediret firmitas ad illud *systema* revocanda fuit,



## PROLOQUIUM. lv

quod naturæ fultum basibus, naturam medentium manibus tractandam porrigeret. Id autem prærogativæ à *solidorum* seu *tritûs systemate* expectandum est, utpotè cum fultura illius sit ipsissima, non ficta, non supposita, non interpretata, sed enarrata simpliciter, corporis œconomia.

Neque audiendi, qui sordium faburras eripi sibi indignè conquererentur; felicitatis enim summa fuerit ab his sordidatis notionibus artem nobilissimam emundare; ast id nitoris fecisse sibi medicinam adhuc inconcessum; solâ obtinebit *solidorum systematis* operâ, ut excrementorum, impuritatum, purgaminum ideæ castigantur.

Neque clamitabunt, ex omnibus medicinæ auxiliis præcipuum, *purgationem* nempè, rescissum iri. Reverâ, si humorum acervis unicè deberetur id præsidii genus, tam rara evasura esset, quàm for-

lvj PROLOQUIUM.

dium, quæ non comparent, densa  
faburra. At ut crebriores sunt ac  
compertæ magis *fluidorum stagna-  
tiones*, quæ solvendæ; ut frequen-  
tissimi *solidorum spasmi*, *crispatu-  
ræ*, *stimulationes* qui frangendi,  
ut omnium morborum causæ sunt  
deviationes succorum, horumque  
dejectæ *directiones*, *determinationes*,  
impetus, frequentissima se dabit  
purgandi occasio, quæ *stimulatio-  
nes* humorum impetui oppositas  
excitando, morbidas determina-  
tiones mutabit.

Omnem ergò locum usurpa-  
bunt *solidorum* affectiones, inordi-  
nationes, habitudines? Nec im-  
meritò; nùm enim alicundè ex-  
pectandum venit fidei plus, plús-  
ve constantiæ? Id præstantiæ con-  
tingit *solidorum systemati*, ubi fic-  
tum nihil, indulgeri nihil sibi po-  
stulat, aut suppositum; ubi quibus  
fulcitur confessa sunt; nam quod  
*solida* existant, quod dentur *fluida*

## PROLOQUIUM. *lvij*

compertum habetur; *systole*, *elateres*, *contractilitates*, *crispaturæ* palàm sunt; *solidorum* cum *fluidis* luctas, *nisus*, *potentias*, *rythmos*, *pulsus* demonstrat; *occillationes* prodit obvia partium *peristole*; hæc cum *acidis*, *alcalibus*, de quibus (an sanguini inexistant.) adhuc sub iudice lis est, comparata, ea superant tantùm, quantùm *vi-burna cupressi*. Quantùm enim *acida* habent figmenti, tantùm hæc omnia rei obtinent.

Cæterùm sic abundè purgabitur *solidorum systema* à novationis labe, quâ mutandam venire ab illo totam medicinæ faciem prætendunt. Non vocum, non verborum, non terminorum scientia est medicina, sed idearum, sed notionum, sed conceptuum; ita ut eadem futura fuerit, suique similima, quantumvis alia verba usurpet, modò conceptuum eorundem tenax fuerit; meliùs operandi ars



lvij PROLOQUIUM.

est non eloquendi, undè vocem mutando eadem superest, si manum aut opera non mutet. Id ænigmatis revelat medendi scientiæ conditio; excelsum quid aut sublime est, quod concipiendo assequi paucis datur, eloquendo paucioribus; adeò ut de medicinâ fortassis sentiant digniùs qui de eâ balbutire tantùm videntur. quòd conceptuum gravitate præoccupati, verbis imparibus aut ineptis reddere nequeant grandiora quæ concipiunt. Quo sensu sermonibus, non operibus imperiti videbuntur veteres artis magistri. Ut ut sit, quibuscumque vocibus exponatur medicina aut enuncietur, non dispar erit, sic easdem & longo usu confirmatas medendi ideas voces illæ interpretentur. At sic habet *solidorum systema*, ejus enim sortis est, ut oblitteratas, obscuratas saltem medentis naturæ rationes atque conceptus referat in lucem aut

revocet. Inconditarum enim ac sine ordine tumultuantium turbarum loco, quas suis in *fermentationibus* medenti sedandas, comprimendas, *concentrandasve* objiciebat medicina recens, harmoniam, concentum & symmetriam sufficiens *solidorum systema*, naturæ motuum rythmos, æquabilitatem & consonantias repræsentat, adeò ut fermè mederi in numerum edoceret.

At quò tandem exuberans jam nimium ac rescindi dignus librorum numerus, super quo jamdudum nauseat, ructatve medicina? Quo auctuarii genere adhuc indigere potest, *Willisiorum*, *Sylviorum*, *Dolæorum*, *Etmüllerorum* copiosis æquè ac eruditis voluminibus abundè locupletata? Nunquid alicundè sanioris medicinæ legum copia uberior venire poterit, quàm ex *Willisii* libris? Nùm artis felicitas major expectabitur, quàm ex

*Sylvii* operibus, qui dùm viveret coætaneorum medicorum felicissimus perhibebatur? Si palatum urit *systematum* prurigo, *systematum* pelagus offerunt *Dolæi* libri. Remediorum, observationum, indicationum, curationum, curandique axiomatum vis maxima te juvat? Præsto erit *Ettmulleri* summa medicinæ tam dives & farta, ut medicinæ universitatem verè nuncupaveris.

Certè, quot & quanta his medicinæ recentis antistibus accepta referenda sint, nemo sanæ mentis est qui non intelligat. A nobis igitur abest quàm longissimè ingrati facinoris consilium, tam nobilis notæ medicorum famæ detrectandi. Imò in eâ versamur opinione, tam capacibus ingeniis opus fuisse, ut tot bonis cumularetur medicina. At si ex *fructibus* ut arbor, sic progressus cognoscitur (absit invidia verbo) non adeò patet, tan-



tis laboribus æquari praxeos medicæ progressum.

Quod ad *Vvillifium* attinet, ut ut æternùm venerandus, hoc titulo carpendus est, quòd quam affulgentem sibi veritatis lucem toto orbi conspiciendam primus protulit, abjecerit primus, posterisque abjiciendam innuerit, superantem sub morbis *solidorum* potentiam in eximio suo de *convulsivis morbis* tractatu edocendo, dedocuit in altero de *febris*, ubi *fluidorum* energiis seu *fermentationibus* morborum causas attribuit. Subolfecit igitur (quod *solidorum systemati* honori est) *solidorum potentias*, quibus si morborum aptavisset *ætiologias & curationes*, quantum decoris & ornamenti theoriæ medicinali apportavit, tantum (& ampliùs) emolumenti praxi contulisset. Imò tam præclaro illius patrocínio, *fermentationis* doctrina superbiens; stupendum! quan-

*lxiij*    *PROLOQUIUM.*

tum invenerit fidem, quàmque nobile sibi fecerit nomen. Fecit enim authoris celebritas, adjuvante dogmatis commoditate, ut partis loco quam *fermentationi* obtinuerat *Willisius*, dominium illi concesserint *fermentationis* zelatores.

Quod apud *Anglos Vvillisius*, hoc ipsum apud *Batavos* fuit *Sylvius de le Boe* recentis medicinæ jubar alterum; impari ut videretur exitu; interim licet pauciores nomine visi sint *Sylvii* sectatores, reipsâ numero plures fuere. Bilis *alkali*, & pancreatici succi *acido*, generosis illis *effervescentiæ* pugilibus, complexus est *Sylvius* totam sui systematis œconomiam; quod *Systematis Vvillisiani* compendio laborare erat, nec ingrato posteris labore; hi enim missâ, quam innuerat *Vvillisius*, *solidorum* ratione, solam quæ ut compendiosior sic facinor est, *fluidorum* do-

PROLOQUIUM. *Lxiiij*

Strinam ambabus ulnis amplexi  
sunt. Exinde ad *acidum* & *alkali*  
tota se convertit medicina; ita ut  
quidquid calamitatis & mendacii  
natum est ex pauperculo *fermen-*  
*tationis* systemate (fateri piget)  
systematis *Sylviani* culpâ factum  
videatur. Hâc eâdem contigit cul-  
pâ, ut deinceps de *acidorum* luctis  
& internecone mentio unicè fa-  
cta sit inter medicos, quod debel-  
landi genus, cùm ad *fluida* perti-  
neat, de *fluidis* unica cura fuit &  
solicitudine. *Sylvium* igitur infestaf-  
se potiùs quàm auxisse medicinam  
concludes? Absit; fecerat medi-  
cinæ natum *Sylvii* ingenium, ut  
vel omisâ *solidorum* mentione, *so-*  
*lidorum* curam edoceret, non ver-  
bo quidem, sed exemplo, adeò ut  
quam assecutus fuerat *Sylvius* in  
medendo felicitatem & industriam  
didicissent *Sylviani*, seu *acidorum*  
tutores, si quâ fide *Sylvianum* do-  
gma, eâdem *Sylvii* mentem & me-



*lxiv*      *PROLOQURUM.*

thodum tenuissent. Hâc autem de causâ faustam ac celebrem fuisse *Sylvii* praxin, observaverunt artis peritiores; *purgantium* parcus erat, sed *opii* & *acidorum* amans; quem in finem hînc intelliges. *Purgationibus* non indulgendo, *solidorum* stimulationibus, *crispaturis*, *ataxiis* parcebat; his iisdem, *acida* adhibendo & *opiata*, præibat, quod *solidorum* curæ vacare erat & prospicere.

*Spiritus*, *salēsque volatiles*, quos frequens usurpat, vel cibatu admiscendo cicurat, ut *medicamenti* in *alimento* vices gerant; vel *oleosis* & *pinguibus* concorporando coercet & attemperat, undè exurgit nobilis ac celebratus per orbem *spiritus volatilis oleosus Sylvii*. Undè inferet æquus *Sylviani systematis* æstimator, totum illud occupari aut in mulcendis, blandiendis, placandisve, aut in prævertendis *solidorum spasms*,

*crispaturis & irritationibus.*

*Solidorum* curæ mentem adhibuissent attentio-rem, *Vvillisiani* & *Sylviani systematum* sectatores, si circa anatomiam similem, atque illi celebres medici, sollicitudinem impendissent, ut ad partium structuram modularentur morborum ætiologias & curationes. Huic studio non defuisse *Sylvium* recognoscent ii quibuscum familiaris & consuetus fuerit celeberrimi illius *præctici* voluminum usus; at cuilibet obvia hîc est *Vvillisii* sedulitas, qui morbis omnibus quos describere aggreditur, partium affectarum aut afficiendarum *anatomicâ* descriptione præludit. Porro si *solidorum* affectionum curaciores facti nuperi sæculi medentes, illorum *coryphæorum* artis exemplo, chymix non unicè mancipati, anatomiam suæ medendi arti præire iussissent, *solidorum elateres* & *potentias* præ *fluidorum* viribus longè

*lxvj*      *PROLOQUIUM.*

superiores intuendo, quam commodarunt *fluidis* fidem, *solidis* certè dedissent.

Interea non dissimulandum decipulae illis ex parte fuisse ipsummet anatomes studium, cui cum laus maxima fuerat *glandulas* alicubi detexisse, corporis universitatem *glandulas* esse in confesso fuerat. Illas autem pro humorum reconditoriis & incerniculis habere, in his erat *fermentorum* nidulina designare. At ecce à quilibet & erroribus ejusmodi hodie repurgatam *anatomen*, & ad purum excoctam manibus eruditis & industriâ mirabili tradit celeberrimus D. *Ruisch*, vir candoris amans, recti tenax verique cultor, quo duce & auspice, ab anatomicorum figmentis resipiscere datur. Novo hujus anatomici oculatissimi & industrio liquorum singularium injectu, revelata sunt admissa hactenus circa *glandulas* errata, huic-



*PROLOQUIUM. lxvij*

que debetur sincera *glandularum* cognitio. Hoc authore canaliculorum glomeramina sunt, involucri communi aut tunicâ non involuta; neque cavum, neque cloacam, aut reconditorium sui centro efformantia, sed quæ in lacinias aut extremitates succosas, bibulâsque aut spongiosas desinunt: succos ergò sanguini continuos, intrâ canaliculorum suorum orbes volvendo, intrâ succosas extremitates sorbent atque diffundunt, tandem & forâs eructant. Quod ergò secernendis intrâ sinûs sui cavum succorum moleculis, iisque in *fermenta exaltandis* aut evehendis inserviant cogitare, in anatomicis rebus delirare est. Itaque à glandularum erroribus liberâ anatome, dirutis ad planum *fermentorum* sedibus, ab illorum fabulis tuta facta est medicina; spēsque fit non dubia, fore ut *fluidorum* systemati favere cesset facta castigatior *anatome*.

*lxvii*      *PROLOQUIUM.*

Neque invidemus gloriæ spectatissimi *systematum* collectoris D. *Dolæi*, cujus, quo magis comperta fuit in enarrandis, evolvendis & exponendis celebrioribus *systematis* industria, eò incerta magis aut dubia facta est *systematum* utilitas. Enim verò quasi de illarum rerum numero essent, quæ luci manifestatæ vilescunt, in vulgi conspectum venire descriptis accuratè *systematis* satis fuit, ut despiciatui haberentur. Stupendum enim quâ fieri potuerit, ut ferventibus adhuc *systematum* studiis & amoribus, evulgata cum laude *systematum* collectio, ambabûsque omnium ulnis avidè excepta, statim emergens illicò habita neglectui conciderit: at mirari defines, observando perplura excogitata ingeniosè ab authoribus illuc congeri, perpauca reperiri ab iis usu exercendo comprobata. Sic autem est mendantium ingenium, ut ut jucundis recreari gestiât, utilibus præoptat

erudiri. Itaque si judicium quo va-  
 et clarissimus *Dolæus*, quódque in  
 colligendis medicinæ amœnitati-  
 bus, systematúmque flosculis ad-  
 hibuit, in coacervandis, adunan-  
 dis, provehendisque fructibus ar-  
 tis, aut operibus impendisset, quem  
*Willisio* & *Sylvio* honorem servat  
 medica gens & reverentiam, si-  
 nilem *Dolæo* concessisset. Interim  
 neque laude fraudandum clarissi-  
 mi *Dolæi* collectitium opus, quan-  
 tumlibet enim suis *theoriis* & spe-  
 culationibus perplaceat, moni-  
 mentum erit ære perennius pro-  
 vehendæ medicinæ impares esse  
 phantasiæ labores, cùm tot non  
 conjucundè excogitata *systemata*,  
 tantâque cum laude, à laudatissi-  
 mo viro enarrata practicis viluisse  
 recognoscetur.

Atqui observationum *practica-*  
*rum* collectorem se præstitit apud  
 germanos recentis medicinæ de-  
 cus *D. Ettmullerus*, in immenso



illius opere, quod ut nobis, sic & posteris eruditionis erit prodigiosa monumentum. Totius artis promptuarium facile nec immerito nuncupabitur, in quo quidquid comptioris & jucundioris habet theoria recens, quidquid optimi peperit cujuslibet ætatis medicina, nuperæ simul & veteris scholæ, *chymicæ* aut *Galenicæ* factionis, id omne collegit. Posthac cujus futuri erunt usus commodi aut utilitatis medicinales libri? Nunquid non *eandem crambem* non bis sed milliès recoquere erit.

Equidem, ita res erit, si de adjuvandâ tantùm, refricandâque artis magistro memoriâ quæstio fuerit, cui penario ejusmodi opus sit, undè collecta sibi depromeret, suoque aptet usui. Undè *Ettmullerianum* opus scrutario aut apothecæ locupletissimæ comparabis, ubi multigenæ mercimonix coacervatæ sunt, sùs deque confertæ, undè

vetera & nova, ex hisque optabiora feligi licet. At selectus ille, opus & labor est, concedendus paucis, paucioribus concessus. Imò id operis illaqueandis decipiendis-que novitiis fortè serviet, quibus minùs opus est libris, qui observationes congerant, quam qui eligendi doceant aut observandi artem. Verbo, quantum commodi inde nascitur ei, cujus uni memoriæ serviendum est, tantum alteri afferet difficultatis aut periculi, cujus instituendum, formandum aut dirigendum erit judicium. Enimvero, quid agendum sit in morbis novisse pro minimo erit, nisi opportunitatem agendi, locum & circumstantias fuerit assecutus, quibus sigillatim enarrandis cum defuerit sæpissimè *Ettmullerus*, ei tantum fuerit accommodus quem usus formaverit, quive legitimam medendi methodo præmunitus, ex *Ettmulleriano* opere seligere no-

*lxxij PROLOQUIUM.*

verit & excerpere, quæ datis morborum occasionibus aptanda venient.

Attamen non prætereundum, quod *Ettmulleri* non infima laus est quod non pauca occurrant in illius operibus, quæ optimæ methodo medendi præludebant, quæve eam spondebant, si tantum virum præmatura mors non invidisset. At isthæc methodi semina, iis continentur illius libris, quos legere juvat paucissimos, licet eos legisse omnibus profuisset. Vitium enim eorum est non paucorum qui ad medicinam se accingunt, ut ex authorum libris eos legere præoptent, qui *praxeos* nomine designantur, iis supinè habitis qui *praxeos* titulis destituti, *praxeos* regulas edocerent. Ejus sunt sortis apud *Ettmullerum* dissertationes de *absorbentium abusu*, de *opii vi diaphoreticâ*; quod *parva sunt magnorum morborum principia*; quibus si adjunxeris

*com-*



PROLOQUIUM. lxxiij

*commentarios illius in pharmaciam Ludovicinianam*, ea habueris quæ methodo medendi utiliora protulit recentiorum medicina. Aliundè, ne recentem medicinam suâ laude defraudasse videamur, comites dabimus *Ettmullerianis* istis utilioris notæ dissertationibus *Wedelii* amœnitates *materiæ medicæ*, in quibus plures quàm in alio quovis opere recentiorum, *praxeos* cautiones describuntur, sed *de tramite in viam*.

Equidem tam vera sunt quàm utilia ea omnia, quæ medicinæ bono contulit medicina recens; at singula (absit verbo injuria) *chymiam* paulò nimium sapiunt, quam ad *praxim* medicinæ adhibere, quodolo, quâ fraude aut quibus insidiis, aperiunt *Hoffmannus* lib. de *fero usu & vero abusu medicamentorum chymicorum*; *Billichius* pluribus in libris; *Boylæus* de *insufficiencia acidi & alcali*; *Baglivius*; de

*lxxiv PROLOQUIUM.*

*Moor ; Stahl*, cæterique omnes, palato quorum sapuit *solidorum* doctrina. Insuper, quidquid stabiliunt boni illi omnes melioris notæ recentis medicinæ antistites, id omne *fluidorum* basi fulciunt; *saporibus* nimirum, *salibus*, *fermentationibus* & liquorum energiis; quæ omnia, laudata hætenus, nequæ offensa, etiamsi monstrarentur, ad *fluida* pertinent, in eo proinde suspiciosa futura semper, tantoque invalidiora, quanto *fluida solidis* invalidiora sunt. Itaque *systemate* opuserat, quod *solidis solidorum* fultum principiis solidandæ recentis medicinæ *praxi* proficeret, cujusmodi cum sit illud quod hîc offerimus opusculum, appendicis aut superpondii titulo gratiam merebitur aut indulgentiam.

Tesseram aut litteras commendatitias quibus fidem, quâ ceciderant huc usque *systemata*, apud posteros nostrum inveniat, indè

auguraberis; expressa imago naturæ est, cujus organa, mores, leges, motus mutuatur & repræsentat. Itaque cùm naturæ interpretem assiduum se præstiterit *Hippocrates*, suâ cum posterorum scholâ; cùmque tot exantlando labores recentis medicinæ magistri, eandem ipsam revelandam susceperint, credere in proclivi est, *solidorum systemati* assensuros esse omnes veteris & novæ medicinæ patres si reviviscerent; tantùm indignarentur recentis medicinæ heroës, quòd in sublimiora naturæ arcana immersi, omiserint apprehendere ea quæ obvia sunt in naturali corporis œconomiâ, & *mechanismum*, undè spontè manabat quod hîc se prodit *solidorum systema*; at eorum pœna est, qui solem intueri audaciùs ausi sunt, cæcutire. Istiusmodi audentiæ fors est in medicinâ potissimùm, ubi veritatem propiùs intueri negatur, datur



*lxxvj PROLOQUIUM.*

odorari. Quod enim de mundo, id ipsum de corpore humano, quod mundi summa est aut compendium, dictum puta, *tradidit Deus disputationi*. Veri enim imagines intueri medico satis est, essentias assequi supervacaneum; has quantumvis scrutetur, attinget nunquam, neque injuriâ, tractandis enim rerum essentiis instituta non fuit medicina, sed veri speciebus apprehendendis; non detegendis veris rerum causis, sed intelligendis iis ex veris illarum effectibus. In essentias evagando, antea cta systemata corruerunt, dùm ex genuinis naturæ effectibus, ex eorum simplicitate, constantiâ, ordine, legibus erutum *solidorum systema* solidabitur. Veritatem enim ex naturæ moribus exprimere laborat, apprehendendo naturæ veritatem, essentiam naturæ non comprehendendo, æmulando naturam, non pervidendo. Hinc

*PROLOQUIUM. lxxvij*

illius systematis tutamen ac durabilitas, nasci enim ex veris naturæ effectibus, è gremio naturæ oriri est, quæ cum vera sit, veri *systema* manebit, aut verum inquirendæ veritatis instrumentum.

Tanta est gravitas hujus instituti: Tolerandi eâ de causâ quòd illius artis adjuvandæ gratiâ susceptum sit, quæ hominum sanitati adjuvandæ debetur. Si consilii hujus momento paria opponantur rationum pondera, spes erit fore ut amicabili animorum collisione, expolita magis niteat veritas. At, quod arti provehendæ adversatur, quasi senescendo repuerasceret medicina, quæ seniorum sapientiâ protegi vellet aut illustrari, juniorum præoccupatur manibus, qui ætatis ignes & impetus, peritiæ & consiliorum loco sufficientes, audaculè scriptitant in dies, vel ut crudiora studia in vulgus proferant, vel ut quæ ab aliis me-

*lxxviiij PROLOQUIUM.*

ditata sunt & exercita usu, vellent & cavillentur. Artis velites cogites, aut levioris armaturæ pugiles cum obvio quolibet prolu-dium ambientes, quibuscum con-fligere, ut lectorum, sic authorum otio abuti fuerit: dignæ enim ta-lium scriptiunculæ, quæ alto silen-tio sepultæ teneantur, usque dùm melioribus studiis tacitè informati, aut pleniori reformati usu, ea pro-dant quæ exercendo didicerint, aut experiundo.

Altera est litterarum scabies, di-cacitas eorum quos aut agit ma-lè loquendi libido, aut quos urit vermis ille qui non moritur, invi-diæ vermiculus, qui linguis refe-runt famosos veteris ævi sannio-nes, *Palæmones*, *Biones*, *Zoilos*, *Homeromastiges* quemlibet suggil-lare prurientes. Musarum pæda-gogos crederes, tam sævum in lit-teras ambiunt magisterium! In authores ferulam heriliter exer-



*PROLOQUIUM. lxxix*

centes, scripta quorum aut arcani  
livoris aspergine maculant, aut cen-  
soriâ virgulâ corrumpunt. Isthæc  
audent malè memores quale oporteat  
esse censoris ingenium, quale  
jus, quæ prærogativa; quàm ac-  
curatum, quàm immensum, quàm  
universale deceat esse, quâ imbua-  
tur, doctrinæ promptuarium. Om-  
niscium enim esse futurum censo-  
rem intelligere est, ex incredibili  
eruditione, quâ referta conspici-  
tur *Photi* bibliotheca, si quosvis,  
aut de *omni scibili* libros judican-  
dos suscepit. Re verâ de medi-  
cinalibus libris paulò secùs est,  
nec enim tam longè, nec tam  
latè se diffundit verum me-  
dicinæ censoris officium; interim  
quantumvis illius gratiâ minuatur  
censorii muneris pondus, in hunc  
cadit ut & in cæteros iudicii diffi-  
cultas isthæc, mentisque hæsitantia;  
scilicet ut ut eruditus ille  
fuerit, recens & novitiûs est illius  
operis respectu, quod in lucem

lxxx PROLOQUIUM.

venit, maximè si inauditi tituli sit, novam vel novâ ratione materiem tractando. Enimverò cùm author evulgat ea quæ sola per annos meditando recoxerit, censore suo paratior ad illa reputabitur, utpotè cùm censorem corripiat circa alia occupatum. Adde tale futurum libri objectum quod hætenus intentatum fuerit, palàm est censori definiendum illud venire, quod ipsi non minùs quàm lectoribus novum est & incognitum. Sola hæc, quæ æquitatis est & prudentiæ, ratio par fuerit frænandæ censoris ardentia. At huic observationi comitem se dat hæc altera, quæ ut decet expensa, censoris petulantiam continebit.

Censoris munus, aut judicium est, aut *analytica* expositio; si prius, quàm altâ sapientiâ; si posterius, quanto usu, quàm promptâ & facili experienciâ censori opus erit! alterutrum suscipiet homo de juvenum grege aut novitiorum?

PROLOQUIUM. lxxxj

Nûm alicundè veniet allucinatio-  
num, errorum, deceptionum vis  
major aut uberior scaturigo?

At in artium nullam cadit ma-  
gis quàm in medicinam, ætatis,  
usûs, aut experientiæ considera-  
tio, in quâ *difficile judicium est*,  
ideò quòd *occasio*, quâ hæc ars  
tota constat, labilis sit & *præceps*.  
Igitur medicinæ rerum censorem  
admittere, nedùm maturum an-  
nis, vel immaturum usu, imperiti  
judicis & novitii decretis annuere  
est aut fidem dare. Aliundè caven-  
dum à juvenili ingenio: sui impo-  
tens non rarò, cordis magis pro-  
dit quàm animi sensus; cùmque  
præcipitem juventuti assidere con-  
fidentiam non infrequens sit, me-  
tus erit ne suis mancipata opinio-  
nibus, mendacii arguere in pro-  
clivi habeat, quæ dissentire ab iis  
videbuntur; hocque occæcata  
præjudicio, quæ tanquàm rationi  
& experientiæ contraria sparget



lxxxij PROLOQUIUM.

in vulgus authoris opera, suggillata  
ideò comperientur, quòd opina-  
mentis illius adversabantur. Tam  
castam, tam liquidam, aut omni  
affectione malâ vacuam mentem  
iis adesse convenit, quibus trac-  
tanda erunt artis criticæ jura! Sic  
ut nullis optabilius magis sit quàm  
censoribus *apathia* bonum.

Cæterùm *extrà oleas*, ut aiunt,  
hæc omnia projecta esse, aut ultrà  
hujus instituti lineas, nemo repu-  
tabit, qui ad hujus opusculi men-  
tem & materiem attendet. De *pur-*  
*gatione* ( ætatis hujus deliciolo )  
agendum suscipit, de quâ actum  
esse clamitabunt, si huic disserta-  
tioni indulgebatur. Ideoque ma-  
gistrum artis judicium interpel-  
landi consilium est, ab illorum  
tribunali declinando, qui medi-  
cinæ operum ex speculationibus  
tantùm eruditi, ea carpere aggre-  
derentur quæ docuit rerum usus,  
firmavitque naturæ meditatio. Ne-

*PROLOQUIUM. lxxxiiij*

que temeraria aut insana videbitur hæc opinio aut præsumpta; licet enim soli provectæ ætatis titulo, usûs aut experientiæ nomen vulgò concedatur, indulgebatur quoquè nec immeritò iis operibus, quæ assiduus nec interruptus per plura annorum lustra pepererit usus. Ut enim non diù esse, diù vivere est; longum è contrà vixerit, cui paucorum annorum perierit nihil, quod virtuti non fuerit impensum; in arte medendi consenuisse dixeris, qui quam à puero suscepit excoluit tam assiduus, ut in eâ solâ omnes animi nervos intenderit, & eò solùm contulerit curas omnes atque labores.

Aliundè usûs nomine dignabitur id omne quod ab antiquo verum est, quod cùm iis operibus contingat, quæ naturæ rerum vetustissimæ consonant, ut recognoscas nùm res aliqua antiquitati

d vj

*lxxxiv PROLOQUIUM.*

æquiparanda sit, perpendendum habes, an naturæ legibus par sit & ingenio. Undè eam tenebis legem quæ arti criticæ semper præfuerit, rerum judicare naturas non accidentia rerum. Igitur opus medicinale judicandum suscipis? Incompti sermonis, mendosi, inconditæ tibi videbitur? Authoris non operis culpæ dabis, si dùm inconcinnâ oratione politioris literaturæ leporibus deest, medicatricis naturæ legibus reddendis abundè sufficit; grammaticæ elegantis destituitur, hinc voculas, contextum, barbariem elevas? Pædagium exercere est, non judicium; præterquamquod enim regiones sunt, cæque non paucæ, undè prodeunt in dies medicinales libri, stylo quorum parcendo, dogmatis & doctrinæ plauditur; inconcinnè loquendo, utiliter cogitare nihil vetat. Cæterùm quod de styli, idipsum de quovis alio vi-



*PROLOQUIUM. lxxxv*

tio putabis; cuivis indulgere, prodesse fuerit, si aliundè sit operis, quod medendi errores declinare docuerit aut emendare. Huic bono ne moræ sis aut impedimento, mentem & editi libri conditionem internosces. Editor erit ætate recens, aut in artem recenter inductus, quem juvenem virum studia aliena distraxerunt, quem juvenem medicum ad scribendum accenderit famæ aut lucelli cupido? Hunc habebis suarum magis studio quàm rerum medicinæ caput. Fuerit alter à puero medicinæ innutritus & familiaris, cuius affecla factus individuus, legibus, præceptis, & operibus illius imbibendis studuerit? Talem artis non famæ, non fortunarum avidum cogitabis. Hanc de illo mentem firmabit dogmatum & principiorum operis illius prodeuntis exploratio. Non placentia sunt quæ loquitur dogmata? Vulgi pa-

*lxxxvj* PROLOQUIUM.

lato non sapiunt? Consuetudini illius, verbis & operibus sunt contraria? In hoc teneas bene animati pectoris argumentum, bene cordati nempè authoris caracterem; eum enim artis amor occupat, qui rerum suarum dispendio res artis adjuvare aggreditur. Quæ concepta de illo vota an opere compleat, intelliges factò principiorum quæ usurpat examine, institutâve censurâ, solâ, quæ censori convenit, solâve quæ authori non iniquo tolerabitur. Tentabis autem nùm isthæc principia extrâ rerum naturam posita non sint, supposita merè, ad nutum efficta & naturæ phœnomenis aut effectibus adaptata ex arbitrio; nùm verò ex ipso naturæ gremio emersa & ex ipsius *proprietatibus* ultrò manantia, conspicienda se prodant. Illa erunt blandientis sibi phantasiæ fœtus, erunt hæc monstrantis & explicantis se naturæ

*PROLOQUIUM. lxxxvij*

opera ; illa philosophi mentem  
exercebunt, formabunt hæc me-  
dientis ingenium. Illis erit parentis  
loco chymia? Tam mendosa erunt,  
quàm efficax, undè nascuntur,  
ignis. His originem fecerit cor-  
poris œconomia, partium mecha-  
nice, proportio, harmonia? Singu-  
larum potentia, rationes & ene-  
rgia? Universalis omnium sym-  
metria, concentus & consonantia?  
Tam constantia erunt, quàm ve-  
ra, quàm certa, quàm indubitata  
creatoris consilia, in his omnibus  
ubendis, ordinandis & moderan-  
dis. Hæc erit trutina, ad quam  
equâ censoris lance librata *sys-  
temata*, sui fidem facient aut fallent.  
Hoc erit *sanctuarii pondus*, quo  
æstimabuntur medicinæ dogmata.  
Interim memineris, cùm in defi-  
niendo auro etiam probato puri-  
tatis sint gradus, sit & valoris sua  
attitudo, ita in æstimando *systema-  
e medicinali*, ut ut legitimæ for-



*lxxxviiij PROLOQUIUM.*

tis fuerit, suam esse bonitatis mensuram. At adulterini notâ vacabit, modò ad naturæ normam institutum fuerit, ab illiûsque legibus expressum, quas tametsi insinceras reddiderit, sinceras elegerat. Sic enim est hominum labor hâc parte infelix, quia humanus, vitii semper aliquid capiens aut affricans. Indè videas benè multorum, quæ bono animo cogitata sunt, infelices exitus, tot iniquas ac deflectentes ab optimis principiis consequentias. Igitur positis etiam principiis, quæ è naturæ sinu deprompta sunt, præposterâs conclusiones inferri, aut pravas erui inductiones, fide non carebit; nihilominùs tamen facti, hujûsque laudabilis dimidium habere est, arti illi, quæ omnium abstrusissima est, fundamenta tam inconcussa, quàm sunt naturæ consilia stabilivisse.

Observandum tamen quantâ-

*PROLOQUIUM. lxxxix*

cunque curâ stabilitis principiis, succedere non rarò mendaces rerum exitus; at ideò certè, quòd spretis circumstantiis, conditionibus aut clausulis suscepta fuerint isthæc opera. Moderaminis enim, rationis & ordinis scientia est ars illa quæ hîc innuitur; ut enim monente *Hippocrate* nihil negligenter, sic temerè nihil in medendo faciendum est. Indè fit ut ea quæ suadent stabilita principia, si seriùs, potius, fortius debiliùs, in hoc vel illo sexu, sub hâc aut illâ ætate, regione, tempestate, temperie fiant, diversos habeant constitutionum, remediorum, curationum successus. Itaque *systematis* consilia, conclusiones, opera judicare voles aut carpere? Is fueris qui quæ legendo & meditando intellexisse putas principia, in usum non tantùm vocaveris; at eo observandi utendive ordine, eâ actionum serie, operùmque ordi-

xc PROLOQUIUM.

natione, quam æmulandam suadebant isthæc principia : fulta erunt corporis œconomia, mechanismo, ordinationi? Tam ordinata erunt mutuata inde agendi consilia tamque regularia, quam constans & æquabilis ipsa est harmonia, proportio, consensus.

Sic ( quod ad institutum præsentis operis spectat ) ostendit *tritius* seu *solidorum* systema, eam esse *transpirationis* necessitatem, ut ab eâ decrescente nascatur morborum pars plurima. In hoc certè tenes principem medendi finem; at eò tumultuariè omnia artis tela dirigere, *attenuantium*, *cardiacorum*, *volatilium*, *sudoriferorum* inconditâ adhibitâ farragine, quo *diaphoresin* moveas, successu cadere erit. Ut enim non eò prorumpit natura, at successivè, sensim, & ex ordine, mille modis & locis ab ore ad corporis *peripheriam* verberando, quassando, ac terendo



matერიem, quæ *transpirando* vapora-  
re debet; non tantum quò, sed  
et quâ illuc eundum tibi sit cogita-  
tis, eadem proindè lustrando, rele-  
vendove naturæ vestigia. Insuper  
ex *solidorum potentiis*, quantæ virtu-  
tis futuræ sint, qualis consideratio-  
nis aut momenti ad restituendam  
*transpirationem* intelligere erit;  
quàmque circumspectè se gerere  
debeat medicus, quòve ordine,  
quoto tempore pergendum illi sit  
in hoc negotio. Indè concipiet om-  
nem *coctionum* doctrinam, œco-  
nomiam & disciplinam, quæ in  
accorum comminutione tota sita  
erit. Deniquè rationem asseque-  
ar cur ejusmodi morbi sint, in  
quibus tandiù tardescit concoctio  
humoris morbidi; ideò nempe  
quòd præ lentore nimio corpora-  
tus sanguis, partium *systoli* & *occi-*  
*lationibus* remoram afferat, tem-  
pore solo superandam. Exindè col-  
get adhuc quantâ curâ sudaturus

xcij PROLOQUIUM.

fit medendi sapiens in aucupandis, expectandis & æmulandis naturæ motibus, aptandisque remediis, cum enim *secretionibus* constet tota sanitatis oeconomia, morborum nullus est sub quo non alienetur, tardescat aut acceleretur aliqua *secretio*; cujus leges cum sanitatem præsentem tueantur, si constant; absentem revocant si restituuntur. Ponas *alvum* morari, sibi *urinas*, *menstrua* comprimi, siccari *sputa*, &c. medenti lustrandæ venient illæ ipsæ agendi rationes quas usurpat natura in regendis, administrandis ac promovendis illis *secretionibus*. Meminerit igitur regulares esse *menstruis* periodos, quas suis deque habendo negligere, peccaminibus mille fomites erit parare. Attendat, non omnis horæ, diei, aut temporis esse sputaminum screationem, ideóque observandum sibi venire, qualis ritus & industria usurpanda sint, quibus



## PROLOQUIUM. *xciiij*

cretio quæ vigente sanitate abesse debet, finiendo morbo invocatur. Longè minùs negotii medico facessere solet *humoristarum* systema; tardat enim alvus, urinae defunt? Quorsùm inquierent, labore vano aut inutili sollicitudine macerari? Purgantia præstolantur, paratæque *diuretica*; his exhibitis pulsii humores obsequuntur. Leges addit & clausulas *soli*rum systema, illud enim obsequium quod spondent *humoristæ*, perberationis fructus est quæ succus comminuerit, comminuendõe secretoriorum *diametris* aut pacitatibus aptaverit. Quamlibet enim vim inferant *cartica*, quantos dent tumultus *diuretica*, utraque cassa erunt, tanto tempore, lentescente fortis sanguine, spasmoque rigentis fibræ, viarum exitus occluduntur. Hæ sunt *fluidorum* cum *solidis* mutux rationes aut proportio-



xciv PROLOQUIUM.

nes, quas innuit & edocet *tritius* systema, undè pendet artis felicitas & artificis honos, quibus in medendo carere, cæcutire erit. Hinc enim erudietur quandò minuenda veniat *fluidorum* moles, ne exuperante quantitate, *resistentiam* pariendo obicemque ponendo *secretionibus* officiat. Liquebit, cur *diluentium* usus tanti momenti sit; tùm ut vehiculo multo innatantia *fluida*, *secretoriorum* mæandros permeent faciliùs, tùm ut humore copioso madentia *solida* efficacius laxentur. Imprimis *cardiacorum*, *volatilium*, *aromaticorum* sentiet insidias; optimè gnarus quantæ *elasticitatis*, quàm vividæ & subitaneæ *contractilitatis* sint *solida*, quorum plurimâ parte conflantur corporis universi partes. Cavendum proindè intelliget ab illis, utpotè quæ *fluidorum* simul & *solidorum* *elateres* immensè elevant. Cæterùm isthæc confessa de *elasticitate*

PROLOQUUM. xcv

universarum corporis partium ob-  
servatio imprimis tenenda venit,  
quòd tantum præpolleat sub mor-  
bis, quantum sub sanitate valet.  
sic *tonum* faciens aut continens,  
motorum motibus, *directionibus*,  
ordinationibus, circuitibus, ho-  
minumque omnium & singulorum  
æquabilitati, distributioni, *secre-*  
*tionibus* præest: sub morbis eun-  
dem intendens *tonum* perdidit, sic  
capacitates arctat, exasperat *occi-*  
*liones*, *systoles* alienat; undè *di-*  
*rectionum* loco *determinationes*, lo-  
co ordinationum impetus exer-  
centur; pessundatâque æquabili-  
tate circuituum, excretionum se-  
des & materiæ turbantur, miscen-  
tur, confunduntur, undè anxie-  
tatum, dolorum, symptomatum,  
vacuationum, omniumque re-  
rum corporis immensum cahos.  
sed cum nihil aliud sit morbus  
quam ab ordinatione legum natu-  
re, aut ab æquilibrirate recessus,

ordinis naturæ, legum & æquilibrium restituenti ratio est medicina; illa autem imprimis quæ *solidorum* ductu, regimine, modulatione instituitur. Igitur tantam legum vim, tot clausularum aut conditionum numeros in administrandâ purgatione hîc usurpatos vituperare cavebis, ubi naturam quæ tota ordinata est, suis reddendi legibus consilium est. His autem omnibus inconsultis traditam hîc purgandi normam carpere, iniqui erit aut invidiosi rerum æstimatoris nomen incurrere.

Objurgabunt improtectam esse hanc de purgatione doctrinam, cui interea opus fuisset graviorum aliquot virorum auctoritate, qui illam rationibus firmarent & exemplis.

At mihi vide cavillantis humanæ mentis malignitatem! Authorum testimonia adhibes? Rem ecce, inquiunt, jugas, quæ jugum nescit;



**PROLOQUIUM.** *xcviij*

nescit; medicinam nempe, artium  
imperiiosissimam, quæ suis utitur  
regibus, non servit alienis, cum  
authoritate, quæ sui nec juris est  
nec arbitrii; urgebuntque saltè  
admittenda esse nescio quæ gra-  
viorum virorum interpretamenta,  
quæ nascentibus dogmatis pondus  
addant aut fidem faciant. Ab au-  
toribus abstines? Ut novitium &  
ne exemplo dogma suggillabunt.  
ut meminerint eam esse praxeos  
medicinæ conditionem, ut tolera-  
mereatur etiam improtecta,  
modo nec improbi viri sit, nec im-  
criti. Rerum enim gestarum hi-  
storia est, aut observationum enar-  
ratio, cui sinceritate magis quàm  
auditione opus est; quæ si ratio-  
niis identidem aspergatur, excu-  
nda quoque si naturæ rerum ex-  
positiones fuerint, non ascititia  
imminiscentis phantasiæ deliria.  
Im autem probitas, cordis affe-  
ctus sit & rectitudo, quam profi-

*xcviii* PROLOQUIUM.

teri licet; peritia sit, ex labore indefesso iteratâque observatione facta notitia: opusculi hujus consilium liberè proferre decet. Hic cuiquam verba dandi voluntas non fuit, at sincera fides, in communicando ea quæ usu comperta sunt & observata; neque fuerit animus periti nomen nobis arrogandi, non ignaris, vix unum esse ex artis sapientibus qui moriendo, artis tyrocinia penitus exuisse nedùm gloriatur. Quantum enim dives & altus est naturæ fundus, inexplebile tantum medentis officium, cui quò propiùs aut intimiùs naturam intueri datur, eò inexhaustam magis aut minimâ sui parte revelatam sentiet. Innuisse suffecerit, nec eam esse quam hîc describimus medicinam, quæ post rationem inventa sit, nec eam esse quam hic proferimus rationem, quæ ante medicinam fuerit quæsitâ, at



## PROLOQUIUM. *æcis*

atrámque esse meditatae inter medendum naturæ fructum. Id igitur ut recognoscat artis provehenda curiosus, idem observationum iter ipsi remetiendum fuerit, qui in exercendo meditari, & in meditando exercere didicerit. Eum enim qui nostram in purgando sobrietatem criminabitur, cui cum purgationibus res assidua fuerit aut familiaris necessitudo, suarum rerum decoctori comparabis, qui cautum & frugi virum avaritiæ insimularet. Nùm ideò è medicorum albo eradendum pronuntiaveris, quem haberet tantula purgandi intemperies? Procul hinc erit iniqua isthæc suspicio; ut enim heroës inter, quos *Martis* generosa virtus evexit ad cælos, numeras qui feriendo acriter, alios qui sapienter feriendo bella cum laude gesserunt, ex medentibus quoque laudaveris qui audendo, amaveris qui cavendo se gerunt



## *c* PROLOQUIUM.

cum morbis. Sic enim est medica virtus ex æquo laudabilis, fortitudinis sit aut prudentiæ, audentiæ fuerit aut industriæ fructus. Abstinebis tamen ne fortitudinis consilia putes, quæ temeritatis sunt facinora. Auspicatos miraberis purgationum eventus, succedente nempe sanitate, modò imperturbatâ symptomatum serie, quæ morbo propria sunt, sui morbis serventur proprii exitus : quæ istiusmodi sunt purgationes laudi habebis, ut ut festinatae paulo fuerint, aut plus justo audentiores, ingrediuntur enim naturæ modum, consilia, ductum, cursum & intentiones, quibus comites se dederunt & adiutrices. Non item si purgationum vi à scopis suis dejectâ, aut delirante naturâ, sanitas restituatur; quod suspicaberis, si morbus qui hâc aut illâ excretionem judicandus erat, alienis evacuationibus tollatur; tunc virtus co-

*PROLOQUIUM.* c j

acta erit, quâ nolens volens natura purgantis vi dederit manus. Pulmonis v. g. affectio erit quæ spuitis solvenda erat, sed quam *stibiat*is, *mochlicis*, *sudoriferis* torquendo ad felicem exitum perduxeris? Febris fuerit quæ arcanâ maturatione solvenda fuisset, at quam cathartorum multitudine opprimendo expedieris? Fortuitis ejusmodi successibus mutuari fidem, ancipitibus cæcæ fortunæ casibus obsecundare est; *judicatoria* sunt non *judicantia*, *abscedentibus*, *apostasibus* infidisque mille & tædiosis morborum reliquiis obnoxia. Certe judicis illius, quem arti formasset tumultuarius iste purgandi ritus, censuram rideret, nostrum de meliore luto formatum purgandi dogma; legibus enim & ordini ut subjectum est, iis tantum morem geret judiciis, quæ ordinis fructus erunt aut partus.

At itane, inquires, tam præcla-

rum aut laudabile est hoc de *purgatione* opusculum, ut verendum veniat, aut venerandum? Itanè numeris absolutum, ut castigari non indigeat, nihilque nisi ab iniquis linguæ verberibus habeat carpendum? Ampullas loqui esset, *caudamque jactare popello*; quàm enim dignum est instituti nostri consilium, tam mancum est opus & inabsolutum, in quo pepercisse paucis plura est indulgisse. Neque hæc eo dicta sint animo, quasi laudum lenociniis & adulationibus tantùm excipiendi veniant libelli qui in lucem prodeunt, at ut utile sit & grave quod de iis proditurum erit judicium, sicque recognoscat medica gens non in quo inutiles, sed in quo proficui fuerint. Igitur opusculi hujus fructus erit, si rei, id est *purgationis* quæ in medendo maximi momenti est & vulgatoris usûs provehendæ ratio incrementum fecisse videa-



tur. Videbitur autem si protulerit certiores purgationis instituendæ rationes. Cùm enim systematum procellâ factum sit, ut à naturæ cardinibus aliquantulùm emotæ hætenùs medicinæ res instabiles factæ fuerint, ut ut in superfluis deliquerit author, aliundè tolerabitur, qui in necessariis certus & felix comperietur, videlicet in restituendis principiis, quæ firmandæ tandem ac solidandæ medicinæ inserviant.



# INDEX

## CAPITULUM.

- C**APUT I. *Secretionem non esse puri-  
ab impuro sejunctionem. Bilem, suc-  
cum Pancreaticum, &c. non esse ex-  
crementa. Quæ reverà talia sint, quæve  
purgationi subjecta.* Pag. 1
- CAP. II. *De Sanguinis depuratione. De  
eliquatis illius succis & purgaminibus.* 10
- CAP. III. *De sanitatis & vitæ causis.* 21
- CAP. IV. *Quid morbus. In quo consistat :  
quis sub illo solidorum status.* 32
- CAP. V. *De statu fluidorum sub mor-  
bis.* 43
- CAP. VI. *De morborum causis.* 56
- CAP. VII. *De morborum symptomatis ,  
ubi de sanguinis corruptelâ , succorum  
colliquationibus , humorum proven-  
tu.* 70
- CAP. VIII. *De humorum saburrâ , de  
bilis , pituitæ & feri colluvie.* 83
- CAP. IX. *De evacuationibus.* 95
- CAP. X. *De evacuationum fūco.* 105
- CAP. XI. *Pergitur in evacuantium im-*

# INDEX CAPITUM.

*posturis ostendendo infida esse humorum  
faburræ signa ; mendacia alvi ejecta-  
menta ; contraria cadaverum indicia.*

117

CAP. XII. *De causis morborum chronico-  
rum ; an ab humoribus fiant , horum  
nempe epigenesi aut regerminatione.*

129

CAP. XIII. *De purgatione.*

145

CAP. XIV. *De vomitione.*

161

CAP. XV. *De clysteribus & supposito-  
riis.*

175

CAP. XVI. *De purgandi normâ.*

186

CAP. XVII. *De cruditate humorum &  
coctione.*

198

CAP. XVIII. *De purgationis usu , tempo-  
pore , legibus , periculis , cautionibus , &c.  
ubi de præparandis humoribus ad pur-  
gationem.*

210

CAP. XIX. *Quod præcedentis appendix est.*

*Ubi de purgationum periculis , cautio-  
nibus , & de humorum præparatione.*

224

CAP. XX. *De humoribus inhabilibus ad  
coctionem , tum de orgasmo.*

239

CAP. XXI. *De purgationis tempore &  
loco , an illa sit nascituris morbis accom-  
moda , nascentibus utilis , natis indulgen-  
genda , denascentibus necessaria?*

257

CAP. XXII. *De accommodandâ purgatio-  
ne variis morborum , temperierum , ata-*



# INDEX CAPITUM.

<i>eum, sexuum, conditionum, regionum, &amp; constitutionum differentiis, generibus &amp; ingeniis.</i>	270
CAP. XXIII. <i>Pergitur in aptandâ purgatione sexuum, conditionum, regionum &amp; constitutionum differentiis.</i>	282
CAP. XXIV. <i>De purgandi ratione &amp; intentionibus in morbis particularibus. Primum in morbis cerebri.</i>	295
CAP. XXV. <i>De purgandi ratione &amp; intentionibus, in morbis pectoris.</i>	307
CAP. XXVI. <i>De purgandi ratione &amp; intentionibus, in morbis abdominis.</i>	322
CAP. XXVII. <i>De purgandi ratione &amp; intentionibus, in morbis universalibus.</i>	337
CAP. XXVIII. <i>De purgandi ratione &amp; intentionibus, in morbis qui ad chirurgiam spectant.</i>	349
CAP. XXIX. <i>De prosperâ aut improsperrâ, utili aut periculosâ, relinquendâ aut iterandâ purgatione.</i>	362
CAP. XXX. <i>De fortuitis purgantium successibus.</i>	375
CAP. XXXI. <i>De emendandis purgationum delictis.</i>	387
CAP. XXXII. <i>Parergon. An purgationibus carere posset medicina?</i>	405



INDEX CAPITULI

1	De nomine et natura...
2	De...
3	De...
4	De...
5	De...
6	De...
7	De...
8	De...
9	De...
10	De...
11	De...
12	De...
13	De...
14	De...
15	De...
16	De...
17	De...
18	De...
19	De...
20	De...
21	De...
22	De...
23	De...
24	De...
25	De...
26	De...
27	De...
28	De...
29	De...
30	De...
31	De...
32	De...
33	De...
34	De...
35	De...
36	De...
37	De...
38	De...
39	De...
40	De...
41	De...
42	De...
43	De...
44	De...
45	De...
46	De...
47	De...
48	De...
49	De...
50	De...
51	De...
52	De...
53	De...
54	De...
55	De...
56	De...
57	De...
58	De...
59	De...
60	De...
61	De...
62	De...
63	De...
64	De...
65	De...
66	De...
67	De...
68	De...
69	De...
70	De...
71	De...
72	De...
73	De...
74	De...
75	De...
76	De...
77	De...
78	De...
79	De...
80	De...
81	De...
82	De...
83	De...
84	De...
85	De...
86	De...
87	De...
88	De...
89	De...
90	De...
91	De...
92	De...
93	De...
94	De...
95	De...
96	De...
97	De...
98	De...
99	De...
100	De...

DE 3





DE

PURGANDA  
MEDICINA  
A CURARUM SORDIBUS.

---

CAPUT I.

Secretionem *non esse puri ab  
impuro sejunctionem.*

Bilem, succum Pancreaticum, &c.  
*non esse excrementa.*

*Quæ reverà talia sint, quæve purgationi  
subjecta.*



Ni s *secretionibus* contineri to-  
tam corporis *œconomiam*, in  
confesso est; in aperto quo-  
que sunt *secretionum* modi, ex  
quò, missis *fermentorum* nugis, quæ diù

nimis animos lusere, à partium *mechanismo* repeti cœperunt. Interim totam rem confici vetat adhuc nedum stabilitatis aut intellecta *secretionum* materies, aut malè positum adhuc *secretionum objectum*.

*Secretionis* nomine intelligi volunt puri ab impuro separationem, undè tam fœdè conspurcata est corporis *œconomia*, sordidata adeò medendi indicationes curandivè fines, ut immunda tota vilescat medicina, fœculentiis, *excrementis* undiquè sordescens; admissis enim & evulgatis his notionibus, *serum*, *bilis*, *succus Pancreaticus*, impuræ fæces habitæ sunt, olidavè sanguinis ejectamenta. Alii inhonestis verbis parcentes, sub his concepere spumas inutiles, aut ejectitios succos, *salinos*, *sulphureos*, à sanguine deciduos, incongruos, dignos exilio. Hinc factum est ut circa sordes occupatam *naturam* cernere sit, quasi *functionum* integritati, sanitatisvè nitore tantum servire possit sanguinis moles, cum ab iis mundata fuerit; contrà verò ab his impurata, ægritudines mille paritura sit. An hæc cum majestate naturæ benè conveniant, judicent naturæ dignitatis & industriæ æqui æstimatores. Talia certe malè suadent partium tex-

tura sanguinisve constitutio; hæc autem imprimis refragatur, cum enim sanguis *homogeneus* sit liquor, uniusque indolis, confusione succorum ac mixtioni potius quam sejunctioni allaborasse patet. Hanc alit de mixtione conjecturam partium conformatio. Ejusmodi enim est in visceribus præcipuis, ut subigendis liquoribus, atque terendis dicata hæc conspiciantur. Testes sunt *cerebrum*, *cor* & *pulmones*, in quibus aperta *tritorii* motus & agitatorii indicia sunt; eodem collimant membranarum *elateres*, quibus aguntur singulæ partes etiam exilissimæ: tum & vasculorum, quæ ex membranis emersere *occillationes*: quæ omnia, tractandis, miscendis, confundendisque succis manifestè impendi in propatulo est. Scrupulum, si superest aliquis, eximet *ventriculi* munus; quis enim finis illius sit, quæve occupatio si requiris, hæc eadem est quæ cæterarum corporis partium; nam alimenta cujuscunque fuerint saporis, odoris, colorisve, sic terendo miscet atque confundit, ut qui inde nascitur liquor, *homogeneus* sit, & unius conditionis; id ipsum affirmabis de singulis visceribus, tot veluti *ventriculis* & *tritûs* officinis, nam quos à stomacho recepere succos subigendo elaborare



pergunt. Igitur chylus è stomacho vasa subiens, dum omnia, qualis aut quantus sit, totus ingreditur, sic singula percurrit, ut molem quidem aut massam suam exuat non naturam: qualis nempe fuerit in majoribus vasis, talis in minoribus futurus. Nullibi non ergò conspicua sunt in sanguine mixtionis argumenta; non tantum dum in sanguiferis vasis volvitur, sed & cum intra *secretoria* fuit admissus.

*Serum* enim aut *lymphæ secretionis* est materies; at sanguinis pars præcipua, ad essentiamque illius pertinens, *lymphæ* est, alba scilicet sanguinis portio, rubram sic exuperans, ut *alba* sit ad *rubram* ut 3. ad 1. hoc sensu propriam minùs sanguini *rubram* portionem dixeris, quàm *albam*, præterquamquòd enim curta nimis est *rubra* supellex, quàm ut universis partibus & officiis sufficiat, hanc alterâ ratione inferior *alba* ostenditur, quòd succi nobiliores (teste nervorum succo) albi sint, partis albæ sanguinis sinceræ appendices. Si memineris album esse piscium insectorumquè plurimum sanguinem, maximè tamen spiritibus foetum; certè misso sensuum præjudicio, *albæ* portioni, nobilitatis præmiū concedendum venit. Ipsissimus est ergo

sanguis, *secretoriorum* vasorum succus, mutato enim colore quidquid de sanguine narratur, id omne de *secretoriorum* succo narrari poterit, qui externa sanguinis exuens insignia, sinceras illius induit aut retinet vires. Hæc certè minùs competunt vulgaribus & crassis *secretionum* notionibus, quibus *puri ab impuro* separationes intelligi volunt. Interim quid sincerum magis quàm illa sanguinis *alba* pars, quæ dùm omnium *secretionum* basis est & complementum, in nobiliores corporis succos impenditur? At succorum *excrementitiorum* fingendus fuerat conceptus, qui *purgantium* systemati faveret; alias enim quò purgantium omne genus, si nusquam prævertendæ aut everrendæ venissent primarum viarum fordes? Unde tandem venisset morbis fordescentium succorum cumulus, si illorum vel umbræ aut initiamenta sub sanitate desiderarentur? Igitur damnanda fuit corporis *œconomia* succorum immunditiis, quæ dùm alerent ægritudinum semina, purgantium quoque pabulo servirent. Præjudicatam hanc opinionem fovit *analogismi* mendacium; ut enim despumando nitere liquores non paucos observatum est, bulliendoquè defæcari, id artis ad natu-

ram transferendo, sanguinem quoque bulliendo purgari, eliquarivè commentum sunt. Hanc doctrinam stabilivit facilis ad captumquè vulgi facta isthæc philosophandi ratio, quâ unâ de causâ omnium ore celebrari debuit, utpote quæ rudium vellicabat aures, eruditorumque mentes mulcebat.

Posthac quid mirum, si *bilis*, *saliva*, *serum*, *pituita* inter excrementa collocata sunt; de eorum enim genere visa sunt, quæ respuere natura consuevit, maxime cùm foràs ea soleat eliminare. Non diffitendum mitiùs cum iis succis actum esse à neotericis; *salinam* enim, *balsamicam* aut *sulphuream* talium conditionem, aptam credidère cudendis suis *fermentorum* idolis; nihilominus tamen suspicati sunt, sub his suppositas esse sanguinis exuvias, hocquè iudicio naturæ parùm amicas; cum adeò necessum habeant ultrà vasorum pomæria protrudi, ut si quovis casu intrò resorberi, aut remeare eis contigerit, propè in januis morbum adesse putaverint. Indè nata circa primarum viarum saburram mira sollicitudo, cui everrendæ, non secus ac purgando Augiæ stabulo tot impendêre curas. Hinc quoque famam sibi fecerunt & nomen *eccoprotica*, minorativaquè pur-



gantia, dolosa subsidia, plena periculis, quæ humorum turbas, quibus cavendis aut avertendis adhibentur, movent aut exasperant, primasque vias, quibus vacant sordibus, sæpè cumulant.

*Purum ergo ab impuro secerni ab hepate, pancreate & similibus incerniculis* ( sanum fuerit vel ægrum corpus ) fabula est. Sua est *bilis* ut & *succi nervorum* laus & utilitas, sua quoque *seri, saliva, succi pancreatici, pituita*; quod autem hos succos pellat suis è finibus natura, falsum est: ex illius instituto prodeunt omnes, ejusdemque exeunt consiliis. Reipsâ, hîc novercam naturam, supinamque invenire esset, si inutilibus & malè feriatis succis, visceribus mediis, exitus, vecors illa aperuisset. Hanc autem indiligentiæ suspicionem removet locorum situs, qui eliminandis inutilibus succis, purgandisvè sæculentiis dicantur, ea enim est illorum pronitas & dispositio, ut quæ vehunt excrementa extra corpus efferant, nusquam reditura. Exemplo sunt, *alvi feces, sudores, urina*, his alveis aut imbricibus excepta, qui ad corporis *peripheriam*, ultimosque & exteriores fines ea protrudant.

Hinc, mutantur ac definiant sordium curiosi, verum sæculentiarum

conceptum, earum nempe quæ segregatæ, semel, non secus ac anathemate tactæ, ab omni functionum commercio exulent. Sed observent has non esse sanguinis spumantis exuvias, superfluas autem tantum succi nutritii quilibet, potius aut chyli superstites reliquias, à saturo sanguine aut partibus ingurgitatis deciduas. Hæc insumant pascendis purgantibus, ex hisquæ deducant, si possint, in ipso corporis centro, cavoquæ partium, residues humorum colluvies, aut decantatam primarum viarum saburram, *viscorum* denique, *phlegmatum*, *crassaminum* congeries, quibus suas meditantur, voventquæ fundatas malè, ideòque tam sæpè exitiales *purgationes*; quos enim non inveniunt succos faciunt aut evocant, sin minus reluctantibus succis, viscera deterunt.

Patet itaquæ quàm longè ab ejectionibus liquoribus discrepent *bilis*, *succus pancreaticus*, similesvè primarum viarum incolæ, quibus purgantia objiciuntur. Sed aliundè publicum illud erratum castigat quotidianus illorum succorum usus. Ad *libras* quotidie secernuntur *bilis* & *succus pancreaticus*, quæ ad *uncias* tantum excernuntur. Igitur tuendæ valetudini opus est *librarum* aliquot horum liquo-

rum in vasa introitus, *unciarum* verò tantum aliquot exitus. Sed ex hâc impendiorum ratione, quo in pretio naturæ sint ejusmodi succi palam est, cum suis operibus tantam illorum copiam infumat, tantulam verò sibi elabi sinat aut patiatur. Porro utiles an ejectiones inter recensendi sint, quos plurimâ parte retinet natura, minimâ dimittit, idiota judicaverit.

Non desunt tamen nonnulla humorum retrimenta, quæ ad *excrementitios* succos spectare videntur, de quorum numero sunt *sudores*, *urina*, *alvi faeces*, verum his demptis quas alvi profusione elui sufficit, suas elices habent *urina & sudores*, quibus expediendis, referendisve impedimento magis quam adjumento sunt purgantia.

Occlamitabunt igitur, abusûs immensi, minimi usûs futura erunt purgantia? Imò necessitatis immensæ auxilia sunt, & in arte præcipuâ, eò nobiliora, quò minùs evacuandis sordibus addicuntur.





## CAPUT II.

*De Sanguinis depuratione. De  
eliquatis illius succis &  
purgaminibus.*

SUA esse sanguini purgamenta ab antiquis creditum est. Hinc præter publicam abdominis sentinam, propria visceribus, colluviaria adjunxerant, privata excrementorum receptacula. Glandulis viscerum affectis, id officii impartibant, quæ quia fœculentiarum eorum diverticula putabantur, eorundem *emuntoria* audiebant. Hanc illorum sententiam formaverat, concepta de sanguine opinio. Cogitabant purum esse laticem qui defæcando niteret; quam defæcandi necessitatem à succorum nutritiorum confuso comineatu mutuabantur.

Novatores, ut illis sæpè moris est, mutantes minùs quàm resarcièntes veterum conceptus, obsoletas quidem *excrementorum* voces valere jubentes, *fermentationum* ut erant operationibus assueti, fervere sanguinem, fermentoque despumare statuerunt, unaque à *fermentis præcipitata* fingentes sanguinis ejecta-

menta, *spuma*, *capitis mortui*, *scoriarum* titulos *excrementorum* nominibus sufficere, sub quibus effœtas *coctionum* reliquias ad intestina, quasi ad communem corporis cloacam, derivari putarunt, quas purgantibus objecerunt deturbandas. Exindè ingens eos cura cepit sanguinis *depurandi*, crescente enim cum *glandulis*, *secretionum* & *coctionum* numero, tota sæculentiis perstrata perhibuerunt; medicinâvè, quæ plùs nimio jam sorduerat, sordescente magis, *depositionum* fama per artem volare cœpit.

At circumcisâ jam undequaquè *fermentorum* turbâ, reflectovè eorum numero, ut retrimentorum copia minuitur, sic *depositionum* frequentia rarefcit. Aliundè duplici tantùm ex fonte, sanguini veniret *excrementorum* proventus; vel ex chylo qui impurus vasa subiret, vel ex superstitibus aut superfluis succi nutritii particulis, quas saturatæ partes alendæ fastidirent. At neutrà de causâ sanguinem impurari manifestum est. Fidem superat quàm parùm impuritatis sanguini suggerant alimenta, quæ pro impuris vulgò habentur. Argumento sunt artifices, rustici, pauperes, barbaræ gentes, quæ pane furfuraceo, ci-

bis crassioribus aut crudis, aquâ cœnosa aut palustri, verbo, *pane tribulationi. & aquâ angustiae* miscellam sustinentes vitam, nitidâ facie, obesoquè corpore sani degunt, vegetiquè laborant : nulliquè infrequentius cruditatibus, vomitionibus, diarrhæis, languoribus tentantur. Itanè igitur impuritatum minùs importarent alimenta quæ magis impura sunt? Absit, tam apertè pugnancia loquamur; sed præconceptæ opinionis erratum est; quò fit ut plebeia & quæ ad manum sunt alimenta immundis accenseat medicorum vulgus, dùm ea nutritiis maximè annumerant sapientes, si tritu faciliora sunt, resolviquè paratiora. Hinc saltem animadvertere est, quàm assiduâ naturæ curâ sanguini prospectum est, ne alimentorum vitio sordidaretur. Parem nec industriam minùs ostendit illius sollicitudinem intestinorum conformatio, sic instituta, ut vel crassamentorum atomis omnem aditum in sanguinem præcludat. Ea enim est oscillorum quibus intestinis inhiant vasa, minuties, ut conspiciellorum omnem aciem effugiat. Hæc sordibus impervia esse quivis facilè conceperit. Si addideris vix alibi parem adesse sensûs teneritudinem, appellentium illuc arietantium-



que acrium, quæ cibis inessent, particularum repulsam futuram intelligere est. At in his non constitit artibus natura, vel scrupulosè saluti corporis provida: succinctam vides interiorem intestinorum superficiem muco pingui seu glutine tenaci; id mulcedinis illic apponi putant, quò partes illas teneras nimium ab acrium occurfu tueatur; hoc quoque concedendum naturæ, sed missò hoc scopo, qui vulgaris est, en altera in conspectum venit illius sagacitas. Sub hâc mucagine vili, imitamentum habes bibuli chymicorum panni, quo *solutiones* suas colare norunt & eliquare. Hîc quoquè speciem videas aut exemplar bibacis & mollis corii, quo defæcando eliquandovè *mercurio* utuntur metallorum effossore. Itaque tomentosum illud tectorium, quod chylo trajiciendum est, colum erit fæcibus, crassamentis ac sordibus ciborum avertendis dicatum. Id glutinis, aurium cerumini facilè adhuc comparaveris; ut enim hoc interiùs litæ sunt aures, quò à sordium ingressu vindicentur, altero circumlita sunt interiùs intestina, quo nihil nisi purgatum maximè ac diligentissimè defæcatum admittant. Sanguinem igitur inaccessum videre est iis quæ

extùs advenirent impuritiis, at & aliis intùs progignendis non inidoneus minùs est.

Forſitan exuperans ſanguis, ſuccifque gravis, ſuâ copiâ factus inops & ſui impotens tardabit gradum; quàm autem præceps ſit in vitium ſuccorum otio torpentium lapſus, nemo negaverit, nec aliundè tantum impuritatum ſcaturiret. Hæc quidem confeſſa res eſt, ſed ad *plethoram* (ut ajunt) magis quàm ad *cacochymiam* pertinens. Porro, hîc quæritur origo decantatæ cumulorum humorum ſaburræ, aut famoſi ſuccorum acervi, quem purgationibus obji- ciunt. Hanc imputant humorum ſaburram reſidibus alimonix reliquiis; qualis enim & quanta ſit gulæ impotentia, ac comefeſſandi cupido, quam exſtimulant mille cupediarum irritamenta, plùs ſatis compertum eſt, ſub hâc que comedendi licentiâ, intrâ præfinitos naturæ limites quemque coërceri vix concipias: itaque plus quàm demenſo exſatiatis partibus non pauca ſuccorum ſuperamenta vacare neceſſe erit. Porro aggeſtis iis alimonix particulis, quæ à ſaſtidientibus partibus reprobantur, enormem inde materiæ ſuperfluæ molem creſcere palam eſt. Hæcque erunt

succorum à partibus decisorum retri-  
menta , quæ ut morbis fomites , sic &  
*purgantibus* pabula sufficient.

Esto , hæc convenerint cum illis tem-  
poribus , quæ ferebant humorum hîc  
illic consistentium conceptus. Hæc tole-  
randa fuerint sub primis Medicinæ ele-  
mentis , cùm artem occupaverat physi-  
carum rerum caligo , ignaram imprimis  
sinceri sanguinis motûs. At ex quo cir-  
cuitus illius lumen Medicinæ affulsit ,  
hæ sanguinis *flases* tam parùm cum vitâ ,  
quàm cum morte vita concordare visæ  
sunt. Re verâ , sua singulas partes fo-  
vere recrementa , visceravè cumulatorum  
recrementorum sedes esse aut  
promptuaria antiquatæ philosophiæ  
somnia sunt. Hunc induxit errorem per-  
peram intellecta succi nutritii distribu-  
tio. Hunc intrâ partium interstitia se-  
gregari non secûs ac in alvearibus pu-  
taverant , quasi succorum fartura fuisset  
nutricatio. Hinc auctâ plus nimio ali-  
turâ , succos coacervari & in molem  
assurgere ferebatur ; unde nasci mor-  
borum fomites , *purgantibus* debitas ma-  
teries somniaverant. Sed inconditum  
hunc nutritiûs conceptum emendavit  
detecta legum naturæ ratio. Docent ,  
uno tenore ferri sanguinem à centro



corporis ad habitum, eundemquè, serie non interruptâ, ab habitu ad centrum referri. Alicubi fortè morari poterit, nullibi subsistere, *vasa*, *viscera*, *glandulas*, eundo vel redeundo transeat, motu indefinente fluere pergit, nullibi positurus exuvias; quantus quantus sit, totus ad corporis extrema vehitur, usquedum quod alluendis partibus prætercurrendo non impendit, residuum emittat per cutis spiramina. Sub hoc conceptu nutriri partes, idem est ac incrustari, *vasa* nimirum præterlabentes succi nutritii, affricu suo eorum parietibus internis affiguntur; ruderationem diceret quâ parietes agglutinatâ nutritatâ materie intrò loricantur, quidquidque loricationi superfuit, ad ultimos vasorum fines amandatum, per cutis poros vaporat: hi sint igitur unica humorum emissaria, sola nempe effe rendis succorum reliquiis dicata; veræ sint colliquiæ, ut potè quibus sanguinis ejectamenta derivantur. Quæ cum vera sint, in centro corporis, mediisque visceribus humorum fæces, succorumvè purgamina ponere, naturæ dignitati labem aspergere est. Agunt quoquè nugæ, qui hæc vel illa viscera, has aut illas *glandulas*, depurando sanguini

præficiunt; præterquàm quòd enĩm impurari sanguinem agrè contingit, quidquid illi semel admixtum est, confusum vehitur, cœcis tantùm cutis spiraminibus eliminandum.

Quæ fors igitur manebit tot succos, qui in dies à sanguine segregantur? Quæ futura *bilis*, *succi pancreatici*, &c. conditio? Certè publicam versùs corporis sentinam amandati hi succi, ad reprobos aut ejectionis pertinere videntur; ast hanc infamiæ notam declinabunt, si ab impuritatis maculâ immunes inveniuntur. Porro non quatenùs impuri exterminantur, sed quatenùs imperfecti, nedùm enim ultimam adepti manum, retractandi bono naturæ consilio, illuc derivantur.

Comminuendo sanguini, seu tenuandæ, quæ pars illius, ut optima sic plurima est, *lymphæ*, tota allaborat natura. Is enim scopus illius unicus est, minutim adeò dividendi nutritii succi, ut vaporosi roris instar, omnes aut singulas, quot quot sunt, fibrillas sensim & tacitè subeat aut imprægnet. Hoc ut exequatur, opus habet, ut materiæ *libra* una aut altera (quæ demensī quotidiani chyli quantitas est) plura ulnarum miliaria vasculorum (incommensurabilia

enim sunt) longitudine æquiparet, ea-  
que spiritu magis animet quàm mole.  
Hoc igitur ut ex voto naturæ succedat,  
maximè ipsi cavendum fuit, ne succi  
comminuendi elongandivè portio aliqua  
comminutioni elaberetur; aut *occillatio-*  
*num* ictus declinaret; vel paulò spissescens,  
tam longo illius excursui, aut extensioni  
prolongandæ obicem poneret: quo in negotio,  
quale sit consilium hinc intelliges.

Magnum corporis torcularium est  
*stomachus*, seu prelum publicum, quò,  
dentibus quasi pistillis in ore tusa ali-  
menta detruduntur, amplius sed simul  
& semel terenda. Dehinc intestinis pre-  
mentibus nedùm dissociata excipiuntur.  
At millia vasorum oscilla quibus hinc &  
illinc intrò dehiscunt intestina, præter-  
labenti & compresso chylo subterfugia  
aperiunt, quæ, ut secretionum sic &  
succorum divisionis, sunt initiamenta;  
tubulorum enim capillis longè minorum  
myriades subiens chyli massula, in  
mille ductus aut columnellas dividitur.  
Verùm è diverticulis in viam, hoc est è  
minimis in majora, quò tendunt, va-  
sa, ingressus chylus, iterùm in unum  
coit; at tunc majori sub mole recolle-  
ctus, vasorum *occillationibus*, divisioni



proindè impedimento foret ; undè alterâ partitione succorum opus fuit , quò molis minùs *trituriis* organis objicientes perfectiùs tererentur. Hunc in finem in varias chylus scinditur partes , variaque illius sunt segmina , visceribus distribuuntur , ut qui summam collecti tritui obstitissent , singulatim dispersiti divisioni cedant. *Hepatis* igitur , *pancreatis* &c. officia si scrutaris , succos imperfectè subactos , trituræquè seu divisioni moram facturos sanguini suffurantur , ut ad primas vias , unde profecti erant , seu ad prima tritûs organa reversi , incudi reddantur. *Cohæbationis* genus est , quâ quidquid solutione simplici peccatum est , multiplici refarcitur. Hinc se prodit vera secretionum interpretatio , ut potè quibus , non *impuri* ab *impuris* , sed imperfecti à perfectioribus succi segregantur. Impuriorem ergò , præ spiritibus seu succo nervoso , bilem ne statueris , uterque succus ratione sui purus est , alterutrum plùs minùs subactum dixeris , de cætero , utrumque , ut decet , & ad naturæ mentem tractatum invenies.

Reclamat , impuritatum systemati astipulando , alvi natura. Hanc totius corporis sentinam uno omnium ore di-

xerunt, quia corpus à sordibus tuetur. Porro *puri* ab *impuro* illic secretionem fieri nemo est qui dubitet, cùm alimenterum succus purior per intestina transcoletur, altero, qui impurior est & fæculentus, foras excreto.

At nullibi turpius impegit Medicinæ praxis. Hoc fatuo lumine delusæ omnium mentes, hincque ducto perperam exemplo deceptæ, loca fecerunt universi corporis emissaria, quæ inutilibus ciborum reliquiis foras evehendis unice famulantur. Secretio quidem est isthæ eliminatio, eaque impuratum, sed quæ alimentorum sunt, non sanguinis succorum. Illac enim aliquid impuri è sanguine elabi tam falsum est, quàm inconspicuum. Quæ ergò *impuri* à *puro* illic celebratur *secretio*, ad sanguinem non spectat, illum enim ab impuritatibus servat, non liberat. Id autem veritati tam consonum est, ut quidquid succi stillat aut derivatur in intestina, chylo intermedio intrà sanguinem plurimâ parte resorbeatur. Sentinandi ergò finem faciant impuratum tutores, medicinæque praxim destercorari tandem patiantur. Hæc novis mortis & vitæ rationibus jamjam definiendis præludent, & reverà, de felici morborum successu

A CURAR. SORDIB. *Cap. III.* 21  
tandiù desperandum erit , tandiù in  
sanitatis & vitæ causis desipietur.

---

## CAPUT III.

### *De sanitatis & vitæ causis.*

**I**N uno calore poni vitam assererat  
Philosophia vetus , illiquè facto *fa-*  
*cultatum* satellitio , omnes vitæ fontes  
aperuisse sibi persuaserat. Naturam me-  
lius interpretari sibi visi sunt , illiusque  
mentem propiùs assequi , qui melioribus  
ducti consiliis , *secundis* & ministris qua-  
litatibus , *primas* seu principes substitue-  
runt : dicto igitur repudio *calidis* , *frigi-*  
*dis* , *humidis* , *siccis* qualitatibus , ab *ama-*  
*ris* , *acidis* , *austeris* saporibus vitæ munia  
deduxerunt. Huic systemati ( ut ut casti-  
gato ) cum solorum *liquidorum* sit , hâc  
ætate repugnarunt non pauci , *solidorum*  
viribus palmam vindicantes. Hocque  
nomine ei adversantur , quòd precaria  
sit sanguinis potentia , de ipsius motu  
litem illi moventes , quòd mutuatitius  
sit , à *solidis* nempè veniens , à quorum  
*elattere* dependet totus qualis aut quan-  
tus futurus sit. Suspectos quoque ha-  
bent illius sapores *amaros* , *acidos* &c. ut-



potè cùm recondendis iis ac *concentrandis* unicè studeat natura in elaborando chylo. Undenam enim sanguini sapes nascerentur, qui in chylo suffocati fuerint? Hinc quâ ratione *calidum*, *frigidum* &c. ut ministras qualitates abdicari voluerunt, eâdem *amaros*, *acidos* &c. sapes, quatenus inertes per se, & supposititios, *solidis* ut potè obnoxios, nunc procùl abesse jubent, *solidis* vitæ dominium adjudicantes.

Prævalet hæc opinio, nec immerita currit; quare non levis suspicio est, à *solidorum oscillationibus* potiùs quàm à *liquidorum* motu repetendas fore vitæ functiones. Fortè tamen rem ita componi præstat; cùm circumagendis *fluidis* *solidorum* potentia inserviant (illuc enim unicè tendunt) in partem alendæ vitæ *fluida* quoque vocanda erunt, quandoquidem horum circuitus, ut *solidorum* effectus est, *fluidorum* quoque modus sit & affectio. Itaque vitam non malè dixeris organicum motum, quo *fluida* corporis in orbem aguntur; illo enim præsentè & libero vita durat; absente aut impedito cessat.

At motus organici nomine, aliud à simplici liquorum circumrotatione intelligitur. De industriâ enim fit & ex condi-

cto, quem moderatur impellentis potentia vis quæ adigit *fluida*, constantia quæ regit, dexteritas quæ dirigit. Spontanea est ac mollis potentia, quæ *fluidorum* tractabilitati morem gerit; flectit enim, non trahit; suadet, non imperat; verbo, amicè cogit. Ea ipsa viarum ductibus obsequitur, quarum ut servat limites, trames observat; denique ut tubulorum sunt mensuræ, modi, diametri, capacitates, ad horum omnium normam ac modulos componi amat. Interim cum nec plumbei sint, nec hebetes villi quibus tubulorum stamina constant, imò cum toti nervei sint, moveri, vellicari, crispari vè faciles; tot inter teneritudinis organa perpetuò, tacitè & æquabiliter circumagi fluida prodigium est; eò majus, quò solitum magis est & familiare. Aliundè tamen crescit adhuc miraculum, nam qui per universum corpus fit circuitus generalis, ex singularem, qui singulorum viscerum sunt circuituum concentu coaluit. Quales sunt enim in *macrocosmo* cælorum orbes, tales sunt in *microcosmo* fluidorum per singula viscera vortices; sic ut, cum ex illis exurgat motuum cælestium ordinata series, ex his consequatur totius sanguinis æquabilis circuitus. Porro harmoniæ vim,

24 DE PURGANDA MEDICINA  
ordinis energiam, digitum Dei hîc sen-  
ferit vel avarus numinis cultor; legis  
enim æternæ effectus, sint oportet aut  
appendices, concordes adeò variarum  
tot legum concentus.


Sub his autem sanitatem pingi putes.  
Concentus enim est, functionum inte-  
gritas aut concordia. Reverâ quasi sub  
aëre crasso nata fuisset Medicina, cor-  
poris rebus magis quàm modis attenta,  
operis materiæ potiùs quàm arti, sani-  
tatis rationem crassiùs interpretabatur.  
Quam autem humoribus primùm seu  
*fluidis* partibus, posthac *solidis* imputave-  
rat, nunc ab utrisque repetit, sed re ipsâ  
sub pinguiori paulò rerum conceptu;  
*fluidorum saporibus* præoccupata magis  
quàm *solidorum potentiis*, utrorumque  
propriis qualitatibus potius, quàm ra-  
tionibus mutuis intenta. Eò usque hâc  
ex parte à veritate deliratum est, ut *har-*  
*monia* loco quæ functionum consensione  
competit, *fermentationum* conceptus sup-  
posuerint, quasi cum sudo tempestas  
conveniret. Indè contigit, ut sanitas,  
quæ pacis fructus est, aut tranquillitatis,  
turbarum ac dissidii fœtus facta sit; à  
*saliam, sulphurum* vè tumultibus, *explosio-*  
*nibus spirituum, volatilium evectionibus, su-*  
*blimationibus, cohobationibus* dependens.  
Interim



Interim tales rerum corporis ideæ, præterquam quòd in opprobrium naturæ natæ sunt, utpotè cùm eam materiæ niniùm mancipant, iis subjecerunt incommodis medicinam, quibus hætenùs laboravit. Salium, sulphurum, similifquè farinæ quisquiliarum notionibus assuefacta, iis cumulandis, fovendis, sarcindis apprimè studuit; at verò quàm infelicitè, ostendunt hinc elicite mendi indicationes, quæ à non causis profectæ, fucos mille & imposturas invexerunt; sapores peregrinos quibus vacabat sanguis inferendo, ingenerandoque humores quibus caruisset.

His minimè patet incommodis harmoniæ ratio, ad cuius leges definita sanitas, inconditis libera conceptibus, puriores sui ac à materiâ defæcatas ideas repræsentat, nobiliorésque spondet mendi intentiones & à sordibus repurgatas. Sit ergò sanitas fluidorum cum solidis harmonia, à firmo motuum ordine, nec deviantibus liquorum directionibus proficiscens. Quid indè fructus capiet curandi ars, aliàs videbitur; quid emolumentum jam accedat physiologicis rebus hic exponendum.

Hæc est corporis humani conditio, ut illi pereundum illicò foret, nisi quod

ipsi continuò decedit, in dies resarciretur. Id officii nutritivus est cujus operâ succorum loco, qui assiduè *transpirando* vanescunt, recentes subingeruntur. Hinc functionum integritas, sanitatis ac vitæ tutela. Hoc ut cedat feliciter, necessum est, ut à centro corporis ad cutim aut habitum ferantur sic diluti extenuativè succi, ut quæ è partibus saturatis decidunt particulæ, cutis poros ingressæ avolare queant. At immane dictu qualia & quanta sint posita centrum inter & extrema corporis intervalla. *Septuies* superaverint intestina corporis altitudinem, pro modico erit, si conferas quantò arteriarum evolutio corporis mensuram excederet. Ex ungue leonem; trecentarum ulnarum est vasculum undè testiculus coaluit, hoc est testiculi longitudinem milliès & ampliùs superari vasis evoluti longitudine, undè conflatus est. Tali inito cum singulis partibus calculo, immensum evaderet, quàm densis vasculorum glomis, recessibus, plicaturis constet humanum corpus, quàm plurima condatur, prodat quàm pauca longitudinis miracula, verbo, quantò sit aut videatur corpus se ipso minus. Cogites autem in his deviantibus ac tortuosis vasculorum glomeribus incomprehen-  


angustias & arctationes, vix capiend<sup>o</sup> eris, quantâ sit opus *liquidis* minutie, ut transire possint, & ad metam pervenire: *liquidis*, inquam, quales sunt nutritii succi, non omninò dilutis, sed lacteis, pinguibus, succosis, tenacibus. Interim has omnes *resistentias*, obices, repagula, *liquidis* superari facilia intelligeres, si singulares essent, tenoris unius, unius ordinis ac naturæ tubuli. At protheorum instar multiformes facti, qui arteriæ nascendo erant, in *lymphatica*, *excretoria*, *venosa* progrediendo desinunt. Qualis ergò, quàm portentosus adhibendus liquidorum commensus, ut illa, quæ chylus modo est, quæ lymp<sup>h</sup>a, quæ succus erit excernendus, quæ tandem sanguis futura est, *liquidorum* portiuncula, proprium quælibet vasculum subeat.

At isthuc, ut ut perbellè gestum sit, operis dimidium tantum est; *liquidis*, quæ per tot salebras illuc pertigerunt, retrò eundum est. Quidquid enim peragratis corporis itineribus superfuit purpurei laticis, eadem ipsi itinera relegenda sunt, eadem superanda repagula, cavenda diverticula, iisdem ipsi refluo ut influenti obsequendum directionibus, ne quæ eundo declinavit, redeundo incur-



rat discrimina. Tot conditionibus sub-  
 jicitur publicus & universalis sanguinis  
 circuitus; sed & aliæ veniunt sanguini  
 servandæ leges, à particularibus visce-  
 rum circuitibus profectæ. Ut inæqualis  
 est vasorum quæ per viscera sparguntur  
 numerus, sunt & variæ eorum capaci-  
 tates. Sic venæ cavæ *diametri*, aortæ du-  
 plex est: emulgentis, fœdalis arteriæ tri-  
 plex; *iliacorum* in viris *diametri* breviores  
 sunt quàm in fœminis; verbo, arterias  
 omnes capacitate vincunt venarum om-  
 nium propagines. Nihil ergò tam ob-  
 vium quàm arteriarum ad venas & vi-  
 cissim *diametrorum* inæqualitas. Quò  
 hæc omnia? Certè ad servandas *æquilibrii*  
 leges, ut ex angustis in latiora aut è con-  
 tra decapulandi liquores, tardescant mo-  
 dò, modò accelerentur. Est enim ubi  
 motus celeritatem locorum angustis  
 compensari necesse est. Igitur cor sit  
 commune corporis confluvium, quo ex  
 singulis partibus succi revehuntur, tar-  
 diùs celeritùs pro locorum distantis,  
 pro vasorum capacitate, elatere, glo-  
 meratione. Ex hoc unanimi & æquali  
 refluxu pendere imprimis sanitatem non  
 obscurum est. Factâ ergò eclypsi alicu-  
 jus succorum molis, quæ ex condito ad  
 cor è visceribus reversura erat, immi-

nuetur sanguinis fluentum, circuitûsque filum, à valorum plenitudine pendens, fatiscet; contra celerius cordi redditus, è visceribus redeuntibus succis, vasa cumulabuntur, turgebunt nimium, ingurgitarique periclitabuntur.

His anteire incommodis natura debuit, vasorum diametros arctando hîc, illîc dilatando, breviando vias, vel elongando, nunc adhibendo pronitates, nunc obices interponendo. Hæc omniâ ordinando sanguinis circuitui, organicis motibus regendis, firmandæ demùm fluidorum cum solidis harmoniæ instituta sunt, sed his stabiliendis aliundè adhuc à naturâ consultum est. Nerveus est vasorum textus, elasticus, arctari proindè laxarique promptus; insuper volubilis est sanguis, utpotè rotundis, quæ *rubram* portionem, constituunt, particulis respersus, tum aliis lubricis, quæ *albam*. Illas non secus ac palangas habeto, has ut instabiles, tactum fugientes, utrasque prementibus tubulis conclusas, fugere gestientes. Hæc omnia ad volubilitatem comparata nemo non vider, ne videlicet fluidorum itus ac reditus undequaque impedirentur, aut sanguinis circuitus aliquatenus nutaret.

Mitto *balsamicam* sanguinis di athesin,

30 DE PURGANDA MEDICINA  
sanitatis, si famæ fides, nutriculam; *bal-*  
*samicum* enim nec olet, nec sapit lacteus  
liquor. Sapores quóque prætereo, ut-  
potè cùm in sanguine optimi sint qui  
nulli. Constitutum, ut decet, sanguinem  
puta, dividuum summè, & immensè  
divisum. Illi enim saliendo nullibi, di-  
videndo ubique allaboratur. Ubi pri-  
mùm dilutus est chylus, per intestino-  
rum poros transeundo minùs quàm exu-  
dando, in atomos magis quàm succos  
dispertitur. Pollinis genus est qui san-  
guini infriatus, millenos omnis generis  
tubulos subit, per totidem revehendus;  
certè in tot segmina disjunctus succus,  
non tam liquoris quàm roris speciem  
repræsentabit.

Hic quòque de sanguinis *deputatione*  
filetur, pellitur enim non bullit sanguis,  
recensquè fabula est, quæ de illius des-  
pumatione circumfertur. Reipsâ in in-  
testinis colatus est chylus, proindèque  
nihil sordidi secum importat in vasa.  
Purus ergò putúsque liquor est sanguis,  
*deputationis* non indigus. Si quid vitii  
contrahit, id omne à lentore capit, un-  
dè stagnans moratús-ve, vel *occillantium*  
*solidorum* fortioribus & crebrioribus icti-  
bus, eliquescit, circuituque redditur;  
aut infrangibilis, duratur magis, mo-



tūſque ac vitæ finem accerſit.

Id Philoſophiæ genus arti ut ſanguini nitorem reddit, nitidioribus enim factis vitæ cauſis, ſanitatē conſpicere eſt totam in indiſtriâ, ſagacitate & providentiâ naturæ poſitam; in fluidorum directionibus, ordine motuum, æquabili circuitu, tandem in unanimi illorum cum ſolidis reſponſu, concordi ſymmetriâ, harmoniâ mirabili. Iſthuc eſſe, inquierent in *Phyſica Metaphyſicum* agere. At inò *phyſici* partes tueri eſt, cujus non tam munus eſt tractandi, crepandique materiam, quàm materiæ modos, ordinationes, motus, horum rationes, discrimina, leges; ſapientis enim eſt, rerum animas potiùs, quàm materies proequi.



## CAPUT IV.

*Quid morbus. In quo consistat :  
quis sub illo solidorum status.*

**D**E Morbi sede hætenus ambigebant, quam in *liquidis* alii, alii in *solidis* statuerant : hanc autem litem dirimit omnem, prodita modò sanitatis ratio, quæ utrîsq; *liquidis* & *solidis* communem eam esse ostendendo, utròrumquè affectionem esse morbum perspicuum fit : quanti autem ad felicitatem artis ponderis sit, ritè posita morbi sedes, norunt artifices. Enim verò quò dirigendus sit medentis scopus, quæ curanda pars, huic nosse tam necessarium est, quàm ægrotanti utile. Jam qualis sit isthæc quæ *solidis* & *fluidis* ex æquo incommodat affectio, revelat prodita sanitatis idea. *Symmetriam* esse dictum est ac harmoniam motuum organicorum, undè resultat circuitûs sanguinis æqualitas ; superest morbum esse *ametriad* eorundem & *anomalias*, undè circuitûs sanguinis inæqualitas sequitur & confusio. Porro hîc *solidorum* nomine, unica partis species intelligitur, quæ *système*

*nervorum* erit, quæcúmque enim *solida* pars in vitio sit, quatenùs nervea est, afficitur. Hâc autem de causâ, quòd nullius non partis stamina nervea sint, imò cùm omnis partis officium aut actio, eâ ratione quâ nervea est *occillando* exerceatur, hâc eâdem ratione læsioni obnoxia venit. Itaque ad nervos maxime pertinere morbi rationem manifestum est. Fidem facit symptomatum indoles quæ morbos incipiunt, quæ comitantur, quæ finiunt. In exemplum venit febris, quam horrores, oscitationes, pandiculationes, dolores *ostocopi* prænuntiant: comites sunt pulsus concitior (durus & *serratilis*, si inflammatoria fuerit) dolores capitis, cardialgiæ &c. agmen claudunt tendinum subfultus, tremula vox, artuum tremores, convulsio, &c.

De *fluidis* non item, multiplicia sunt, varii ordinis ac diversæ naturæ, ipse nimirum *sanguis*, *lymphæ*, *serum*, *succus nervosus*, *bilis*, *succus pancreaticus*, quorum interim omnium ut ut dissimilium, simplex & unicum erratum est, in quo sub morbis deprehenduntur, motuum scilicet inæqualitas, aut confusio, quam necessariò importat *liquidorum* situs aut positura. Liquida enim tubulorum alveis



coercita, à quibus suam omnem vim, omnimodumve motum mutuuntur, totius quæ illis advenit noxæ, in partem veniant, *solidis* videlicet à motu aut *oc-cillatione* delirantibus, *fluida* plectuntur. Hinc est quòd spontaneæ lassitudines, morborum præambulones sint. Rationem ostendit partium corporis textus, qui ubiquè nerveus, ubiquè sentit, ac compatitur. Neque enim rudis est aut inconditus, at sic sibi cohæret, undecunque concors, ut sibi partes consonent, nec rarò quidquid pars aliqua admittit, alteri reddat. Exemplo sunt singulares & *mutua* quarundam partium sympathiæ; cerebri cum hepate & ventriculo, undè fit ut à commoto cerebro vomitus superveniat, succedatve hepatis abscessus. Comperta ejusdem cerebri cum oculis conniventia, illo enim inflammato, oculi rubent & inflamman-tur. Concordant adhuc mammæ cum utero, pedes & testiculi cum pectore aut pulmonibus, adeò ut malè se habente utero, mammæ condoleant; affectisve testiculis, aut refrigeratis pedibus, tusses contingant. Tandem consonantia datur pedum cùm alvo & alvi cùm oculis, ita ut à frigore pedum obstinatio alvus resolvatur; item facto alvi profluvio,

lippiantes oculi perfanescant. Posthac nihil miri est quòd interdum sub levissimo dolore, corpus universum condoleat; publica est enim & communis partium omnium consensio.

Ex violatâ hâc consensione, emergenda esse generis omnis symptomata aliundè intelligitur. Quid enim incommodi non nasciturum est à stagnantibus, deviis, aliòque derivatis quibuscumque succis? Hæc autem invehit pessumdata partium symmetria; sic enim mutatis motuum *directionibus*, inverso eorum ordine, præcipitibus factis quibusdam succis, alii lentescunt. Aliàs in impetus evadunt *directiones*, crebrioribus enim factis *solidorum occillationibus*, qui sensim ferebantur liquores, violenter abripiuntur. Hæc quidem motuum errata, uni sanguini vulgò imputant, at reliquis succis communia esse ostendit arteriarum positura. Ea est, quâ progrediendo in *lymphatica*, *secretoria* & *venosa* desinant. Hæc suppositione, quidquid vitii capit sanguis, consecutione necessaria cæteris è sinu suo fluentibus succis, *lymphæ*, *bili*, &c, impertit, quandoquidem omnium eadem est series, idem circuitus. Hæc arte infelici, naturalis & necessaria fit motuum, ordinis, directio-

36 DE PURGANDA MEDICINA  
num confusio. Naturalis, inquam, ut  
enim *allisionum collisionumve*, sic *impe-*  
*tuum, declinationum, determinationum* suæ  
sunt leges. Posito alicubi sanguini obice,  
illuc necessariò rapietur quò capaci-  
bus ac proclivioribus viis feretur; eò  
enim faciliùs itur, ubi sentitur resisten-  
tiarum minùs. At quia minimorum tu-  
bulorum collectæ cavitates, majorum ca-  
pacitatem æquivalent, alicubi impeditus  
sanguis, eò loci quò vehunt plures ar-  
teriarum furculi, rapietur. Talia sunt  
autem *viscera, hepar, pulmo, cerebrum,*  
*&c.* Indè fit ut coorto morbo graviore,  
in hæc tam facilè infiliat sanguis, *aposta-*  
*ses, inflammationes, apostemata* factururus.  
Si addideris locorum pronitates, quæ  
morantem, cespitantemque sanguinem  
ad se invitant, uberes & faciles lapsus in  
has aut illas partes, concipere erit; præ-  
terquàm quòd enim ubiquè locorum in  
corpore sevit natura proclivitates, eæ  
sunt declivitates quarundam partium,  
ut cataractarum more in subjecta loca  
succos præcipitent. Sic sanguis, quo cu-  
mulatum fuerit cerebrum, ad pectus  
ruere consuevit; nimius enim per arte-  
rias appulsus, impotentiùs à venis re-  
vehitur: verùm quia ad subjectas par-  
tes pulmonum, vasorum mæandris deest



par proclivitas, facto gurgite succi ita redundant, ut gravetur pectus & ingurgitetur emissariis defectum, quibus impetu confluentes succi aliò erumpant aut elabantur. Similiter ad uterum frequentes sunt & faciles humorum lapsus; præ hominibus enim has à naturâ obtinuerunt feminae succorum colliquias, quò exuberans sanguis derivatur. Itaque sub morbis mulierum impeditus sanguis, aut hærens alicubi, ad uterum sæpiùs elabitur, tensiones, dolores, inflammationes, hæmorrhagias commissurus. Hanc uteri pronitatem æmulatur in viris, vaporum hæmorrhoidalium declivitas, quò ruit quidquid sanguinis ructant abdominis viscera. Quot symptomatum causas revelarent similes *lymphaticorum*, *nervorum*, &c. positus, si in apertum venirent? Saltèm ex his quæ cernuntur, cætera quæ latent adhuc interpretari licebit, eò verosimiliùs, quòd cum simplex sit natura sibi que similis ubiquè, industriâ dissimili nusquam utitur. Quo admissò quidquid errati, detorsionis, inordinationis, &c. in sanguine, illiusque succis comitibus contingit, id omne de *lymphâ* ipsâ, de *nervorum* succo non rarò conjicere licebit. Horum ergò ut cæterorum succorum motus impeditos, dejectos,

inversos, devios concipere conveniet, partiūmque nervosarum *spasmos, crispaturas, glandularum* obstructions, tumores, scirrhos, ab *occillationibus* violentis, turbatis, turbulentis; à *lymphâ* tardatâ, stagnante, ingurgitatâ deduces. Nihilominus tamen è memoriâ exciderit nusquam, turbarum quascunque patiantur cæteri succi, causam & originem à sanguine manare: hic etenim ut impetum primus à corde recipit, corque sit prima & princeps motuum potentia, quotquot in corpore motus exercentur, motus cordis consuetarii sunt & appendices, adeò verum est quidquid morbidum corpori advenit, ab exlege sanguine, à turbatâ symmetriâ, à motuum anomaliis, ab inæquali circuitu nasci.

Hic tamen unus solvendus sese objicit scrupulus. Ambigitur, an tot motuum turbæ aut inordinationes, à potentialium inertiam enascerentur? An ab earum exuperantiâ aut violentiori impetu; quod idem est, an à frigore aut ignaviâ, an à calore oriantur.

Reverà succorum mora, inertia partium quam crebrò excipiunt artuum torpor, langor, paralyfis, imbecillitas, hæc omnia nihil aliud repræsentant, quam labantes, infirmas, resolutasque poten-

tias. Imponunt tamen, *solidorum* enim *atonie*, resolutionis, laxitatis nomina frequentia, sed tales eorum affectiones rarissimæ sunt. *Strictura*, ut loquebantur *Methodici*, affectiones sunt. Certè à cuneatis, ingurgitatisque succis in his casibus impediri partes inconfessò est; at stagnationum causa solemnis est, *occillationum* crebritas, acceleratio, petulantia, quâ fit ut ad vasorum fines succorum copia major pellatur, quàm revehi queat. *Mechanices* hujus causa suo loco tradetur, cujus effectus præmitti hic debuit.

Quamlibet igitur speciem offerant morborum symptomata, ab aucto *solidorum* elatere scilicet, vel à prementibus nimium vasis, vel ab arcano spasmo nasci ut plurimum suspicio est. Id innuit enormis *solidorum* vis, quæ cum stante sanitate suprà *fluida* dominatum obtineat, proclive est, nascente morbo tyrannidem ab eâ exerceri eò efficacius, quòd permulta sint quæ *solidorum* vim possint elevare, perpauca quæ *fluidorum* augeant potentias. Id autem ex instituto naturæ; *solida* enim exercendo regimini, ferendo *fluida* nata sunt, quorumvis una in resistendo, patièdo proinde posita est; servituti ergò facta fa-



mulantur semper fluida, nunquam impurant. Qualis ergò unquam energiae futura? Interim si vim illis aliquantulam accrescere putaveris, fortius indè velligata *solida* viribus crescent. Est tamen, ubi depressionis aut imbecillitatis speciem exhibent *solida*, cum videlicet placido pulsu, (*concentrato*) vires fatiscunt, hebescent functiones, torpescunt artus, pulsu interim, urinâ & sanguine, qui floridus est, à nativâ indole vix recedentibus; tunc temporis à statu, aut à viribus dejecta *fluida* dices? Quidquid que subest morbi, à *solidorum* infirmitate provenire? Imò talia quoque committit singularis & insueta spasmi species. Ea est quâ à flexibilitate suâ defiscentes motrices fibrillæ obscurè rigent; non ita quidem ut *occillationum* suarum rythmum perdant, ita tamen ut earum modum mutant. *Spasmus* est *tonicus*, sub quo perseverat *occillationum* tenor, sed impedito gradu, coacto, suspenso. Hinc etiâ est quòd ominis infauti esse soleat id *spasmi* genus, non enim has vel illas vasorum fibras, sed totam fibrarum texturam, atque compagem, non *erethismi* fugacis & volatici ritu, sed *spasmi* perennis & continui præsentiâ afficit. Reipsâ hic est vasorum

*spasmus*, qui morbis malignis proprius est, eò infensius vitæ minitans, quòd pulsus sic constitutus, revehendo sanguini impar, tacitè circuitum illius perfundet. Igitur còrvo *albo* rarescit non minùs symptoma morbi, à partium laxitate, aut motùs imbecillitate natum. Alicubi tardata pauxillùm *occillandi* vis, aliorsùm profilit, ita ut facta alicubi *fluidis* remora, eorum accelerationem alicubi futuram spondeat. Sic, quod fidem vix inveniret, turbarum aut motùs non aliundè fons uberior, quàm à *fluidorum* tarditate, quorum invec̃ta quies, morbidæ inquietis accessio est. Non pauca hùc exponenda venirent; at singulatim ea persequi tædio foret, quæ meditata *tritùs* & *occillationum* doctrina suppeditabit.

Nihilominùs tamen duo sũnt non prætereunda, quæ morborum *etiologiam* juvabunt non mediocriter. Alterum est, *spasnum* qui morbi ponit initia, à majoribus vasis infrequenter, sæpiùs à minoribus seu majorum extremitatibus incipere; eapropter tam lenta sunt & obscura morborum præludia, tamquè à longè venit ingentis morbi causa; sic flammam subito ignis, suppositus diù cinere doloso; dum enim in majoribus

vasis non interruptus perseverat circui-  
 tus sanguinis, in capillaribus nutans,  
 obicibus mille ansam dat, materiésque  
 sensim cumulat *fluidorum, undulationum,*  
*occillationum*ve commerciiis impedimento  
 futuras. Alterum hoc monitum est, ut va-  
 rii sunt succi qui spasmo vasorum coer-  
 centur, sic & variè dantur *directionum*  
 mutationes, undè symptomatum mul-  
 tiplicitas & discrimina. Coercitus *ner-*  
*vorum succus*, aut tardata *lymphæ*, quæ  
*glandularum, cerebrivæ* sunt symptomata  
 invehunt, quæ vulgò *frigidity* impu-  
 tant; stagnans compressivæ sanguis, ea  
 dat quæ *calori* attribuuntur, ardores  
 nempe, *phlogoses, inflammationes*. Illis  
 adest lenta febris aut mitior, his vivida  
 magis & ardentior. Quantum præsidii  
 hinc venturum sit medendi intentioni-  
 bus, intelligent in hoc pistrino versati.





## CAPUT V.

*De statu fluidorum sub morbis*

**I**N votis fuit hætenùs , sanguinis statùs cognitio , nihil enim tam fuit omnium cordi , quàm succorum humorúmve comperienda indoles , quò medentes scopum dirigerent. Hic quondam erat *refrigerandi , calefaciendi , &c. tenuandi , incraßandi , &c.* quandiù videlicèt in honore fuit *calidi , frigidi &c.* dogma ; at mutata artis facie , ludibrióque habitis qualitatum simulacris , recens & peregrinus suffectus est saporum cultus , tùmquè mulcendis *acoribus , concentrandis acidis , saturandis alcalibus , lexivialibus* eluendis , figendis *sulphuribus , salibus* tandem infatuandis , retundendis , edulcandisque allaboratum est. Indè factum , ut quæ antea actis temporibus in refrigerando versabatur medendi ars , tota nunc in *absorbendo* sit occupata ; licet reverà vocum magis quàm rerum sit isthæc metamorphosis , cùm in iisdem intentionibus perseveretur , communi saltem sub hoc respectu , quòd in unis fluidis seu humoribus curandis utrúmque sudatum

fit. Præpostero tamen labore, aliò enim quàm conveniebat singuli collimantes, à scopo omnes recesserunt, in inscrutabili succorum qualitate morbi naturam quærentes, quæ in eorum motu invenitur. Illos decepit *symptomatum* diversa facies, quibus propriam & singularem in succis *diathesin* definiendam esse sibi persuaserunt. At errorem eorum arguit *symptomatum* mira varietas, quam sanguis solus committit, abnormis factus tantùm, succorum malè feriatorum satellitio sæpissimè vacuus. Enimverò ea sit *symptomatum* facies quæ *calorem* aut *frigiditatem*, *aciditatem* aut *acrimoniam* &c. innuat; hæc omnia committere potest unus ab orbitâ suâ delirans sanguis. Testes sunt *Chlorosis*, *menstruum* & *lochiorum* defectus aut suppressio in feminis; *hemorrhoidum* absentia in viris; *hemorrhagiarum* cessatio in iis quibus familiares fuere; *venæsectionis* omissio ab iis qui hanc sibi legem dixerant; nullius enim coloris, indolis aut naturæ symptoma morbumve concipias, cui prædendo non suffecerit sanguinis hæc vel illâ ratione suppressi, motus abnormis. Quantùm à rotundis quadrata distant & ab albo nigrum, tantùm naturâ & specie dissimiles videntur *alba febris*, & *ardens*, *pleuritis* & *hydrops*, *san-*

guinis sputum & cachexia, sopor & insomnia, torpor & dolor, segnities & inquietudo: interim hæc omnia à mensuum inordinato motu orta, quotidiana praxis ostendit. Quàm parùm convenit hepatis inter & lienis affectus vulgatum est, tam inter illius inflammationem & alterius scirrhum, utrùmque tamen inducit hæmorrhoidum siccatio. Febres, erysipelata, abscessus ingenerat interrupta sanguinis missio. Tandem vix classis alicujus aut conditionis morbum offendis, quem ab hæmorrhagiarum cessatione, defectu aut absentiâ natum non prodat usus. Quod adeò verùm est, ut eorum affectuum, quos herculeos vocant, maximam partem, à sanguinis suppressione quâdam profectam comperias. Ejus ordinis sunt epylepsia, hypochondriacorum morborum quodvis satellitium, phtisis, scrophula, carcinomata, hydropes, quorum originem, ut decet, scrutando, hanc ab evacuatione sanguinis quâdam deficiente manantem comperies. Imò nullum ex morbis invenias sanguinis evacuationibus, quâvis ex parte contingant, obnoxium magis, quàm hydropem. Adeò ut, calculo inito, nullum ferè hydropicum è vivis excedentem, medentibus videre sit, antequàm sanguinis aliquid ore vel naribus, alvo



aut utero, semel aut iterum reddiderit. At quantum in gignendis morbis valeat aberrando sanguis, nil aperit magis quam læva illa aut lethalia symptomata, quæ *hemorrhagia* maturius suppressæ succedunt. Ea sunt *febres*, *hepatitis*, *icterus*, *phlegmone*, *abscessus*. Hinc quoque spectant *hemorrhagia*, quæ membro aliquo curtis tam familiares sunt, adeo ut morbos incurrant, nisi illarum defectui sanguinis missio, diæta aut labor, quæ hinc imminent discrimina, avertant. Quæ omnia, cum obvia sint, definiendæ morborum naturæ servient mirabiliter, palam faciendo nihil aliud esse morbos, præter partium affectiones, à devio sanguinis circuitu natas.

Cæterum hinc sanguinem puta vivificam illam sanguinis molem vasis coercitam, quæ ex albâ & rubrâ portione coaluit. Cum enim harum singulæ sua habeant vasa, quibus vehuntur, suis quoque motuum *anomalis* obnoxia veniunt, accelerari proinde, lentescere periclitantur. Porro quantum inde elucidari poterit morborum qui serosæ colluviei tribuuntur ætiologia, attendenti patet. Sic enim *Catarrhorum* fontes qui hactenus delituerant se produnt, ut & origines immensi illius proventus succi nu-

tritii, qui per *puta*, *coryzis*, *fluores albos*, *gonorrhæas* perit, tam aliundè durabilis & inexhausti, ut in *tabem*, *marasmm* aut *atrophiam* tempore non multo præcipitent; Quorum omnium rationes hic manifestæ sunt. Quæ albæ portioni dicantur vasa, ad corporis peripheriam, aut viscerum cava terminantur, quò *transpirationis* materiem exportant; juxtà tritam hanc corporis œconomiae normam, quâ succus nutritius suis officiis (quæ partium rationis sunt) defunctus, in fumum expirat. Quæ autem sensus fugit isthæc expiratio, ad corporis habitum exportata densâ caligine, fumoque manifesto sensus ferit, in apertis vivorum animalium corporibus. Verùm quemadmodùm halitûs illius inconspicui materies, vel per se, vel aëris frigidiusculi occursum spissescens, paulisper in serum seu sudorem incorporatur, sic quâvis de causâ stagnans, morata, lentescens intrâ viscerum interiora, quò derivatur in transpirationem internam cessura succi nutritii materies, in serum aut pituitam coalescit; stupharumquè loco, quas corporis cavum æmulabatur, impluvium succedit; cùm enim horum vasorum tot oscilla sint quot puncta, quibus partes perviæ sunt, ha-

rum parietes undequaque fero perstillare intelliguntur. Quàm autem affatim hinc ruant tot aquarum imbres, evincit perennis *membrarum & tunicarum* mador; cùm enim membranæ sint & vasa, singulæ partes, eadèmq; ejusdem contextûs sint sub morbis; quæ sub sanitate fuerunt madoris fontes, eas omnes in catartas solvi sub morbis, seròve exundare concipitur. Certè hinc manare *hydropum* quorumvis eluvies suspicio est non mediocris, eò magis quod cùm vasorum parietes interni glandulis perstrati habeantur, in serum, *occillatione* morbidâ factâ, mutato madore, sanguis ipse fero mergetur. Imò & *sicci hydropis* indidem proficisci causam conjectari licebit. Succum enim illum nutritium, qui modò in serum liquatus, si ultrà modum attenuari contigerit (id autem à *motûs systaltici* crebritate venire potest) tùm non vaporosus udor per partium cava exhalabit, sed salacior erumpet & impetuosus spiritus. *Explosionis* genus erit, quâ jaculata *elastica* materies, in partes vibrabitur. Verbo, ventus erit in cava erumpens, tumens inibi, rarefactus & arietans; an flatuum causa verisimilior magis?

Sed ne extrà oleas, ad *fluida* revertendum



tendum est. Aliud horum motui vitium accedit. *Rubra* pars sanguinis, *alba* vasa subit; quod errati genus à sanguinis violentiùs impacti culpâ committitur, erratique hujus is modus est & ratio. A sanguine exit succus nutritius, sanguinisque impetu in propria vasa extruditur. Utrique igitur communis impulsio, solisque *collisionum*, *percussionum* ac *declinationum* legibus alterutriusque in impropria vasa divortium fit. Interim cum à nimio exercitio sanguis per ureteres urinæ loco redditur, cum in nutritibus vice lactis sanguis mulgeatur, pro pituitâ pulmones sanguinem expuant, pro lymphâ glandulæ cruore imbuantur, quid non futurum discriminis ex commemoratis modò succorum erratis, si à debitis sibi tramitibus & *excretoriis* evagantes, aliena & peregrina subingrediantur? Quæ vis & species morborum non inde nascetur? Ejus ordinis erunt *plica polonorum*, sanguinei sudores, cruentatum, quod *paracentesi* educitur, *hydropicorum*, serum. Quidni à simili circuitûs sanguinis errore, erumperent *morbilli*, *febres scarlatinae*, *purpurata*, *variola*, *erysipelata*, & similes cutis affectus, ubi ideò rubedine tota respersa videbitur, quia quæ succo albo unicè admittendo dicantur

50 DE PURGANDA MEDICINA  
cutis vascula, adacto vehementius sanguini patuerint?

Hæc in publicis, quæ ad universum corpus attinent, vasis; quid autem si motuum *anomalie* & aberrationes, ad vasa visceribus propria, *secretoria* vocant, *hepatis, pancreatis, testiculorum, uteri, &c.* pertingant? Quales indè turbæ, qualis confusio, quæ ægritudinum miscellanea! Hinc ancipitis naturæ, dubiæve conditionis succorum stagnantium, refluorum, excretorūve abnormis & indigesta luxuries, quæ mole, colore & effectiōibus imponunt, perperam stabilitis eorum originibus, undè medentium *indicationes*, conjecturæ, consilia incertantur. Exinde tandem tot *profluviorum, tumorum, scirrhorum, apostematum* vix definienda genera, ex malè positis eorum sedibus, causis & materie.

Suas quoque motuum *ataxias* incurrit nervorum *lymphæ*, quam *spiritus* dicere aut *succum nervosum* perinde est. Interim motuum *anomaliis explosionum* loco suffectis, roscidus humor, quo imbuendi sunt nervi, in halitum *elasticum*, igneum, flatulentūve desciverit, *undulationum* mollium loco, quibus *ocillare* debent fibræ motrices, allisæ fortiùs, compressæ nimium, sæpiùs vellicatæ, *spasmos, crispa-*

*turas* multiformes edent, à quibus *vaporum*, ut aiunt, seu *affectionum hysteri-  
carum* scena versatilis, *melancholicorum*,  
*splenicorum*, *hypochondriacorum* *symptoma-  
tum* monstra aut prodigia. Quemadmo-  
dum enim perseverans æquabilis *undu-  
lationum occillatio*, tenoris sui ac directio-  
num tenax, *sensationum* seriem tuetur ac  
constantiam, sic à tramitibus deviando,  
nervos emovet ac præposterè vellicat.  
Hùc in auxilium vocant *salium* stimulos,  
& *saporum* energias, quibus vellicati  
nervi *spasmos* concipiant; sed vulgi pa-  
lato sapiat quantumvis isthæc idea, *ner-  
vorum* teneritudini & eorum *lymphæ*,  
quæ mollis & blanda esse debet, omni-  
nò repugnat. Prætereà an tam vera sit  
quàm jactata *saporum*, *salium*que præ-  
sentia in sanguine & confectariis illius  
succis, adhuc ambigitur. Denique æquè  
juvabunt *occillationum anomalie*, ac *sa-  
lium* aculei, & *saporum* vires ad expo-  
nenda nervorum officia; quod enim  
hæc pûngendo præstare prædicantur, il-  
læ motando, agitando, succutiendo  
exequentur. Sonos acutos, tremulos,  
graves, &c. edunt citharæ fides ex ar-  
te pulsatæ, sic & emotos variè, & ex  
naturæ instituto agitaros nervos, va-  
rias *sensationes* edere concipitur.



Friget ergò aliquis sub morbo aut ardet, artuum ignaviâ aut inquiete laborat? His invehendis satis erunt *occillationum* insultus, concussus, impetus, tùm *succi nervosi* mora, pernicitas, arietatio; hinc enim nascitur *nervoso systemati* arcana inquietudo, sui que impotentia, *ataxiâ* que versùs pronitas. Aliundè non adeò patet animo, quî fieri posset, ut *salini* saponum ad succum nervosum pertingerent. Nonnè frustra illi tenuando, exuendoque ab extraneis quibuscumque studuisset natura, tot adhibitis *tritatoriis* artibus, vasorum nempe *diametris*, angulis, curvaturis, *contractilitate*, quibus peregrinum omne, aut corporatum quodvis è nervorum ditione arceretur? Salini enim saponum à corpusculis duris, rigidis simul adunatis pendent, quæ aut procul amovisset tot tubulorum toties iterata *systole*, aut penitus contrivisset. Igitur etiamsi daretur in sanguine, undè saponum in nervosum laticem derivari conjectant, *salia* inveniri, nervorum penetralia subire nusquam eis concederetur. Atqui salinâ labe sanguinem aspergi à vero abluat; illam enim à chylo in sanguinem scaturire, mendosa opinio est. Equidem *salinis* aculeis scatere chylum à stomachi coctione recentem ad-

huc, concedendum est ; talia enim alimentis adesse debuerunt, tùm ut vel-  
lendo palatum, masticationem provo-  
carent, salivamque movendo subactio-  
nem juvarent, tùm ut tritu agitata fa-  
lia, rumpendis, discerpendisque alimen-  
torum moleculis inservirent. Igitur chy-  
lo recens confecto, impurato adhuc ea  
inesse suspicio est, at colatum, ut decet,  
transmissumque per intestinorum spon-  
giosa oscilla chylum, *salinas* particulas  
ad sanguinem secum asportare tam im-  
possibile est, quàm inutile ; hærentibus  
enim & inviscatis intestinorum glutine  
ciborum superamentis, depositâque illíc  
omni salium sarcinulâ, levis, benè ni-  
tens, & defæcatus ad sanguinem progre-  
ditur, ulteriùs, perfectiùsque subigen-  
dus. *Levigatio* enim est illa *trituræ* pars,  
quâ chylus ab intestinorum exitu tenua-  
tur, usquedùm *transpirando* expiraverit.  
Defricandis cibis, ut inde chylus exi-  
ret, tudiculis aut fortioribus ictibus opus  
fuit, qui quassarent, contunderent,  
comminuerent ; hinc autem eliquatus  
chylus, duris, incidentibus, quales *salinæ*  
sunt, particulis admisceri minùs debuit,  
utpotè qui non ampliùs deteri indigeat,  
sed tantùm tractari ulterius, emolliri,  
poliri, ut ductilis eyadat, aptus nempè

transmeandis vasorum labyrinthis, flexuris & anfractibus. Hoc autem, ut assequatur, id artis adhibet natura. Vasa sanguifera, quò confluit chylus, moleculis *planè ovalibus* volubilibus, rotundis conseruit. Cum autem quæ lapillos inter volvitur aqua, limpidior sit ac nitidior, à *plan-ovalibus* sanguinis particulis simile quid venire chylo non ineptè cogitares. Nota quoquè quæ ex agitato molliter porphyrio venit politura : an arte non absimili affrictæ invicem rotundæ sanguinis particulæ, interpositas succi nutritii striasvolvendo, rotandove dolarent, polirèntve? Cotibus tamen meliùs illas comparaveris, lapidibus utpotè lævigationi natis. A salinis partibus expectabis id beneficii genus. Nemo sanè id intellexerit, cum *ductilitati* nihil tam apertè repugnet, unde illas à sanguine abesse concluditur.

Quin imò, neque à *salinis* inquinamenti nascuntur morbi, illis enim sub morbo aditus in sanguinem non patet magis, quàm sub sanitate. Chylus *acescens* in primis viis, subeundo sanguini tam inidoneus fit, ut illicò repulsam passus, alvi profluvio factò præcipitetur. Cum enim semel à suavitate suâ descivit chylus, *acescendo* autem des-



ciscit, maximè perit mutua illa aptitudo intestinorum cum chylo, non secùs ac coli cum colandâ materie, adeò ut admissiõni aut *secretioni* via omnis præcludatur. Itaque morbescentem sanguinem peregrinis saporibus infici negatur. Equidem morbidum jam factum *acescere* dabitur, hâc de causâ quòd lentescentes aut stagnantes aquæ vitium capiant; at secundariò tantum id accidit; *aciditas* ergò causam morbi propagare potest, non gignere; symptomatis proindè nomine, non causæ morbis contribuit; quod jam pluribus discutiendum est.



## CAPUT VI.

*De morborum causis.*

C A U S A S proximas aut morbis affi-  
dentes invenisse est, *solidorum* po-  
situras sub morbis & *fluidorum* statum  
definiisse. Curta tamen remaneret mor-  
borum *etiologia*, si in his unicè conquies-  
ceret. Artis ergò felicitatis interest, ea-  
rum causarum rationes investigare, quò  
tutiora fiant medentium consilia, tum  
in prævertendis, tum in depellendis  
morbis. *Spasmodicæ* ergò *diathesis solidor-  
um*, fluidorum aberrationis causas sta-  
bilire hoc opus certè videtur, hic  
tamen non labor est. Obvia fit omni-  
bus atque confessa observatio vulgaris,  
hominem præ animalibus cæteris ægri-  
tudinibus obnoxium. Interim ejusdem  
artis sunt & industriæ, non composita  
minùs, nec motuum legibus minùs sub-  
jecta animalium organa; cur ergò hæc  
in brutis à functionibus disjici tam rarò  
periclitantur, dùm homines vix mo-  
mento cessant ab incommodis? An eâ  
parte principe quâ cæteris eminet ho-  
mo, hæc eâdem, aut illius occasione

morborum insultibus pateret magis ? Hoc suaderet animæ in corpus imperium , vis exercita semper *substantiæ* illius *cogitantis* , quæ dum agit assidue , nervos assidue tendit. Velit enim , nolit homo , in contentione nervorum vitam degit ; tempore ipso quo à cogitando cessat , cogitandi proximus. Igitur indefinenter agunt , aut saltem nituntur illius nervi , qui intenti semper , aut in intentionem proni , cogitandi necessitatem , aut occasionem important. Contrarium brutis evenit , inconscia vivunt , cogitatione ut animâ vacua de alieno animantur , spiritu scilicet extraneo afflata. *Automata* sunt aut suæ quâ constant materiæ , aut alienæ quâ circumdantur legibus mancipatâ , quæ ab objectis incogitanter sic aguntur , ut quidquid sibi præstant obsequii , imperata faciant , cum ipsi eorum vitæ quam sponte trahunt consulatur , non consulant. Licet enim conservationis cura nulla eis deficiat , illa tenet nulla : eorum enim sua est lex universi , cuius pulchritudini ut serviunt , sic ordini obtemperant , acceptis semel à lege æternâ motibus , impetui ac directionibus assuefacta , quas cogitato aut meditamine nullo interturbare norunt. An aliundè ,



quod obiter dictum erit, melius asseretur in brutis animæ carentia, certè enim lætâ minùs fruerentur sanitate, si illis cogitare daretur. Reverâ ex hominibus eos videas infelicioris valetudinis, qui meditando vitam terunt. Hos inter ferè numerares causarios omnes, infirmos, morti debitos, quotquot orbis universus complectitur, ni cordis affectus aut animi pathemata illorum turbam densius coagmentarent. Præterea enim, si voles, luxu perditos, in scorta furentes, in aleam insanientes, temulentiam vesanos, rixosos, violentos, facinorosos quosvis, aut crimini deditos homines, quos scelerati torquent affectus aut prodigiosæ perdunt cupiditates, unus amaror vitæ, publicus aut domesticus moeror, omnium cujusvis sexûs, artis, aut conditionis fuerint ossa desiccant, aut inficit medullas. Hoc adeò verum esse perhibetur, ut quos morbos *atro carbone* notare volueris, *melancholicos*, *hypochondriacos*, *atrabilarios* nomines. Causam referunt ad sanguinem vappidum, *balsamo* spiritûs, seu *volatili* suo defectum, quasi mœrendo, meditandove sanguinis pars optima evolare: rem melius interpretantur, qui mœroris aut melancholiæ effectus, in *solida* refun-

dunt. Tristitiæ sensus est tardescens nervorum *occillatio* ; hinc oborto mœrore, cor comprimitur, rarefcit pulsus, appetitus ( qui *occillatio* ventriculi est ) deicitur, hæmorrhagiæ uteri, & alvi evacuationes illicò sistuntur. Hinc autem detorqueri ac deviare partium undulationes, mutari proindè sanguinis motuum *directiones*, turbari, confundi tandem, palàm est. Hinc succorum circuitûs *anomalie*, turbæ, *ataxiæ*, quæ spiritibus imputabantur, eorundem nutantium in motu, titubantiûmve insultus, arietationes, impulsus, succussiones, *spasmodicæ diathesis* ( quæ *melancholicorum* affectuum propria est ) causæ vel origines. Sub iisdem affectibus *acore* succos infici, vulgatum est, at indidem, scilicet à succorum morâ, *aciditatem* eorum deducere in proclivi est. Quot ergò, quàmve difficiles, morosos, instabiles hinc enasci debeant morbi, abundè patet; quàmque ferax, quàm publica sit oportet melancholia invaletudinum scaturigo.

Principi huic morborum causæ, accedit altera, solemnis æquè ac universalis, impotentia gulæ, dira isthæc generis humani carnifex. Inter plurimas illius nocendi artes, duabus imprimis sanitatem

corrumpit, ingluviæ ciborum & deliciis. His titillata nimium exuperat *solidorum* vis, quæ alterius mole saturata fatiscit. æquipondium enim est sanitas ab æquali *solidorum* cum *fluidis* renitentiâ ortum; altrinsecus super addito momento perit æquilibritas. Ut autem à *fluidis*, sic à *solidis* venire potest id momenti genus. A fluidorum mole crescere eorum *potentiam* manifestum est; ab auctâ *solidorum contractilitate* horum intendi vim ex æquo patet. Molem *fluidis* addit ciborum ingluviæ; *contractilitatem* addunt *solidis*, titillantes ciborum *lautitiæ*; functionum igitur integritati sine æquilibrio pereundum est. Hic autem rumpendæ æquilibritatis periculum adest eò majus, quò dùm minimam *fluidorum* copiam tantum ( *viginti* nempe circiter sanguinis *libras* ) immensæ *solidorum* potentia ( quæ pluribus *librarum millibus* æquipollet ) objecit natura, illis cumulandis laboret gulæ cupiditas. Porro *fluidorum* potentia sufficit, si æmulæ, quæ *solidorum* est, comparata, sit ut 1. ad 1000. quid ergò futurum si eò ascenderet, ut fieret quasi 1.  $\frac{1}{4}$  ad 1000? Interim id incrementi tam facile est quàm prodigiosum; ab illâ enim in dies exercitâ voracitate, quâ plures ciborum



libræ infumuntur, quid tam in promptu, quam librarium aliquot succorum accessio? Hinc autem *solidorum* potentia venit impedimentum duplex, succorum enim pondere gravata vasa impediuntur dilatari, eorundem mole tumentia atque repleta constringi prohibentur. Verum sanguinis circuitui sic factis obicibus; stagnantibus, refluïs, aut deviantibus à sanguine dependentibus succis; *fluidorum* & *occillationum* disjici, perverti, aut detorqueri *directiones*, *determinationes*, incurfus, impetus, &c. confectarium est. Unde morborum, symptomatum, affectionum, evacuationum multiformis facies, curationum inconstantia, medentium aberrationes, remedium insidia. Isthæc discrimina inferre valebunt vel fatua ignavæ edulia, si ingurgitata fuerint, at longè pejora invehent cibi acres, acuti, opimi, actiuosi, quorum succi pugnaces, tumultuarii, sulphurei, salini & in fermentationem proclives, mille modis *solida* laceffent, ac vellicabunt, unde *crispatura*, corrugationes, *spasmi*. Sub his consistere sanguinis circuitûs æquabilitatem, motuum tenorem, succorumve *directiones*, tam facile concipias, quam turbas inter & tumultus ordinem.

Morborum autem ferax maximè evadet hæc ab eduliis deducta causa, si vini, ardentiumve liquorum comitem se dederit paulò familiarior usus. Talibus enim inebriaminibus afflatæ partes quæ mulcente *lymphâ* insuccandæ erant, rigescunt, nutant, emoveantur, & à *tono* desciscunt. Cumulum addet carniū esus, quæ cū *sulphureis*, fibratis, tritu proindè difficilibus succis vasa cumulent, cogendo, spissandoque sanguini pabula parant; *fermentationique* dant igniculos, cui cū locorum inopportunitas, spaciōrum angustia, sanguinisque circuitus repugnent, collisionum, concussionum, arietationūve nifus inanes contingunt, à laceffit *solidis* magis quàm à tumultuantibus *fluidis* oriundi. At ut publicus est omnisque sexus, ætatis, conditionis ac instituti hominibus domesticus, similitum usus, quot eduliorum culpâ impendeant morbi, innotescit. Inindè venit morborum densa cohors, cū omnes qui primarum viarum vocantur affectus, in edulia refundantur, aut in coctionis primæ vitia; nec immeritò si delicatulum stomachi sensum recognoscas, qui cū nerveus totus sit, in motum assiduum factus, atque proclivis, agitari perfacilis est & vellicari. Si adjeceris nativam illius,

cùm reliquo corpore societatem, quâ fit ut stomacho totum corpus annuat aut compatiatur, quidquid anxii tolerat stomachus, aut laboriosi, cùm omnibus partibus communicare deprehenditur. Hinc à *cardialgiâ* totum corpus concidere videas, vicissimque omnibus quæ visceribus cæteris accedunt, vel ipsi corporis habitui condolet. Hâc de causâ concussio cerebro, utero affecto, imminetibus *variolis*, vomituritiones, *cardialgia*, *apostitæ* comites se dant.

Porro viscus tam publicum, tenerum adeò, cupidinis ac gulæ ludibriis objectum, quàm sæpè, quam intoleranter corpus universum necesse est afficiat? Hinc concludere solent humorum, viscerum, glutinûmve primis viis hærentium saburram, cum sinceram illorum *symptomatum* originem manifestat indignabunda facilè stomachi teneritudo, quæ fortiùs, inopportunè & perperam vellicata omne nervorum textum, quod ipsissimum totius corporis est, vellit & exstimulat. Exinde quóque febrium *ætiologia* elucidatur; exuperante enim intravasa, quæ *occillantia* nata sunt, succorum malè subactorum copiâ, ad *occillationes*, fortiores, crebriorésvæ vasa cogi & stimulari necessum est, ut succi plenius



comminuantur. Itaque febricitatio, quam *ebullitionem* sanguinis aut *fermentationem* interpretabantur, solidorum *occillatio* est, subactioni, trituræ, comminutioni vacans. Hæc si temerè in medium adducta videantur, asseret tritatore omnium, & sensibus obvia observatio. Homines sunt in quibus id imperii tenet stomachus, ut illi in coctionem ingestorum ciborum incumbenti allaberet reliquum corporis, stomachum febrire diceres, seu digestionis febrem. Tanta est inquires quâ digestionis tempore miserè afficiuntur, nimirum calore vultûs & rubore, dolore capitis, corporis lassitudine, temporum pulsatione, pulsûs crebritate, frequentia, duritie. Hæc inter febris testimonia febrem sibi dissimulare, sub ipso sole cæcutire est. Interim, controversiam hanc, si aliqualis moveretur, dirimeret laboriosus à cibatu tabidorum status; febrem enim quâ assiduè uruntur, hoc ipso digestionis momento exacerbari quotidianum. Equidem hîc *fermentationis* sensum somniarant, quasi *bullienti* stomacho, reliquum corporis *fermentando* conniveret; at discussis *fermentorum* ludibriis, *occillationum* quas ostendunt ipsæ partes non suspiciosa doctrina, locum occu-

pat. Igitur cùm *occillationum* artibus & officiis constet corporis œconomia, perseveréntque mutux partium focietates & conniventix, iisdem acceptæ ferendæ sunt partium etiam dissitarum affectiones. Nihil sunt etenim aliud quàm nerveorum funiculorum, tot quasi chordarum succussus, modulationes, undulationes, vibrationes. Hinc qui vulgari *vaporum* nomine veniunt morbi, *undulantes* esse hinc inde nervorum *occillationes* convenitur; at cùm *spasmodica* partium *diathesis* morborum maximam partem comitetur, aut constituat, quantò emolumento, quantòve artis progressu, *solidis occillantibus* stabilietur *pathologia*?

Non infrequentiores morborum causæ sunt aeris spiramenta, quantùm enim sanitati conducit aeris contactus, tantumdem iisdem nocent illius contagia. Hæc illius bona imputaverant, & incommoda faustis aut infaustris illius qualitatibus, *calidis, frigidis, salinis, sulphureis*, aut similibus à nativâ temperie alienis, vel multùm abludentibus; simplicius *occillationum* tritûsve dogma. Quidquid sanitati contribuit id omne *occillando* operatur aer. Singulas aeris minuties, spiras putaveris agitabiles, *elasticas, compressiles*. Machinulæ erunt à compressio-

ne resiliētes, renuentes contrahi, dilatari gestientes. Illas contactu sui & accessione sanguinem afficere vulgatum erat; sed quā falsò, suadet mixturæ illius intrā sanguinem inutilitas, evincit ingressus illius intrā vasa impossibilitas. Sic rem exponi juvat. Pulmonum vesiculas primū ingreditur, inde id omne mali commissurus aut apportaturus boni, quibus natus est: rem aperit vesicularum fabrica. Sacculi sunt membranacei, sanguiferis vasis resperfi, fibrillis *motricibus* instrati, *elastici* proinde, *contractiles*, *musculosi*, *systaltici* motus capaces. Vesicularum cavo exceptæ in inspiratione spirales illæ *machinulae*, accidentibus vesicularum parietibus comprimuntur, recedentibus dilatantur. At quam *occillationem* exercent aeris particulæ, eandem patitur sanguis, intrā vesicularum plicaturas compressus, nativum servans *rythmum*, si nativa fuerit & consona *occillatio*, mitis, ordinata, æqualis; alienum induens, si *occillatio* dissona fuerit, tenoris alieni, imparilis vibrationis. Frustrā hūc accersiveris *nitro-aerii spiritus* suppetias, qui sincerus, impermixtus, labe carens, sanitatem alat, insincerus autem, degener, malè saporos morbos invehat; utrisque sanitati nempe & mor-



bo, satis erit aëris *elater*, par aut impar, mollis aut edurus, vegetus aut iners; ut enim fuerit variè affectus, sanguinis ac vasorum in pulmonibus *occillationes*, aut concordēs servabit, aut à perpendiculo disjiciet. Porro, quot inde in cæteris partium *occillationibus* turbæ, variationes, tumultuationes enascituræ sint, quasi digito monstrat cordis *palpitatio*; cordis enim & pulmonum *potentiis* respondet, *systaltici motûs* in corpus imperium. Undè quemadmodum *palpitatione* exortâ, *solidorum* cum *fluidis*, in visceribus cæteris, pessundari libramentum periclitatur, ita imparilibus factis pulmonis vasorum *occillationibus*, libellam ultrâ delirare *fluidorum directiones* necessum est; quas errata mille in *functionibus*, in totidem morbos emerfura, excipient. Quid autem sint aeris contagia, quid illius *miasmata* non obscurum est; clanculæ sunt & subitaneæ aerii *elateris* affectiones, illicò *solida* stringentis aut laxantis, retinentis *fluida*, aut dimittentis, eò efficacius, quò universalior est in corpus aeris effectio. Dùm enim spirando ductus viscerum arcana subit, quæ contactu afficit partium vascula, vel gravitate stipat, aut pondere premit; vel raritate mollit aut levitate referat: tunc ad ma-

jora vasa retroacti, qui ad habitum corporis ferebantur succi, non secus ac venti reflantes, turbine movent ac tempestates, suisque deque omnia miscent. Hos tumultus, medios unos inter *liquidorum* fluctus agi ferebatur, quos ab *oscillationum* turbis verisimilius deduces, seu à *solidorum* corrugationibus, crispaturis; verbo, à *spasmodicâ* partium *dilatatione*. Verum ut quidquid mali ab aere sanitati impendat, penitus assequaris; aerem, quamcunque corporis partem subierit, fulciminis aut anteoridis vires illic agere concipias; quam enim fulcri rationem habet aer, partium superficiei exterius gravitando incubens, id ipsum officii exequitur viscerum parietes interioris premendo. Partium utriusque libramentum est; intus ne concidant aut conniveant; extus ne tumeant ultra modum aut disrumpantur. Quam crebro & periculosè peccat sapientius exterior aer, confessum est, quantum noxæ inferat interior, hinc compertum erit. Rarefscens aer qui *pulmonum*, *ventriculi*, *intestinorum*, &c. cava occupat, *solidorum* quibus obsidetur *elateri* contra nitendo impedit, quominus ea subsidant; itaque depressâ, imminutâ aeris illius *elasticitate*, flaccescere illa

oportet aut subsidere, hincque corrugationes & *crispatura*. à quibus anxietates arcanæ, latentes & obscuri dolores, tormina &c. Qualia à subsidentibus abdominis partibus, ab evacuatis per *paracetesin hydropicorum* aquis, contingere observatum est: contra rarefcens nimium idem aer, partes divellendo lædit, undè tensivi dolores, partium intumescentiæ, renixus; nec aliundè *ructuum*, *flatuum*, *tympanitidis*, &c. causæ meliùs repetuntur.

Multa hùc congerenda venirent, quæ morborum *etiologiam solidorum* vitiis, indèque coortis *fluidorum directionibus* mutatis superstructam, ulteriùs stabili-  
rent: at *ex ungue*, ut aiunt, *leonem*; quæ hætenùs allata sunt, ut præcipua, elevandis præ *fluidorum* viribus, *solidorum potentiis*, candidis & æquis rerum æstimatoribus satis erunt, plura quæ ex abundanti forent, rixosis & inimicantibus nusquam essent futura satis.





## CAPUT VII.

*De morborum symptomatis ,  
ubi*

*de sanguinis corruptelâ , succorum  
colliquationibus , humorum  
proventu.*

**S**YMP TOMATA sunt naturæ vel mor-  
bi conamina. Horum ergò scientia,  
ad medelam iter est ; delinquentis enim  
sunt aut magistræ naturæ gressus , cura-  
tionúmve indices. Nam quod in corpo-  
ribus colores , formæ , species , id ip-  
sum in morbis sunt symptomata quo-  
rum aspectu internoscuntur. Meliùs ,  
idem sunt quod in texendis historiis ho-  
minum gesta , rerum nempè gestarum  
aut gerendarum series & notacula , quæ  
medentium consilia formant , dirigunt ,  
castigant. Illa est , sola digna artis &  
artifici tuta , observationum doctrina ,  
quæ notat delicta naturæ , revelátque  
morborum tendiculas ; sunt enim *sym-*  
*ptomata* læsionum admonitiones , ab hoc  
vel illo viscere profectæ , quæ medentis  
manum invitant aut avertunt , quæ ex iis

cavenda sunt, quæve imitanda docendo. Omnis ergò artis disciplina est, adhibita ex arte symptomatum discriminatio.

Discernenda imprimis quæ à naturâ sunt, ab iis quæ ab arte intruduntur, sua enim invehit præpostera medicina. Quæ nativa, tam ordinata sunt, tam perpetua, quàm siderum cursus; *solutiones* morborum, *criticos* motus certò proditura, ipsâsque datura *crises*, quas ætati præteritæ postera invidet. Hanc autem arti peperit jacturam de *symptomatis* præconceptus error. *Symptomata* habentes pro morborum umbris flocci fecerunt, tùm eadem inter *fluidorum* germina numerantes, de saporibus illorum *concentrandis*, emendandisve qualitatibus cogitarunt, undè umbram reverâ pro corpore amplexi sunt. Tot incommodis remedio est *occillationum* doctrina, quæ *symptomatum* fontes revelando, eorum utilitates arti reddit & artifici.

Vitii sanguinis aut corruptelæ progenies esse *symptomata*, dogma fuit aut fama; undè ex fictis *fluidorum* vitiis, quasi supposititiis coloribus, falsas sibi pingebant morborum imagines. Interim à sanguine motus salutare, faustos exitus, *crises*que expectantes, ipsi uni regendo studebant, eò omnia medicinæ

tela sic collimantes, ut cum quidquid mali commissum erat, sanguinis culpâ contigisse putarent, remedii nihil, nisi reparando sanguini meditarentur. Attamen ex liquoribus quibuscumque, vix aliquem comperias, qui corruptelæ minus pateat quam sanguis, qui aperto aeri, ipsi etiam solis ardori per plures dies expositus, putredinis nulla dat indicia. *Aciditas* quâ tam faciliè inquinari creditur, fabella est quâ *ventos pascunt*, de cætero nullo ignis tormento obtinenda. Equidem ignium torturâ, acrimoniam salinam ab hoc elici asseverant, ast ignei caloris creatura est, quam effusus quantumvis ac degener corporis calor nusquam attinget. In *oleosum*, *sulphureum*, sanguinem evehi clamitant, verum isthæc non prodit sapor, nec odor; aliundè mediis aquis nasci, aut *exaltari sulphura* repugnat; porro cæteros sanguinis succos longè superat feri quantitas. Itaque sanguinem acere, torreri aut *alkalisari*, in *sulphureum* aut putorem verti, verbo corrumpi, vulgaris erroris est. Alterum commentum est, vapidus sanguis aut marcidus, spiritibusve defectus. Hunc *chronicorum affectuum* authorem dicunt, sed suo systematis damno aut mendacio; sub illis enim sanguis eductus, pinguem,



pinguem, glutinosum, tenacem pelliculam, tandem *pleuriticum* refert: testimonio erunt *arthritidis*, *chlorosis*, *rheumatismus*, *tabes*, qui omnes affectus, adeo ab effæcto sanguine originem non trahunt, ut eum flammatum, vividum, vel *elasticum phlebotomiâ* prodant. Hæc autem nec temerè, nec perperam adducta fatebuntur ii, quibus cum *chronicis* morbis in medendo versari solitum fuit. Igitur in vappam abire sanguinem, *exaltari*, deprimi, sicque solvi compagem illius, corrumpive mendacium est.

Ad corruptelam propius accedit sanguinis colliquatio, quâ partes illius dissociatæ videntur; quod sanè putredinis genus est: sic videas pluribus sub morbis, sanguinem eliquescere in *bilem*, *serum*, *pituïtam*, febre comite, quæ, naturæ commissis ad tempus ejusmodi profluviis, aut arte permissis, ægrotantis salutis definit. Posthac, inquiunt, anſi de carebit, ab ejusmodi humoribus præſentibus committi febrem, quibus abſentibus aut evacuatis, illa recedit? Hoc autem conſeſſo, à *fluidis*, eorum ſaltem vitiatſis qualitatis, morborum *ſymptomata* manare neceſſarium erit. At ut eliquari ſanguinem extrâ controverſiam eſt, ſic illius eliquamina in morborum

74 DE PURGANDA MEDICINA  
causas facessere controversum. Imò ist-  
hæc febrium causas minùs esse quàm  
symptomata suspicio est non mediocris.  
Tandem *fluidorum* culpâ oriri humorum  
illa profluvia tam incertum est, ut hæc  
& cætera quæ post se trahunt *symp-  
tomata*, *solidorum* vitiis, aut vitiatis eorum  
*occillationibus*, primariò debeantur.

Causa morbi, materies ejus est & ori-  
go, id nempè undè morbus fit & enasci-  
tur. Sunt alia quæ morbis contribuunt,  
sed occasionis ratione non originis, co-  
mitatûs titulo, non ortûs. Hujus gene-  
ris esse humores fidem excedit. Morbus  
motus est quo in salutem nititur natura,  
at humores ex se motum non edunt. Re  
verâ, cùm ipse sanguis sui ipsius motûs  
non sit author, humoribus bene erit, si  
eodem quo sanguis, motu ferantur. Porro  
hunc progressivo motu incedere palàm  
est, simili igitur id est alieno vehi humo-  
res confectarium erit: at cum *solida* sint  
undè venit sanguini motus, ab iisdem  
suum humores mutuari, concedendum.  
Itaque humorum profluvia, colluvies &  
reliqua quæ post se morbi trahunt *symp-  
tomata*, *solidorum* effectiones sunt, plus ni-  
miò, inordinatè & iracundè *occillantium*.  
Igitur ad *solida* primariò referendæ ve-  
niunt morborum causæ, quibus comites

se dabunt humores sive *fluida*, quæ morbis occasione erunt aut adjuvento.

Causæ rationem melius non asserit humoribus colliquatio. Erroris hîc ansa fuit, mendosus colliquationis conceptus. *Fermentationi*, *fluori*, *precipitationi* comparavêre *colliquationem*, cui communem fecerunt *aciditatem* vel *acrimoniam*, quam illis attribuerant, quæ cùm *aciditas* è sanguinis sinu prodeat, quo jure *fluorem* &c. liquoribus chymicis, eodem *colliquationem fluidis* corporis humani propriam dixerunt. Verùm valere jussis sanguinis *aciditatibus* & *fermentis*, aliundè colliquationis causa erit educenda; haud dubiè à *solidis*; cum enim *tritus* sit, ad *solidâ*que *tritus* pertineat quod *fermentationem* dixêre, *tritura* effectum, *solidorum*que effectiorem, colliquationem definire licebit.

Intereâ non diffitendum, quandoquidem *tritui* subjecta sunt *fluida*, hæc quoque morbis fomites & materiam præbere, ita tamen ut agantur, non agant, moveantur, non moveant. Itaque morborum causas esse *materiales* aut *occasionales* esse *fluida* concedendum, at effectricibus annumeranda esse negandum est.

Reipsâ, febris labor est, quo nititur sanguis in eum statum sub quo sanitas



florabat. Is autem erat facilitas circuitus, æquabilitas, perennitas, quam tuetur succorum liquabilitas immensa, non intellecta liquiditas; quam exequitur in sanis *solidorum tritus*, eandem in ægris restituit *tritura*. Hinc nascentibus morbis ingeminant ictus arteriæ, nativa scilicet *tritûs* organa, quibus tardatos, hærentes & minus subactos liquores frient ulterius, terant, comminuant.

Laborantium, statim ineuntibus morbis, *solidorum*, hoc aliud argumentum est, vacuationum nativarum subitanea suppressio. Excandescente enim febre ficcatur *saliva*, *sputa* cessant, *urinae* morantur, *mensēs* desinunt, *sudores* vanescunt, sistitur *alvus* simili de causâ, pallescunt *morbilli*, *variola* subsidunt, concidunt *apostemata*; cum enim *secretiones*, de quarum numero vacuationes, *solidorum* sint, quæ illarum causâ stringuntur, aut dehiscunt; eorundem *solidorum* muneris sunt evacuationes, nutu quorum sistuntur aut prodeunt. Hæc vera adeo comperies, ut quæ *solida* solvunt & laxant remedia, suppressas vacuationes restituant. Sic qui substiterant *mensēs*, *narcotica* revocant, eadem sub *nephritide* *urinas*, sub *pleuritide* *sudores*, *sputa* sub *asthmate*, sub *variolis* *ptyalismum*, *alvum*

sub colicâ solvunt; hâc de causâ quòd opiata in solida agant: è contrâ sub iis morbis *mensēs emmenagoga*, *diuretica urinæ*, *bechica sputationes*, *pyralismum cardiaca*, *sudores sudorifica*, *alvum purgantia* sistunt. Coortâ enim febre, eo impetu in subigendos hærentes succos insurgit *solidorum vis systaltica*, ut in *spasmodicam* spontè rapiatur. Quod enim est in horologio manuali perseverans fidâque in reddendis horis consensus, hoc ipsum unanimitas functionum sanitatis concentus. Punctum est vel *momentum*, millenorum organorum pondus aut *equipondium* sustinens; organorum autem *elasticorum*, in contractionem tam facilè propendentium, ut levissimè vellicata ab æquilibrætatæ puncto abripiantur; eò longiùs quò magis simplex est & individuum punctum, citrà quod videlicet, vel ultrâ tantillùm evagari, enormis dissensûs periculo fit, eoque majori, quò exquisita magis erat, nec mutabilis rerum consonantia. Posthâc quis obstupescat ad *opiatorum* eventus? Cùm *spasmodicam diathesim*, undè morbi pendent sedasse, ut plurimùm curare sit. Reverâ quæ *peruviano cortici* soli febres obsurduerint, eidem *Narcoticis* sociato morem gerunt.

Sed inquiritur in evacuationum causas, quibus minùs convenit cum *spasmodicâ diathesi*, idoneâ magis, ut videtur, retinendis quàm laxandis succis. Interrogant ergò unde ille humorum proven-tus capacitates cumulans & viscera mer-gens? An illorum fontes aperiunt *crispa-tæ* partes, corrugatæ, constrictæ? Con-trarium certè meliùs suadere videren-tur, intereà nihil feliciùs servit agge-rendis, profundendisque humoribus, quàm partium contractio. Subitaneo aeris frigore contractâ cute atque cor-rugatâ, *urina* prorumpunt, oculi *lachry-mantur*, *sputatio* succedit, *fluxionum* ca-taractæ solvuntur, strictior alvus humi-ditatem catervæ corpus objicit; os enim *salivâ* mergitur, currunt *urina*, crescunt *sudores*. *Mensibus* suppressis succedunt *diarrhœa*, *vomit*, *sputamina*, *hemorrhagia*, *arthritis*, *catharrhorum* omne genus. Introacto *albo fluore*, sequuntur *vomitio-nes*, humentia *asthmata*, *hydropes*, tötius corporis *cacochymia*, sordium omnium fœda parens. Memineris autem emissä-ria esse singularum partium puncta, seu patentes vasculorum hiantium exi-tus; his contractione occlusis, enor-mem intromitti excernendorum succo-rum copiam animadvertis. Cogites ite-



rùm à centro corporis ad *peripheriam*, & vicissim, continuam esse vasculorum seriem, immensâ ergò succorum colluie undequâque refluâ, non multis diebus cumulanda esse majora vasa concedes, sicque mergendam humoribus confusaneis sanguinis molem. An alicundè *cacochymia* fons uberior? An *catarrhorum*, *Rheumatismorum*, *fluxionum* promptuarium locupletius? Ampliùs, sub hoc refluxu si conciperis retrogradas fieri partium *occillationes*, rationem habueris tot *symptomatum* (ad quæ vulgò stupent) doloris, *anxietatis*, *vertiginis*, &c. quæ inopinatò veniunt à rerum externarum occurſu, affrictu, insultu, &c.

Ita se habet universalis ab habitu ad centrum corporis succorum conuersio, sed & singulares ab hoc vel illo viscere humorum reversiones ad majora vasa, non rarò contingunt ab *hepate*, *utero*, *liene*, *renibus*, &c. undè varius & multiplex humorum proventus. Horum expositioni præludet indubitata hæc ex mechanicis petita observatio. Ut immensè exporrecta est vasculorum, ad ultimos viscerum fines, longitudo, succos qui vehuntur, indiligentiùs in finibus quàm in eorum medio progredi necessum est; hanc juxtà regulam, eò mi-

norem esse *potentiam*, quò longiùs ab *hypomochlio* recedit. Inertior autem longè continget ille regressus, si admissio-  
ni obsint majora vasa. At hæc casu ali-  
quo constricta spasmodicè ( quod ab  
animi *pathematis* usu venit.) ut *diametro-*  
*rum* sic *capacitatum* minùs acquirunt,  
undè succorum reditui impedimento  
erunt. Similiter aucta plùs nimio intra  
vasa sanguinis moles, hæc opplendo ni-  
miùm, succis redeundis obsistunt. At-  
tamen in hoc uno malum non consistit,  
inde quoque fit ut retineantur secernenda,  
remiscendæve excludantur. Simili  
de causâ, succi bilis proventui debiti,  
intra majora vasa confusi, ab hepate  
declinando, ad habitum corporis ferun-  
tur *icterum* prodituri. *Phlogoses* viscerum,  
*inflammationes*, *obstructiones*, *scirrhi*, hinc  
etiam prodeunt; enim verò si hæc ad  
ad singula viscera transferantur, vix in-  
telligendo es, quot morborum, sympto-  
matum quæ hætenus delituerant ratio-  
nes in medium veniant. At & humorum  
miram indè crescere luxuriam liquet.  
His enim succorum miscellaneis turgens  
sanguinea moles, enormem eorum co-  
piam ad viscera dimittit. His tumentia  
*secretoria vasa*, madoris loco ( quem ro-  
randis partibus exhalare debuissent ) se-

A CURAR. SORDIB. *Cap. VII.* 81  
*rum*, *lympham*, *pituitamve* plorant. Tandem vaporis vice qui partium tractabilitati serviat, serosum profundunt imbrem, qui stagnat aut cumulat partes, quæ tardatis succis ingurgitatæ aquam undiquè sudabunt.

Hic abutuntur sæpiùs hyatium, aperturarum, eruptionum nominibus, quasi sanguiferorum vasorum, gementium sub pondere, cederent *anastomoses*, &c. aut *lymphaticorum* furculi rumperentur. Hæc utpotè cum immedicabiles morbos pariant, præsentis instituti non sunt : sed causas eorum investigamus, quos medicandos offert injecta liquoribus mora. Specimen singulare exhibent pectoris morbi. Sub his ingruunt pedum inflationes hydropis aut mortis prodromi. In serosos latices, quos in diffitas quatenùs ignobiliiores partes, saturi pulmones exspuerent, causam refundis ? Perperam. In pulmone lentescens humoris culpâ, in inferioribus partibus has committi succorum tarditates intelligito. Suffocato enim strangulatove intrâ pulmones sanguine, præ mole distentorum nimis vasorum lassus *elater* fatiscit ; sic fractâ, in præcipuâ circuitûs succorum officinâ, impulsione vi ad ultimos vasorum fines propagandâ, succorum re-



versio ad cor fit ignavior; cumulatâque in *secretoriis vasis*, quæ in vaporem externum aut internum *transpiranda* erat materies, in *serum* cogitur, cessurum in *hydropis* materiem; materiem non causam, quæ in impeditam *solidorum systalticam* vim referenda est. Prosapiæ similis est pedum crurûmve tumor, qui *hepati, lieni, utero, vesicæ* obstipatis aut laborantibus succedit, hunc enim invehunt nutantes, devix aut impeditæ his in visceribus solidorum *occillationes*, unde *fluidorum* tartitudo, segnities, humorum denique colluvies. Nec absimilis impedimenti soboles est, faciei tumiditas, graviorum maximè delitescentium, cerebri affectuum affecla, quam infert compressus in cerebro interdùm duplicem inter cranii lamellam, sanguinis circuitus. Hinc patet quàm graviter hæc nûs peccatum sit, *fluidis* imputando morborum causas, quàmque graviùs à legitimo *indicationum* scopo erratum, in assignando telis artis exterminandam humorum saburram, siccandamve serosam colluviem; ubi laxandis *solidis*, solvendis constrictionibus, molliendis fibris, sedandis *erethismis*, pacandis *ataxiis*, ordinandisque *occillationibus* laborandum erat.

## CAPUT VIII.

*De humorum saburrâ,  
de bilis, pituitæ & feri colluvie.*

**I**NTERIM rudioribus his conceptibus parcendum erat, si de sanguine ipso à fordibus purgando cura futura fuisset; at ulterius itum est, ad humorum *acervos, congestiones, cumulos, colluvies, saburras*. Enim verò non secus ac flavum quodcunque vident infecti bile *iëtericorum* oculi, sic cœno litæ medentium mentes, nihil nisi sorditatum conspiciebant. Hinc quasi sordes inter ac fæces fuisset illis incedendum, de fæculentiis everrendis, de liquandis mucis, viscis, glutinibus, de averruncandis crassamentis unicè sategerunt. Nec à symbolâ abiit dulcissimè vana chymicorum ars, quæ spissamenta de suo quoque contulit, *tartaros, coagula, capita mortua, terrestreitates*, similiève crassioris minervæ fœtus, quibus artem ut ut dignissimam periculosius fœdavit: id autem præter animalis œconomiae ritum, inconsultâque naturâ, quæ

ut simplicitatis, sic munditiei ac nitoris apprimè studiosa est. Reverâ, semel elapsâ, aut post liminiò relictâ intestino-  
rum sentinâ defæcando chylo, nullibi tot inter recessus, tramites, anfractus repositas invenire est fæcum colliquias. Inter eundum quidem tenuatur, dola-  
tur, lævigatur, nequaquàm ulteriùs pur-  
gandus; hîc illîc conditurus sui particu-  
lâs in alimoniam partium, nervorûmve  
lympham, exuvias nullibi positurus.

Incertandis ejusmodi congestionibus satis erat cisternarum defectus, quibus haud dubiè providisset natura, si con-  
dendi illi fuissent liquores. His itaque cum abstinuerit, de coacervandis alicu-  
bi humoribus cogitasse nusquam argu-  
mentum est. Reipsâ non benè conve-  
niunt humorum circuitus & congeries,  
secum repugnantia non minùs quàm  
motus & quies, motus inquam peren-  
nis, qualis est circuitui debitus, qui vel  
momento intermissus eclypses apporta-  
ret microcosmo minaces magis, iis quæ  
macrocosmo terrori esse consueverunt.  
Equidem favebat congestionum dogma-  
ti, de nidis morborum seu fomitibus ha-  
bita opinio; succos enim sub morbis  
hospitari alicubi, eosdem sub sanitate  
residere posse suadebat. Ejusmodi nida-



mentis auctoritatem quòque fecerat *fermentorum* celebritas ; quid enim sonat aliud *materiarum* suo tempore *evehendarum*, reconditæ glandulis *mâssulæ*, quànì nidificia liquorum, ab opere, motu proinde, vacantium ? At pessumdatis, quæ fors illorum nunc est, *fermentis*, fomitibus istis simul pereundum est. Tandem iisdem stabiliendis serviit non mediocriter *obstructionum* doctrina, humorum coagulatis ac fixitate fulta ; sic enim hærentes liquores, à residibus, locòque fixis, abludere non admodùm videbantur ; eò minùs quò magis ore omnium confessa erat isthæc medicina. At in verbo erratum fuit, stagnatas partes, obstructas dixêre ; succos enim segniùs à viscere redeuntes, aut tardiùs circuitui redditos, ibidem quiescere quasi motûs expertes opinati sunt. Inconditum hunc conceptum castigavit circuitûs sanguinis dogma. Revelavit cor esse liquorum omnium confluvium, quò scaturientes ex singulis visceribus succorum amnes corrivantur, sic interim, ut ut dùm universim simul & ex condicto cordi redduntur, singuli citiùs, seriùs, tardiùs, celeriùs à variis, quibus variè viscera constant vasorum mæandris sese expediant. Contingat igitur, ut qui suc-

cus *decies* singulis horis intrà viscus quoddam rotatus cordi reportandus erat, in arcano visceris sinu fortè tardatus, *duodeciès* & ampliùs veniat rotandus, antequàm ad cor confluat, viscus pervadendo lentiùs, gravat, opplet, ingurgitat. Tunc temporis obstipari illud aut obstrui concludis? Errare est, impeditur lentescentibus non quiescentibus succis, iisque vasorum alveo conclusis adhuc, nedùm egressis, denique circuitûs legibus adhuc subiectis.

Hæc interim cautè accipienda sunt, ut potè aliena ab eorum mente, qui morbi causam ex mole etiàm æstimantes, sic in parvum contraxêre, ut eam avellanæ cavo non majorem definierint. Hoc ridiculo, *fermentorum systemati* præluserunt, ut invehendis in medicinam *fermentationibus* fidem præoccuparent. Verùm ut ut feliciter successerit isthæc antecapio, ab hujus & *fermentorum* deliriis resipuerunt posterì, benè conscii illas *fluidi* portionulas, ut ut actuosas per omnia vasa, vi suâ, non posse diffundi, vel eliquari. Id autem expectandum potentix à solidis, quibus unis in immensum materiem exporrigere datum est. Hoc enim aliud, quod obiter dictum sit, obstructionum dogmati vitium accedit, quod

*fluidis* donet, quod *solidis* proprium est. Docet enim *fluida* figi seu *coagulari* ab *acido* ex ipsorum gremio emergente, cum omnis *fluidorum* lentoris & desidiæ causa deforis veniat, à *solidorum* scilicet *occillationibus* vitiatis, duris, inordinatis, crebrioribus, tumultuariis.

Cæterum quæ hactenus allata sunt, non eò spectant ut paucissimos esse credas succos, qui sub morbis vitiantur, imò enormem esse eorum copiam evincit nunquam æstimanda satis *transpiranda* materiæ retrò versa quantitas; hæc autem intrà vasorum alveos reflexa, per omnem sanguinem dispergitur nullibi coacervanda. Igitur in universis corporis partibus multi sunt succi, in singulis pauci; dispersiti in omnibus, in nullis collecti. Cum his conferas saburræ ideas, his accommodes purgantium energias.

Hæc ut succedant alvinam regionem habent nihilominus quàm publicam corporis cloacam, omnibus apertam immunditiis, quasi illuc universa viscerum, succorum & sanguinis deturbarentur ejectionamenta. Porro, inquiunt, intestina ut capacia sunt, toti objecta corpori, succis undequaque depluentibus, purgaminibusque nullâ non ex parte de-



88 DE PURGANDA MEDICINA  
rivatis subjecta saburrari necesse est.  
Commune impluvium erit, aut patens  
retrimentis omnibus emissarium. Hæc  
certè prohibuit vetus, probavitque re-  
cens medicina; ast ubinam tantum utra-  
que allucinata est? Reclamabat tamen  
*anatomica* observatio, sensusve feriens  
partium alvinarum structura. Quæ in-  
testinorum est, monstrat innumeras pa-  
rentium oscillorum vias, vasorum nem-  
pè lacteorum admittendis foras intrò  
succis hiantes, ostendens cæteras esse cæ-  
cas, nullas saltem apertas intrò foras eli-  
minandis sanguinis impuritatibus. Pro-  
nunciatum, ut videtur, audacius! Sal-  
tem verum, quàm insolitum est. Refra-  
garentur *bilis & succi pancreatici* tubulo-  
rum in intestina exitus, ni assertioni an-  
nueret exituum locus. Hic gracilia oc-  
cupat, non crassa intestina, ut scilicet  
chylo remistus uterque succus, undè de-  
viarat, cordis iter relegat. Etenim hos ad  
crassa intestina dimitti providisset natu-  
ra, in secessum abeundos, si illorum  
evacuationi studuisset. Reipsâ tam pau-  
xillum est, quod ex illis alvo excernitur,  
ut invitos, ex necessitate, declivitaté-  
que locorum coactos magis, quàm pro-  
videntiâ naturæ prodire foras manife-  
stum sit: dùm enim ad *libras* aliquot in

intestina confluunt ; ad *uncias* tantum paucissimas fæculentiarum , aut pondere gravari , aut glutine impliciti deturbantur . Dehiscunt quidem adhuc intrâ intestinorum alveum *secretoria* vascula , quæ *lympham* stillant , locorum madori ac tractabilitati debitam ; at qui inde coit succus , sensim aggeritur , in mucum cessurus , glutinosum , parietibusque coherentem ne effluat ; bombycinum inde coalescit indumentum illud , quo intestina succinguntur , in tantum non evacuandum , intestinorum è contrâ tutelæ necessarium adeò , ut si eradi , lacerari , ac deturbari illum contigerit , dolores , tormina , cassi egerendi conatus , *dysenterie* succedant : sic vanescit omnis saburræ materiatura ; quos enim in hanc vulgò cumulant succos , aliò destinavit natura .

Caduca est non minus *colluviei serosæ* ratio . Cum à *stricturâ* , quæ *spasmus* est , primam morbi trahant originem , sequitur ingentem excernendæ materiæ copiam intrò resorbendam venire ; hanc autem fore *serosam* , cum *serum secretionum* basis sit & materies . De quantitate illius æquè constat , tantâ futurâ , quanta *transpirationis* , quæ maximâ sui parte sub morbis suppressitur . At quâ operâ

90 DE PURGANDA MEDICINA  
repellitur *transpiranda* materies, eâdem  
sanguini remiscetur. Hinc enim incre-  
bescens villorum *occillatio*, in *tritum* for-  
tiùs nituntur, vegetiôrque factus vaso-  
rum *elater*, conclusos succos pressius ar-  
ctat, arctiùsque comprimit, undè suc-  
corum turbatio, tumultus, confusio;  
hanc *effervescentiam*, *ebullitionem*, *fermen-  
tationem* nominare placuerat, quæ me-  
lius ad *occillationem* referendam esse of-  
tendit partium *mechanice*, simpléxque  
rerum historia. Porro si *serum* intrâ va-  
sa resiliens, in unum recollectum, cu-  
neo quasi facto partem aliquam unicè  
impeteret, ut molis impetum æmulare-  
tur, congestionis speciem referret: at  
ex internâ vasorum superficie quâ longè  
latéque diffunditur, stillatim depluens,  
tam divisum est quàm imbris stillæ. Igi-  
tur per sanguinem serum diffundi ve-  
rum est, in unum congeri falsum. Sub  
hoc statu sui non est, nihil sibi proprium,  
nihil nisi ascititium habens, sanguini con-  
fusus, cujus mole corporatur, agitur  
motu, impetu pellitur. Illinc arte quâ-  
vis educi cures, quodlibet artis telum eò  
dirigas, è sanguine extricandum erit;  
itaque id operis aut officii *purgantibus*  
delegare, aleâ plenum est, obscurum  
saltem, quod pluribus aliàs discutien-  
dum veniet.



Attamen est, ubi serum, intrò se recipiendo, in congestionem abit, in quo consistunt *hydropum*, *ascitis*, *anasarca*, & *leucophlegmatia* rationes. Eò spectant adhuc tumores plurimi, *hydatides*, *inflationes*, &c. quæ *colluviei serosæ* exponendæ lucis non modicum afferunt. Tunicæ sunt seu membranæ à quibus fit seri stillatus; glandulis enim ut sunt perstratæ, humore stillant. At licet ad *serum* pertineat id humoris genus, non semper ejusdem occurrit naturæ. Aliquandò tenuius, pinguius aliquandò est, aut succosum magis, undè fit, ut hîc *serum*, illîc *lymphæ* audiat. Sero igitur vel *lymphæ* madentes membranæ, si *spasmo* compressæ sunt, hos succos affatim plorabunt, qui locis, aut cavitatibus subjectis excepti, *seri* aut *lymphæ* congestiones aut proventus stupendos exhibent. Testes sunt sub *ophthalmiâ* *lippitudines*; *ptyalismî*, *sputationes* sub catharris; sub *asthmate* *phlegmata*; *glutinamina* sub vomitione; *visci* & *muci* sub *alvi fluxu* & *purgatione*; *mucilagines* sub *stranguriâ*; putridæ tandem, purulentæ & lactiformes *lymphæ*, succorumve nutritiorum excretiones, quæ sub affectionibus *pulmonum*, *vesicæ*, *renumque*, puris facie imperitorum mentes & oculos ludunt; cùm reverâ nihil

92 DE PURGANDA MEDICINA  
sint aliud præter tunicarum vellicatarum  
*spasmo*, compressionéve strictarum plora-  
tus & collachrymationes. Quod adeò ve-  
rum est, ut sub harum excretionum fa-  
cie, sua sic corpori pereat alimonia, ut  
ægotans in marasimum præceps ruat.

De *fero* non item, ut illius immensa  
quantitas intra cavum abdominis con-  
geri potest, integris adhuc functioni-  
bus, hæc eadem nullo virium dispendio  
per *paracentesin* vacuari potest. Quod  
interim ut ita succedat, aqueum illud  
limpidumve exeat oportet; enimverò si  
eruentum sit, impensè rubrum, bilè fa-  
turatum, lacteum aut *puriforme*, perni-  
ciem minabitur; cum lapsi *excretoriorum*  
*elateris* argumenta sint, tam ineptè con-  
niventium, ut unà cum *fero*, succis nu-  
tritiiis ipsique sanguini concedant exi-  
tus.

Errore non absimili nascitur peregri-  
na materies, nunquam definienda, quâ  
turgent *pituitosi tumores* & insueti, *meli-  
ceridum*, *atheromatum*, *steatomatum* no-  
minibus venientes. Succorum enim ali-  
bilium, confusaneorum, miscellaneo-  
rum subactorum præposterè, inopportu-  
nè colatorum soboles sunt, qui *assimila-  
tioni* ineptiores facti, barbaris ejusmodi  
& inconditis congestionibus serviunt.

*Hydatidum* ortus & causas hinc subodorari in promptu est, verum locum præoccupat utilior observatio.

*Spasmo* laborantes & strictæ *membranae*, succum aliquem in subjecta loca tantum colare pergunt, quandiu earum *oscillationes*, nativas suas, (versus nempe extremitates vasorum) *directiones* sequuntur. Contrarium advenit, si acrius vellicatæ *membranae*, *excretoriorum* oscilla, comprimendo fortius, occludant. Tunc inde nati obicis occursum resiliens, quæ à partibus undulando descendebant *oscillationes*, impetum mutant, serièmq; & *directiones*, aliòque derivatis succis, qui excernendi descendebant, subjectæ cavitates frustrantur. Nec indiscriminatum; aerii enim vaporis cavitatum incolæ, liberior factus & ultra modum expansus *elater*, partium parietes plus nimio premit, tendit, divellit; unde *emphysemata*, sufflationes, inflationes, *hydropes* sicci, *ventosi* tumores, qui tamen remisso tandem paulisper partium *spasmo*, aut tantillum laxatis viis, serum admittunt, in quo causam habes propter quam rari sunt adeò *hydropes* sicci, aquæ prorsus expertes.

Hæc est causa propter quam *spasmodica* partium *diathesis*, serum inodò,



modò aliquid sero minus, flatum nempe elabi facit; non absimilis ea est propter quam, *pituitâ* tumores implentur. Hanc interdum suppeditat loci conditio, partis videlicet, quæ *lymphâ* seu succo pingui magis quàm aqueo succo madere consuevit. Exemplum præbet *articulorum synovia*, quæ copia luxurians sui generis tumores dabit. Aliàs in *pituitam* abit serum ipsum spissescens, aut succo nutritio gravidatum, quâ ultimâ de causâ, viscida fit *saliva*, glutinosus evadit stomachi latex, urinæ lactescunt, &c.

Ut ut sit nullibi non animadvertere est, cujuslibet *serosæ colluviei* causam esse *spasmodicam diathesin*, quæ *occillationum* series, *directiones*, *determinationes*que turbat aut mutat, sistit, aut interpellat. Inde *serum* aut *lymphâ* plùs minùs sincera, aquea aut roscida, intrâ vasorum modò, modo intrâ partium cava cogitur, *cattarrhos* cujuslibet generis, omnisque contionis & naturæ *tumores* datura. At quod medenti observandum maximè venit, hoc ultimum est, quod hæc eadem *spasmodica diathesis*, quæ *seri* intrâ cavitates egressum cogit, ejusdem regressum illa eadem prohibet. Hinc tendi partes aut in *meteorismum* attolli contingit, quo

*intemperiei* apicem summum aut ultimam manum poni, veteres vocitabant; tùm enim non *humores* tantùm, sed & partium *exin* vitiari opinabantur; adeò senserant quæ noverant nondùm, *fluidorum* qualitatibus præpotentiores esse *solidorum* energias,

---

## CAPUT IX.

### *De evacuationibus.*

**T**OT artibus vacuari corpus aut tot evacuationibus allaborare; has sub sanitate undequaque manare; has singulis sub morbis vel ab arte celebrari, vel institui à naturâ; tandem morbos aut allevari iis utiliter, aut salubriter absolvi; certè assidentium humorum aut præsentis colluviei argumenta videntur indubitata; non existentium enim succorum evacuationes fieri ut absurdum, sic dissimile vero. Atqui evacuationes quæ sanitatis statum tuentur, tam multæ sunt, tamque obviæ quàm quæ maximè. Præter illam quæ *transpirando* fit, præ cæteris solemnem & copiosam, nares & os *serum* profundunt, pulmones *pituitam*, bilem *hepar*, suum

*succum pancreas*, mille sordes alvus, re-  
 nes *urinam*. Tantâque est harum eva-  
 cuationum necessitas, ut si alterutra de-  
 linquat, sanitatis detrimento vertatur.  
 Siccis, verbi causâ naribus, *catarrhi*  
 succedunt; salivæ defectui, *stomachi cru-*  
*ditates*; aridis pulmonibus, *tussis*; ob-  
 stipato hepati, *icterus*; pancreati obstru-  
 cto, *diarrhea*; moranti alvo, *cephalaigia*;  
 tardatis urinis, *vomitio*; suppressæ *tran-*  
*spirationi*, morborum *ilias*. His si accen-  
 seas alios quos invehit sanguis utero im-  
 bibitus, omnium ægritudinum, quibus  
 subjacet corpus tenes origines.

Consonat evacuantium numerus. Sin-  
 gulis enim humoribus sua data sunt, *cho-*  
*lalogâ* bili, sero *hydragoga*, *phlegmagoga*  
*pituîtæ*, humorûmque miscellaneis *pan-*  
*chyragoga*. Sua quoque sunt singulorum  
 viscerum, cerebro *errhina*, *masticatoria*,  
*apophlegmatismi*, *vesicatoria*; pectori *be-*  
*chica* & *expectorantia*; stomacho *emetica*;  
 intestinis *purgantia*; renibus *diuretica*;  
*emmenagoga* utero; toti corpõri *sudorifera*  
 & *diaphoretica*; tantâ curâ, tam solerti  
 industriâ evacuandi necessitati ab arte  
 provisum est! In superfluis fermè luxu-  
 riant, ne deficiat in necessariis. Cæte-  
 rum illa omnia artis commenta non  
 sunt, ast sincera naturæ imitamina. Ju-  
 dicio



dicio sunt *crises*, in tantum fidæ & salu-  
 tares, in quantum liberales & copiosæ.  
 Hâc de causâ insidiosæ non decernunt,  
 quæ nempè excernunt pauca, ut stillas  
 sanguinis & urinæ, sudatiunculas aut  
*epidroses*. Quæ enim parvâ copiâ appa-  
 rent, velut stille sanguinis, urinæ, &c. ma-  
 lum denunciant, potissimum in lateris do-  
 lore, in pulmonum morbis, in omnibus fe-  
 brium initiis, & in longis morbis; in his enim  
 omnibus damno esse sanguinis stillicidia, pro-  
 nunciat Hippocrates, undè sigillatim no-  
 tat Philiscum, Epaminonem, Methonem &  
 Silenum, quos oborta sanguinis stillicidia  
 peremerunt. Similiter, inquit, tenuiter  
 exundantes ex tenuibus sudoribus, in gra-  
 vibus malis, ii malè habent aut malignè, cui  
 assertioni fidem fecit Erasini historia, qui  
 ex acutiore morbo intrâ quintum diem per-  
 emptus est, licet ad extremum usque febres  
 cum sudore adessent. Tam periculosa sunt,  
 quæ pauca alvo egeruntur, nisi copio-  
 siores aliundè evacuationes veniant sub-  
 sidio: multis enim usu venit ut non ab uno  
 judicarentur, sed ut plurimum per omnia  
 (critica signa) percurrerent & gravius ha-  
 bere viderentur, qui omnes incolumes eva-  
 serunt. Huc spectant grassantes populari-  
 ter intestinorum difficultates, teste eodem  
 Hippocrate, sub quibus ex quatuor maximè

*signis servabantur ii, quibus aut sanguis è naribus profluxisset, aut urina multa, quique per alvum purgati fuissent, aut in intestinorum difficultatem delapsi.*

Hanc ob rem fallaces tam sæpè per *abscessum crises*, humorum enim evacuatorum copiae impar locorum capacitas, *anadrome* factâ ægrum pessundat : inde *parotidum*, ni geminae sint ac prominentes, insidiae, quæ retrogradæ in *lethargum* aut *convulsiones* ægrum miserè conjiciunt. Absimile quid *Temenei nepti* contigit, cui ex valido morbo quoddam in digitum firmatum est, qui cum morbo suscipiendo non esset sufficiens, ex interno recursu obiit. Sic tumores præter naturam allevando imposturam significant ; quale quid *Andronici filio* intrò recurrens *erysipelas* portendit. Igitur *crises* inter, aut solæ securæ sunt, quæ evacuando profunt, quâ conditione gravissimos affectus persanare conspiciuntur, aut si *abscedendo* juvant, ii sint oportet tam multi *abscessus*, aut tam ampli, ut omnem morbosorum succorum copiam exhauriant & complectantur. Præbent exemplum *variolarum* innumerae pustulae, quæ febrem summè malignam quam consequuntur, feliciter & criticè indicant. Nam bona sunt . . . . . quæ in cutem abscedunt, foràs erumpentia tubercu-

*ta, velat putrescentes & purulenti quidam tumores: aut reliquæ ejuscemodi in cute efflorescentes pustula, quæ refertæ & repentino quodam confluxu, non autem dimidiato & semirepentè abscedunt. Itaque ut ritè succedat criseos negotium, aut illicò materiem omnem evacuari necessum est, aut multiplicibus locis eam committi maturandam tandem & evacuandam.*

Non tamen dissimulandum, hanc alteram judicandi viam, eam non esse, quam premere natura consuevit. *Morbi enim omnes solvuntur aut per os, aut per alvum, aut vesicam, aut alium quendam ejusmodi articulum, sudor verò omnibus communis est; quæ sigillatim vera prodit constans observatio.*

*Variolarum, maximè confluentium, aut malignarum crisis est ptyalisinus, aut salivatio putida, ac ingens, tam necessaria, ut si parciùs aut brevius reddiderit, de ægro actum sit. Sunt inter morbos cutis, qui judicantur sanguine è naribus fluente. Sic inerant, referente eodem Hippocrate, in febribus ardentibus affectiones ejusmodi, ut qui benè & largiter sanguinem profudissent, ii ex eo maximè servarentur, neque enim ullum cui sanguis benè profluxisset hoc in statu mortuum videre licuit. Sputis solvuntur asthma, peripneumonia,*



pleuritis, tussis ac benè multi *pulmonum affectus*, in quibus omnibus *sputum celeriter promptèque exspui* convenit. Hepatitis, icterus & similes hepatis morbi, *alvo commotâ solvi solent*, quos etiam *sublevari per vesicam expurgatio aut longa narium hæmorrhagia*. Hoc ipsum *Heraclida* contigit, qui ictero laborabat, quippe qui *largum è naribus sanguinem profudit*, & *alvum conturbatam habuit*, & *per vesicam purgatus est*. Vomitu vomitum sedari pronuntiatur est, eodèmq; *alvum coactam solvi ut & longa alvi profluvia*; undè vomitionem stomacho criticam fieri nemo est qui non intelligat. Sequitur *diarrhea* solemnis illa & publica evacuatio, bonorum fermè omnium effectrix, morbos aut prævertens feliciter, aut feliciùs solvens, morbi enim laterales, *pulmonum inflammationes*, febres ardentes, & quicunque morbi acuti censentur, rarò contingunt, neque invalescere possunt ubi alvi liquida fuerint. Insuper *surditati, ophthalmia, leucophlegmatia* singulariter mederi visa fuit; his enim superveniens, solutioni est. Non minoris in judicandis morbis efficacix sunt sudores, qui optimi sunt per omnes morbos acutos non tantùm sed & malignos, teste constitutione morborum *Perinchi*, de quâ idem Hippocrates, ubi *indicatio cum su-*

*dore facta est.* De *hæmorrhagiis* prodigia quoque narrantur, è naribus enim, utero, hæmorrhoidibus profectæ, innume-  
ris morbis præsentaneo sunt auxilio. Illa quæ narium est, præter imminetia ma-  
la à quibus tutatur puberes aut liberat, *mensēs* supplet, per febres *alvum* hume-  
dat, *surditatem* adimit, liberat ab *abscessibus*, *cacitatem* solvit & *cephalalgiam*.  
Mensium profluvium ut etiam avertit non paucos pubertatis morbos, vomitum curat, totque solvit affectus, quot invexit eorum defectus; imprimis *chlo-rosin*, hystericos affectus, cæterosque fermè qui puellas & mulieres affligant.  
*Hæmorrhoidum* ea vis est, ut erumpendo contumacissimas ægritudines expediant; in specie viros à morbis præservant, *atrabilariis* medentur, renum & lumborum affectibus succurrunt, curant insanientes; verbo tanti est medendi peritis *hæmorrhoidum* consideratio, ut in investigandis morborum causis, sedulo non minùs viros interrogent de *hæmorrhoidibus*, an iis sint fuerintve obnoxii, quàm feminas de *mensibus*, an naturæ votis & necessitati respondeant.

Sub his tam multiplicibus evacuatio-  
num formis, medico pingi naturam vo-  
lunt, evacuandi, ut aiunt, unicè solli-

citam, cùm in hoc uno, omnes illius fines & consilia poni videantur. Interim quid si hinc medentibus imponeretur? Erroris occasione fuerint præpostera medicantium de evacuationibus interpretamenta. Succos evacuando naturam, *impurum à puro* segregare illam opinati sunt, purgationem nihil aliud, quàm *depurationem* aut defæcationem esse docentes. Sed quò usque excessit isthæc credulitas, ostendit *Hippocratis* monitum, reprobantis *sinceras vomitiones ut pravas, sputum sincerum, sinceras* ipsas *dejectiones*. Patet igitur non selectos, non singulares, non impermixtos esse succos qui vacuantur, sed confusaneos. Proindè purgatio non erit *secretio*, sed *excretio*, excretio autem succorum nocivorum minùs, quàm vacantium aut exuberantium, utpotè qui qualitate, putredine, falsedine peccent minùs, quàm quantitate, mole, impetu, multitudine; porò succorum nocivorum aut inutilium tam parùm, ut in alimoniam cui dicantur cedere potuissent, in *transpirationem* postea abituri ni impedimento fuisset *spasmodica diathesis, tritura vitium, & occillationum* inversura. Imò de utilium numero hos esse succos admonet evacuationum labor, verenda imprimis



quæ illas stipatur aut excipit virium prostratio. An tot periculis hominem objiceret inutilium jactura? Puris delitescens, collecti, & à vitalium succorum consortio segregati evacuatio, ægrorum fit solamini, pultaceæ materies intra *panos* & *atheromata* coercitæ, sine ullo virium dispendio scalpello educuntur; denique *serum hydropicorum in ascite* citò, tutò & jucundè per *paracenthesin* ad libras plurimas evacuatur, absque ullâ spirituum jacturâ, ideò quia succi inutiles sunt ac sejuncti; quod adeò verum est, ut factò (scalpello vulnerante) ferosis succis effugio, quos ebiberant sub *anasarcâ*, *leucophlegmatiâve hydropicorum* carnes, citiùs non rarò fatiscant ægri, adeò ut sæpè paucis diebus exsucciperent & emarcidi. *Serosus* enim ille latex à sanguine recens, illi adhuc cohærens propiùs, nedùm intrà cavitates exilio planè damnatus, vitalem flammam, quâ totus calet adhuc, prodeundo efflat.

Præconceptum errorem de extricandis, separandis, *precipitandisve* ab impurato sanguine humoribus evacuandis, manifestat obvia medentium oculis observatio. Videre est sub gravissimis morbis, quorum pars maxima de *inflammatoriorum* genere est, scalpello eductum sangui-

104 DE PURGANDA MEDICINA  
nem, viscido glutine pelliceo, tenaci, al-  
bido obductum, cui separato subditur ru-  
bicunda pars. Curiosè scrutantur glutinis  
illius naturam & causas, quas revelat  
tradita hîc morborum *etiologia*. Hæc  
edocet aggestionem esse succi nutritii,  
qui ab impeditâ *transpiratione* intrâ vasa  
coercitus, quassatus, verberatûsve arte-  
riarum *systolicis* ictibus, in gluten ejus-  
modi ita coivit, ut in gelascentem suc-  
cum, crassiolem, sanguini malè cohæ-  
rentem, vixque compactilem abeat.  
Qui ergò morbum alunt succi, sanguini  
adeò non miscentur aut confunduntur,  
ut ab illo sejuncti separatîve, volvan-  
tur in vasis; proindèque non è sangui-  
nis sinu evolvi opus habent aut extri-  
cari ut evacuentur, sed tantùm è vasis  
excerni; eritque evacuandorum humo-  
rum excretio, exitus è vasis non è san-  
guine emerfus. Quorsùm evadat nova  
hæc evacuationum expositio, sigillatim  
hîc tradere non attinet; innuit quàm  
iniquè se gerant cùm evacuandis succis,  
qui è sanguinis sinu eos evellere præ-  
tendunt. Docet insuper quanta, in eva-  
cuando, *solidis* ratio habenda sit; cætera,  
ubi de *purgatione* ejûsque legibus, reve-  
labuntur.

## CAPUT X.

*De evacuationum fuco.*

UT quid autem *perditio* ista humorum qui evacuationum operâ eliminantur, si sanguini non insunt? Undenâm aliundè scaturient tam numerosi *sordium* egestus, *bilis* proventus tam copiosi, per os aut alvum affatim prodeuntes. Undè manarent exundantes *seri colluvies*, quas *hydragoga* depromunt? *Pituita* glomeres quos obtinent *emetica*? *Phlegmatum* aut *glutinum* acerui quos *bechica* produnt? Nunquid isthæc erunt phantasiæ lusus, nùm mentis præstigiæ aut ludibria artis? Certè tot evacuationum utpotè sensibilibus molem vel aggestus sanguini inesse, harumque succis sua in corpore dari seclusoria manifestum est. Fidem addunt oris amaror, linguæ spurcicies, nausea immanis & spontanea vomendi cupido, *hypochondriorum meteorismus*, abdominis prominentia, *clysterum* molliorum faciles & uberes proventus, tot indubitata catulientium humorum argumenta. Nùm eumentita erit succedens hinc evacuatio, an supposititii prodeun-



106 DE PURGANDA MEDICINA  
tes humores , fallacésve succi ?

Fucosæ merces ! Adulterini nidi fœtus , morbi mala progenies , mera vacuantium genimina. Nam quod fluminibus , id ipsum humoribus , usu venit ; punctum est aut paucum undè illa nascuntur , immensum quò evadunt. Similiter dictu immane quàm obscura sunt aut *parva magnorum morborum principia*. Ultrà fidem est , quàm latè eluxurientur. Quo tempore *fermentis* ludere moris erat , causæ morbi nomine intelligebant *fermentum* , sui mirabiliter *multiplicativum* , & nihil non in se transformans. Exoleta quidem sunt *fermenta* , unâque evanuit inconditus ille morborum conceptus , constat tamen non minùs à parvo proficisci morbos , ab uno nempè *occillationum* ordine inverso , quem habitiosa materies , inconspicuum *miasma* , aut animi *pathema* commiserit. Exlege aut abnormi hinc factò sanguinis circuitu , hic vel ille succus qui primò pauxillus est , excerni cessat , tùm invalescente *occillationum* tumultu , præposterâ aut sedulâ nimium accedente medentis manu , ad invita cogitur natura , sic ut pessundatis illius motibus , male subigantur succi , vitiosè *terantur* , perversè coquantur , misceantur , adulterentur.

Indè spuria egerminant mille succorum nidamenta, illas spuriorum symptomatum turbas, illasve evacuationes datura, quibus morborum historia interpellatur, dùm eorum quæ nativa sunt & necessaria turbatur ordo, aut vertitur series, quæ morborum naturas & ingenia repræsentaret. Sub his videas non ordinata naturæ, sed indigesta morbi opera; non artis errata, sed artificum delicta. Igitur pullulantes hinc adulterinos succos in causas morborum cooperare, alienam à naturâ viam premere est, hisque evacuandis unicè studere effectus morbi aggredi.

Hinc autem medenti mille se dant offuciæ, aperta allucinandi pericula, & ad errorem patens iter. *Liquidis* enim unis curandis, medici mens affigitur, quod *primus* ad fucum gradus est. *Secundus* est, eadem *fluida* in morborum causas stabilire. *Tertius* indè venit, humores nempe seu *fluida* illa prodeuntia per alvum ægri solatio, vacuata à naturâ videntur. Agmen claudit *quartus* qui erroris complementum est, illa enim (imitamine malo) purgantibus vacuanda esse concludunt.

Reverâ, omnium errorum, abusuum, ac delictorum in medicina fons est in-

valescens nimium ergà humores sollicitudo, in quibus corrigendis, temperandis, *exaltandis*, evacuandisve impensius sudatum est. Allucinandi tam graviter ansa fuit, de sanguine altiùs imbibita hæc opinio, suum illi & proprium adesse motum, proprias ergò vires, quibus ferveret & progrediretur. At quàm iniquo iudicio, ostendit illius ad *solida* habita proportio; cum enim *solidorum* potentia, ad *fluidorum* vim factâ comparisone, hæc cùm illis sint ut 1. ad 1000. nihili esse *fluidorum* potentiam, deducitur; hâc primùm indubitata ratione, quòd 1. ad 1000. minimi sit ponderis; tùm hâc alterâ, quòd immaniter auctâ ( ut fieri solet ) sub febribus *solidorum* vi, tam depressa jaceat *fluidorum* potentia, ut nihil eis agendum, imò patiendum nihil non supersit. Exemplo est cordis pulsus, qui dùm in sanitate *ter milliès*, intrâ horam iteratur, duplo & ampliùs sub febribus increbrescit. Insuper, cùm nullatenùs obtineri possit, ut depressa *fluidorum* vis sic erigi contingat, ut *solidorum* vim assequatur, nedùm superet, ad *solidorum* curationum convertendam esse totam medentis sollicitudinem, monitum est, aut imperium.



In alterum erroris gradum facilis fuit descensus; positi enim in assiduo prospectu humores medicandi, vitiati hi aut exuberantes facti præcipuam medicæ curam principis instar morbidæ causæ, postularunt. Hinc *refrigerantium*, *invertentium*, *absorbentium*, *edulcantium*, *evacuantium* facultatibus honos habitus est. *Evacuantium* imprimis, quibus nomen singulare fecit *cacochymia* dogma; solo enim *anathemate* aut exilio dignandi veniebant, qui hostiles audiebant aut inutiles succi. Porro *evacuantium* speciem medico definire natura visa est, in eo quod nihil ferè laudabile evacuando moliebatur, nisi alvum movendo, undè factum est, ut in *purgatione*, salutis & artis summa collocata fuerit.

Ast hæc consecratoria sunt, præconceptæ opinionis de *humorum* omnipotentiâ. Interim quæ pupillorum est, eadem fluidis seu *humoribus* obtigit conditio; ut illi uno tutorum permissu sua exercent jura, solo hæc aguntur *solidorum* regimine. Reipsâ ad malum ut bonum ex æquo mancipantur. A *solidis* est quod nativam servant indolem, ab iisdem venit, quod hanc amittant: à motu reguntur ad sanitatem, ad morbum ab eodem jubentur, utrinque enim motus est,

æquabilis qui sanitatem, inordinatus  
 qui morbum alit. Atqui motûs proprii  
 expertes sunt sanguis & humores, qui  
 precariò agunt, sponte suâ immoti, len-  
 tescentes, & in quietem proni, è contrâ  
*elastica*, motiva, *ocillantia* aut *ocillationi*  
 nata sunt *solida*; adde *contenta* esse *fluida*,  
 subditâque *solidis* à quibus continentur,  
 coguntur, mancipantur: *fluidorum* ergò  
 mutuatitius est motus à *solidis* veniens,  
 jussus, influus. At *solidis* vindicato,  
 quod *liquidis* attributum hætenùs fuit  
 motûs imperio, morborum causæ *solidis*  
 imputabuntur, hîsque debebitur præci-  
 pua medentis cura. Cæterùm cave cre-  
 das de remediis actum esse, si aliò quàm  
 afficiendis humoribus dirigantur, præ-  
 judicii altera appendix est, quâ officiis  
 casura remedia putant, nisi humorum  
 ardoribus compescendis, infringendis  
 saporibus aut edulcandis destinantur.  
 Tot bona suppleant aut superant reme-  
 dia afficiendis *solidis* addicta, nam per-  
 indè erit, si remediis in *solida* agentibus,  
 refrigerium quod vocant, aut humo-  
 rum tranquillum malaciâmvē, succedere  
 comperiat. Porro ea est remedio-  
 rum facultas *solidis* adhibita, ut humo-  
 ribus pacem æquè reddant & tempe-  
 riem; exasperatas enim alicundè conci-

pito *solidorum* *occillationes*, quæ in *ataxias* aut tumultus versæ sint, tunc crebriùs verberatus sanguis, resilit frequentiùs, alternans utrinquè elaterium agitur, comprimens & compressum, undè partium concussus, humorum turbæ, tumultus. Hæc compescere si cupis, medium quid interponito *fluida* inter & *solida*, quod illa deprimat, his autem obstat, tunc *solidorum* *occillationes* ictus hebescere intelligis, non secùs ac interpositis ex lanâ aut gossypio stragulis, arietantium instrumentorum impetus frangi, aut intermedio facto molliori corio, hebetari solent aut molliri malleorum ictus hæc attendenti revelabunt *refrigerantium*, *absorbentium*, &c. agendi rationes. Molles & spongiosas moleculas ex *herbis*, *terris*, &c. depromptas, intrâ *occillantium* impensius vasorum cavitates recipi curas; tot molliora erunt repagula, quæ dùm sanguinem à parietum *refilitione* fortiori cohibent, vasorum vividiores ictus morantur ac temperant. Exindè quóque colligere est, *aqueorum*, *inviscantium*, *edulcantium*, &c. efficacias. Illis *salium* aculeos mergi, aut *elixiviari*, his concentrari eosdem aut retundi fabula fuit, meliùs rem tibi interpretabitur *solidorum* dogma. Aqueis enim ac



diluentibus *solida* elata laxantur, molli-  
to eorum *elaterio*. Hoc aliundè elan-  
guescit adhuc intromissis glutinosis, *mu-  
cilaginosi*, quibus interiùs lubricantur  
vasorum parietes ; in quo pones *invis-  
cantium* energias ; quantum enim mol-  
lescat *elaterium* unguine litum, confes-  
sum est. Verbo æquilatationem seu ca-  
va vasorum *spasmodicè* seu febriliter *oc-  
cillantium*, micantiùmve fortiùs impleant  
aut occupent succi lentescences, gluti-  
nosi, rarescences, aut tomentosi, qua-  
les sunt ex animalium lactariis partibus,  
ex *hordeaceis*, *avenaceis*, *orizaceis*, quo-  
rum familiaris usus est in febribus hecti-  
cis ; isthæc *temperandi*, *edulcandi*, *infrin-  
gendi*, *absorbendi* votis satis esse concipitur. Horum *ætiologiam* ut assequaris,  
sub his concipies *machinulas* ultrò *com-  
pressiles & contractiles*, molliter resilien-  
tes, quæ interioribus vasorum parietibus interjectæ, suum quod molle est  
*elaterium* duriori & fortiori quod vaso-  
rum compressionis *systalticæ* est oppo-  
nant. Sic horum *occillationes* vividiores  
temperari, molliri, frangi tandem &  
in ordinem redigi concludes. Hanc ve-  
ritatem asserit, instituta ex contrariis  
succis, quales carniū sunt, diætā, à  
quā sub his & *inflammatoriis* febribus, in-

calescunt ægri ; alterâ de causâ quòd pingues ut sunt & oleosi illarum succi, non resiliētes nec *elastici*, densari imò & atteri faciles, illicò deprimi se patiuntur ; hinc elatiùs se gerendo occillantia vasa, iracundiùs verberant hos succos, & in compacturam solidant, quæ retinendo insuperabiliter, ab *oscillationum* ictibus adeò non vincitur, ut illos eludendo vincat.

Fuco fuit non minùs memoratus ille error de erigendis humoribus in morborum causas ; ut enim idem *fluidis superest* sub morbis titulus, qui sub sanitate fuit, utrobiquè pari eorum conditione, *solidis* ubiquè *fluida* serviunt non imperant. Nam automata inter, quibus corpus comparant, ad clepsydram propiùs illud accedere credunt. Igitur quod est in *clepsydrâ* pauxillum aquæ, hoc ipsum in corpore, sanguinis seu *fluidorum* summa ; neutrum non aqua nec sanguis, motûs causa princeps, utrobiquè *momentum*, æquilibritatis author. Neque usquam sub morbis causæ principis locum *fluida* obtinebunt, quantumvis furere videantur, patiuntur enim semper, nusquam agunt. Reipsâ causæ muneris est, effectum præcedere, at humores quæ *fluidorum* sunt appendices, adeò non

114 DE PURGANDA MEDICINA  
præcedunt morbum, ut illum confe-  
quantur, *solidorum* cùm sint vitiosè oc-  
cillantium effectus. A *solidis* igitur, non  
à *fluidis* aut humoribus, morborum cau-  
sæ. Esto interim, causæ titulo dignen-  
tur, an *evacuantibus* solis curari postula-  
bunt? Si *evacuantibus*, an unis *purgan-  
tibus*? *Hippocratis* exemplo norunt artis  
periti, gravissimos affectus inediâ sanari  
aut anteverti; quod *evacuandi* genus est,  
quandoquidem *siccando fames & labor*  
*evacuant*. Nam *evacuationis* nomine ma-  
nifestam solùm & tactilem humorum  
eliminationem sibi fingere vulgariter  
sapere est. Corporis *evacuatio* ad men-  
tem *Hippocratis*, fit etiam *cursu*, *quiete*,  
*palæstrâ*, *multis obambulationibus*. De ha-  
rum numero quoque est *equitatio tabidis*  
*specificâ*, *colicis*, *dysentericis*, ac benè mul-  
tis *chronicis* affectibus, qui vel *herculeis*  
præsidiiis obsurduerant, mirabiliter pro-  
ficua. Licèt enim *Herodico* medico suis  
olim noto periculis non accedamus, qui  
*febricitantes multis obambulationibus*, *cursi-  
bus*, *fame*, *lucta* conficiebat; nihilominùs  
ramen consultius esse putaverimus cor-  
poris exercitatione & inediâ morbis  
præire, quàm purgationibus, quibus ad  
eos præcavendos miserè abutuntur; nec  
absimilibus, natis iisdem consulere lice-



ret, succorum scilicet *commoderatione*, *maturatione*, coctione. Cùm enim asseverante hippocrate, *multi morbi ex humorum incommoderatione oriantur, eodem modo sedantur & commoderati & concocti*. Igitur coorto morbo, medicum ad Hippocratis mentem eruditum deceret hæc prima cura, oblitos naturæ tramites relegere, id est motuum undè deviavit ordinem retegere, abnormesque succos suis reddendo legibus, commoderari: factâ enim eorum *contemperatione coquuntur, tùmque febres & molestiæ desinunt*: sic *spontaneas morborum desinentias* reperire concederetur. Quò referenda esse medentium consilia vellet *Hippocrates*, suadetque observationum usus; eò enim spectant curationes stupendæ difficillimarum ægitudinum, quæ cæli mutationibus, peregrinationibus, tempori, &c. dant manus, medicationi cuilibet inconcessas. Artis enim sæpè ultima in naufragio tabula est à remediis vacare, quò se recolligat natura aut in se revertatur, elucteturve ut ad relictos aut prætermisissos calles redeat.

His non obstantibus, utpotè quæ vulgi palato non adeò sapiunt, à naturâ discant ii quos vacuandi cupido tenet, purgatione solâ id operis non esse susci-

piendum. *Morbi enim omnes solvuntur non tantum per alvum, sed & per os, aut vesicam, aut sanguine de naribus fluente; sudor verò omnibus communis est.* Itaque artis quòque est, odorari quò vergat natura, ut eò ducantur humores. Sic illorum error est, qui naturæ viarum contemptu, critica, que vacuationes ludibrio habentes, suas ad nutum obtrudunt, quasi quod de sudore pronunciavit Hippocrates, eum scilicet esse morbis omnibus communem, ad emetica transferre liberum esset, adeò in emetica effusi sunt. In similem incidunt scyllam, qui sudoriferorum libidine capti, cæterarum evacuationum loco ea sufficiunt. Illorum is furor est, qui in ovo, ut aiunt, variolas præfocare prætendentes, harum eruptioni sudoriferis potentioribus obviam ire audaci mendacio pollicentur. Hùc quoque alii impingunt, qui omnem variolarum erumpentium sævitiam, sudoriferis cicurari confidentiùs prædicant, harum enim pustulosam materiem suppurationi debitam, sudore exterminari jubent. Non absimilia facinora sunt pleuritidem, sudore solvi natam, purgantibus & emeticis miserè tractare; pulmonum morbos sputis sanari solitos, purgatione aggredi; denique hydropem, perirrhaâ

A CURAR. SORDIB. *Cap. XI.* 117  
aut urinæ profluvio expediri consuetum,  
*hydragogorum* turbâ infelicitèr laceffere.  
Nam non emovenda miscent, movenda  
non promovent; adeò numerosæ sunt  
*evacuantium* fraudes, & *evacuatorum*  
imposturæ!

---

## CAPUT XI.

*Pergitur in evacuantium imposturis  
ostendendo infida esse humorum  
faburræ signa; mendacia atvi  
ejectamenta; contraria cadave-  
rum indicia.*

**I**S fucus eorum est, quæ ad evacuationes  
spectant, ut undequaquè mentibus  
imponant. Ipsamet signa insidiantur,  
mendosa nempe humorum interpreta-  
menta. *Lingua*, monente Hippocrate,  
*serum quale sit indicat. Pallida ex bilis re-  
dundantiâ fit; nigra ex atrâ bile; alba ex  
pituitâ.*

Indubitata certè humorum testimo-  
nia, at humorum nullibi congestorum  
in primis viis, nec illic stabulantium,  
quæ vulgi hæresis est. Igitur medenti  
indicio est *lymphæ salvaris*, sanguinis se-



rum, *stricturâ* seu *spasmo* vasorum reses factum atque lentescens, hæc vitia cepisse, sicque alienari, ut *bilis* & *pituita* speciem mentiatur.

Addit Hippocrates ; *in omnibus morbis, partes ad umbilicum & imum ventrem, crassitudinem habere bonum ; valdè tenues esse malum . . . . . ad infernas purgationes*. Similiter, quibus *hypochondria* elevata sunt, *murmurantia*, his *alvi humectantur*. Hinc *borborygmos* habuerunt non secùs ac fermentium, exirève gestientium humorum testes, ac alvi solvendæ prænuncios aut anteambulones : tùm ex *hypochondriis* *crassitudinem* habentibus, & ex abdomine prominente, sordibus saburratas esse primas vias pronunciarunt. At quàm ineptè, docet *crassitudinis*, de quâ *Hippocrates*, natura. Hæc ad *solida* pertinet, non ad *fluida* ; illorum non horum affectio est aut qualitas, quæ vasorum, quibus compinguntur partes plenitudinem innuit, non humorum coacervatorum colluviem. Ejusdem fraudis est abdominis prominentia ; hanc enim fieri ab acervo humorum qui intrâ *intestina*, *hepatis* fornicem, aut *mesenterii* recessus, præ copiâ tumentes, superpositas & adjacentes partes sustollant, eruditum delirium est. Totis hebdomadibus morata

alvus vel minimâ crassitie, abdominis molem auget; contrâ humore vacuum, at *tympanitide* laborans abdomen immensè tumet. Imò non infrequens est, altiùs eò ac duriùs inflari abdomen aut intumescere, quò uberiùs ac crebriùs *drasticis*, *hydragogis* aut fortioribus *purgantibus* laceffitum fuit & evacuatum. Abdomen igitur prominere, insuccatarum aut *spasmodicarum* illius partium indicium erit, non autem latitantis infrâ humorum acervi argumentum. Saltem, aiunt, sordescentes quasi digito monstrare videntur vias, *appetitus dejectus*, *oris ventriculi morsus*, *os amarescens*, quæ *sursùm purgante opus esse indicant*.

Quarè hæc purgationem suadeant, aliàs exponetur, quàm parùm humorum repræsentent, hîc declarabitur. *Appetitus* ut famis causa est *occillationum* modus, *solidorum* proindè, scilicet nervorum affectus. Idem dixeris de *ventriculi morsu*, qui *solidorum* morbus est, tum & de *amaroris* sapore, qui *sensatio* est, ad mentem pertinens; verbo omnes sunt *nervorum* vibrationes, *solidis* insidentes. His autem *solidorum* affectionibus parùm adeò contribuit humorum seu *fluidorum* moles, ut hæc *emetici* ac *cathartici* plusquam exhaustâ, sæpè crescant adhuc,

& exasperentur. Quantum verò dependeant ab ipsis *solidorum oscillationibus* evincitur ex animi *pathematis*, mœrore imprimis, quæ appetitum enecant, turbantque adeò omnem *stomachi œconomiam*, ut illicò in nauseam & *apositiam* præcipitent. Hæc dicta tamen accipiat nemo, quasi *fluida* nullatenus veniant in partem horum *symptomatum*; suppressis enim *mensibus* & *hæmorrhoidibus*, ægritudinibus ejusmodi torqueri *stomachum*, medentibus observatum est: imprimis siccato perperam *fluore albo*, hinc enim nauseas oriri frequens est: at ut id concedendum est, aliundè liquet à *fluidis* intrà vasa coercitis, nullibique congestis, hæc *symptomata* committi.

Quod ab alvo sequaci, spontèque clysteribus obsequente ducitur argumentum, inviolatam, nedùm perversam *solidorum* habitudinem, id est intestinorum *systaltici motûs* servatam adhuc directionem ostendit.

Tam infidè significant humorum alibi factam colluviem, laudabilia urinarum *sedimenta*, quæ succos intrà vasa *tritu* subactos, victosque & in circuitûs ordinem redactos testantur, nullibi cummulatos indicant. Igitur tot inter signa quæ ad *purgationem* invitant, singula  
vacua-



vacuationis felicitatem spondent, nulla vacuandorum aggestum aut saburram confirmant.

Sublestæ fidei sunt non minùs alvi ejectamenta, quæ quò luxuriant magis, variis tincta coloribus, eò turpiùs ludunt medentium oculos. Fucati sunt enim succi, jusculorum, potulentorùmve incoctilium adulterata soboles. E carnibus eduliorum, quibus ægri plus satìs indulgent vitium est, quæ cùm *tritum* difficilia sint, *tritura*, quæ *coctio* est, reluctantur; maximèque sub *febris*, ubi cùm in *stomacho*, ut & ubiquè corporis partium, malè se habeat *tritum*, in fœda eliquamina peregrinòsque succos præcipitantur. Hæc de causâ in *diarrhœas* tam pronæ sunt alvi sub morbis, quòd à simplici priscorum diætâ desciscens hodierna medendi ratio, pultibus ex *hordeo*, *orizâ*, &c. juscula ex animalium carnibus suffecerit. Indè redit corpori incommodum multiplex, cùm enim *teri* se minùs patiantur isthæc alimenta, plurimâ nutritatùs portione defraudatur corpus, dùm aliquâ eorum parte perperam subactâ, quæ vasa subit, inficitur, afflictatúrve. Quàm varius autem venturus inde sit sordium proven-tus, innuit multiplex quæ hinc exoritura

est cruditatum, succorum nempè incoctilium copia, de quibus, dùm affatim iis primæ viæ exundant, delibat fortè non nihil sanguinis massa. Idque incommodi ingravescit eò magis, quò succosa magis & copiosiora juscula carniū offerentur; quæ cùm jurulenta sunt, & ad *libras* plurimas diù noctūque crebrius repetita ingeri consuetum sit, numerosas indè humorum copias intestina versùs amandari necessum est. Isthæc erunt *purgantium*, *stibiatorū*que pabula, quæ eorum operâ ampliùs eliquata, humorum *serosorum*, *glutinosorum*, *biliosorum*, *phlegmaticorum* formas mentiuntur, dùm reverâ chyli solius præposterè subacti, fucata sint genimina. Quæ cùm ita sint, morborum causas adeò non attingunt *purgantia*, ut tantum ascititios depellant succos, alienos à causâ morbi, alienos, inquam, utpotè à *purgantibus* sobolescentes. Ultrâ fidem enim est, quàm læta corruptelarum seges à purgatione veniat. *Helleborum* sanis periculosum pronunciat *Hippocrates*, id ipsum de purgatione quâvis affirmaveris; illibata corrumpit, laudabiles labefactat succos, quosque pravos non reperit, facit illico, velutique manibus fabricat. Quem enim vel è sanis robustissimum, in hu-

mores non eliquaret *purgatio*, quæ ob-  
vium quemvis, à morbo etiam immu-  
nem, immensè vacuabit. An aliundè  
plures fraudes aut præstigiæ? An falla-  
cia magis simulachra? Quæ factitia sunt  
& supposititia; eò periculosiora, quò  
verisimilioribus coloribus succos in-  
duunt; *biliosis* præcipuè, cùm enim *bilis*  
quantulumcunque integris aquæ am-  
phoris tingendis par sit, in proclivi est  
succos, quotquot è ventriculo in intestina  
irrupent, bilis colore vestiri. Posthàc  
non erit undè stupeas, quòd hæc inter  
humorum nugalia lufitando medicina,  
sæpiùs impingere videatur; utpotè quæ  
cùm umbris hætenùs luctata sit, quasi  
cùm unis rerum imitamentis aut imagi-  
nibus res ipsi futura esset.

Nihilominùs tamen non hæ solæ hinc  
medentibus paratæ sunt insidiæ, alter  
ecce dolus quo luserunt animos alvinæ  
fordes. Harum copiam, quæ purgatio-  
ni succedit, in primis viis acervatim  
cumulari creditum est, undè saburræ  
colluvies; fornitum idæ præjudicium  
progrediendo ulteriùs, succorum quo-  
rumvis qui alicundè manarent, acervos  
aut aggestus illic delitescere persuasit:  
quo errore factum est, ut omnes partes  
fordidatae habitæ sint, saburratæque om-



nia viscera, undè *una & eadem*, ut aiunt, *fidelia*, purgatione videlicet, quolibet ægri tudines aggredi cœptum est. Interim aliud suasisset, vel leviter meditata hæc materies. Omnia enim in corpore plena sunt, ubi demptis stomacho & intestinis vacantia spatia vix ulla sunt, raræque humorum conditoria, adeò ut quas visceribus nonnullis natura dedit apothecas, excipiendis eorum inutilibus aut meritis succis, eæ tam arctæ sint, ut vix minimæ portioni profluentis illinc quantitatis continendæ capaces fuerint. Testimonio erunt immensæ succorum jacturæ, quæ à *gonorrhœis & fluore albo* contingunt, sic ut subito contabescant ægrotantes, licet promptuaria nulla continendis tot succis paria, in affectis partibus animadvertas. Rem stabiliunt *epiphora, ophthalmia, coryza* exempla, hîc enim *nares & oculi* secluseriis destituti, enormem lymphæ copiam siccant. Tam profusi humorum affluxûs rationes aperit exquisitus excernentium partium sensus. Is nempè est, qui peregrinæ cujuslibet rei appulsum ferat tam intolenter, ut illicò exspuat. At verò sub his casibus assiduò vellicatæ, succos incessanter proliciendo, perenniter profundunt. Artis illius umbram exhibent *cr-*

*rhinorum*, *apophlegmatismorum*, *vesicantium*ve operationes, quibus acrius titillatæ partes ingentem lymphæ copiam plorant. Attamen insperati illius feri proventus est altera causa. Quæ vellcantur partes *membranaceæ* sunt, tot vasculorum hyantium oscillis quot punctis meabiles. Salientes milleingas, qui lympham intrò stillent, tot patentes tubulorum exitus, qui continuo laceffiti, sero pluunt indefinenter. Collectorum ergò succorum molem suspicari in visceribus, ex eo quòd evacuantibus obsequantur aut morem gerant, crassa hallucinatio est; in hos cadens, quos fugit opulenta naturæ paupertas, quæ multiplex in omnibus, in singulis simplex est, at ubiquè dives. Ut ut sit qui simul & affatim educuntur humores, præsentis ac iteratæ vellicationis fructus sunt, qui continuo exprimuntur, emunguntur, eructantur. Qui ergò summatim prodeunt evacuationum succi, successivè & sigillatim, sed vi torquente partes ac stimulante, excreti sunt; quò loci humorum fucum, evacuationum dolos vacuantium discrimina, tormenta partium, ac medentium ausa observabis.

Hîc autem *omne tulit punctum* cadaverum anatome; nihil enim falsitatis tam

arguit aut mendacii saburræ dogma, quam viscerum eorum qui morbis denati sunt scapello facta lustratio. *Malignæ febres tartari stibiatii* furoribus ac tyrannidi damnatæ, nil minùs quam humorum acervos aut colluvies exhibent. Illas à tergo sequuntur *inflammationes, sphaceli, abscessus* in hepate imprimis, quod frequentissimum est, in *liene* qui similia sæpè ostendit, tum in *pulmone*, ipsóque *cerebro* : *ventriculus* tandem & *intestina*, quæ hîc promptuariorum nominibus designantur, iisdem notaculis resperfa observantur. *Mesenterium*, humorum nidulationibus damnatum, similibus inficitur vitiis, quæ produnt quóque *pancreas* & *renes*, adeò *inflammatoria diathesis* viscera quælibet sub *febris malignis* invadere solet; hoc tamen addito discrimine, quòd *inflammationis* nota inusta videatur, maximè eorum stomacho qui vomitibus per morbum obnoxii fuerint. Eiusdem sortis sunt, quæ post *febres pestilentes* cadavera produnt, *inflammationum* argumentis ubiquè perstrata; quæ talia sunt, ut in *stomacho causticorum stigmata* & *escharas* repræsentent.

*Inflammationes* adhuc sunt & *abscedentia* quibus notantur viscera eorum, quos è medio sustulerunt *febres continuæ*,



à quibus ex æquo abesse videntur saburræ indicia. His autem eò magis deficiuntur post *febres ardentes*, quò luculentiora post se in corporibus relinquunt in *intestinis*, *pulmone*, *meningibus*, *inflammationum* signacula.

Saltem expectares sordidari viscera post *apofitias*, *vomitiones*, *diarrhœas*, humorum enim colluvies speciem præ se ferre videntur ægritudines ejusmodi, quæ perennem succorum copiam cumulant aut profundunt. Contraria tamen profert hîc adhuc cadaverum inspectio.

*Apositias* sequuntur viscerum stomacho assidentium, quod sæpè fit, vel dissitorum, quod rarò, *scirrhi*, *tumores*, *apostasies*. Post lethiferas *vomitiones* hæc videre quoque est viscerum vitia, quæ *stomachum* infrequentius, *jecur* ut plurimum obsident, dùm *stomachi* cava terfa conspiciuntur, vacua & nitida. Sed quod omnem fidem superat, ab excrementis vacant *primæ viæ*, quas sordidare debuissent *diarrhœæ*, aut *dysenteria*, in his qui ejusmodi alvi profluviis perierunt. Interim quæ his succedere comperias vitia, *solidorum* magis sunt quàm *fluidorum*; *humorum* minùs quàm viscerum. Post *diarrhœas* conspicias *hepar purulentum* aut *inflammatum*; erosum ventriculorum san-

guinéque reside nigricantem; *intestina* ejusdem coloris sunt ac similiter vulnerata. *Pancreas* aut *mesenterium* aliquandò vitium occupat, idque *tumoris* genus. Partium adhuc peccamina sunt, non humorum, quæ *dysenteria* post se relinquunt, *intestinorum* nempe corruptelas, *sphacelos*, *ulcera*, quæ repræsentant quoque *stomachus* præcipuè, tum *pulmones*, *jecur*, *omentum* & *mesenterium*. His graviora minùs quæ partes illas habent vitia, *inflammationum* vestigia sunt. Quidquòd post *fluxus hepaticos abscessus* in hepate, post *tenesmus* erysipelas in intestinis, tumores in utero, aut calculum in *vesicâ*, in *recto* nihil reperias. Deniquè *glandulas*, *ganglia*, *concretiones* in mesenterio produnt *fluxus cœliaci*; in eodem aut vicinis partibus apostemata, *lienterici*. Coronidis loco veniunt *chronici morbi*, qui partium saburratarum sordes nusquam, texturas autem earum vitiatas semper ostendunt.



## CAPUT XII.

*De causis morborum chronicorum ;  
an ab humoribus fiant, horum  
nempè epigenesi aut regermina-  
tione.*

**V**Ix quempiam ex *chronicis* morbis invenias, ex *acutis* non deciduum ac sobolescentem. Æquè constat utrorumque communes esse exitus, eadem nempè eorum esse infelicia quæ visceribus inuruntur, relinquunturve notacula, *inflammationes, abscedentia, concretiones, &c.* *chronici* igitur *acutorum* erunt appendices, quibuscum in radice iidem sunt; ab iisdem *symptomatis* nascentes, in eodem desinentes exitus : imò *acutorum* & *chronicorum*, si infeliciter cesserint, una est & eadem *desinentia, hydrops* nimirum, quò tandem abeunt cujuscunque classis fuerint morbi. Posthàc a seipsis multum dissidere morbos, qui in tam multis conveniunt, nemo facile crediderit. Quæ hos inter major intercedit discriminis ratio, in hoc uno posita videbitur, quòd *acuti* celerius, tardius *chronici*



130 DE PURGANDA MEDICINA  
sua percurrant tempora ; in hoc aliundè  
concordes, quòd in humorum *stagnatio-*  
*nes, systases, apostases* desinunt. Undè ve-  
nit conjectura non levis, in omnibus  
morbis, ut impeditur sanguinis circui-  
tus, unum ubiquè esse & eundem me-  
dicatricis naturæ scopum, sanguinis  
nempè eriguandi, circuitûsque illius  
cespitantis restituendi. Sic morbus erit  
per multa impedimenta eluctantis natu-  
ræ conamen, quo de tramite quasi de or-  
bitâ unde deliravit, in viam publicam re-  
dire nititur. Quod si viarum tricis ac dif-  
ficultatibus intricata recto ab itinere de-  
flectit natura, ac evagatur magis, tunc  
vel multiplicatis obicibus dejecta lassas  
dat manus, aut difficultates seriùs qui-  
dem, sed re ipsâ eluctata, tandem ad  
se redit, suis vincens ac imperans legi-  
bus. Tentamen igitur naturæ erit quili-  
bet morbus, per vias breviores modò,  
modò longiores, sanitatis iter relegen-  
tis. Viarum illarum repetendarum am-  
bages ostendit vasorum sanguini subeun-  
dorum trifida partitio. E corde arterias  
ultrà exiliens sanguis, albâ sui parte *se-*  
*cretoria & lymphatica* vasa subit, in nu-  
tricatum partium, nervorûmque *lym-*  
*pham* cessurus, deciduis à nutritu suc-  
corum reliquiis per transpirationem va-

porantibus, dùm altera, quæ rubra portio<sup>2</sup> est, iterùm tenuanda, terendâve venis reddita, cordi remandatur. Perseverante hâc succorum *œconomiâ*, continetur *harmonia* sanitatis, pessundatâ morbus enascitur, restitutâ sanitas redit. Hujus autem *harmonia* authores sunt concordēs *occillationum* ictus, modificati sic, ut singulis vasorum *diametris* suam dent molem; at quàm multotiès ab illâ consonantiâ deflectere periclitantur *occillationes*, ex *occillantium* partium conditione perspicuum est. Nerveæ sunt, tam faciles emoveri, quàm tinnire citharæ fides. Illas ergò misceri, turbari aut confundi, non sæpiùs prodigium est, coorto in dies tam frequenti corporis & animi motuum turbine. Indè saltèm proveniunt quotquot sunt morborum causæ; factò enim *solidorum spasmo* stringuntur vasa, decrescit eorum capacitas; succorum proindè distributionis æqualitas perit. Verùm hâc de causâ angustiora fiunt *excretoria* vasa, dùm capaciora esse perseverant venosa. Vasis ergò à *spasmo* contractis, tantò defraudabuntur *secretoria*, quantò venæ *secretoriis* capaces erunt; absorptâque venis illâ sanguinis portione albâ, quam *secretoria* non admiserunt, *lympha* cumulabitur in

*venis*, glutinis albidæ facie, quo toties vestitur sanguis, morbi futura materies. Interim surgente hinc intra vasa mole majori & obice, *occillando* fortius insurgunt, vincere nitentes, unde febris, tritum naturæ instrumentum quo sæpius utitur, abutitur nonnunquam in rumpendis superandisve obicibus. Quod si citò obtinuerit, febris *acuta*, si serò, *chronica* dicetur. Porro hæc erit, si succorum copia aut major, aut numerosiori vasorum labyrintho irretita, à *secretoriorum* oscillis non admissa, venas subierit. Tunc enim ut copiosior subigenda veniet & extricanda materies, diutius in *occillationibus* pergendum erit. At verò cum succi diutius & inopportunè everberati, ab indole suâ desciscant, horum peccamina, non secus ac humorum proventus in causas morborum venere; eò verisimilius, quò diutius *occillando*, fortius ac perperam perseverantia vasa, succos labefactant; unde scaturigo sordium ingens, *epigenesis* aut re-germinatio. Interim verisimiliorem morbidæ causæ rationem ex *hydraulicis* mutuatam audire juvat. Annem trifidumingas, qui æquabiliter tandiù currat, tandiù intra trifaucem alveum æquabiliter dividetur. Obstipatis autem



duobus alvei canalibus, quæ tribus destinabantur aquæ, in unicum refluentes eluvionem committunt. Non absimilis origo est colluviei liquorum, quæ morbis attribuitur; qui simplex est corporis centro sanguinis alveus, in trivium definit; igitur qui unus erat & indivisus à corde proficiscens liquor, tripartitus fit, in succos secretorios, in *lympham*, tum in sanguinem venis refluum. Aequalis facta hæc tripartita distributio, sanitatem alit, inæqualis morbum. Quod autem in fontium fistulis *epistomii* munus est, aquarum molem moderandi, hoc æmulatur in sanguinis tubulis *elaterium*, quos modificando, stringendo scilicet, laxandove, capacitatibus augere aut minuit: at ut inæquales naturâ sunt tubulorum *diametri*, inæqualiter etiâ immutantur, adeo ut quamvis in genere dilatentur, arctenturve universi, singuli non æqualiter dehiscant aut stringantur. Addendum contigisse non parum singulis *systalticam* vim, undè fit ut ex illis tubuli sint præ aliis stringi minùs faciles. Tales sunt *venæ*, quæ aliundè duobus aliis vasculis patentiores erunt, quandoquidem ipsis *arteriis* capaciores comperiuntur. Venas ergo utpotè naturâ suâ patulas magis, exci-

134 DE PURGANDA MEDICINA  
piendis succis, ab aliis non admissis, paterere semper meritò concludes. Hinc autem quantum crescere possit sanguinis moles, quantum hinc *occillationibus* enascatur *resistentia*, quantumve diuturnitatis morbis indè paretur, hanc computatione conjicies. *Arteriis* capaciores quadruplicatò sunt *venae*; totius ergò sanguinis massæ quadruplum hæc continebunt. At sanguinis *quadrantem* retinere *arteriae* deprehenduntur, saltèm ergò triplo sanguinis aut succorum illius continendo pares sunt *venae*, proindèque illius demensum, quo *secretoria* & *lymphatica* vasa alluuntur, exiguum erit. Verùm *spasmo* arctatis vasorum fistulis, iis imprimis, quæ *contractiles* magis sunt, quales sunt *arteriae* & *excretoria* vasa, tantò crescet intrà *venas* patulas magis & minùs *contractiles* succorum copia, quantò decrescant *excretoria* & *arteriae*; nec temerè hæc allata credes, eò usque enim *arteriae* sub morbis deplentur, ut in cadaveribus exangues conspiciantur, dùm *venae* copioso sanguine nigricante concreto, imò *polypis* oppletæ sunt.

Sub hoc morborum prospectu, quem offert ipsa rerum natura, fabrica nempe partium, ac liquorum œconomia,

humorum saburras morbis attribuere, fingere est. Morbi sunt liquorum diverticula, quæ *solidorum spasmodicæ occillationes* committunt. Quò longiùs autem latiùsve illa processerint, quòve flexuosa magis fuerint & recondita, eò graviores, difficiliore, breviores aut diuturniores erunt, quæ nascentur ægritudines. Hinc pertinaces comperiuntur, periculosi & difficiles pulmonum morbi, eò enim per vasorum anfractus ac labyrinthos se ingurgitans sanguis, à recto alveo alienos adeò, ut in viam publicam mille laboribus vix veniat reducendus.

At non unius generis tantùm aut visceris morbos invehunt liquorum diverticula, nasciturum hominem præoccupant, quem nedùm natum utero nempe conclusum, immerentem adhuc plectunt. *Nævi* similiave cutis stigmata, *succorum* errata sunt. Eadem recens natum insequuntur, sub his enim vitæ primordiis, cùm dilatandæ sunt partes & evolvendæ, si succus vasculorum glomeres ingressurus, à *directionibus* suis fortè erraverit, ægritudinibus ortum dat : sic *rachitis* succi nutritii distorsio est ; ejusdem succi erroribus, gibbi, cæterique ossium tuberes debentur. Hæc quæ



corporea sunt infert mala, exlex & indocilis succorum errantia, at pejora afferent comites facti mentis aut cordis errores, hoc est animi *pathemata*, quæ cum exstimulari incipiunt aut accendi, succorum ordinationes turbant, determinationes mutant, *directiones* interpellant, aut avertunt. At misâ hâc infelici accessione, evidentia vixque eluctabilia feminis affert liquorum diverticula, sexûs & ætatis conditio: morbos intellige qui à mensium erroribus proficiscuntur, cùm ab utero ad cæteras corporis partes sanguis evagatur. Similiter *epilepsia*, quæ impuberes pueros aggreditur, liquoris in semen evasuri évagatio est; hoc argumento, quòd ut illis menses erupti, sic his affecta pubertas remedio est. Congener est in puerperis subitanea *lochiorum* suppressio, quâ quæ modò sana erat ac vicens, ægrescit illicò ac infirmatur. Causam si rogas, indigitat sanguinis cursûs inversio. Idem de *hemorrhoidibus* siccatis interpretaberis.

Liquorum autem diverticula committit non solum factus aliò quàm convenit, sanguinis vorticum impetus; illa invehit quoque incongrua liquorum mixtura. Hæc erit vel succorum confu-

fio , quâ fit ut qui distinctis vasculis ex-  
cernendi erant in unicum confluant ;  
vel qui propria sibi que debita subire de-  
buerant , aliena ingrediantur. Sic *uri-*  
*næ* loco sub cruento mictu , *seminis* vice  
in gonorrhœâ , *lactis* loco in lactantibus ,  
pro nutritio succo in *plicâ* , pro sudore  
in sudore cruento , pro pituitâ in pul-  
monum morbis , sanguinem reddi ob-  
servabis , & pro sanguine pituitam in  
*fluore albo* profundi ; hîc enim partem  
vacuando sanguini dicatam à naturâ ,  
lymphæ prodigendæ damnatam à mor-  
bo intelligis. Miscellaneorum succo-  
rum species exhibent , colores , odores ,  
sapores , succis , qui iis carere solent ,  
ascititii. Saliva amarescit , flavescent  
spûta , rubent , aut nigricant ; lactescunt  
urinæ , rutilant , albescunt ; virore , al-  
bore , rubigine , nigrore tinguntur alvi-  
næ dejectiones , tibi tot erunt confusa-  
neorum succorum testimonia ; hûc eò  
magis spectantia quòd in morbis chro-  
nicis maximè se prodant. Hûc aliundè  
pertinent , quòd ejusmodi succorum tur-  
bationes , *liquidorum* non sint effectus ;  
succos enim illos suopte motu sic alveis  
exilire , & evagari tam parùm credide-  
rit physica mens , quàm *liquidum* quod-  
vis proprio impetu posse transferri. Se-

*lidorum* potentiae hoc opus est, quæ *spasmodicè* & *inordinatè occillantia*, à serie nativâ & *directione* recedunt. Hinc dejecti succi à viâ terendâ deflectunt, sedes mutant, alveûmque proprium transilientes, peregrinum invadunt. Hos *occillationum* errores, hæcve liquorum diverticula, tam manifestè monstrant *chronici* morbi, quàm parùm manifestant humorum saburras, quas nequidem ostendunt aperta morbis chronicis denatorum cadavera.

Huc facit *Ballon'i* peritissimi medici ac meritò celeberrimi monitum. *Nescio quî fiat*, ait, *ut morborum cerebri notitia difficillima sit, quoniam multi convulsi sunt, pavoribus consternati, phrenitide, apoplexiâ, epilepsiâ sublati, lethargicis affectibus oppressi, sideratîque, in quibus nullum ferè vestigium mali, aperto cranio, inventum est; nec sanguis, nec aqua, nec ichor, quamquam medici certò affirmarent se inter membranas aut cavitatibus, &c. aut abscessum, aut sanguinis aut aquæ copiam deprehensuros, &c. . . . .* Hanc observationem confirmat altera de epilepsiâ à celeberrimo *Schuerdero* tradita. Infantium, inquit, *epilepsiâ extinctorum cerebra perspexi, sæpius nihil unquam in iis notavi, &c.*

Sed & aliàs medenti molitur insidias,



animis imbibitum altiùs de humorum congestionibus præjudicium, quas dùm in parte quæ paret morbi sedes pollicetur, illarum loco inflammationem in alterâ deprehendis. *Morbi lethargi appellati*, inquit Hippocrates, *idem status ac peripneumoniae*, &c. undè pronuntiat illos *empyicos ut plurimum futuros*, qui à *lethargo convalescunt*. Cujus ratio, monente eodem Ballonio, *tenenda est ad unguem*, quoniam *Medici valde decipiuntur . . . . . Utraque enim comatosa ac lethargica mortua est, affecti valdè pulmones reperti sunt.*

Cæterùm, quæ in corporibus post se reliquerunt cerebri affectus vestigia, præterquam quòd cerebrum ipsum non semper obsident (in ipsis enim imi ventris visceribus sæpè conspiciuntur) *fluida rarissimè, solida ut plurimum occupant*, hæcque non sub humorum aggestûs specie, sed *tumorum, apostematum*, &c. formâ, à sanguinis *systasi* dependentium.

Spe cadunt non infrequentius, qui intrâ pulmones asthmatis & similium morborum causas, hâsque sub excrementitii phlegmatis specie, intrâ pulmonum fistulas collecti, in cadaveribus quærunt. Obvium est *dyspnœas* omnes nasci viscerum dissitorum vitiis, quæ

stagnantis ac morati sanguinis indicia referunt. In ipsis tamen pulmonibus crebriores deteguntur infeliciū ejusmodi affectuum causæ, at unicè referendæ ad *polypos, tubercula, tumores, inflammationes, inflationes* ipsius pulmonum *parenchymatis* aut substantiæ; aliquandò à *serosâ putrîve colluviæ* intrâ pectus aut *pericardium* collectâ; at quæ, alterutrum ex præfatis concretionibus, *polyposis* aut *cretaceis*, &c. vel sanguinis *syntasin, stagnationem*, concretionem, ingurgitationem, &c. comitantur.

Tædet plura recensere, missis enim quæ de *diarrhæis, dysenteriis, vomitionibus* dicta sunt, vix ex mille cadaveribus, quibusvis ægritudinibus denata fuerint, vix, inquam, unum & alterum reperias, quorum lustratæ cujuslibet regionis corporis partes colluvies humorum aut saburras repræsentent: contrâ nullibi non conspiciere est *stagnationes, inflammationes, abscedentia*, in quæ nulli non morbi desinere comperiuntur. Evidenti argumento, in incondito, inæquali ac devio *liquidorum* circuitu morborum primordia poni. Hîc enim *liquidorum* nomine, alii à sanguine succi intelliguntur, ut autem *spirituum*, seu nervorum *lymphæ* suus est circuitus, hic ut

& ille qui sanguinis est, impeditus, suspensus aut inæqualis, suas profert ægritudines. Imò unus & idem est liquorum omnium circuitus, qui incipiens à corde in *arterias*, ex his in *lymphaticas* & *nervos* desinit. Facto autem alicubi sanguini obice, cæterorum qui hinc sequuntur liquorum filum rumpi necesse est. Eò magis quò ejusdem impulsoris seu *emboli* vis est, idem à corde continuatus ad extrema vasorum impetus, vasorum omnium continua *occillatio*. Corpus ergò, utpotè *nervorum* plicis ac curvaturis contextum, reticulum erit, maculis distinctum, *epidromis* instructum, seu *contractilibus* funiculis, secùm sic consentientibus, ut alicubi constrictæ, diffitas illicò retrahant; eò efficacius quòd vel minutioribus vasorum furculis sua sit *systaltica* vis, nequidem omissis vel ossium canaliculis; *elasticum* enim *periostium* quo vestiuntur, *compressilis* vagina est, *occillationis* instrumentum. Hinc patet cur à sanguine incipiens morbus, in ossa tandem serpat & nervos, quâve de causâ affectus non pauci, *spirituum ataxias* accerfunt, *erethismum* eò usque interdùm provehendo, ut ossa ipsa affectent; undè *hypo-*



*chondriacarum*, *melancholicarum*, *hystericarum* & *scorbuticarum* affectionum causas subodorari licet; quarum titulis ac nominibus plus nimio abutentes ac decepti medentes, mille modis peccant & allucinantur; obliti primigeniæ morbi causæ, quæ dolosè per varias partes propagata, formam mutat magis quam naturam. Hic ubiquè videas memorata liquorum diverticula, quæ viscerum non solum recessus & *glandularum*, sed & *nervorum* id est ipsorummet corporis staminum anfractus profundè subierunt, undè *morborum chronicorum* versutiæ; symptomatum enim inconcinno mimate incautis imponunt, fallacibus quas mentibus & oculis prætexunt of-fuciis.

Posthac, mirum minùs videbitur, quòd tam varias ac multiformes *apostasies*, in visceribus committant morbi, tam diversas, quàm differentes sunt partes, in quibus adacti cuneantur liquores. *Phlogoses* erunt, *inflammationes* aut *abscessus*, si sanguis; *tubercula*, *concretiones* & *schirrh*i si *lymph*a fuerit impedita, ipsa ossium *caries* ac putredo, si eò usquè adactus succus eorum nutritius, *stagnatione* suâ, ea corrumpat. At

quantum conspicua sunt quæ à tactilibus liquoribus veniunt stigmata, tantum obscura sunt notacula quæ profert incorporalis ferè nervorum *lymphæ*, si hæere illis contigerit; quamobrem nihili ferè sunt aut nullius molis signacula quæ occurrunt in cadaveribus eorum qui *spasmodicis* morbis denati sunt.

At quod semper & ubiquè in cadaveribus observatum est (cujusvis ordinis aut naturæ fuerint morbi quibus occubuerunt) ab omni faburrarum conceptu mentes abducere debuisset; nimirum ex omnibus quæ morbis supersunt causarum vestigiis, occurrunt ferè nulla, extrà vasorum cavitates aut pomæria. Ubi videas *obstructiones*, *oppressiones*, *ingurgitationes*, *coagmentationes*, *concretiones*, quibus vasa cumulata corporantur ac solidescunt. Si quædam vasis egressa deprehenduntur, tot ac tam crebris ejusmodi concretionibus stipantur, ut hinc expressa manantiave evidenter appareant. Hujus sortis est *serosa calluvies*, quæ tantum famæ ac fidei morbidas inter causas sibi fecerat; nuspiam enim illam reperiatis, concretionum, in visceribus aut sanguine exsortem. Sic in iis qui *ascite* denati sunt, unà cum ingenti aquarum mole in abdomine col-

144 DE PURGANDA MEDICINA  
lectâ, *h par*, *lienem*, *renes*, aut ipsos *pul-*  
*mones* concretionibus fartos comperies.  
Idem de *anasarcâ*, *tussi*, &c. sero adhuc  
vulgò attributis, *autopsia* docet; imò  
ubinam non adsunt *stagnationum* argu-  
menta? Ubinam non desunt *saburræ*  
indicia? *Chronicis* igitur tam parùm,  
quam *acutis* morbis convenit *saburræ*  
dogma, repugnat omnibus, competit  
nullis.





## CAPUT XIII.

*De purgatione.*

**H**Æc omnia quanquàm vera sunt, malo animo hùc adducta nemo crediderit, quasi purgationem ejurandam velimus, aut exauctorandam. In arte enim, qualis medicinalis est, quæ tenuiora bona lucro apponenda habet, id præsidii genus, quod ab omni ævo principale habitum fuit, & *egemonicum* despiciatui habere, ingrati esset animi, aut calumniosi crimen incurrere. At cùm id remedii ( quæ audaculorum in mendendo hæresis est & imperitorum jactantia ) malorum omnium non sit everriculum, imò quandoquidem sæpiùs ausu infano, quasi Delphicus ensis fiat, quo in ægritudinum minùs, quàm ægrorum exterminium abutuntur; talium malæ artes ut dedocendæ, sic laudabiles restituendæ veniunt purgandi leges.

Igitur de purgationis utilitatibus, commodis & prosperis eventibus contendere nec animus est nec consilium; generosa enim inter remedia præsentissimum, inter utilia necessarium nobis habetur. Ast

ejusmodi utilitatum rationes expiscari  
 convenit, quò arti redeat uberior fructus  
 & securitas major. Rationes autem intel-  
 lige, non quas ante inventam medici  
 quærun, sed quas post inventam me-  
 dicinam inveniunt. Confessis ergò pur-  
 gationis utilitatibus, sæculorum tot ac  
 medentium observationibus stabilitis,  
 rimari juvat, undè fiat, ut tam *odibilia*  
 laudabile *medicamentum* opera faciat.  
 Nullum enim dari in medicinâ antiquius  
 conceditur; nam missâ *Melampi* fabulâ,  
 quæ fabula est, spretisve quæ *heroica* sunt,  
 temporum *heroicorum* figmentis, stabili-  
 tus jam vulgatúsque purgationis usus  
*Cnidiorum medicorum* ætate, quæ *Hippocra-*  
*tem* tempore multo præcessit, nedùm  
 novitiam fuisse tunc temporis purgandi  
 notitiam, indigitat. Alterum ab antiquo  
 cogniti purgantium usûs argumentum  
 profert, multifaria, ac multis cautioni-  
 bus jam instructa *Hippocratis* tempore  
 purgantium usurpatio: tritum enim rei  
 usum ostendunt, rei utendæ datæ leges,  
 rei autem cognitionem, ejus usura. Por-  
 rò arti, quæ nihil nisi à *posteriori* com-  
 pertum habet, commendabilius nihil  
 alicundè contingit, quàm ab usu; hinc  
 artis & purgantium honos, artis nempè  
 medendi, quam qui invenit, provexit

A CURAR. SORDIB. *Cap. XIII.* 147  
usus, quam proindè amplificare debuit  
tandiù explorata feliciter purgantium  
usurpatio.

Interim aliter cessere medicæ res,  
mentibus fucum fecit purgationis even-  
tus, qui cum in evacuatione humorum  
positus videbatur, humores stabilierunt  
in morborum causas, evacuationem in  
remedium. Hinc accidit ut quæ cura-  
tionis tantum pars erat purgatio, artis  
summa evaserit. Sic mutato in initium  
medicandi fine, cauda in caput versa est.  
Tandem quæ medendi futura erat, va-  
cuandi ars facta fuit. Ulteriùs invasit  
animos præjudicium; cepit in humores  
cæcus amor, miraque propensio aut sin-  
gularis affectus, adeò ut in illos curatio-  
nis omnia tela converterint; nam cum  
viderent ab humorum exitu prosperos  
sequi morborum eventus, in illis spem  
omnem collocandam esse rati, illis uni-  
cè abblandiri sategerunt, quò faciles  
darent manus, ac toleranter vacuari  
se paterentur. Seductionis ansa fuit me-  
dicationis istiusmodi successus; votis  
enim consentiente *absorbentium, edul-*  
*cantium, humectantium, refrigerantium,*  
*diluentium* usu, talium energias, in hu-  
mores *acidos, salsos, ferventes* aut crassos  
exerceri credidère. Eò processit præcon-



cepta hæc de humoribus opinio , ut ab illorum qualitatibus , *diathesi* , aut potentiis , naturæ motus , *crises* , *judicationes* , artisque successus expectandos esse firmum , fixumque fuerit. Tantum potuit suadere malorum mendosa vacuationum interpretatio.

At iterum confesso vacuationum successu , earundem agnitâ necessitate , harum causas humores esse negat vacuandi ratio , aut corporis œconomiae ritus. *Liquida* sui juris non sunt , quidquid agunt à motu habent , quem aliundè mutuuntur , undè ex eo quod motus genus sit *evacuatio* , alienâ vi peragi illam concludendum est. Adhæc , quas *liquida* alunt *dyscrasias* , *salsas* , *acres* , *acidæ* , aut oriendo illas contrahunt , quod alienâ culpâ , *solidorum* scilicet *spasmo tonico* contingit ; aut vitiosè everberata eas acquirunt , quod adhuc operationis alienæ est. Nimirum hæc omnia præstant *solidorum* *occillationes* perversæ , inordinatæ , deflectentes , dejectæ ; *occillationum* ergo ordinationes , series , tranquillum ac *directiones* restitutæ , his omnibus castigandis , reducendis ac reconcinrandis remedio erunt. Itaque quæ *liquidis aut humoribus* *edulcandis* , *refrigerandis* , *tranquillandis* , *diluendisve* dicantur , vocum ac con-

ceptum factâ conversione, intelligantur *de solidis mulcendis, leniendis, molliendis, laxandisve*, sic eodem manente remediorum successu, emendata in melius & ad naturæ mentem artis consilia securius dirigentur, utpotè quò decet directò collimata. Equidem confidentiæ ac celebritatis non parùm *liquidis* aut *humoribus* indè derogari patet, at quæ authoritatis illorum damno fit, artis lucro vertitur. Feliciora enim erunt artificum opera, quorum rectiora erunt consilia, cùm quem destinaverint scopum melius attingent: neque interim meta laborum artis mutabitur; hæc enim si evacuatio fuerit, *solidis liquidorum* loco tractatis, tutius eò collineabitur. Reverâ cùm *solidorum systaltica* vis aut *elaterium*, clavis quasi sit & *epistomium*, quo stringuntur aut referantur evacuandorum emissaria, eò promptius succedet ac libentius evacuatio, quò paratiora fuerint ac obsequentia magis *solida*. Imitamine à naturâ ducto, ut enim connatus *solidorum tonus* est, qui naturales excretiones modulatur (vis nempè *excretoriorum* oscilla comprimens mollior ac succos exprimens) ille ipse *solidorum tonus* medentium scopus erit, quò suos omnes referant labores: illius

nempè restitutio, ut à *stricturâ* solutæ partes detentis humoribus effugia concedant. Certè nativa videtur hæc medendi norma, simplex enim est, vivendi causis ac legibus consona. Dissimilis autem altera, quæ *fluida* medicanda proponit, infida proindè ac insincera, sanguis enim & *liquida* functionibus serviunt, non impèrant; harum materies & instrumenta sunt, non causæ; non regunt enim, ipsa reguntur.

Insuper, tam verum est *solida* esse quæ curari indigent, ut sola sint quæ remedia contingere valeant, imò verò adeò *solida* morborum solæ sunt causæ, ut vix *fluida* in morbidas causas evadere possint aut assurgere. Argumento sit *aciditas*, solemnis illa, omniumque calculo publica ægritudinum origo; quâ enim malâ arte aut infelici casu, foris intrò adveniens, vasa subire possit, aut quâ ratione intrâ sanguinem queat emergere, vix concipiendo es. De *acido* fabellam narrant, sanguini connato, at in illo desiderari uno ore chymicorum jam asseritur. Intereà supersunt ex iis qui de sanguinis *fluore* ac vappâ mussitant adhuc; at quàm molli pede fulta sit isthæc opinio, declarat illorum affectuum indoles, quos à vappido sanguine gigni contendunt, quos è contrâ



A CURAR. SORDIB. *Cap. XIII.* 151  
alit sanguis *inflammatorius*, ut potè quos  
comitantur ardores, terminant *inflammationes*. Esto tamen, consentitur *acidum*  
è sanguinis gremio exoriri posse, mor-  
bis fovendis id fortè par erit, generandis  
impar, hos enim sequitur non accersit.

Non facilius patet *acido* externo in san-  
guinem ingressus; illud enim inspiratio-  
ne per pulmones sanguinem permeare  
mendacium est, sic enim undequaquè ex-  
ternis rebus impervia sunt etiam pulmo-  
num vasa, filo interrupto nullibi sic conti-  
nua ut exilioribus minutiis aditum præ-  
cludant. Publicum autem est, liquorem  
vasè coercitum, quod aeri impervium sit,  
ab acore tutum esse. Patula quidem sunt  
*excretoriorum* oscilla, sic autem ut emit-  
tendis non immittendis rebus aptentur;  
liquorum enim motus cui serviunt, intrò  
foràs, non foris intrò dirigitur. Quæ ergò  
vacuanda *purgationi* pollicentur ab *acido*  
cogente sanguinem ac *precipitante* succo-  
rum eliquamina, figmenta sunt; in hæc-  
que dirigere purgationis tela, inanis la-  
bor & alea plenus. Sed aliud iterùm ex  
hâc infelici operâ discrimen venit. Enim  
verò ex vasis sanguineis elutriari conten-  
dunt humores, quibus emittendis nullibi  
pervia sunt; quos enim vehunt succos ab  
arteriis in venas indefinenter decapulari

finunt, nusquam egurgitare. Quas ergò hinc committi fingunt effluentias *seri, pituitæ*, &c. corporis rerum ineruditæ phantasiæ deliramenta sunt. Quæ sperantur ex vasis succorum egeries, ex solis *excretoriis* expectandæ sunt, una enim horum oscilla sunt, quibus secernendis sub sanitate succis, excernendis autem sub morbo humoribus paratæ sunt effugies. Atqui *systaltici excretoriorum* motûs operæ sunt *secretiones*, ejusdem ergò *systoles* futurum opus, *humorum* excretio.

Aliud suadere videretur illa, quam circumferunt purgantium efficientia, quâ sanguinem colliquescere prædicant. Sanguinem enim lacti, vasa mulctræ, liquefactis coagulis purgantia comparant, quæ sanguinem ingressa glomerant & in serum solvunt. In his hæcenus jucundè deliratum est, at resipiscere jubet castigata hæc de sanguine facta assertio. Cogi enim potest, glomerari non potest; densatur, spissescit, induratur, in coagulationes aut glomeramina non dispertitur. Has fortè æmularentur albidii flocci innatantes aquæ, in quam sanguis è pede missus est, tenaces enim lacinie sunt ac glomeramina à sanguine decidua. At sanguinis albidæ partes sunt, ab aquâ calente dissociatæ,

tam parùm in vasis glomerabiles, ut pelliceâ superficie sanguinem vestiant, in ipsissimis morbis ubi sanguis fundit ejusmodi lacinias. Sanguinem ergò à purgantibus colliquefieri, seu in grumos glomerari, abest à vero. Vellicatio est *purgantium* operatio; vellicatio autem *solidorum*, non *fluidorum*; in *solida* igitur *purgantia* agunt, non in *fluida*, Vasa intelliges, ex hisque *excretoria*, utpotè quæ sola stimulantium purgantium incitamentis obsequi valeant, dehiscunt enim sola oscillis mille, in intestinis, ubi titillata succos, quibus turgent, spontè fundunt; eò lubentiùs quò declivia sunt directione naturali vehentia succos in intestina. Contrarium contingit cæteris vasis, quæ nullibi dehiscunt, semper & ubique contigua non solùm, quod error fuit, sed continua; quæ sanguinem à corde exceptum, nullibi elapsum, serie continuatâ, cordi revehunt. Augurio non incerto, in illis condendos non fuisse, nec conditos morbidos humores, cùm remedia nequirent illa subire; quoniam Deus mortem non fecit, nec lætatur in morte vivorum, creavit enim ut essent omnia, & sanabiles fecit nationes, & non est in illis medicamentum exterminii. Porro sanabiles non essent homines, exterminiique



*medicamentum* evaderet *purgans*, si noverca hâc ex parte facta natura fixisset illic morbidæ causæ sedem, quò penetrare nequiret remedium.

Igitur, quod fidem hæctenùs vix invenisset, non tam intrâ partium cavitates operantur purgantia, quàm in earum superficies; *tunicas* nempe ac *membranas* quibus vestiuntur. Vasorum enim oscilla quibus hæ pertusæ sunt, sollicitata dehiscunt, quòsque vasculis quibus texuntur continent succos exspuunt. Purgantium ergò vis præcipua, exteriora vasorum minùs quàm interiora laceffit. Reverà non desunt quibus alvum movet *catharticum* aura; alios invenias quibus frigidum per pavementum incessus intestina solvit: infantibus familiare est purgari *fotibus* abdomini admotis. Totam autem hanc rem aperit *erethismi* natura; ubivis enim sentitur, undè succo quo tantùm madere deberet stimulata pars, mergitur. Sic oculi *lippitudine*, *mucos* nares, *phlegmatis* pulmo, *pituus* à stomachus, *glutinibus* vesica, *ichoribus* uterus, dùm ab acri aut peregrinâ materiæ punguntur, diffluunt: ad hunc typum, intestina intuendo, quàm immensus succorum proventus manandus sit ex illis intelligetur.

Intestinorum fistulam habes rotundam, proindeque maximè latam, altitudinem corporis septiès longitudine superantem, longam ergò maximè; planè membranaceam, omninò igitur vasculosam; multo succo madidam, copiosòque litam muco, per pluribus ergò foraminibus, quæ excretoriorum exitus sunt, terebratam: millè salientes hîc conspicias, qui roscidum imbrem undequaque fundunt, seu infinitos aquarum rivulos, succis egurgitantes. Quotos vix numerabis, his enim definiendis non sufficit humana mens, sed quantùm innumerabiles sint evincit enormis copia tubulorum illorum, ex quibus telarum suarum fila aranæ depromunt. Ea enim est, ut intrà puncti latitudinem tubulorum milliaria discernere detur. Porro tot tubulorum nerveorum extremitates excretioni paratas ultrà modum vellicatas cogitando, intestina succorum imbribus ruitura intelliges, totaque sero perstillantia. Si etenim pyrethri mica ori (quod præ intestinorum capacitate, perexiguum spatium est) commissa, ingentem salivæ copiam elicit, quanta alluvies mananda non erit ex pluribus purgantis *tincturæ unciis*, quibus capacissimum intestinorum spatium respersum

erit? In mentem revoces miram cùm nervis intestinorum sympathiam ac societatem, concipies succos partium superiorum debere consecutionis necessitate descendere vacuatas versùs inferiores partes, quâve ratione visceris unius evacuatio occasione est corporis universi evacuationi.

Vasa autem *excretoria* esse, quæ hanc omnem humorum copiam sufficiunt, manifestat evacuatorum qualitas; *serosi* sunt imprimis, *serum* enim quod *secretionum* basis est, *excretionum* quoque fit materies. *Serosi* autem laticis conditoria tam verè sunt *excretoria* vasa, ut eò spontè confluant quæcunque *serosa* sunt; præterquamquod enim elices sunt succo nutritio, qui *lymphæ* est, à naturâ dicati, aqua syphonis ope in arterias injecta, in *excretoria* vasa transit, adeò aquaria sunt. Nec te moretur, quòd *glutinosi*, *pituitosi*, *phlegmatici*ve sæpè videantur vacuati humores, ejusdem enim liquoris, tituli diversi sunt ac multiplices formæ; cùm *glutinosa*, *pituitosa*, *phlegmatica* seri laticis species sint aut effectiones. Idem serum est quod tingunt *colores flavi*, *virides*, *nigri*, qui sero insidentes coloratos exhibent succos, specie diversos, re ipsà *serosos*, sed à morâ, *stagnatione* varioque



A EURAR. SORDIB. Cap. XIII. 157  
verberatûs gradu modificatos. Talium  
exempla colorum repræsentant *asthma-*  
*ticorum, pleuriticorum & Phthisicorum* spu-  
ta, quæ ab unâ *lymphâ* putri, reside,  
diutiûsque verberatâ in pulmonibus  
formantur. Interim non immeritò hu-  
jus vel illius humoris in corpore domi-  
natum ex coloribus concluditur; licet  
enim hujus vel illius remissi aut resorpti  
humoris certa parùm fuerint indicia,  
saltem admonent hoc adesse in corpore  
*occillationum* turbamentum, hancve con-  
fusionem, ut sedibus ac locis mutantur;  
sic ut quæ *hepatis* v. g. propriæ erant,  
*pulmonum* ascititiæ factæ sint mixtæque  
succorum officinæ; verbo, eò venisse de-  
lirantium à modulatione suâ, aut defle-  
ctentium *occillationum* potentias, ut qui-  
buslibet succis non hic vel illic tantum,  
sed ubiquè procudendis impares non sint.  
His, ut ut vera videantur, repugnare  
ferè diceres purgantium naturam. Re-  
verâ horum non pauca *salinum* aut *aere*  
resipiunt, quæ mordendo, stimulandò-  
ve partes vellicabunt! His accedent ad-  
huc quæ tristes sunt, sed manifesti sapo-  
ris; at dantur, neque pauca numero,  
quæ insulsa sunt, fatua aut insipida, cu-  
jus conditionis sunt non *eccoprotica* so-  
lùm, *oleosa, laxantiæ*ve, sed *drastica* inter

( non secùs ac inter *venena* ) reperias , quæ dulcia sunt, mellaria , injucundè saporata ; hæcque vulgaria, ut *cassiam*, *manna*, *mechoacam*, *stibiata* ipsa , complectuntur , quæ sapore aut nullo aut ingrato non acri condita sunt ; an talia *stimulantibus* annumerabis ? Fundunt intereà , eliquant , evacuant , &c. At hîc, si alicubi , animadvertere datur sensuum aberrationes ac fallacias. Alius enim est *linguæ*, alius *oculorum*, alius *stomachi* sensus. *Oleum* amicum *linguæ*, mordet *oculos* ; *stibium oculorum* mitigatorium , *stomachum* turbat : similes veniunt ex eduliiis insidiæ , *musti* , *mellis* , *lactariorum* , *melonum* pericula comperta sunt non minùs quàm delectamenta ; tumultuosa nempe tantùm , quantùm voluptuosa. Igitur sensifera *acria* , *amarulenta* non tantùm , aut quæ linguam vellicant , sed suavia quóque delectabilia , ipsaque insipida , turbas dant & tumultus. Sed à verbo venit dubitandi ratio ; vellicari enim & irritari pungi putant , quasi nihil nisi aculeos ac spicula sonarent istius modi voces , qui conceptus sic castigabitur. Vellicationis nomine intelligenda est citatior facta *occillatio* ; undè *tritura* nisus aut fortior aut crebrior. Citatur autem non à punctione tantùm , quod

stimulus est, sed ab interveniente obice, quod est incitamenti genus, & nisus occasio. *Undulatio* enim, quò pertinet *occillatio*, in vetitum nititur, adeò ut in obicem vel levissimum incidens undulando liquor insurgat & enitatur, sic secluso omni stimulo, *vellicationem* concipere datur, in intestinis maximè, quæ ut sensus sunt exquisiti, facile horrent & objecta respuunt, imprimis quæ incongruentia, qualia *eccoproctica*, quæ pingua sunt & laxantia, &c. hæc igitur stomachi vi ac ictibus subacta inconditè, in intestina descendunt, ubi *lacteorum* oscillis incongrua, inopportuna loco, & peregrina; illis partibus delicatulis incommodant, quas inimicâ præsentia, molesta mole, incongruâ naturâ, ad *excretionem* sui & expulsionem provocant. Sic quæ faciles & patulas se præbuisser oscillorum in intestinis hiantium aperturæ, horrent, nauseant, contrahuntur, retrorsum occillant, & oblata expuunt.

Hæc satis erunt exponendis vellicationibus, missâ etiâ *stimulorum* operâ, sed aliundè suos celant aculeos leviora purgantia, suoque sinu condunt aspritudines, quas occasione datâ pandunt. Pingua enim sint, quale est *oleum amygdalinum*, quo solvitur alvus, pungunt



ac mordent. Ut enim *oleosa* sic vellicant *oculos* ut lacrymas proliciant, cutémque *erysipelate* deturpatam ita exasperant, ut exulcerent; intestina, quæ cute ac oculis teneriora sunt, ab *oleosis* pungi, morbidéque titillari posse verosimile est. Porro qualis energiae sint *oleosa* proliciendis *serosis* humoribus, de quorum genere sunt *humores*, quos *purgantia* educunt, monstrant butyro lita *betæ* folia, quæ provehendis *vesicantium* evacuationibus adhibentur. Igitur *cathartica* quævis, non in *fluida*, sed in *solida* agunt; neque *fermentando* aut *precipitando* evacuant, sed irritando, provocando, vellicando humores profundunt.



## CAPUT XIV.

*De vomitione.*

**V**OMITIO est humorum stomacho per os exsiliantium impetu facta ejection. Evacuationum enim obtigit nulli tanta profiliendi vis ; quæ cum compressionis , aut *emboli* virtutem respiciat , ad *solida* pertinere vomitionem , argumento est. Adhæc declivia amant liquores , inusitatum enim naturæ , atque inexpertum ad aliquam altitudinem , invito pondere proprioque impetu , ascendere liquorem. Itaque quod ore , aliquò multum à stomacho distante humor evacuetur , alienæ virtutis est aut potentia. Hanc manifestant locorum situs , natura ac ordo. Oesophago subjacet stomachus ; hic autem canalis est ad *perpendicularum* descendens , & directò imminens stomacho. Hæc sub positurâ , declivitatem , quâ ultrò per os effluat stomacho conclusus liquor investigare , *nodum in scirpo querere est*. At in aperto sunt fibrarum stomachi motricium vis , partiumque circumpositarum immane robur , imprimis musculorum abdomi-

nis *contractilitas* immensa, quæ omnes  
 potentia unâ conspirantes, intróque si-  
 mul actæ, omnium fortissimæ compres-  
 sionis, *embolique* potentissimi vim æmu-  
 lantur. His omnibus undequaquæ com-  
 prehensus stomachus, compressúsve,  
 sui cavo conclusum liquorem non red-  
 dit, sed expellit, ejectat non effundit.  
 Hâc autem compressione humorem à  
 stomacho extundi, cogit hujus formatu-  
 ra, adjacentium partium habitudini  
 comparata. Stomachus cavus est, soli-  
 dæ circumpositæ partes. At quâ ratione  
 durioribus molliora, eâdem *solidis cava*  
 cedere necesse est. Porro ea est *stomachi*  
 cavitas, ut illius parietes vi adacti mu-  
 tuò se contingere possint; eos igitur à  
 potentiis vicinis compressos, sic angusta-  
 ri necessum est, ut qui liquor illorum in-  
 tercapedine interponitur, collidi debeat  
 & explodi. Itaque *emboli* vim appellave-  
 ris, eam quæ vomitionem committit,  
 hoc nomine dignandam eò magis, quò  
 fortiores sunt obices quos rumpendos  
 habet vomendi nifus. *Musculus* est, æso-  
 phagi tubus, iis motricibus fibris instru-  
 ctus, ut descendantibus transitum conce-  
 dant, negent ascendentes; stomachi  
*sphincter* est atque sigillum, eum ab hia-  
 tu protegens, ne alimentorum digestio,



ab admissio extraneo miasmate interturbetur. Rimis enim & hiatibus (*registra* dicunt) indigent chymicorum organa, quòd eorum operationes, utpote *fermentatione* absolvendæ, aere opus habeant, ejus exsortes fermentandæ materiæ non effervescerent; è contrà *tritura* est digestio alimentorum, non aeris externi, sed validissimæ *solidorum* potentiæ indiga. Posthàc tot artes firmando digestionis organorum *tono* impensas ne mireris, necessariæ erant stabiliendæ succorum coctioni primæ, quæ cæterarum integritatem sponsura erat. Verùm illæ omnes artes sunt quas violandas, illi omnes obices quos frangendos habet vomendi nifus, hâc de causâ habendus præcipuus inter eos motus, qui ad *solida* referuntur.

Id approbat medendi usus. Morbi qui *solida* quales nervi sunt, singulariter afficiunt, *vomituritiones* dant. Sic *hystericas*, *melancholicos*, *splenicos*, *nephriticos* videas irritis & assiduis vomendi conatibus fractos; irritis, inquam, nihil enim produnt humoris, adeò *solidorum* proprii videntur, non *fluidorum*. Ulteriùs procedit *observatio*; ex morbis videas nullos, in convulsiones, quæ ad *solida* pertinent, pronos magis, quàm vomitiones; sic

stomachum fortiùs aut inopportunè vellicaverit *stibiatorum* usus ; sive sub *cholera* morbo diutiùs aut maligniùs fuerit laceffitus , per artus currunt dolores , anxietates , *spasmi* vagantes & incerti ; imò pedum manúmve contractiones succedunt, epoto *arsenicali* veneno, quod stomacho ac nervis singulariter inimicetur. Coronidis loco veniet ex *tabacino oleo* litus , qui externis tantùm partibus affrictus , stomachum turbat , convellit, conjicitque in vomitionem.

Nihil ergò rei cuilibet tam proprium est, quàm nervorum vellicationi vomitio ; ea propter quæ vomitum promonent aut sedant remedia , nervos respiciunt ; prioris generis sunt *pinguia*, *oleosa*, quæ fibras laxant aut molliunt ; alteriùs sunt classis , *narcotica* , quæ sedant.

Norunt adhuc medentes , ex symptomatis omnibus quæ præludunt morborum scenæ , nullum tam obvium fieri aut familiare, quàm *vomitum*, eâ certè de causâ , quòd ex omnibus *fibris* motoricibus, undè ducta sunt prima partium stamina, nullæ sint moveri tam faciles, quàm *stomachi fibræ* : reverâ in longum exporrectæ sunt , cingentes partem cavam, fluitantem, suspensam, subjectâ basi & adjacentibus fulcris destitutam,

A CURAR. SORDIB. *Cap. XIV.* 165  
visceribus omnibus condolentem :  
certè fibras tam teneras , ferè vacillan-  
tes , aut malè fultas à suis *directionibus*  
aut *tono* facilè dejiçendas venire mani-  
festum est. Atque ut debilior est & flecti  
facilior vectis , qui longior fuerit , sic  
fibra curvari eò magis periclitatur , quò  
elongata fuerit magis , retinaculisque  
rarioribus firmata. Hoc ipsum muscu-  
lorum fibris contingere solet , quæ quò  
breviores vegetius musculo robur ad-  
dunt , imbecillius verò , quò longiores.  
Hæc ad stomachi fibras translata , cau-  
sæ partem exponunt , cur tam proclivis  
sit in vomitionem ; sed rem planè con-  
ficit altera hæc circa stomachi fabricam  
facienda observatio. Cavus est , interio-  
ris ergò expers,fulciminis : at quod cur-  
vari facile est eâ parte curvabitur , quâ  
minùs sentiet resistentiæ , seu quâ fulci-  
tur minùs. Intrò igitur curvabuntur sto-  
machi fibræ , puta in hanc partem quâ  
vomitur.

Hæc jam benè multa sunt , quæ vo-  
mitionis causam *solidorum* vellicationibus  
attribuunt ; at eò efficacius , quò *fre-*  
*quentius vomitiones* stomacho eveniant ,  
humoribus vacuo , à causâ vellicante ex-  
ternâ aut remotissimâ. Permultis sto-  
machum movet navigatio , non paucis



vectio rhedæ ; quosdam offendas ad rei fastidiosæ aspectum aut odorem nauseantes. Denique sana ac vegeta mulier imprægnata , vomit ; idem experitur virgo vicens aliundè , sed mensibus , quos patiebatur , fortuitò defecta. Neque audienda quam prætexent humorum camarina , sæpiùs enim vomitionis conatibus excruciatæ , vomunt nihil ; aut tam infeliciter , ut tunc temporis exhibita *emetica* , augeant pœnam , dùm evacuationem minuunt , ni sanguinem humorum loco proliciant : hæc *stibiatorum* fors , quorum frequentiora martyria numerabuntur , quàm miracula , quoad aut novitiis manibus tractabuntur , aut humorum in stomacho stabulantium saburræ , quæ nusquam est , evacuandæ dicabuntur.

At resipiscant incauti *stibiatorum* decoctores , stibiatorum improbitate , vi , ac tyrannide deterriti. *Cathartico* horæ opus sunt , antequàm alvum solvat ; *emetico* sat erunt momenta , ut *stomachum* evertat. Causa palàm est , *catharticum* ad dissita ferri indiget , *emeticum* ipso in limine operatur. Illi universus intestinorum canalis peragrandus ac vellicandus est , quò humores proliciat ; *emetico* sufficit stomachum attigisse , ut illum in-

tactis humoribus convellat. *Convulsio* enim est, aut spasmus vomitio, *solidorum* morbus aut nervorum affectio. Hinc ad manum est, sicque in expedito *emeti-  
corum* virtus, ut illis sufficiat partes at-  
tigisse ut eas fortiter stringant, sic ut  
quos vehunt succos arctius complectan-  
tur. Fulgurantia crederes, partes tam  
rapidè pervadentia, ut eas vel lamben-  
do siccent. Hinc irrita facta fuit ac fru-  
stanea chymicorum industria, qui suo ac  
ægrorum periculo, *emeti-  
corum* fraudes  
infelicius experti, in *cathartica* conver-  
tere *emetica* tentaverunt. Sed infido ausu  
& temerario, *mercurii* enim *fixationem*  
aut *transmutationem metallorum* aggredi  
erat; adeò *stibii* pernitas omnes illo-  
rum conatus ludit, vel enim malè casti-  
gata struit insidias, aut nimis emendata  
fatiscit & emoritur. An igitur exterminio  
sic natum esset id pharmaci genus,  
ut illi facto mortis mancipio occidi, aut  
occidere injungeretur?

Immeritò sanè & injuriâ, stimuli enim  
titulo quo terrent *emetica*, morsitatione  
quâ formidini sunt, iis ipsis à naturâ da-  
tum est succurrere morbis. Id artis fugit  
eos quos mancipavit evacuandi caco-  
ethes, norunt verò ii quos *occillationum*  
in negotio versatos malam hanc artem

dedocuit, *solidorum* doctrina. Ita verò *stimulantia*, artificum, si artifices fuerint, manibus, ut decet, tractata, damnabilia non sunt, laus imò maxima illa manet, at major adhuc utilitas. Et verò cùm liquorum evagationes undè oriuntur morbi, *occillationum* culpâ fiant, *solidorum* officii est, in ordinem eos revocare. Id autem potentia *stimulantibus* datum est, quæ *solida* opportunè morficando, eorum *occillationes* ad nativas *directiones* revocant, aut amicè cogunt. Equidẽ ab illatæ vis periculo metuendum erat, sed huic aliundè ab ipsâmet *stimulandi* potentiâ cautum est. Hæc efficit ut ad *excretoria* prolecti humores, vasa depleant & egurgitent; partes à *stagnatione* defendant, *phlogosēsque*, *inflammationes*, *apostases* & abscedentia arceant. Enim verò *stimulantibus* quæ evacuantia sunt commodum accedit, quo frustrata sunt, quæ non stimulant *evacuantiâ*; illa quos movent humores, non promoveant, utpotè quibus *emissaria* non aperiunt. Hinc *sudoriferorum* incerta fides aut perfidia, humoribus enim quos protrudunt, molem quidem addunt & impetum, at exitum negant quem stimulatio dedisset. Hinc ergò *stimulantibus* securitas obtigit major, quòd excipiendis humoribus protrusis



protrusis vasorum oscilla referant; imò illa referant primùm, tùm iis succos appellentes dant evacuandos.

Cùm his si conferas vomitoriorum efficientias, stimulos eorum in tantùm non aspernaberis aut extimesces, sed laudaveris magis, fortè an amaveris. Stomachum habes corporis centro situm tenerum maximè, universi corporis affectionibus consonum, omnibus partium congaudentem bonis, nullis non malis compatiens; ut enim illa cupidè sentit, hæc odiosè averfatur. Partem tam publicam, cohærentem omnibus aut consociatam, pungis, vellicas, emoves? cæteras in consortium trahis, omnes ergò titillas, laceffis, exsuscitas; attamen fortiùs illas quæ tensiores fuerint, rigidiores, & breviores, tùm quia acutiùs aut altiùs resonant, quæ magis tensæ sunt citharæ fides, tùm quia sequax longè minùs est vel difficilè ductilis fibra, quæ jam contrahitur aut corrugatur. At hic corrugationis status, ille ipse est fibrarum quas sub morbis occupat *spasmodica diathesis*. Hæ sunt igitur quæ singulariter & fortiùs sentient, stomacho factas vellicationes. Hinc in apertum venit, quid præstiturum sit opportunè datum *vomitium*. Equidem *evacuantis me-*

dicamenti titulo laudatur, nec immeritò, sed reverà excussorium est; quo nomine, ut efficacius, laudabilius quoque est. Sub hoc respectu stomachi fibras stimulando evibrat, quæ non secùs ac ductarii funes, partes quibus cohærent, aut undè proficiscuntur, emonent, *occillationes*que aut sursùm abreptas, aut deorsùm ruentes divertunt. Intereà vellicata quotquot in stomachum desinunt *excretoriorum* oscilla, dehiscunt, hæcque versùs deturbati humores, per aperta emissaria eliminantur. Bonis autem *avibus* aut felicibus auspiciis, indicium enim est *solidorum occillationibus* obsecundasse fluida, laxatas esse & expeditas vias, discussam procellam, atque dissipatas quæ imminebant *apostasies*. Hinc *vomitiones exiguas*, malum denunciare monet *Hippocrates*, ostendente humorum quæ succedit paucitate, immorigeros esse, nedùm ductiles aut fluxos humores, *spasmo*que strictas adeò fibras, ut validè licet proritæ succos elabi recusent. His in casibus vomitus monente eodem *Hippocrate*, cùm majore conatu & dolore contingit, anxietudo occupat, vox stridula est, singultus, convulsio, frigus cùm sudore, sitis; humorumque loco vomitus ruber, sanguisque stillans è naribus superveniunt.

*Malis* autem vomitibus accenset idem *Hippocrates* non tantum eos qui pauci sunt & *frequentes*, parum nempè egerentes & ex crethismo ortos, sed & *biliosos* *sinceros*, quo loco laudat ut *utiles*, qui *bilem pituita quàm maximè permixtam habent*: rationem autem exhibet *vellicationum* ratio; ubi solus est unius *pituitæ* exitus, singularem esse nimis, paucioribusve partibus addictam *vellicationem* indicat, aut rigidum adeò ac renitentem fibrarum *spasmm*, ut impeditæ *occillationes* *vellicationibus* aut obsurdescant, aut ultrà stomachi confinia pandi recusent. Contrarium suadet *bilis* cùm *pituitâ* copiosa ubertas, indicans sisti nondum *occillationes*, perseverare adhuc illarum excursus, illamque superesse partibus mollitiem quæ vel vicinarum egurgitationem permittant aut polliceantur. Hic ubique vides non aspernabilem esse humorum proventum; at ulteriùs docet *Hippocrates* observandos venire humorum illorum *colores*, *odores* & *habitudines*: *viridis*, inquit, *vomit*, *niger*, *lividus*, *ruber*, *multum crassus*, *subputris*, *mali odoris*, *virulentus*, *aruginosus*, *vitiosus est*; tot enim inde ducuntur argumenta labefactati, morantis, pessundati aut perditì succorum circuitûs in his vel illis



visceribus; horum proinde *cacopragia*, vitiositatis & habitudinis violatæ notacula. Verbo, quod in morbis pessimum est, à *fluidis* ad *solida* mali contagium non tantum aut auram transivisse indicia sunt, sed ipsis eorum medullis ipsum met malum adhærere, adunari & incorporari; undè *secretionum* violatio, turbatio succorum, *occillationum* perversitas, mortis anteambulones aut prænuntii.

Esto igitur impensè sudent artis non incuriosi in cicurandis, corrigendis, castrandisve *vomitoriorum* stimulis, in his enim certè cauto opus est; novissè verò ejusmodi stimulos calcaris instar opportunè partibus addere, hoc opus, hic labor est; occasionem enim, quæ medelæ omnis anima est, loco suo captare, artis ut artificis industriæ summa est quam sapientia moderatur, quam vel unus obtinet usus. Interim quantalibet fuerit ac prudens in usurpandis *vomitoriis* dexteritas, omnes illorum prosperos eventus, universa miracula, eorum stimulandi vi accepta referenda comperiuntur. Reverâ minora longè occurrunt & infrequentiora *vomitoriorum* quàm *purgantium* pericula; sic ut plures licet *hypercatharsi* extinctos videris, ne unum ex mille

A CURAR. SORDIB. Cap. XIV. 173  
vel enormi vomitione jamjam exanimandis, vomendo periisse observatum sit. Experimentum habes in iis qui cum maris inexperti animam exhalant cum vomitu, illicò tamen reconvalescunt, redditi terris. A spasmo enim venit tota isthæc vomitionis conturbatio, quâ excandescens stomachus, in ejiciendum hostilem hospitem insurgit, ut à morificante materiâ illicò sese expediat. Ille autem, quantus quantus sit vomendi cruciatus, *cathartici* operatione, ut ut mitiori, periculosus minùs est hæc de causâ: adhæret iis partibus vomitorii stimulus, quas subire nequit, quæ enim à stomacho revehunt succos vasa, impervia sunt, nullatenùs subeunda. De *purgantibus* non item; præterquàmquòd horum quàm vomitoriorum promptiores minùs sunt stimuli (undè fit ut longiori tempore morentur in *intestinis*, & tardius agant) intrà intestina dehiscunt *lacteæ*, quæ chylum *purgatrici* virtute imbutum ebibunt, eandem intùs quàm extùs vellicationem paritura. Exploratum est enim intrà vasa syphone injectas purgantium tincturas, alvum quoque solvere. Igitur periculorum à *purgantibus* & vomitoriis imminentium differentia in eo sita est, quòd *purgantia* vasa sub-

eant & sanguinem afficiant, solas verò vasorum superficies stimulent *vomitoria*. Quæ perperam in medium prolata suspicari vetat facta de *vomitoriis* hæc observatio. Norunt artis prudentes, quanti ea sint auxilii in *asthmaticis* affectibus; undè *Nicotianæ* præcipua laus, quam syrupi formâ opportunè exhibitam incantamenti instar his opitulari proditum est. Suâ dubio procùl stimulatione solâ, *stomacho* enim exceptam vasorum interiora ingredi non posse notum est. Hùc iterùm spectat non inutilis, sub iisdem morbis, *stibiatorum* usurpatio; *Bechicis* enim & *expectorantibus* exiguâ dosi, addita, pulmones stimulando à *phlegmatis* expediunt. Nequè prætereunda *stibiatorum* usurpandorum ars, quâ exili quantitate, sed multâ aquâ ferè oblitterata (v. g. ad granula tria vel quatuor intrâ aquæ libras tres) alvum non stomachum turbant. Sic enim diluta sufficientem intrâ intestina moram trahunt, ut sanguifera vasa subire sibi liceat. Tandem alia medentium industria est, *purgantibus* potionibus *stibii* aliquid admiscere, quotiès è re est ægrotantis, ut *purgans* medicamentum minores det turbas, citiùsque præterlabatur; ita enim *purganti* addito *vomitorii* calcare, velociter, quasi cur-



A CURAR. SORDIB. Cap. XV. 175  
rendo , partésque delibando pervadit  
medicamentum *purgans*.

---

## CAPUT XV.

### De clysteribus & suppositoriis.

**A**T *purgantium erethisum* nihil de-  
clarat apertius, quàm *enematum*,  
*glandiumque* subditiorum usus. Equi-  
dem sunt quibus isthæc evacuantia ever-  
rendis, ut aiunt, aut exstercorandis in-  
testinis, facta unicè videntur, & hæc est  
vulgi, qui in medicinâ nimius est, opi-  
nio. Interim ab hoc errore tueri debuif-  
sent *Hippocratis* & vetustissimorum me-  
dicorum exempla, arti enim coæva com-  
periuntur hæc medicamina; at vel pri-  
mo ab ortu suo in artem prodeuntia, *sti-*  
*mulandi* causâ usurpata fuère. Hinc *acria*  
sunt quæ descripta olim ad nos perve-  
nerunt curando volvulo adhibita, revo-  
candis proindè *humoribus*, ipsis imò fæ-  
cibus, quæ ad superiora, os nimirum  
aut fauces sub hoc morbo viam affec-  
tant. Undè duplex comprobando *pur-*  
*gantium erethismo* redit argumentum, vis  
enim illa stupenda, quâ ad os ab intestinis  
fæces ipsæ rapiuntur, *systalticam* par-

tium vim, de quâ hætenus tam multa, sub ipsos ponit oculos. Insuper horrendo malo, vixque medicabili, quod inversa ac præpostera committit intestinorum *peristole*, adhibitum pungens & acre remedium, ostendit stimulando juvare ea medicamina, quæ illi proficua indicata sunt. Porro quò usquè procedat illa vis, evincit huic morbo superveniens *sedis strictura*, tanta scilicet coarctatio, ut nihil, nequidem *clysteris* fistulam admittat. Hinc volens minister medici (ita enim vocatur *Hippocrati*) *clysterem* suffundere, reperit anum clausum & intrò versum retractum; quod extremi morbi est, & eventus lethalis. At quæ hinc conspicua est constrictio, affectæ parti propria non est, neque singularis; imò verò *spasmi* internas partes occupantis indicium est, occillationes invertentis adeò, ut visi sint *glandes* supposititii per os ascendendo remeasse. Sub hoc partium statu, vix alia à *stimulantibus* remedia concipere datur, quæ tali causæ ad votum succurrant, abreptas nempè sursum *occillationes* deorsum deprimendo, præcipitandove.

Neque aliò tendit, sub quovis morbo *enematum* usus; quæ ubicunquè fuerint usurpata, si alicujus prosperi fuerint even-

tūs, stimulando juvant. Succos enim proliciant aut fœces, utrumque stimulando exequentur. Nequē hęc ex conjecturâ aut opinione dicta credideris, sed ex rei necessitate deducta. Et verò, crassa *intestina* quæ perambulant *enemata*, inavia sunt, à præterlabentibus non subeunda. *Lacteis* si donentur, tam infrequentia sunt, ut admittendæ *purgatricis* virtuti imparia videantur. *Enematis* interim vellicata hęc *intestina*, humores profundunt; hi ergò dubio procùl iidem ipsi sunt, quos incessanter sub sanitate *intestina* plorant. At qui sub sanitate stillant illuc succi, *excretoriorum* quæ vehunt non revehunt proventus sunt; stimuli igitur extūs non intūs vellicantis hic vides effectus. Reapse ex *enematis* vix reperire est ullum, qualicumque stimulo destitutum, omnia enim utcunque proritant. Ipsa enim aquea titillant, vellicant emollientia, salina mordent, acria pungunt, *purgantia* torquent, omnia incommodant; peregrina enim ut sunt & adventitia, solâ præsentia lædunt. Neque prætereundum, suam quoque esse intestinorum in sentiendo *idiosyncrasiam*, quæ enim *stomacho* maximè sensifera sunt, intestinīs fatua deprehenduntur & ignava. Exemplo sit vinum *sibiātum*,



id enim ore sumptum stomachum convellit & vertit, *enematis* autem ano infusum, in intestinis reses est, nisi *foliorum orientalium* forti decocto sociatum fuerit & admixtum; ubi videre est quantum stimuli opus sit *enematis* etiam validissimis, quæ stimulo aliquatenus defecta, inertia comperiantur & evanida.

Stimuli, quo nomine *enemata* commendantur, testes sunt adhuc illæ evacuationes quas obtinent ab iis partibus quibuscum nullis exituum communitatibus, sed solis fibrarum commerciis associantur. *Lochia*, *mensē* sive inopportune cohibitos, *enematis* ex *melle mercuriali* & similibus revocare usus est. Cum autem ad anum non pertingunt, *mensum*, *lochiorum*ve viæ, sed ad uterum, indicium est huc evocari evacuationes illas à clysteribus eas ani fibras vellicantibus, quæ cum utero cohærent. At juvant *enemata*, non tantum confines partes atque vicinas, sed distitas quoque maximè, locis ac functionibus disjunctis auxilio sunt. Evacuando dices? Suaderet hodiernus medendi ritus, qui *drastica* ano infusa immitti jubet; dissuadet autem *Hippocratis* exemplum, qui in morbo coxario, *salis triti pugillum ad olei heminam & hordei decocti heminas duas in-*

jici jubet; ut & *infusum ex ptisana cremore admixto melle*; ubi vides quam dabat *stimulantibus* præ *purgantibus clysmatis* fidem supremus ille artis magister.

Nihilominus tamen, quod superest antiquæ in medendo virtutis, *Hippocraticam* hanc resipere videtur in exhibendis *enematis*, intentionem, *stimulandi* nempe consilium magis, quam *evacuandi*. Moris est nec illaudabilis, acria *clysmata* adhibere, resolvendis affectibus *soporosis* & *convulsivis*; sic *apoplexiæ* aut *epilepsiæ* paroxysmo correptum *enematis* acerrimis prolui volunt. Num ad anum humoris morbidum proliciendi causâ? *Syphi saxum* volveres. *Pleuritide* aut *peripneumoniâ* laboranti, mollia *clysmata* sæpius infundi curant, an his, quod vulgaris sermo est, humoris partem surripi prætendis? *Aquam è pumice postulas*. Iterum (stupendum enim quò usquè serpendo se produxit hic error) urente interaneâ febre ex aqueis *clysmata* frequenter injici consulant, nunquid hâc arte bilem flammam ex vasis ad intestina præcipitem agi expectabis? Spe cades; non sic dissociabiles sunt corporis succi, neque sanitatis causâ dissociandi. Confusio enim quâ tumultuantur non venit ab intestino motu qui eos misceat & in tur-

binem agat , sed à *progressivo* retrocedente , qui *secernendos* retrovehit ac permiscet. Has autem ut dant turbas inordinatæ *occillationes* , hæ in ordinem reditæ compescent ; eoque tendit *enematum* usus , deorsùm enim revocando *occillationes* , quæ aliorsùm ferebantur , *liquidorum* mutant impetus , motus emendant , suamque iis reddunt directuram.

*Enematum* autem eventum hunc spondent locorum quæ stimulantur declivitas & divergentia. Cùm enim à vertice ad pedes seu à cerebro ad inferiora undulando repunt sub sanitate *occillationes* ; eodem loci , deorsùm nempe retrahendo , quoquòversum sub morbo divergunt , sanitatis iter relegere est. Porro in densâ quâ laborat ars rerum caligine , cùm incompertum sit quò directè reducendi sint deflexi liquores , eos saltèm exindè avertere tutum est ubi cladem minitantur. Id autem ex *clysmatum* operâ expectabis , maximè cùm qui sic aperiuntur tramites , ii ipsi sint quibus graditur natura , ipsissimæ pronitates quibus ferri amat.

At stimulationem præcipuum quod ex *enematis* sanitati redit bonum esse probat *glandium* supposititiorum effectus , adeò enim non *evacuando* pro-



sunt, ut *evacuare* non possint. Incitamenti genus est, quò sanguis, suis comitibus succis circuitûs iter pergere cogitur. Metus enim à morbis sæpè est, ne ex *arteriis* exiliens sanguis in *venarum* curvaturas aut divergia cespitando nutet, morarique ac residere periclitetur, in extremis præcipuè & inferioribus, qualia podicis sunt, vasis, ubi quasi adverso flumine ad superiora conscendit. Id mali ut prævertat benè provida medendi ars, id aptat auxilii, quò stimulata quæ imbecilior nata est *venarum systole* recolligat spiritus, exceptumque sanguinem efficacius ad cor transmittat. Huc autem non desinit *stimulationis* beneficium, præterfluentem sanguinem fortius urgendo, *apostases*, abscedentia, *hemorrhoides*, tristes nec innoxias morborum reliquias, præcavet. Prodeuntia tot ex *glandibus* commoda, rudem & ignaram fugiunt medentium plebeculam, quæ corporis *œconomia* & *mechanica* benè consciis perspicua sunt atque comperta. Sic autem educatus medendi artifex, humores *glandibus* extorquere non tentabit, nedùm cogitabit. Re ipsâ tam parùm humoribus dicatur *glandium* operatio, sanguini sic aliundè addicta, ut inopportunè admo-

ta, humorum loco sanguinem emulgeat, aut *hemorrhoides* quas fugare potuerat, provocet. Hâc de causâ in morbis *inflammatoriis* intuitus est *glandium* usus, iis è contrâ proprius qui *soporosi* sunt, *spasmodici*, de illorum genere qui *phœnigmorum*, *epispasticorum*, ac *vesicatoriorum* usum admittunt. Sub ejusmodi morbis *glandes* adhibiti, *vesicantium* operas imitantur, podicem enim morficando evagantes *occillationes* revocant. Insuper naturæ sensum divertendo dispergunt, plurium enim partium fibris simul stimulis, singularum irritatio fit minor, faciliùs proinde venit ferendus naturæ, aut discutiendus nervorum *spasmus*. Nihilominus tamen, quæ naturâ suâ siccæ sunt *glandium* subdititiorum operationes, aut *evacuationibus* defectæ, casu aut occasione natâ humescunt & fundunt humores. Re ipsâ ex *intestinis*, *rectum* imprimis, expromendis ex se humoribus impar est, his ut videtur, non coacervandis, sed exportandis idoneum. Itaque cellulis & plicis quibus contenta condantur aut retardentur destitutum est. Imò recto ductu fertur, textu denso aut densis motoricibus fibris firmatum, quo appellentes materies citò eliminetur. At superioribus intestinis à quibus appendicis instar

quasi dependet, continuum est, ejusdem  
 cum illis *systaltici* roboris particeps.  
 Acrius ergo extimulatum, quæ *glandium*  
 vis & effectio est, sic contrahitur, ut  
 superiores quibus adhæret partes retra-  
 hat, quasque continent adducat mate-  
 ries; igitur *rectum intestinum* cæteris, qui-  
 bus substratum est, excipuli loco est, ul-  
 trò ea admittentis quæ desursum vene-  
 rint. Sed longè dissimilis est superiorum  
 intestinorum adhæsus, alia positura; à  
 stomacho descendunt millèque locis ad-  
 jacent undequaque fero perstillantibus.  
*Cysticis* enim non solum & *Pancreaticis*  
 canalibus receptaculo sunt, millenis ad-  
 huc patent *excretoriorum* oscillis, quæ in-  
 definenter succos eructant. Interim ube-  
 riorem adhuc humorum scaturiginem  
 aperit stomachus; sub morbis potissi-  
 mum, quo nempe tempore vitata ali-  
 mentorum digestio, ingentem & assi-  
 duam fundit eliquaminum copiam, eò  
 copiosiore, quò sic tritis præposterè,  
 crassius subactis, & malè digestis ali-  
 mentis, ab illâ mole, figurâ, pro-  
 portione, commensu desciscunt chyli  
 particulæ, quibus opus habent, ut in  
*lacteæ* transmeent aut *transcolentur*. Hinc  
 densatur succorum mira ubertas, scili-  
 cet ex iis omnibus qui *lacteorum* oscillis



elapsi, resiliunt. Attamen hæc copia adhuc crescit eundo; dissidentanei enim & infociabiles facti *pancreatis* & *hepatis* liquores, morbido chylo, qui à stomacho deturbatur, agglomerantur, succisque inutilibus intestinorum fistulam cumulant, ac persternunt. Interim quantumvis succi exuberent intrà intestinorum cava, horum mæandris ac diverticulis morati, affatim quidem confluent, nusquam præterfluendo effluxuri, eos enim eliminare, virtutis *fluidorum* non est, at unicè *solidorum*, quibus coercentur, roboris & officii. Argumento sunt & documento *colici* dolores *spasmodici*, *hysterica* abdominis inflationes, *imprægnationem* in virginibus mentientes, *tympanitis*, &c. sub quibus ad dies plurimos filet & siccat alvus, excrementis aliunde, potulentis, *clysteribus*, potionibus ut ut *purgantibus* ingurgitata. In causâ est *spasmodica* partium *diathesis*; quæ adeò vera sunt ut *purgantibus* admixta *narcotica* immensam illam, quæ vi suæ relicta torpebat, succorum aggeriem abundè & facillimè educant. Porro cum à fibris aut *systole* intestinorum pendeat alvina evacuatio, quantum energię futura sit *glandium* excitatoria virtus palàm est. Hæc stimulata inferior intesti-

nalis fistulæ extremitas, succorum qui  
 in superioribus nidulantur descensum  
 prolicit. Potentior adhuc est *enematum*  
 actio, quia diffusior; quem enim podi-  
 ci interiùs affricti *glandes* stimulum sin-  
 gulariter admovent, eundem in singulas  
 longioris & latioris intestini partes exer-  
 cent *enemata*, quæ vel solâ mole suâ in-  
 testina provocant. Hinc moris est di-  
 midiatos *clysteres* injici, in *alvi fluoribus*  
 & *dysenteriis*, ne pondere suo laceffitas  
 partes & solvi proclives, ad excretio-  
 nem stimulent. Tandem inter *hystericas*,  
 nonnullas reperire est, emoveri tam fa-  
 ciles, ut *enemata* ex aquâ tantillo aceto  
 solùm medicatâ, *spasmodicas* accessiones  
 illis aut pariant aut revocent. Denique  
 quid valeant ad evacuationem intesti-  
 norum fibræ, quidve recusent, iterùm  
 docuit usus. Ex ægrotantibus enim in-  
 venias, quorum intestinorum *peristole*  
 constrictioni tam proxima est, ut paulò  
 fortiori injecto *enemate* adeò non solva-  
 tur alvus, ut comprimatur arctiùs; con-  
 trà si sic constitutis irascique facilibus  
 intestinis, *enematis* mollioribus adblandi-  
 ris, ultrò cedit & obsequitur. Tam ve-  
 rum est *peristolen* intestinorum non secùs  
 ac ostiariam esse, quæ humoribus egres-  
 sum concedit aut negat.

## CAPUT XVI.

*De purgandi normâ.*

**M**EDICAMINA coacervari, non paucis mederi est; *purgare, cathartica* obtrudi; succos enim extrudere, *purgare* vocant. Interim in nullo alio requiritur ars major quàm in *purgationis* negotio. Artium ars est in medicinâ eò difficilior, quò diligentes minùs quàm cautos, providos magis quàm felices exigat artifices. Horum enim ludit mentes succedens purgatio, infida tamen ac fallax nisi artis respondeat votis, non ausis. Audere enim peccare est, ubi lacescit hostis insolescit, qui adblanditus obsequeretur, duci amans non cogi. Igitur disciplina est medendi ars, sagacitas autem artis purgatio; meliùs, naturæ scopus est, non artis opus. Forsàn multùm hinc minui putabis de medentis opere, at nihil de consilio; fausta enim, diù si non semper, obiter nusquam meditata purgatio. Cæterùm meditationis nomine absit intelligas dolosas falsiloqui systematis rationes, mendaces dolosi analogismi observationes,



falsa medicastroorum documenta. Meditatum cogitabis *purgationem* à naturæ motibus, motuumque legibus expressam, quam ostenderit medendi magister usus. Sic institutus medendi artifex *purgationem* operari prætendet nunquam, sed ad hanc nusquam non se comparabit. Dies semper, crebrò hebdomas, menses aliquandò numerabit, *solidorum* habitudines perpendet, & *liquidorum* qualitates, non quas invexisse arte dolosâ attentaverit, sed quas monstraverint sponte nata malorum solamina, aut in artificialibus *purgationibus* succedentes morborum *desinentiæ*. Observaverit morborum naturas, ingenia, labores & phænomena, quæ alvi fluore judicandos portendunt. Meminerit excretorum calores, adjuncta rerum, temporum circumstantias, in quæ inciderit facta à naturâ purgatio, similiûmque imitamine, purgandi locum & tempus didicerit. Sua sunt enim naturæ signacula quæ ipsius prænunciant eventus. Hæc imitari decet semper, licet aliquandò, observasse tamen tutius quàm effinxisse. In illo artis ludibrio, an cessabit medicus? Cessabit, si aliud à naturâ agere periclitabitur. Siccinè ergò otiabitur? Sic, cùm otiari præstabit, quàm nihil agere, emo-

vendo scilicet omnia, promovendo nihil; quæ fors eorum est medicaminum, quæ ingesserit purgandi prurigo, quâ inopportune laceffitæ partes rigent, & arctantur magis, quique tempore suo cessuri erant humores, defœcandi nusquam remiscentur. Quid igitur tunc consilii? Præsens periculum urget, terret futurum, visceribus impendent *apostasæ*, quas averteret adhibito purgante humoribus referatum iter. Huic nodo sic solvendo eris. *Purgationem* proprio Marte aggredi timidè cogitabis, at quam intendit ac meditatur natura, toto pectore adjuvabis, dabis illi dexteram, sic ut obicibus nullis inter operandum impediatur, ab iis abstinendo potius quæ dubitanter naturæ profutura erunt, quàm audendo, quæ inofficiosè oblata nocere possent. Reverâ, ordinata ut est natura, etiam cùm deflectere videtur, utcunque verenda est. Itaque ei tumultuanti etiâ auscultandum, fortè parendum est. Quid enim si ex hoc tumultu aliquid exeat boni? Difficiles & anxietatibus graves esse noctes quæ crises præcedunt, Hippocratis monitum est. Ex feminis sunt quas mirè torquent dolores, cruciatus, lassitudines, præfocationes febres aliquot ante diebus,

quàm menses illis erumpant. Eò mitiores esse consueverunt in infantibus *variola*, quas turbæ majores præcesserint, adeò ut *deliria*, *phrenitis*, *lethargus*, *insultus convulsivi* tam felicibus auspiciis iis præeant, ut benignas spondeant & extrà confluentium ordinem futuras: sub his omnibus casibus naturam interturbasse facinorosum est. Stupendum ergò quoties intactam medico naturam esse conveniat: castam dices contactu polluentem minùs. Sacra fermè res est cui cespitanti manum admovisse, piaculo sæpè fuit: sic juvamini facta est, ut etiam nocendo profit. Hinc quos morbos non finit, mutat; quos non expedit humores, transfert, cùmque partes omnes tutari nequit, ignobiliores invadit, superiores liberat, expedit internas, principes absolvit. Indè liquet quàm reverenda natura medico sit, cujus etià utilia sunt peccata. Imò verò cujus *iniquitas* aut *malitia* *melior est*, quàm ipse medicus *benefaciens*. *Paralysis* enim, v. g. istiusmodi delictum est utiliter à naturâ commissum ut *apoplexiam* solvat. Veriùs dixeris delinquendi id juris propria naturæ laus est, indebitum arti; quidquid enim moliatur medicus ut horrendi illius morbi discutiat minas, obtinebit id



delicti ab adjuvante naturâ, vel *apoplexiam solvere* impossibile confitebitur. *Tetano* correptum febris curat, quæ si desit *judicandi ratio*, febre pejora succedent, nusquam profutura. Similiter cum *quartanam* superveniente febre continuâ solvi, fando acceperint, ex his invenias, sinistrè adeò naturam æmulantes, ut *cardiacis, sulphureis, volatilibus, refermentantibus* sanguinem accendant, quo malo dolo *quartanam*, non cum continuâ febre, sed cum morte commutant. Tam infeliciter æmulantur *sudores, perirrhœas, diarrhœas*, quas bonis ægrotantium rebus, movere novit natura. In causâ est de humoribus præconcepta malè opinio. Hos evacuasse, paginam omnem implevisse autumant, licet in evacuandi modo, tempore, loco, sita sit evacuationum felicitas. *Sudores* enim movere facinus est, nisi morbi natura, symptomata, tempora consenserint. Idem dixeris de *urinis*; at ut in his & illis infelices esse solent medentium curæ propter posthabitas occasionum ac opportunitatum rationes, æquè periculosæ in purgando hæ comperientur, si abfuerint temporum, circumstantiarumve conditiones.

Duo sunt quibus his conditionibus

satisfactum fuisse significatur, *primum* est *euphoria* seu ferendi purgantis facilitas, quâ ab exantlatâ illius operatione levatum se sentit ægrotans; *alterum* est *excretorum* natura. *Tertium* addit *Hippocrates* (horum ut & cæterorum author, quæ optima tenet medendi ars) locorum aut viarum convenientiam. *Humores* enim non quolibet, sed quò decet, eò nempè quò *vergunt ducendi, per loca convenientia*. Ad alvum ergò humores derivare, qui ad habitum corporis, *vesicam, uterum* ferri consueverant, quadratis rotunda miscere est. Sux sunt propriæ morborum *desinentia*, utque ex his videas, quos *urinae*, quos *sudores*, quos *ptyalismus*, quos *hæmorrhagia* terminare solet, his admove *purgantia*, à naturæ tramitibus delirare est. Quæ enim *evacuantur* non ex *quantitate* metienda sunt; interest non *quanta*, sed *qualia* fuerint, morbi nempè genio & consuetudini consona. Hinc consequitur *euphoria* illa amabilis, quâ ægrotans à sarcinâ liber, à pondere levis, ab inutili vacuus, non exutus utili videtur. Si quid molesti ab evacuatione superest, *fitis* est, quæ ab Hippocrate bonis ducitur, non secùs ac indicium feliciter adeò à purgante vellitas fuisse partes, ut excussis planè

succis, quibus præoccupatæ in *occillando* torpebant, exsuscitatæ, suas *occillationes* sic redintegrant, ut corrugari periclitentur.

Tam fausto purgantium eventui necessarius quoque est, temporum & circumstantiarum delectus; interim hujus nomine intelligenda non est, rara, captanda tamen, cum se dat occasio *purgantis* præter morem usurpandi, cum illicò impetus humoris aliquò insilientis frangendus est aut avertendus. At istiusmodi extrà ordinem *purgatio*, ut artis magistros decet, cum eâ, quâ cum hîc res est, non confundenda; hæc enim ordinaria est, morbis singulis propria, omnibus communis. Tempus ergò & circumstantias in genere persequimur purgationis illius, quâ morbum committens humor depellendus est. Illa autem sunt, quæ vetustior usus aut longa observatio revelavit. Exindè cautum est tempora purgandi non esse morborum initia; non illa scilicèt, ubi tumultuantur humores, ardent viscera, interanea uruntur; ubi os arefcit, sitis urget, flammantur urinæ, sicca est alvus aut clysteribus surda; ubi *serratilis* est *pulsus*, *hypochondria* dolent, tument, tenduntur. At pacatis rebus aut maximâ  
parte



parte sedatis, suum *purgationi* locum adesse pronuntiatum est; sic ut revalescentis, à morboque tuti, signaculum habita fuerit *purgatio*.

Si visceribus morbi infederint, purgari vetitum adhuc fuit, maximè si *systrophica inflammatio* partem obsederit, utpotè cum tunc temporis de affectâ sede nihil à *cathartico* dematur. Eadem evacuatio prohibebatur sub *catarrhosis* affectibus, dum humor *anarrhops* erat, egerminans adhuc & irrumpens in partes, sic enim constitutus, *purgantis vires* eludens, furebat magis. In succis verò purgandis tractabilitatem requirebant, eamque motûs mediocritatem, quæ à *purgantis* vi deturbari eos concederent.

Ex his omnibus consequitur inconcessam vulgò fuisse purgationem, nisi post exantlatos morbi labores. Interim non prætereunda *eccoprotica*, quibus uti solitum fuit veteribus medendi magistris, non solum incuntibus morbis, verum etiam nullis non eorum temporibus. At ex veterum intentionibus in adhibendis *eccoproticis* intelligitur, quàm parùm ea pugnent cum iis quæ modò traditæ sunt, observationibus. *Eccoproticorum* nomine usurpabant quæ frigida sunt & humectantia. *Quæcunque*, ait Hippocrates, ven-


*trem refrigerant, eadem alvum subducunt; & quæ frigida sunt & humida. Similiter, ex oleribus coctis per alvum secedunt, quæ naturâ sunt humidissima. Testimonio sunt quæ eccoprotica habebantur, mercurialis v. g. brassica, betæ succi, juscula, decocta, quæ Hippocrati solita erant. De ptisana succo huic quoque familiari idem concludere est; at rem manifestat aquæ frigida liberaliter assumpta usus, notus ex historiâ Metonis, cui vehementer febricitanti, ex liberali aquæ potione, alvus rectè demisit. Hujus loci quoque est Galeni historia de adolescente febre tertianâ correpto, qui frigidâ epotâ meracambilem tum evomuit, tum dejecit. Verum tantum his convenit cum purgantibus, quantum insipidis & fatuis cum stimulantibus & salinis. Interea horum eccoproticorum exemplo, in consuetudinem venere minorativa, barbaræ vocis & originis pharmaca, ab Arabibus nempe oriunda. At imitamine malo eccoproticorum loco hæc suffecta sunt, quasi ideò minorativa dicerentur, quod eccoproticorum more, de humorum copiâ minuerent tantum aliquid. Aliundè autem ducenda est illius nomenclaturæ ratio. Minorativa vocantur, quia cum antiquis catharticis, quæ plurima drastica aut*

*mochlica* sunt comparata, minoris potentiae comperiuntur, unde *minorativa* vocitantur. De cætero humores non tantum minuunt, vel eorum portionem simpliciter eluendo, vel illis aperiendo exitus; sed quantumvis benigna aut mitia cogitentur, de *stimulantium* genere sunt, nequaquam *eccoproticis* annumeranda, *purgantium* vero indoli, conditionibus, legibus, subjicienda. Reverâ norunt artis sapientes, tyronum, aut audaculorum erratis melius eruditi, strages quas committit, quas infert anxietates, quos dat tumultus, perperam aut diligentius propinata potio *minorativa*, adeo ut, sit venia verbo, felicius fortè in exhibendo *mochlico* peccatum fuisset. Imò tantâ opus est erga omnia medicamina, quæ *catharsin* resipiunt, reverentiâ, si *præclicis* sapientium observationibus habenda fides, ut etiam in exhibendis *enematis* leges requirantur aut cautiones. Discriminis minùs aut nihil incurreretur, si purgandi humores, uno conclusi spatio, vi tantum indigerent, quâ foràs effluerent aut eliminarentur. Verum diversus longè est humorum purgandorum situs, uno spatio non coacervati, mille tubulorum capacitates occupant, tam numerosas



quàm multiplices tubuli sunt, *Cathartici* igitur dexteritatis est, singula singulorum tubulorum oscilla referare, ut suos fundi sinant succos. E memoriâ enim excidet nusquam, eos undè morbi foveantur succos, ipsissimos esse qui in alituram aut *transpirationem* cessuri erant. Porro retrogradi illi & à viis deflectentes succi intrâ propriorum vasorum alveos retinentur ac remeant, nisi fortè, ut monitum fuit, ex *arteriis* exilientes pro *excretoriis lymphaticis* vel *venas*, aut vicissim, ingrediantur. Hinc confusio succorum, qui alienorum vasorum non suorum cavitates subeundo, nodum Herculeum medico parant; meliùs, nodum vi ac præcipitantia insuperabilem nectunt, sagacitati, temporis extricandum. Hic igitur vi non opus est quæ extergat, evellat, aut extorqueat, sed industriâ quæ, succos discriminando, suos quosque suis reddat excretoriis vasis. Verbo necesse fit ut illos, quos retinet sanguinis massa, aut quos reformat succos, suis emissariis reddat. Sic reparatâ succorum dispensatione, sua sanguini redit circuitûs æquabilitas, *secretiones* suas reassumunt vices, stationes repetunt, functiones redintegrantur, sanitasque succedit. Cogitare igitur in-

conditam & exlegem esse *cathartici* operationem, quæ temerè & indiscriminatum humores extrudat, hospitis & peregrini est in animalis œconomiae legibus. Irrita *catharsis* est aut frustranea, quandiù sanguinis gremio confusi volvuntur humores; cassa iterùm est, quandiù alienis à suis vasis coercentur. *Biliaria* ad sui evacuationem *cholagogis* stimulare frustrà erit, si aliò deviarit *bilis*, succo enim vacua eructabunt nihil. Exemplum prodet *icterus* aut *hepatitis*, sub his enim affectibus *phlegmone* aut *spasmo* arctatum hepar, obstructum & *secernere* nescium, bilem respuit. Hinc in sanguine facta superstes eique confusa, catharsi non obsequitur; hanc enim exinanita *choledocha*, quam non admisere *bilem* reddere recusant. Indè tot infelices aut cassi *purgantium* successus sub his morbis, quandiù *bile* suâ frustrari vasa perseverant. At hoc ipsum est quod *concoctionis* aut *cruditatis* nominibus subolfecerunt artis magistri, jubendo *concocta* non *cruda* medicanda esse, de quibus sit.



## CAPUT XVII.

*De cruditate humorum & coctione.*

**H**îc mihi vide temerè suspicantis philosophiæ fallacias. Quæ observando revelat medicina, philosophia definiendo obscurat. *Coctionum* tempora, characteres, indicia novisse medici sapientia est; causas, rationes, naturas scrutari ambitio philosophi. At illi sapere proficuum, huic erudiri gloriosum, medicus enim naturæ prudentis ac ministri, neutiquàm ducis aut pædagogi nomine gaudet. Re verà tandiù profecit medendi ars, quandiù sapientiæ addicta, operandi feliciter, non eruditè interpretandi rationes quæsit; hînc, quòd artificum dedecori vertitur, progredi desit ars ex quo cœpit philosophari. Quâ culpâ id obrepserit mali, *Græcorum* posteriorum, *Arabum* aut *chymicorum*, definire tanti non est, quanti monuisse.

Ut ut sit, ex hoc eodem errorum fonte manavit falsa & multiplex de *coctione* opinio. Falsa inquam; stupendum



enim incertam adhuc jacere *coctionis* notionem, undè pendet artis felicitas, & artificis honos. Acriter de *coctionis* naturâ variatum est, nùm in inspissandis humoribus, nùm in eliquescentis consisteret. Illuc usquè tolerabilis error, at ut alterutrum à calore obtinendum sibi persuaferunt, horrendum quàm multis pravis artibus acuendo calori allaboratum sit. Immensus qui interanea occupat calor, tantus ut canicularem vel in sanis æquare compertus sit, huic opinioni fidem fecit. Auxit naturæ ritus, qui humorem coquere aggrediens, febrem exsuscitat, tam calidam ut *caloris* nomen obtinuerit. Cumulum addidit præconcepta de *cruditate* opinio; *crudum* frigidum sibi finxerunt, *frigidum* autem à *spirituum* defectu, *sulphurum* depresso, & à *vappescentiâ* natum. Undè cogitarunt de *volatilisandis* succis, de *evehendis spiritibus*, de *exaltandis sulphuribus*. Fraudi tandem fuit *analogismus*; *crudum* senserant in fructibus & aliis, *acidum*, *austum*, &c. indè *acidum* de *crudis* humoribus pronuntiarunt; hincque *absorbentibus*, *concentrantibus*, *alkalibus*, *lixiviosis*, *populosæque invertentium* catervæ facta fides. At legitimum *cruditatis* conceptum offerebat meditata rerum natu-

*ra. Cocti* sunt succi qui sanitati serviunt ; *crudi*, qui morbos ingenerant. Sub sanitate, quo tempore cocta sunt omnia, caloris sensus nullus est, qui, ingruente morbo, ubi *crudi* succi æstimantur, æstquando se manifestat. Indè patet, *calorem coctionis* adeò non esse parentem, ut *cruditatum* authorem se exhibeat. Ut igitur qualitatum iusta temperies & æquamentum, *coctionum* caracter est & argumentum, *coctio* erit temperies, coctique habebuntur qui temperati erunt succi. Atqui temperiei nota est, indubitata qualitatis cujuslibet sensûs absentia ; undè succi temperati sunt, qui faciles & expediti, clanculùm intrà vasa fluentes, nullibi impingunt, illidunt nusquàm, non arietant. Æquanimitas ergò est illa temperies, quâ succi perfectè subacti, triti penitus, planè comminuti, vasculorum mæandros & anfractus inoffenso pede permeant. Sic enim non vellicati nervi, nec præterlabentium succorum transitûs admoniti, intacti silent. Hæc omnia quò tendant palam est ; primùm ut intelligas, quid medico veniat *coctionis* nomine, tum ut *coctionis* rationem, causas & *essentiam* assequaris. Scopum enim naturæ prospiciendo, ea intuendo instrumenta quæ

adhibet, quâsve sibi sumit materies; adde quid agant hæc omnia, quidve patiantur, naturæ manibus tractata, concedes miram illam succorum temperiem quæ *coctio* est comminutionem esse liquidorum immensam, sed mollem, sed exquisitam, sed levem, eamque à solidorum tractabilitate, *systole* & *occillatione* perpetuâ sed levi, forti sed molli, miti sed efficaci elaboratam. Porro *coctionis* fructus est & signaculum, *secretionum* facilitas, ordo & sinceritas, quibus fit ut suas *directiones*, tempora & vices servent. Undè concludas licet, definendam venire *coctionem*, his verbis, quæ Hippocratis sunt, conceptam, humorum *commodationem*, *permixtionem* & *contemperationem*; *cruditatem* verò, ut idem loquitur, *incommodationem humorum*. Re verâ *digestiones* vocantur *coctiones*, artes nimirum naturæ, quibus esculenta & potulenta quælibet, cujuscvis saporis fuerint, odoris, coloris, & habitudinis, digeruntur, pinsuntur, concorporantur in succum *homogeneum*, qui *lymphæ* est, unici coloris, odoris, saporis, ejusdem & communis consistentiæ, miræ scilicet fluxilitatis, quâ invia permeat & inaccessa loca, *diametros* scilicet quos cogitare datur, figurare negatur.



Hæc cùm vera sint, *febris* ideam mutari, & à vulgari notione aliam esse consequitur. Naturæ enim conamen erit, at minùs humoris exterminationem, quàm comminutionem, quàm *directionem*, quàm circuitionem molientis. Eò enim spectat omnis illius labor, ut discordes ab ordine & à circuitu deflectentes succos in viam reflectat; quod ut obtineat, hos acriùs ferit, vehementiùsque flabellat, quò ductiliores facti & sequaciores filum circuitionis & seriem repetant. Undè *cruditatis* nomine, duo importari necesse est, deviantem liquidorum motum, eorundemque trituræ defectum. At cùm ad *solida* pertineat *tritûs* ac *circuitûs* opera, id est *progressivi* simul & intestini motûs negotium, à *solidis* expectanda erit *coctionum* operatio.

Suadebit fortè opinio de caloris necessitate ad coctiones peragendas, ea usurpare remedia, quæ *solidorum elaterem* elevent, ut evecta *systaltica* vis arterias vegetiùs evibret; quasi quò vividioribus *occillationibus* everberati succi, efficaciùs comminuerentur. Sed contrarium evincit sanitatis status, sub quo tacitè micantes *arteriæ*, sanguinis circuitum, æquabilitatem, perennitatem, or-

A CURAR. SORDIB. *Cap. XVII.* 203  
dinem tuentur. Igitur ut molles arteriæ ac silentiò *occillantes coctionibus* servandis pares sunt, iisdem redintegrandis satis erunt, ad hanc mollitiem revocatæ. Coctibiles enim sunt succi, non in quantum fortes, sed in quantum commensæ sunt & adæquatæ allaborantes potentia. Evibrantes enim fortius arteriæ rigent, hancque incurrunt *spasmodicam diathesin* quæ sanitati simul & coctionibus repugnet. Hostiles æquè sunt flaccientes arteriarum ictus, utpotè imbecilliores continendis ac reprimendis resilientium *fluidorum* insultibus ac *resistentiis*. Equamento has inter potentias opus est, aureâ scilicet mediocritate, quæ ut virtutum author, sic coctionum opifex est. *Coctio* enim non simplex est *conquassatio*, sed tritus seu in tenuissimum *polli-nem* comminutio. At ut non præceptum aut temeraria esse debet terentis *perphirita* motatio, sed lenta & successiva circumrotatio, quâ tenuandæ materiæ particulae in ultimas sui minuties resolvuntur; ratione non absimili arteriarum ictibus subigendi succi, iis indigent ictibus, quibus contendantur minùs, quassenturve, at quibus sensim ac successivè deterantur, tenuentur, frientur. Has sequi agendi rationes, hos imitari

naturæ *rythmos*, coctionibus indulgere est; his contra ire, cruditatibus est al-  
laborare. Aliundè *coctionis* pars est lævi-  
gatio, *coctus* enim habetur succus, qui  
æqualis est, & lævis; *Hippocratis* testi-  
monio, qui notas inter & signa coctio-  
nis, lævitatem requirit & æqualitatem.  
At *lævigatio*, non secus ac pumicationis  
species, sensim fit & successivè. Indè est,  
quòd sub febribus, si vehementiores  
sint, crudi sint succi, celeriores enim  
arteriarum ictus sanguinem crebriùs  
tundentes, quassant non dividunt, spif-  
sant non tenuant, cogunt non solvunt.  
Adde mixtionum ad quas spectant *cor-*  
*rectiones*, sortem esse & conditionem, ut  
paulatim fiant, non raptim nec tumul-  
tuariè, ne æquabilis mixturæ loco, ru-  
dis, indigesta, & in grumos inconcinnè  
distincta exurgat compactio. Hùc ite-  
rum spectat conditio ad *purgationem*,  
*Hippocratis* iudicio, summè necessaria.  
*Fluxilitas* est seu *fluiditas* humorum, quæ  
cùm *solidorum* tractabilitate & *fluidorum*  
comminutione exquisitâ convenit; quòd  
hoc ultimo exemplo demonstratur. Eò  
tendit omnis *coctionis* labor, ut ille qui  
conficitur succus, ad ultimos partium  
fines atquè recessus pertingat exporrec-  
tus. *Coctio* igitur actio est, quâ ductilis



A CURAR. SORDIB. *Cap. XVII.* 205  
fit & sequax succus. At quò tenuatur  
magis, aut magis tractatur materies, eò  
magis in longum porrigitur. Argumen-  
to sunt bombyx, sericum, & lana, quæ  
quò tenuiora sunt, quòve pressius nen-  
tur in filum textile, copiosius crescunt,  
textique proventum ampliorem spon-  
denr. Similiter tritus affabrè chylus,  
intimè comminutus, pressè tractatus &  
agitatus ab arteriis in filum tenuatum  
enormiter & immensè longum exten-  
ditur. *Superficie*i enim genus est in lon-  
gum extensio; ut autem quò magis te-  
nuatur materies, eò plùs *superficie*i capit,  
res eò crescet uberius in longum, quò  
comminuetur magis. Has ut assequan-  
tur tenuitatis ac longitudinis conditio-  
nes, *tenuantibus* seu *volatilibus* mirè ab-  
utuntur, quasi comminuere idem sit ac  
*exaltare*. At quàm longè absit à vero  
isthæc comminationis interpretatio,  
monstrat in humano corpore commi-  
nuendi modus. Hujus operâ succi nutri-  
tii particulæ solvuntur non dissolvuntur,  
uniuntur ac compinguntur non dividun-  
tur aut dissociantur, in longum ducun-  
tur non panduntur in latum. Illas ergò  
infaustas adeò medicandi artes ne mire-  
ris, rumpendo vitæ filo non producen-  
do, natæ sunt. Re ipsà bonorum om-

nium in corpore opifex est *motus progressivus*, pestis aut hostis *intestinalis*, nam quò plùs tument in corpore succi, minùs progrediuntur. Hàc de causâ quòd tantùm iis tumendo *latitudinis* accedit, tantùm decedit *longitudinis*. Hìnc brevior fit & incompletus circuitus sanguinis, qui copiâ minori ad corporis *peripheriam* pertingens centro hæret, stagnat, atquè lentescit. An uberiores aliundè ac potentiores *cruditatum* causæ aut occasiones? Crescente enim cùm mole *liquidorum* resistentiâ, decrescit *solidorum* vis, *liquidorum* proindè *tritum*, qui coctio est, minuitur.

Nequè perperàm hæc dicta sunt; retrogrado enim ac morante sanguine corporis centro, quæ *solidorum*, quæ *fluidorum*ve culpâ exurgunt *cruditatis* signa, se produnt. Ea sunt quæ morbis surgentibus adnascuntur, nimirum corporis iniquies, vomitionum insultus, *hypochondriorum meteorismus*, artuum dolores, corporis lassitudo, &c. tot indicia enitentis *solidorum* virtutis, renitentisque *fluidorum* potentiae. Idem testantur quæ ex *fluidorum* vitio manant alia *cruditatis* testimonia; os arescit, siccatur alvus, nitent urinæ, feriantur *secretiones*, quorum ratio palàm est; refluus intrà

præcordia & majora vasa nutritiis liquoribus, his *secretoria* defraudantur; testantibus sanguinis emissi colore consistentiâ, ac habitudine, qui glutine tenaci & albo obductus, *lymphæ* exuperantis & regurgitantis undiquè aggestum repræsentat: imò hærentis & interceptæ lymphæ ipsas intrâ arterias argumentum præbet quotidiana observatio. Non infrequens, ineuntibus morbis gravioribus, semel ac iterùm emissum sanguinem, purpureum, mollemque (sanum imperiti putant) videri, qui tertio, quartove missus, putridus, ut aiunt, exit, albâ pelle, tenacique superficie vestitus. In causâ est, oborto de repente *solidis* spasmo, sic conclusus nutritius succus intrâ arterias, ut illi intrâ venas omnimodè præclusus fuerit aditus, adeò ut venarum sanguis succi illius primùm exfors sit, & videatur. Tempore autem vel vacuationum opera, laxato aliquatenùs aut emollito *solidorum* spasmo, succis, qui in arteriis retinebantur, in venas fit iter, adeò ut qui exindè mittitur sanguis, albore viscoso ac pelliceo, qui *lymphæ* malè subactæ fructus est & indicium, incrustatus conspiciatur.



Concordat altera magistrorum artis observatio : admonent, ominis esse optimi, factam videre in sanguine mīssio *coloris mutationem*, indicio videlicet, non tantum exhaustam esse, at resorptam quoque *secretoriis* suis *lympham* quæ intrà sanguifera vasa retenta, morbo occasionem dederat & fomitem, sicque fluento redditis qui à tramite deflexerant succis, jamjam redituram circuitus sanguinis æquabilitatem, restituendum deniquè illicò liquorum omnium motus æquamentum. Indè colligere est, *lympham*, seu succum nutritium materiem esse cruditatum, interim non quā frigidam seu calore defectam, sed quā deviantem à suis vasis exceptoriis, aut iis suffuratam, ab alienisque & peregrinis, sanguiferis nimirum suppressam, celatamve. Hoc suadet crudarum urinarum in coctas mutatio. Illæ limpidæ sunt, *sedimentis* destitutæ, hæ succosæ, succis saltem gravidæ, qui factâ quiete subsidunt. Hi autem succi albi sunt, chylo congenere, tam apertè, ut sub *dysuriis*, *stranguriis*, similibusque vesicæ morbis, chylum ipsum repræsentent, oculisque subjiciant. Has urinas puriformes de-

A GURAR. SORDIB. Cap. XVII. 209  
finiunt inexercitati, ulcerisque vesi-  
cæ inusti suspensionem movent, quos  
redarguit eventus. *Criseos* enim seu *co-*  
*etionis* genus sunt, de naturæ saltè in-  
dustriâ, quâ succo nutritio, quem ar-  
teriæ retinebant, reiectâ ad vesicam  
viâ, humori acri & crudo, qui *dysu-*  
*riam* commiserat, mulcimentum adve-  
nit; pinguis est ac tomentosa chyli ma-  
teries, quæ succi morbidî aculeos irre-  
tiendo vestit, *salinûm*que in lacteum  
transfigurat.



## CAPUT XVIII.

*De purgationis usu , tempore , legibus , periculis , cautionibus , &c.*

ubi

*de præparandis humoribus ad purgationem.*

**I**Tà coquere , sic evacuare , naturæ moris est ; has igitur esse materies , illósve humores qui purgationi subiecti sunt consequitur ; hos proindè imitandos esse *coctionum & evacuationum* modos. Succus qui coquendus venit nutritius est , coquitur autem suis sedibus ac reconditoriis , sicque fluento restituitur. *Evacuatio* ab ejusmodi *coctione* manat , cùm enim liquores suis emissariis ac pronitatibus redditi sunt , tùm foràs eos elabi , necessum est. *Purgationis* ergò scopus est & usus , succum nutritium à cæteris extricandi , versúsque sua secretoria reducendi. Itaque procùl hìnc , valeàntque *præcipitationum , colliquationum , despumationum , depurationum* spuria voces , mera agnomenta , infelices



aut infeliciter à *chymia* mutuatae artes, notha functionum corporis simulacra; moribus aut ingenio naturae tam parum, quam malè conveniunt; detritaeque *fermentorum* aut *fermentationum* doctrinà, exulare hæc omnia aut ruere consecrarium est: stimulant enim *purgantia*, non *fermentant*, pungunt, non effervescent, idque *solida* agendo, non liquando *fluida*. Aliundè humores non faciunt, sed inveniunt; neque eos ad nutum cogunt, ducunt autem quò *vergunt*, ad suaque loca *determinando*. Post hæc quid *purgatio* sit si requiras, *determinationem*, *directionem*que humorum restitutam esse audies.

Nec quemquam morentur *bilis*, *pituita*, *melancholia*, serive colores, his enim internosci volunt purgandos humores, & designari. At quisquis sis ô curiose rerum, nimium ne crede colori, ostentat hîc superficies, celat essentias; aliundè nullis non coloribus tingi lympham potis est, quæ ut omnium succorum, qui sanitatem regunt, radix est & initium, sic omnium humorum, qui morbos alunt materies est ac basis. Corporis autem rerum discriminabilia de quibus interrogas, *diametrorum* sunt varietas, *occillationum* differentia, vibrationum *rythmus*,

ac modulatio, tot incudis veluti ictus, qui rebus formaturas dant ac signacula. Hinc cur sub morbis suis à coloribus degeneres fiant succi anxius ne scruteris, mutatis enim unà cùm *solidorum occillationibus*, *liquidorum circuitu*, ac *directionibus*, ut horum *stagnatione* vertuntur sapores, colores quoquè alienantur. Interim diversis tingendæ *lymphæ* coloribus apprimè servit locorum, quò fertur, ingenium. Sic impeditâ *transpiratione*, aut parili de causâ intrò versus succus nutritius, loci quò rapietur, ut naturam, sic colorem induet. Venerit ad hepar, *bilis*; ad pancreas, ad stomachum, &c. succorum indigenarum speciem capiet ac mores. Ita in *bilem* aut alios succos versa *lymphæ*, *biliosas*, &c. purgationi materies cumulabit; in tantùm veniunt à succo nutritio humorum purgamina: verùm devius ille semel, & à suis tramitibus deflectens, stupendum quàm longè evagatur, quàm multiplicia, quàm tortuosa subit aut ingreditur diverticula, è quibus ut ad sua aut cognata *secretoria* revocetur, coctionis opus est ac labor. Labor autem arduus semper, sæpè tædiosus, eo difficilior quò plùs in eo impendendum sit industriæ quàm operæ, manûs minùs quàm consilii. Hinc est

quòd suspenso pede ad purgationem progredi conveniat, cujus locus, tempus aut occasio, ut anceps ac lubricus est, ita lentè festinat. Tarditatis illius causa triplex; refluus enim nutritius succus, vel ad viscera, quibus sua sunt *secretoria*, pertingit, vel it ad partes *secretoriis* carentes, vel intrà vasa sanguini confusus coercetur. Si primùm, quâ curâ, quali otio, quanto tempore medico sudandum est, ut vel à dissitis visceribus, versùs sua emissaria invitetur, vel ut intrà ipsa viscera tam dexterè tractetur præpareturve, ut in eorum *secretoria* eliminandus descendat. Hic enim cauto maximè opus est, nam usu venit ut *hepar* eâ pressum copiâ succi qui retrocedit, affatim adeò egurgitet, ut statim in enormes *diarrhœas* ineunte morbo solvatur. Hos ut ad purgationem invitamenta accipere, impingere ac illudi est, nam cruda sunt & intractata ejectamenta, quibus sub pondere gemens *hepar*, se exonerat. Similia ad purgationem parant illectamenta, nec impares insidias, in micturiendo *vesica*, *stomachus* in vomitando, &c. quibus diffidendum non minùs, quàm fatuis ignibus, qui in præcipitia ducunt. Evacuatione illâ duce, ad purgationem ibis, quæ moderante



214 DE PURGANDA MEDICINA  
ac magistrâ naturâ, non coactâ nec vi-  
ctâ procedit.

Ostendit usus, docuitque facta cum  
ægris & morbis consuetudo, dari mor-  
bos, ubi feriantur universa succorum  
emissaria, ubi filet alvus, tardant urinæ,  
siccatur saliva, deficiunt sudores; ubi  
tandem desiderantur evacuationes, dùm  
febris ardet, viscera tument, rigent  
partes, tendines saliunt, cerebrum pre-  
mitur, lethargus urget, ni phrenitis  
exsuscitet aut pervigilium fatiget. Hoc  
sub statu lacerata undiquè natura, luc-  
tando eluctatur nihil, deflectens enim  
succus nutritius, infiliit in partes *secre-*  
*toriis* defectas, *nervos*, nempè, *membra-*  
*nas*, *tendines*, aut similes *nervosi systema-*  
*ris* appendices. Hos partium fremitus  
pro conaminibus naturæ colluctantis &  
affectantis evacuationem concipies?  
Frustratui eris, insultus morbi sunt &  
tendiculæ, malèque se tuentis naturæ  
molimina; quibus auscultare, morbo  
parere est.

Tertium est, ubi videas æstuantia vis-  
cera, micantes arterias, febrem uren-  
tem, exacerbationibus sævientem intrâ  
vasorum cancellos, ita tamen coerci-  
tam, ut viscerum ulli insidiari vix vi-  
deatur. Non infestat catharrhus pulmo-

nes, hepar phlegmone non obsidet, mens integra est, intactum cerebrum, se continet alvus, fluunt urinæ sed rubentes aut rutilæ. Videris aliàs sub febre ad sensum miti, *homotono*, nullis recrudescente exacerbationibus, cum pulsu, urinis, spiritu naturam æmulantibus, ægrum fatiscentem, fractum viribus absque causâ, omisísque evacuationibus. Il-  
linc habes imaginem febris ardentis aut æstuosæ; hinc malignæ exemplar, utriusque intrâ vasa fomitem habentis aut causam. Hæc autem causa est succi nutritii *retrogradi*. intrâ vasa tarditas & suppressio. Hæc vasa si *secretoria* ipsa fuerint, intrâ quorum capacitates coercitus lentescat, hanc dabit morbo malitiam, quâ educto licet purpureo & rutilante, sano proindè quoad speciem sanguine, fatiscit ægrotans, viribus lapsus. Ratio se prodit, præterquàmquod morante intrâ propria vasa succo nutritio iisque ingurgitato fulturâ aut nutritu fraudantur alendæ partes, chylo dilutus minùs nec redintegratus volvitur sanguis, advenit circuitus singularis; in sanguinis enim portione rubrâ & intrâ sanguifera vasa perseverat circuitio-  
nis motus, remeari tardante intrâ *secretoria* vasa albâ portione; adeò ut cre-

briùs in sanguiferis agatur circumrotatio rubræ partis, alterâ, quæ alba est, in *secretoriis* segnescente & reside factâ. Hinc rutilat *arteriosi* instar, è venis emissus sanguis, quod succo nutritio intrâ *secretoria* se ingurgitante spoliatus, impermixtus & vividus erit conspiciendus in *venis*, qualis in *arteriis*.

Faciei diversæ erit sanguis, si suppressa nutritia *lymphæ*, in vasis sanguiferis hæserit, hujus enim colorem aut speciem referet venis emissus, glutine obductus albente aut flavescente plùs minùs, plùs minùsve lento aut molli. Illius *lymphæ* intrâ vasa sanguifera hærentis præsentiam testabitur quòque *pulsus*, ut enim suppressa isthæc *lymphæ* densa est ac compacta, chalybis lamellæ instar malleo tulsæ, elateri non parùm contraxit. Mole ergò quâ tumet, elatere quo valet, arteriarum parietibus contrahendo, illarum *systoli* impedimento est, dùm suam aliundè *contractilitatem* fortiùs exerentes *arteriæ* tenduntur, obfistentemque sanguinem nituntur vividius comprimere. Indè fit durus aut *ser-ratilis* pulsus, sanguis enim quatenus compactus, *solidi* intrâ *arterias* contenti *elasticique* vices gerit, quo intrò suffultæ ac distentæ *arteriæ*, à pleniori *systole* cohi-



cohibentur, dùm ab eodem non secùs ac ab extraneo corpore, stimulata crebriùs pulsant.

Ut ut sit ubi ubi hæreat succus nutritius, utpotè procul & altè delitescens, in viam non facilè revocabilis erit, temporéque & dexteritate opus habet, ut vellicanti *cathartico* morem gerat. Statim igitur nascente morbo purgantibus illum aggredi, furdo canere est. Flecti amat non cogi, extricari, quod coqui est, postulat, extundi renuit, præcoqui fructus exemplo primo tempore non decidi, at serotini instar, longo sole indigentis ut percoquatur.

Nihilominùs tamen leges sunt quibus obsequitur, conditiones, eæque *attalicis* mitiores, quibus obsecundat. Verùm enim verò quibuscumque, aut cujusvis naturæ vasis coerceatur ille succus, inæabilia sunt, ejusque conditionis & fabricæ, ut ad circuitionem succorum sint comparata. Igitur ut expediendis iis quibus irretiuntur apta nata sunt, ab iis ea expedire quoque potis est. Artificis autem animum nihil potentiùs erigit, quàm operis possibilitas; itaque in arduo illo, in viam revocandi deviantis succi negotio, medi-

218 DE PURGANDA MEDICINA  
co animum addet, revocabilis succi fiducia.

Foràs autem revocandis seu purgandis humoribus has dixit leges *Hippocrates*, non crudos esse medicandos; fluxilia esse facienda corpora; ducendos humores quò vergunt; ducendos denique per loca convenientia.

Crudi sunt qui altè longèque impati sunt, undè cùm singularis circuitus operâ reducendi sunt, id moræ succo concedendum quo opus habet, ut suum circulum absolvat; id quoque otii imperabit sibi medicus, quod absolvendi circuli tempus succo illi concedat. At quod sanguinis motui in visceribus moris est, id contingit morborum causis. Universam sanguinis massam *trigesies* horæ spatio ad cor premeare, confessa res est; at illam massæ illius portionem, quæ singula viscera, *hepar*, *lienem*, *pulmones*, *cerebrum* circumeundo peragrandam habet, *trigesies* in singulis visceribus orbem suum peragere negatur. Ratione non absimili, succis qui deflectendo morbos committunt, in viam redeundum esse certissimum est, sed æquè constat eorum redituum non idem esse temporis spatium; certo enim *dierum* aliis, aliis *hebdomadum*, *mensium* non paucis, quibus-

dam annorum numero opus est. Id autem spatii tùm *crisium* aut *desinentiarum* terminos, tùm purgationum locum, tempora, occasiones docebit aut definiet.

Suâ igitur aut patrum observatione eruditus noverit medicus, ex morbis alios esse, sub quibus *septenario* dierum circulo moventur humores, alios qui *decimo-quarto* die, seriùs adhùc alios, sub quibus limitibus *coctionum* & *purgantium* tempora concipiet. Rursùs usu didicerit, breviori quidem dierum spatio, contingere *peracutorum*, quàm *acutorum* morborum *solutiones*, at observaverit, *solutiones* omnes quæ felices fuerint, *coctionis* esse fructus. Igitur, esto, teneat admittendas esse præcoces *purgationes*, modò præcox fuerit *coctionis* genus, qualiscunque scilicet commoderatio succorum, quæ admonente aut magistrâ naturâ monstret tentandos esse purgatione humores. Hanc commoderationem *fluxilitatis* nomine commendat medicinæ princeps, jubendo *fluida* esse facienda corpora, ut purgatio feliciter succedat. *Fluxilitatis* autem vox tria innuit, *solidorum* mollitiem & tractabilitatem (quod rei caput est) *liquidorum* comminutionem, eorundem pronitatem aut dire-



*tionem*. Quamobrem absit oportet à partibus *spasmodica diathesis*, saltem emollitæ sint, & à corrugatione liberæ, ut flecti se patiantur, *purgantisque* stimulo cedant. Hîc enim res non agitur cùm ejusmodi purgatione, quæ revalescentium est, quæ curationis sigillum est, & omnis medicationis agmen claudit; sermo est de alterâ quæ perfectam morbi solutionem non operatur, sed quæ hanc spondet facitque certiore. Porro huic non opus est eâ partium libertate, quæ sanitatis opus est; sufficit istiusmodi facilitas, quâ *cathartico* in tantum non rebelles, ut ultrò pareant.

Constabit evenrus, si *cathartico* velli-  
canti respondeat *liquidorum fluiditas*, ut  
admoto calcare ad evacuationem cur-  
rant; *evacuatio* enim ut *excretionis*, sic ex-  
pressionis genus est, compressionis au-  
tem genus est expressio, quæ *occillando*  
peragitur. At compactior succus, sicque  
factus *elasticus occillationi* obstitit, excre-  
tioni proindè, quæ compressio est, ad-  
versatur. Hînc videas *eusarca* ac benè  
saginata corpora, obscuri esse, parvi ac  
delitescantis pulsûs, *plethorâ* enim exu-  
berantes succi se pandunt, vasorûmque  
spatia tam arctè occupant, ut illorum

*systoli* seu compressioni renitantur. Rur-  
sus sub nascentibus morbis, gravissima  
licet interdum sæviant *symptomata*, ob-  
scure micat *arteria*; indicio non dubio,  
aut copiosiore intus tumere succorum  
molem; aut *elatere* se pandentes succos,  
vasorum *contractioni* aut *occillationi* impe-  
dimento esse. Reverâ tunc temporis  
misso sanguine, pulsus erigitur, *systoli*  
reddente locum sanguine vacuato.


Pergit *Hippocrates*, admonendo ducen-  
dos esse humores quò vergunt. Medici enim  
naturæ vicarii in tantum feliciter ce-  
dunt consilia, in quantum illius vesti-  
gia premit; vestigia intellige, fines il-  
lius, scopos, tramites, tramitumve di-  
rectiones, declivitates locorum ac pro-  
pensiones. Sic ducere ad *stomachum*, quò  
natura vergit ducere est, si illuc mo-  
veat humores: ad *intestina*, ad habitum  
corporis, ad vesicam ducendo, quò  
vergit natura ducitur, si illuc ab eâ feran-  
tur aut ferendi sint humores. Ferendi,  
inquam, suæ sunt enim naturæ necessi-  
tudines, quibus erudiri aut mancipari  
medentem oportet. Exemplo sunt ii  
succus qui certis locis ac viis sic addicti,  
ut nulla ab iis aliena supplenda reperias.  
Quaslibet igitur illi vias à suis alienas

affectare videantur, cùm ad proprias unicè inclinent, ad eas necessario revocandi sunt. *Menses* v. g. aut *lochia* suppressa ad cerebrum, stomachum, pulmones eunt? Insidiæ; morbi insultus sunt, quos si *emetiis*, *bechicis* & *purgantibus* compescere tentaveris, specades, illuc enim certò non *vergit* natura, sed ad *uterum* quò necessario reducenda sunt, ut ad unicum evacuationum illarum emissarium.

Sputa quoque in pulmonibus suppressa, quævis in *stomacho*, *intestinis*, &c. moveant *symptomata*, nullâ harum viâ sese usquam expediunt, quémque moveris lapidem, per os illis redeundum erit. Ejusdem allucinationis est urinæ in vesicâ morantis facta collectio: indè nausæas dat & vomitiones agit enormes, molestat alvum, stimulat, solvitve, attamen hinc abesse naturæ consilia intelliget qui meminerit, unicam urinis patere viam, vesicæ ductum. *Stibiat*is ergò, *purgantibus*ve isthac lacessere mala umbras ferire est, absolutorio unico erit *catheter* immissus. Hucque spectat ultima Hippocratis monitio, observantis *per loca convenientia duccendos esse humores*. At *locorum* convenien-



A CURAR. SORDIB. *Cap. XVIII.* 223  
tiam, vel opportunitatem indigitat earum partium habita observatio, per quas solutio morbi contingere consuevit. Ad *Pulmones*, *hepar*, *stomachum*, *uterum*, *intestina* humorem morbidum à naturà pelli visum est, hoc ipsum medico tenendum iter; sin minùs, spretis scilicet naturæ consiliis medicando, *Minervam* cogere est, adversóque flumine subigere lembum. Indè purgationum pericula, &c.



## CAPUT XIX.

*Quod præcedentis appendix est.*

*Ubi*

*de purgationum periculis, cautionibus, & de humorum præparatione.*

**H**INC intelligitur, undè proveniant purgationum pericula, paténtque rationes cautionum quas requirit purgantium usus. Ordinis causâ purgatio suscipitur; eam scilicet ob rem, ut sanguinis circuitûs æquabilitas restituatur. Quo ergò in discrimine versatur? Melius, in quod periculum ægrotantem adducit medicus, quem agit cœca purgandi prurigo? Malefanâ animatus illâ opinione, in eliminandis humoribus positum esse purgantis officium, punctum omne tulisse putabit, sibi gratulabundus, si enormem humorum fuderit copiam. Præoccupatus insuper lentos esse, viscosos & tenaces humores, quibuscum rem habet, labori vel improbo non parceret, neque *mochlica* reformidabit, quò ma-

terierum averruncandarum faburram impetret. Crescet periculum; si ab inductâ *fermentatione*, *præcipitationem* impuratorum succorum fœturam sibi promiserit, tùm enim ab actuosis nil metuet, à quibus plùs redituræ *fermentandæ* virtutis speraverit. Indè iræ, turbæque minaces, quas invehet ordinis loco. Interim hîc nondùm malorum finis, de *liquidis* unicè cogitans, *solida* sùs-deque habet, oblitus *solidis* contineri *liquida*; *solidis* autem tam teneris, promptis adeò ad sensum, vellicari tam facilibus, in *crispaturas* adeò proclivibus, ut aliquandò nihil, pauca sæpè, sæpiùs inutilia fundant; inutilia quidem ægrotanti, sed utilissima morbo, multis enim bonis illum spoliant, hunc aggravant malis; pauperant *sanguinem*, siccant, adurunt; sicque suo balsamo exutum, in *acrem*, *salsum*, muriaticum evehendo mutant, milléque morbis difficilibus, *chronicis*, generis dubii & ancipitis naturæ fundamenta ponunt.

Alias adhuc interminatur calamitates *purgatio*, si solis *fluidis* dicabitur; sæpè enim vel enormiter exinanitis, decrecentibus proindè humoribus, à quibus pendere morbum clamitabant, *symptomata* crescunt, febris sævit magis, æf-



tuant præcordia, resolvitur alvus, vigiliæ ingruunt, succedit *apostia*, tabes, mors tandem consequitur. Sed eò loci *purgationum* ludibriis occæcatas tot medicantium mentes mirari subit, qui *purgantibus*, *mochlicis*, *drasticis*ve ad nauseam & ultra ingurgitatis ægrotantes humore siccos enecari videntes, interim ab infido, infauftoque magis humorum *systemate* non resipiscunt. Imò in suâ hæresi firmanantur magis, remediorum enim invaliditati imputantes, qui medentium allucinationi debentur, eventus infelices, apud vulgus artem deplorant, de *purgantium* efficacium defectu. Id mali venit à neglectâ *solidorum* scientiâ; hinc enim meliùs eruditi, ut de arte sensissent digniùs, feliciùs eam tractassent, illinc arcendo turbas, ubi præesse pax, & ordo regere consueverunt: œconomiam corporis intellige, quam ut alit rerum æquilibritas, restituit concordia rerum.

Aliud periculum in purgando incurritur, si ad id operis, temporiùs dicam an audaciùs, se accingant. Tunc movent *humores*, non promovent, succos enim à suis *secretoriis* adhuc diffitos longiùs laceffendo, partes ab humoribus purgandis, utpotè aliò evagantibus, nedùmve ad emissaria reductis, vacuas

sollicitant. Ad hæc imperitè stupentes, pharmaci vires acuunt aut copiam augent, eventu tam irritò, quàm infelici, cœcutientium instar qui non aperienda ostia pulsant.

Calamitatum cumulus est, exlex facta purgatio, neglectis nempè legibus quas invenit usus & observatio firmavit. Ex quo enim rerum medicarum infortuniis accessit temeritas aut inconsiderantia, *crises* risère, naturæ motus ludibrio habentes, crisiúmque conditores se jactitare ausi: adeò ut quod huc usque consiliis ac tempore à naturâ gestum est, vi ac præcipitantia exequi aggrediantur; quod obtinendum erat extorquere volentes. Hunc ambitiosæ mentis errorem castigare debuißet, de medicaminibus tradita à medendi magistris observatio. Admonent infidi prorsùs ac fallentes *sudoriferorum*, ac *diureticorum* usus. Id forteàn interpretaberis de solaminis defectu, quòd rarò hâc ex parte medentium votis respondeant, at ulteriùs progreditur eorum querimonia, operatione vacua sæpiùs ea se comperisse affirmant, adeò ut debitâ dosi, viribus idoneis, cautèque & ad artis normam exhibita, *sudoris* aut *urinæ* ne stillam fuderint. Arcanam incusant partium *dia-*

*thesin*, medicaminum operationi absolvendæ necessariam adeò, ut hâc absente, opere cassa fiant aut irriti effectûs. Sed idem de *purgantibus* dictum puta, eorum enim operatio tyrannis neque est nec imperium; admonitio est, ut partium invitamentum, quæ si immorigeræ monitis obsurdescunt, mandatis rebel labunt magis. Itaque quidquid de *cruditate*, de *fluxilitate*, de viarum proclivitate, ac locorum *convenientiâ* tam sanctè jubent, id omne refert facta partium consensio. Hæc si detur, vel levissimo *cathartico* fidas licet, ex voto succedet; si desit, vel potentissimo diffidas, surdo canet aut præposterè cedit: quod enim de hominum vitâ proditum est, in remedium operationes cadit. Horum magna pars aut malè, aut nihil, aut aliud gendo insumitur. Equidem malè agendo; quævis enim pharmaca fœeneratorum instar nocendo juvant, viscerum enim dispendio corpori prosunt, cujus partes quas levant deterunt. Undè videas quàm proximè discrepet ab usu, remedium abusus, quorum optima vix à noxâ vacant. Saltem sæpè nihil agunt, quòd vel ne hilum operis edant, vel edant nihil illius quod speras. At nihili hujus fidem plerumque faciunt



purgantia, à quorum evacuatione cùm morbi solatium expectas, evacuationem absque solatio obtines. Verùm aliud quoque agunt remedia, quod de *purgantibus* ostendit usus, sæpiùs enim *quanta*, non *qualia oportet* evacuant, nam inutilium loco utilia fundendo, pro sanguinis peccaminibus, ipsummet partium rorem abliguriunt. Unum tamen monendum huc venit. Audias ex mendacibus non paucos criminantes dejectiones alvi, si dilutæ sint & *serosæ*; in his enim *pituitas* amant & glutinum glomeramina, existimantes in unis humorum crassaminibus positam evacuationum laudem. Cùm hæc per sapientium manus tradita sint, religioni ducenda erunt & approbanda, interim cùm grano salis & interpretamento. Quæ *aquea* sunt & *ndatochola* reprobanda sunt, ubi naturæ vim ex *dejectionibus* expiscari convenit & augurari, idque in spontaneis vacationibus judicandis, æstimandisve, an videlicet *critica*, medico proindè verendæ fuerint, an *symptomática*, aut impetu morbi prodeuntes, medico proindè damnabiles. *Criticis* accensentur, si *coctæ* fuerint, *coctis* autem, si spissæ ac coactæ. Hujus adhuc ordinis sunt dejectiones sub *diarrhœis* prodeuntes, quæ spissæ

230 DE PURGANDA MEDICINA  
fescendo, sanationem annuntiant. Similia igitur inter medendum firmiter tenenda sunt, eò confidentiùs, si vulgato effato habenda fides, quò narrent periisse neminem ex iis in quibus conspicua se dederint coctionis signa. Ast nunquid non fieri potest, ut conspicuis coctionis signis in communibus ac publicis excretionibus, cruditatis argumenta pergant in privatis. Visi sunt v. g. *soporosis*, *spasmodicis*, *spleniticis* affectibus decumbentes, unà cum coctis dejectionibus abiisse ad plures. Nihilominus tamen huic standum medendi regulæ consentietur, at ad illius normam exigere omnes purgandi leges, angustiores intrà cancellos purgationis jura coercere est. Saltèm altera est eaque verior quia universalior laudabilium dejectionum nota; à morbo nempè levamen. Probanda omnis purgatio quæ certò, licet non ex toto, levat. Exemplo erunt *crises* imperfectæ & dimidiatæ, quæ licet dùm singulares sunt non solvant, sed ad minimum auxiliantur, usque dùm solvant. *Multis*, inquit Hippocrates, *usu venit, ut non ab unâ evacuatione judicarentur, sed ut plurimum per omnia percurrerent. Sed hi omnes evaserunt.* Quidni igitur dejectiones serosæ, licet numeris omnibus

non absolutæ, juvami non erunt? Verùm enimverò, non adeò definitum est, in spissitudine succorum *coctionem* poni, ut cùm *fluiditate* consistere nequeat. Effatur Hippocrates, liquidam alvi *dejectionem* ex usu esse, si neque strideat, neque crebrò, neque ex intervallis brevibus excernatur. Igitur ut ex circumstantiis venit, Hippocratis testimonio, quòd *fluiditas* usui sit, aut non sit, *coctioni* penitus nec essentialiter, ut aiunt, *fluiditas* adversabitur. Reverà ex veteribus medicis fuere, qui in succorum attenuatione *coctionem* stabilierunt. Nobis à quibus *coctio* ponitur in *directionum, determinationum, oscillationum ac motuum* redintegratione, circuitus denique in integrum restitutione, non videtur cur cùm *coctione* pugnaverit fluiditas, maximè cùm in fluiditate, ac *fluxilitate* consistat sub sanitate succorum *coctio*; in *fluxilitate*, inquam, succi nutritii, qui *lymphæ* est, aut aquæ genus; tam longè abest à vero, malè cùm fluiditate *serosâ*, *coctioni* convenire. Addendum, *cathartorum* ingeniis sæpè donandum, quòd vacuati humores, plus minùs inspissati prodeant; adeò ut sub iisdem morbis, iisdem morborum temporibus, in iisdemque hominibus, ubi succos inspissant certa pur-



232 DE PURGANDA MEDICINA  
*gantia*, alia eliquent. Sic *manna* fundit  
humores & in serum extenuat, quos *sen-*  
*na* in glutina glomerat & viscos.

Itaque *purgationem* ægrotanti faustam,  
artifici non pœnitendam, laudabilem  
arti si exhiberi cupis, hanc tibi dicito  
legem, eam propinare nusquam incon-  
sultis morborum ingeniis, temporibus  
& constitutionibus. Cœcus te non agat  
medicandi ritus, non imperet consue-  
tudo, opinio non præoccupet, unus te  
regat amor veri, studium recti, sanandi  
cupido. Didiceris ex morbis alios esse  
*purgationis* maximè capaces, alios inca-  
paces maximè, habita ratione constitu-  
tionum aeris, quibus grassantibus *pur-*  
*gationi* parent aut obsurdescunt. Id au-  
tem assequere non speculando, non phi-  
losophando, non sermocinando, sed  
meditando naturam, corpus intuendo,  
morbos observando. Tuus te docuerit  
aut sapientium usus, quibus ex signis  
*purgationis* opportunitatem capeffere  
datur, quâ occasione instituenda venit,  
quo duce symptomate, quasi ad *purga-*  
*tionem* signaculo, ad eam te tutus, &  
ægri bono accingas. Indubitata hæc te  
docebunt talibus diebus, tali tempore,  
talique præsentē *symptomate* mollitum  
esse fibrarum tonum; paratâsque & ex-

peditas, faciles saltem & obtemperaturas partium *directiones*. Cæterum ut tempore dato obsequentes ac morigeras se præbeant partes, in his esto toto curationis decursu, eò te & animum conferras, tandem te una occupet sollicitudo, molliendi partes, earum continendi *tonum* ac *directiones* servandi, ut *secretionum* libertatem afferas aut reddas. Aliò referre medendi scopum, delirare est, ut enim in sanguinis circuitûs perennitate vita consistit, in illius æquabilitate sanitas ponitur, cujus utriusque author est in *fluidis* fluxilitas, flexilitas in *solidis*, quæ cùm sanitati præest, sub morbo desideratur. Hanc & illam sanis dat ciborum simplicitas, reddit ægris eduliorum delectus. Vulgi enim erratum est à remediis expectare, quod à victûs ratione meliùs obtineas. Meliùs, quia securiùs; ut enim ad locum quò jam pertingere datum est, redeundi ratio tutior nulla, quàm quod cœptum fuit iter remetiri, sic ut à naturâ rursùs obtineas, quod illi exequi moris fuit, quas insumere materies, quos sequi operandi ritus ei solitum est, hæc una retractanda habes. Terendo agit, pinfendo, comminuendo; hisque illius artibus, ut *fluidorum* agilitatem, sic *solidorum* tractabilitatem tue-

tur. At trita ecce tibi via est, sub morbis porrigito edulia, teri facilia & eliquari prompta, quæ nascentem *spasmus* dissipent aut arceant, quæque futuræ *ataxia* obviam eant, aut præsentimedean-  
 tur. Id auxilii à *diluentibus* speres, præterquamquod enim, utpotè esurina, mergendis, infatuandisque cujusvis naturæ *acoribus* idonea sunt (si his locum dederit succorum mora) *fluida* pandendo dividunt, humectando *solida* laxant. At in illum, qui non paucorum est, errorem cave impingas, existimantium *diluentium* nomine intelligenda venire sola potulenta. Eiusdem virtutis erunt *juscula* & sorbitiones, si ad Hippocratis mentem instituantur. Reverà ad *inspissantia*, *incrassantia*, aut *inviscantia* pertinebunt, si carnum satura succis, gelascentia fuerint, atque compacta. Sed isthæc quæ vulgi palato sapiunt, sapientium decretis ab ægrotantium diætâ exulare jubentur; sic ut qui inter ipsos princeps est, tam à carnibus metuendum esse compererit. Salubri huic monito auscultandum suadebat addita sapientiæ authoris dignitas, at quibus cedere novit consiliis cæca consuetudo, ea inprimis quæ gulæ servit & luxuriæ? Saltem à præjudicio revocare debuisset confessa



sanguinis constitutio. Palàm est sanguinem geminâ parte, albâ & rubrâ, illâ lubricâ ac molli, hâc volubili ac globulosa constare; an argumentum apertius, in volubilitate, fluxilitate, ac mobilitate poni sanguinis essentiam? Quid enim mobilius aut volubilius globulis; pingui ac lubrico succo natantibus? His ergo conservandis aut restituendis *qualitatibus*, ea conveniunt edulia, quæ lubricis, volubilibus ac globulosis particulis coaluerunt. An tales erunt animalium carnes? Ità fortè si de *sulphureis*, *oleosis*, acido proindè *sale* gravidis ageretur; in hæc enim eluxuriantur animalium carnes. Verùm ut sermo est de lactescentibus non lacteis, insulsis non vellicantibus, mucilaginosus non pinguibus, hæc, utpotè quibus constant, facilè suppeditabunt & uberrimè ex seminibus *decocta*, *succi*, *cremores*, *polenta*, *sorbitiones* & *pulmenta*, priscis consueta temporibus, nostris, ô utinam renovanda! Eò magis quòd cùm non solùm non *globulosis* partibus, sed fibratis è contrà compactæ sint animalium carnes, succum nedùm volubilem, sed segnem, tardum & densè compaginaturn conflagrant; quòdque obiter dictum erit, an aliò veriùs referenda est albentis glutinis illius scaturigo, quo

familiarius heu ! ægrotantium sanguis vestitur ? Igitur ut formidandæ huic spissitudini occurras, *hordeata*, *avenata*, *orizata*, *pultes*, *panatellas*, jusculorum, si potes, loco sufficies ; sin minus, his incoctis juscula castigabis, quâ solâ industriâ, mirum quot iisque minacibus symptomatis, anteire aut mederi tibi dabitur ; hinc enim obtinebis *nativa fluidorum* mulcimina, *innocua solidorum* blandimenta, *edulcorantibus*, *alcalibus*, *concentrantibus*, *absorbentibus* paratiora simul & utiliora. Aliundè compotes sui factæ partes, liberè non coactè, ordinatè non tumultuanter occillabunt, in suisque directionibus pergendo, futuris evacuationibus faciles patebunt. Interim jusculis ex carnibus indulgere licebit, si partes à suo *tono* non desciscentes molles perseverant ; at ubi cutis *aspera*, arentes *buccæ*, *stridula* vox, stomachi *inflatio*, hypochondriorum *renisus*, pulsus *durities*, in *spasmodum* inclinari partium stamina admonebunt, incunctanter ex feminibus edulia jubebuntur, quibus delinitæ partes ac lubricatæ residant, tendinûmque avertant *subsultus*, quibus *spasmodica* symptomata præcludere solent. At quod imprimis laudem meretur, *diarrhœas* quæ inter medendum,

tantum facessunt negotii, avertit aut sanat à carnariis jusculis abstinencia. Equidem in vulgus abiit rumor, ab *atonâ* aut laxitate febribus accersi *diarrhœas*, sed hanc opinionem mendacii arguit observatio. *Diarrhœa* enim in illas cadunt febres quæ *ardentes* sunt, vel *phlegmonodes*, vel *colliquativa*; ubi cum impetu, præcipitantiâ, & ut habet *Hippocrates*, cum *stridore dejectiones* prodeunt, denique ubi remedio est hordei aut orizæ usus. Horum omnium rationes prædit sincera *diarrhœarum etiologia*, hæc autem duplici vitio venit, *fluidorum* nempe & *solidorum*. Sanguis *lympha* est, aut de aqueorum genere; pingues autem sunt & *oleosi* carniū succi, cum sanguine proinde tantum incohibiles, quantum aqua cum oleo. Posthac à sanguine recusari, alvique floris specie præcipitari debere, quæ ex carnibus erunt juscula, intelligis. Si addideris *spasmo* tensas esse intestinorum fibras, strictosque vasorum lacteorum hiatus, hinc à renitentibus fibris, illinc ab obstructis viis exspui debere isthæc juscula & resiliere necessum est. Remedio autem veniunt ex seminibus edulia; cum enim *oleosi* neque sint, neque pingues, sed macri, mucilaginosi, cum aqueis ergo



238 DE PURGANDA MEDICINA  
non incoibiles seminum succi, sanguini  
*amalgamantur*, aut faciles se dant ami-  
cos; eò lubentiùs quò minùs de com-  
pactâ & fibratâ carniùm texturâ parti-  
cipant, magis autem de *globulosâ*, quæ  
sanguinis essentiam seu volubilitatem  
constituit. Pauca hæc erunt, comparata  
cùm cæteris quæ humorum præparan-  
dorum rationem elucidarent, at in his  
illius artis & industriæ ideas pingi suffi-  
cit, quæ supersunt leviter meditata,  
menti se subjicient.



## CAPUT XX.

*De humoribus inhabilibus ad coctionem, tum de orgasmo.*

**I**NCOCTILES vulgò habentur humores, qui absque jugo sunt, efferi, evagantes, *coctionis* detrectatores & imperii. Qui mitius cùm ipsis agunt, de illorum *coctione* spem non abjicientes, illam serò quidem, sed tandem aliquandò venturam pollicentur. At nemo est qui non pronunciet incunctanter, *drasticè* ac sæpiùs eos esse purgandos. Uno igitur omnium labio, contumacissimi æstimantur, purgationique inidonei, uno interùm ore omnium *purgationi* devoventur. Qui mitiores sunt nec immorigeri humores cautè tractant, rebelles & indomitos aperto Marte lacessunt, sic ut cum illis congredi dubitent, hos vincere polliceantur: illos copiosos licet semel & iterùm evacuasse satis habent, hos *qualitate* magis, quàm *quantitate*, mole minùs quàm ingenio timendos exhaustiendi finem non faciunt.

*Malignitatem* prætexunt, quò suam protegant audaciam, quasi juvet auda-

ces laceſſita *malignitas*. Interim ſi de *malignitate* interrogas ? *Coëtionis* ineptitudinem audies ; ſi ineptitudinem *coëtionis malignitatem* ? Sicque vitioſo ac damabili verborum , non rerum circulo , in re omnium ſeriâ maximè ludunt ; de corio dices humano ? Saltem animarum ſeu vitæ lidibrio vertitur. Reverâ qui majores luſus , quàm humores , quos coquere non datur , purgationi damnare ? Cùm neceſſaria *purgationi* conditio ſit *coëtio* , adeò ut quandiù crudus humor eſt , purgari recuſet. Allucinationis cauſa fuit nedùm interpretata *cruditatis* vox , neque *malignitatis*.

At ecce revelatur id myſterii genus. Crudum putabis humorem qui vel intrâ propria vafa hærendo ceſpitat , atque lentefcit , vel qui ab his declinando ad alia deviat. Hæc vafa ſi aliena tantùm fuerint , *crudus* erit humor , ſi peregrina , *malignus*. Exprefſis nominibus res exponenda eſt. Succus nutritius eſt qui morbos inchoat , fovet & abſolvit , quam ſcenam agit ab impeditâ *transpiratione* intrâ vafa repulſus. Si intrâ ſua *excretoria* intercipitur , aut intrâ *arterias* retinetur , tunc propria inter aut germana verſando adhuc , circuitiônifque filo proximus , huic facilè reſtituendus erit ,  
idque



idque facile *coqui* vocabitur; si intrà *lymphatica* aut *nervos* infilierit, à sanguinis & humorum fluento nimium alienatus, in horum orbem aut vorticem difficillimè remeabit, quod incoctile nuncupabis. Reverâ, *coqui* mitescere est; circumrotatus autem crebro succus, tritus diù ac sæpè subactus, mitescit. Verbo, coctilis est humor, qui facile redux est; incoctilis, qui irredux erit aut ægrè revocabilis. Prior morborum solutu facilitum causa est; posterior difficilium, *chronicorum* & *malignorum*. Suis enim *excretoriis* vicinum humorem reducere, in proclivi est, non item si fuerint diffusa loca, profunda, peregrinave, quò abreptus fuerit humor, hinc enim revocare gradum & evadere, hoc opus, hic labor est. Pauci quos Deus amavit, aut medicinalis evexit ad æthera virtus, diis geniti potuère, artis heroes & naturæ genii, quos usus animo capaci additus, ad artis prodigia finxit. Itaque in monstra vertunt hæc prodigia, qui à scholis recentes & novitii, his animi dotibus & artis peritiâ defecti, mirabilibus sapientium eventis stultè tumentes, profanis manibus & ineruditis, eorum operas miserè æmulantur.

*Malignitatis* nomine abuti pro mini-

mo erat, si in hoc errore conquievis-  
 sent; quamvis enim pyrii pulveris in-  
 ventione, infensior humanæ genti fue-  
 rit *malignitatis* assertio, non paucis mor-  
 talium milliaribus parcitum fuisset, si  
 ulterius strages suas non sparsisset pur-  
 gandi prurigo. Hæc socium sibi dedit  
*orgasnum*, idolum recens, cui litare ge-  
 stierunt; recentis medicinæ delictum,  
 cujus amoribus insanierunt, sic interim  
 amando, ut *Hippocrate* ipso perspicacio-  
 res facti, passim & ubique videre sibi  
 visi sint *orgasnum*, quem rarò videbat  
 medicorum oculatissimus. Exindè nas-  
 centi morbo adnatum *orgasnum* asserere  
 moris fuit, humorémque *turgere* cla-  
 mitantes, *purgationem*, quam raram vo-  
 lebat *Hippocrates*, frequentem jubent.  
 Hos decepit malefida, quam sibi finxe-  
 runt *orgasmi* imago. Efferum, qualis est  
 animalis æstro veneris perciti, motum  
 esse, cogitarunt, & ad cujus simulacri  
 quod sibi conflagrant, conspectum, te-  
 merè furentes, stultè in purgando de-  
 bacchati sunt, humorum furias purga-  
 tionum furiis dissipare aggredientes. At  
 furoribus insanias addere fuit, ac turbis  
 tumultum. Aliundè larvas inanes venan-  
 tur, aut volantes umbras. Certè nas-  
 centibus gravioribus morbis, humorum

irrequies, corporisque totius anxietas conspiciuntur, quæ parturientis naturæ nifus fermè diceret; at hos prodit ille quo cùm prorumpunt furor, naturæ motibus malè similis, qui tacitè, clanculùm & toleranter se gerunt. Porro *orgasmus* naturæ motus est, & invitamentum; cogites ergò ineunte morbo superstites adesse naturæ reliquias, quibus, ab imperio nedùm penitus dejecta, medici animum præoccupans, illi se, suasque vias, leges, *tendentias*, propensiones, *vergentias* & pronitates monstrat, *orgasmi* naturam tenes, modum saltèm internoscis. Naturæ ergò erit apparatus ad excretionem materiæ emollitæ, subactæ, excernique gestientis: ceu motio est catulientis materiæ, ad exitumque prurientis, at materiæ coctæ & exuberantis. Re ipsâ ut seminibus turgidam terram, turgentem dixerunt poetæ, sic lac in mammillis exuberans, pus in tumoribus pruriens, sanguinem spiritibus ac copiâ tumentem, hos omnes succos *turgere* dixit *Hippocrates*: si addideris, aliam quam habet *orgasmi* seu *turgentia* conditionem, morborum scilicet initia illum occupare, sub quibus turgentem materiam utiliter evacuari posse admonet, intelligis *orgasmm* esse nifum succi



cocti, exsuperantis, prurientis ad exitum & prorumpere gestientis, qui nascente morbo bonis ægri rebus evacuatur.

Cæterùm cocti humoris surgente morbo feliciter evacuandi ratio eorum præteribit neminem, quibus motûs humorum compertæ sunt *directiones*, series, situs, & ordo. At omnia corporis vasa sub sanitate plena esse, publicum est atque confessum; plena autem succis coctis, evacuationibus, aut *secretionibus* paratis. *Spasmus* autem contingat, qui vasa hæc plena constringat, sic ut succos coctos, quibus turgébunt intercipiendo coerceat, non dissipet, non retropellat, nec ad alia vasa cogat retrocedere, tunc humorum eorûmque coctorum singuli, sedibus immoti, in suis vasis strangulati tardabuntur. At quia indè venit primùm *spasmodica* compressio, seu ex eo loco quò ad exitum aut secretionès feruntur humores, illuc à corde pelluntur, ubi plus erit *resistentia*; eoque versùs arietantur magis. Hîc vides succos vel ipso primo morbi die coctos, exitui paratos, impulsos, arietantes, ad excretionem tendentes, aut evacuari nitentes, *orgasmi* intueris imaginem. Tùm accedente dextrâ manu, quæ purgantis operâ constrictos *secretoriorum* exitus vellicando

laxet, laxandóque referet, succi ineunte morbo cocti evacuatio succedet.

Similia coctorum humorum, ineuntibus morbis exempla produnt pulmones & intestina. Illi, ut in asthmaticis observare est, si jam *catarrho* imbuti, tussim de repente contrahant, *catarrhi* de novo irruentis prodromum aut comitem; tunc quæ primùm exeunt sputa, crudo licet adhuc recenti *catarrho*, cocta sunt, ritè subacta, ægrotantisque solatio redduntur. Reverâ veteranorum, non irruentium recens succorum effecta sunt; nihilo tamen minùs ægro in tantùm profutura, in quantùm irrupentibus humoribus spatium non impar, *occillationibûsque* exercendis commodum parant: similiter cùm primùm *dysenteriâ* corripì incipiunt *intestina*, unâ cùm *mucosis*, *cruentis* ac *torminosis* succis, stercorum copiam reddunt. Equidem hâc quoque de causâ morbi minuunt nihil; interim illis materiæ utpotè naturâ peregrinis aut inutilibus, moléque suâ gravantibus & præsentîâ, levatæ partes, ad ferendum malum alacriores fiunt & expeditiores. Itaque quotiès ab adventante morbo, non ità feriuntur partes, ut nec à *directionibus*, nec à *determinationibus* suis de-  
jiciantur humores & *occillationes*, horum

serie & sedibus servatis, coctos humores primùm excerni nihil vetat. Hoc autem ad febres translato, patet quo pacto cocti humores purganti morborum initiis adhibito, succedant; hâc nempe de causâ, quòd *directionum* situs ac *determinationum*, qui qualis in sanitate erat, nato morbo superstes, sub morbo dat succos, quales sub sanitate erant: *turgere* enim, tumere est, arietare, eniti & ad exitus tendere; exitus autem naturales, qui *secretoria* vasa sunt, aut nativa emissaria. Hujus *turgentia* seu *orgasmi*, qui nisus aut *tentendia* est rationem aut nodum aperit, *cordis*, omniumque illius appendicum, *arteriarum*, *membranarum*, &c. vis assiduè impellens & *systaltica*. Hæc enim succos comprimendo jugiter, & impellendo versùs exitus cœcos, qui effugia sunt *spasmo* constrieta, suis in secretoriis cuneat illos, impetum à corde impressum versùs vasorum extremitates secum ferentes. At quia clausas fores pulsant, urgent magis; qui urgendi, turgendi modus est, ipsaque *orgasmi* ratio. Igitur hoc sub statu, à *cordis* & *arteriarum systole* urgentur succi, vasa turgent; admoto *cathartici* stimulo tument, tumentes & *turgentes* hiant, stagnantesque quos retinebant succos expuunt.



Posthàc genuinum ( simplex enim & obvius est ) Hippocratis effati sensum assequi in proclivi est. Admonet medicina princeps , nunquàm purgandos esse crudos humores , sed eos tantùm qui concocti sunt ; ideòque à purgatione abstinendum initio morborum , quia tunc crudi sunt humores ; addit , *nisi materia turgeat* ; eà nimirùm de causâ , quòd *concocta* est quæ turget materia ; *turget* enim quæ motibus naturæ tumet , quæ illius impetu fertur , quæ iisdem urgetur ineunte morbo , quibus vigente sanitate urgebatur impulsibus , potentiis , impetu , *directionibus*. Verùm quia his legibus subjecta , his tractata artibus materies , coquitur , cocta est quæ turget. Intereà subjungit Hippocrates , *plurima non turgent* , quòd inchoantibus morbis , motuum , *occillationum* ac *directionum* mutationes non fieri infrequens est. Quòd enim à *spasmodicâ diathesi* oriri morbos non levis suspicio sit , mutationis aliquid *occillationibus* hinc accidere concipitur ; eò magis , quòd in mutabili aut variabili , tenerrimoque subjecto , nervis videlicet *spasmus* enascatur. Sed aliundè multùm & sæpè disjici *occillationes* periclitantur , in eo maximè , quòd omnes inter *determinationes* , versùs quas rapi

possunt & trahi humores, sursum, deorsum, dextrorsum, sinistrorsum, antrorsum, retrorsum, uniusmodi sint, deorsum nempe, seu versus extremitates vasorum tendentes, quæ naturam resistant, & quæ coctionibus serviant. Unde rarum est præsentem morbo perseverare naturæ motus, & *directiones*, rarum proinde *turgere materiam*, cum à naturâ urgeri materies infrequentissimum sit. Appositè ergo concludit *Hippocrates*, *plurima verò non turgent*.

Hinc immota stat pronuntiati ejusdem *Hippocratis* assertio, *ineuntibus morbis acutis rarè purgandum esse*, quia rara coctio est initio *acutorum*, quandoquidem quæ tunc temporis indulget purgationem unica conditio, rarissima sit, humorum scilicet *orgasmus*. Lex enim generalis est, coctioni deberi *purgationem*, quod idem est, ac purgationem adhibendam esse desinentibus morbis. Ratio obvia est, universus morbi cursus ad *coctionem* labor est, seu naturæ nîsus materiæ morbificæ subactionem, *commutationemve* (quæ *Hippocrati* coctio est) molientis. Coctura enim, laboris qui tritus & subactio habetur, consummatio est; igitur nonnisi hoc exantlato labore, purgatio conceditur. Interim cum

infumatur omnis ille naturæ labor, ut quæ à circuitûs tramite deflexit matèries, in viam remeet, labori parcetur & tempori, si alienâ quàm illius laboris operâ remeabilis aliquandò veniat. Porro id operæ minuit perseverans ineunte morbo motuum naturæ *directio*, tunc igitur purgare compendio & naturæ servire est.

Tantum boni arti ne pereat, sanciendæ leges, dandæque notacula, quæ tempora signent & occasiones, adhibendæ præcociis ejusmodi purgationis. Ut ut enim festiva videatur, & sapientiæ, cui sensim & lentè progredi moris est, fermè dissimilis, re verâ spuria non est, nec adulterina, sed filia naturæ, ab illius moribus aut ingenio non degener, imò ejus consona legibus. Has inter conditiones princeps est *concoctio*; *concocta medicari oportet*, &c. sed hanc obtinent, qui *turgent* humores. Equidem illius qui oritur morbi non fit effectus, *turgentium* humorum *concoctio*, at non minus opus naturæ est, quæ ineuntium quorundam morborum insultibus ità obistere novit, ut aliquandiù constare sibi valeat, suâsque tueri leges, firma suis & immota *directionibus*. Sic facta sibi superstes, suis præesse pergit & insistere



*concoctionibus*, idque intervalli, quod stantis, nedùm dejecti naturæ regiminis est, occasio erit morborum medicatrix optima, quæ medico capeffenda venit, ut *faustis avibus* turgentes humores purgare discat.

Momentaneum quidem non est illud tempus, breve tamen & fugax, non multis diebus, sed unicâ sapè circumscriptum; quæ *prima* morbi erit, quâ, cùm materia *turget*, incunctanter, imperante *Hippocrate*, purgare convenit, *tardare enim in talibus malum est*. Secundo igitur, tertio, aut provectionibus diebus *orgasum* prætexere, *orgasum* garrire est. *Tardare* malum fuit, at elapsa semel *orgasmi* opportunitas irrevocabilis fit, quæ enim inchoante morbo *cocta* erat, eodem progressu cruda fit, dispersis & aliò resiliens succis, qui à suis vasis ac sedibus alienati, suisque defecti *directionibus*, ordines suos ac series deferunt. Sic qui die primo astat *orgasmus*, postero vanescit; pendet enim ab *aequilibrato* partium, quæ uno die cùm incipiente morbo consistens, altero cadit. Hæcque certa erit absentis aut præteriti *orgasmi* nota, ab *aequilibrio* recessus. Prorumpit v. g. alvus, *borborygmi* volvuntur, rucrat stomachus, fastidit, nauseat, vo-

mit? Sopore cerebrum, mens delirio laborat? Oculi sero gravantur, nares sanguine stillant, os pituitâ madet? Tussis fatigat, suffocatio premit, universum angitur corpus? Succorum turbæ sunt, incurfus, insultus quos ferre natura potest, proferre non potuit. Fortassis talium specie te ludit sparsa in vulgus *orgasmi* acceptio. At non efferus est, non desultorius *turgens* humor; jugo naturæ mancipatus adhuc, regitur non regit, servit non imperat. Prodeuntes ergò videbis evacuationes enormes, enormes imprimis? Ruptum dicito partium *æquilibrium*, vique sibi viam fecisse pronuntiabis, vel dejectam cessisse naturam, quæ diutiùs succos continere non potuit. Verùm observabis rupto humorum cataclysmo purgationem adhibere, lusum esse purgantis aut abusum, nam mutato succorum impetu, & apertis exitibus, movere humores versùs aperta loca quæ sæpè aliena sunt, eos urgere est. At ad propria emissaria prorumpunt *turgentes* succi. Igitur aperto alicubi humoribus effugio, *orgasnum* abesse signum est, tempùsque illius vel elapsum esse, vel desideratum. Verùm enim verò quantumvis crepent omnes *orgasnum*, monente *Hippocrate*, rarus

est ; at quotidianus se dat & familiaris tumultus humorum , sic ut non incertus absentis *orgasmi* gnomon haberi possit, indigitans nullo morbi tempore adversari magis *purgationem* , quàm ubi humores tumultuantur ; tunc enim aliò quàm convenit vergentes humores , à suis *secretoriis* longiùs recedunt.

Observaveris iterùm ut morbos sic & *temperamenta* dari , sub quibus *orgasmi* vultu fucum facere solet humorum inquieties. Prioris sortis sunt *inflammatorii* affectus , ii maximè qui *universales* sunt, omnem aut occupantes corporis habitum , aut omnibus visceribus insultantes. Sic *variola* , *morbilli* , *febres scarlatinae* , tumultuantur adeò , tamque sævè debacchantur , ut doloribus qui *urgent* partes , *inflammationibus* quibus hæ *tument* , evacuationibus quibus *deturgent* , *orgasimum* repræsentent. Similiter vomituriennes intuendo arthriticos , dejicientes , sudantes , imminente pessimi illius mali procellâ ; videndo insuper quæ non impetat aut lacessat viscera morosus & difficilis ille morbus , quàmque pauca eorum sint à quibus abstineat , humoris furentis , *turgentis* vulgò imaginem conspiciere est. Attamen fraudem faciet eorum nemini , quibus nota erit



*orgasmi* facies, hæcque illius conditio. Præceptum est *orgasmus*, unâ die fluxus & velox, diebus autem plusquam unis, multis sæpè perseverat morborum ejusmodi tumultus.

Temperamenta inter falsis *orgasmi* imaginibus obnoxia, *melancholica* sunt; quò referes *spleniticos*, *atrabilarios*, *hypochondriacos*, *scorbuticos*, *studiosos*, *hystericas*. Horum enim omnium morbi ut *prothei-formes* sunt, variis quos produnt insultibus, umbras *orgasmi* pingunt. At umbras reverâ, ut enim in his hominibus teneræ sunt, crisparique faciles *nervosæ* partes, obvium fit cur orientibus morbis, quos facit *spasmodica diathesis*, mille surgant concussus viscerum agitatorii, quorum impulsu humores urgent maximè, minimè turgent.

Itaque *orgasmus* verus, legitimus ac genuinus *rara avis*, artis *sphinx* fortè erit, aut *corvus albus*, non inenarrata quidem res, sed invisâ ferè, de qua narrant multa, plurima interpretantur, innumera fingunt. Qui illi fidunt magis, inter rara artis reponunt. At eò majori pretio habendum, quòd cùm in eum medicus inciderit, celerius, suoque, ut aiunt, *in ovo* morbum præfocet. Ex ad-

verso qui *orgasmo* diffidunt, fabulæ tinnabulum de illo fermè suspicarentur, jussu omnium, at neminis ausu alligandum. Reipsâ ut ut fuerit ritè definitus *orgasmus*, illius præoccupandi consilium, tam arduum est & periculosum, ut aut laudabili careat exitu, aut miserabili cadat; adeò illo uti tardum est, abuti promptum. Patet abusus, cùm eorum morborum plurimi, quos *orgasmo*, damnare moris est, *orgasmo* subjaceant omnium minimè. Sic ex *malignis febribus*, quas *orgasmi* prætextu purgantibus cruciant, plures numerabis, sub quibus sanguis emissus venis albo glutine obducitur; non paucas ubi purpureus ac rutilans exit, vix ullas quæ nervis non insultent. Sed hinc intelliges morbidum succum, suis excidisse *secretoriis*, in quibus unis turgere potuisset, tùmque vel ad sanguinis, *lymphæ*que vasa, vel ad nervos transvolasse.

*Orgasmo* tam parùm convenit cum incoctilibus succis, seu iis quos vocant *concoctionis incapaces*; quibus *orgasmi* prætextu *catharsin* adhibere, incoctilium humorum situs & ingenia, *orgasmi*que naturam nescire est. Ideò concoqui tardant humores, quòd tumultuariis & præposteris *occillationibus* dissipati, pro-

cùl à suis *secretoriis*, ad *nervos* aut *lymphatica* evagentur. Atqui intrà *secretoria* continetur, seque gerit *orgasmus*, hic ergò incoctilibus non competit. Ergòne in nullos cadet? Vix in ullos eorum quibus vulgò adjudicatur. Imò vix prototypum delineaveris, ad cujus normam purgandæ turgentis materiæ leges describas.

Gnoma est medicinæ parentis, cujus qui genuini sunt, norunt usum, non definiunt, utpotè cùm medicæ sapientiæ sit, plura exequi, eloqui pauca; peritia est enim quam format usus, philosophia obscurat. Verbo, methodo continetur medicæ artis arcanum, methodo autem quæ à præceptis minùs, quàm ab ingenio venit. Quod ingenium medicinalis illa est sagacitas, quam in futuro medico requirit *Hippocrates*, quam artis adepto sentire in promptu est, describere impossibile.

Interim, ne in necessariis deficere videamur, hùc se sistat corpus eusarum, habitudinis *athletica*, sic ad summum progressa, ut in melius proficere nequeat: sub hoc statu floret facies, genæ rubent, nitent oculi, lacerti vigent, robustum pectus est, firma latera, tantæque carniū & succorum adest moles,



256 DE PURGANDA MEDICINA  
ut gemat sub pondere cymba. Talem hominem onustum pinguedine, & sanitate saturum fortis apoplexia prehendet, tunc *fluidorum* circuitum fisti cogitabis stagnantes proinde suis in vasis liquores. Interea mollis micat pulsus, qui tenoris sui ac ordinis tenax est; à plethorâ enim *apoplexia* narratur, quid inde? Humores suas servando directiones, solita versùs secretoria urgentur, turgentem ecce habes materiam, succos nempe omnes à corde impulsos, quos inter eminet nutritius succus, cum intrâ sanguifera vasa retentus, sanguinem cute pelliceâ vestiat. Insuper mole suâ sanguini pondus addens, quale aquis additæ trabes, impetuosius illum unâ cum suis satellitibus succis adigi cogit. Inde tumentia vasa rumpi periclitantur, quod ut prævertatur, *talem habitum solvi inenunciant* jubet *Hippocrates*, turget enim materia quam *primâ die* vacuandam ille decrevit. Cæterum ex *ungue leonem*, pingui sub hoc penicillo, pingues *orgasmi* umbras inspicere datur, at quæ cruda restant & indigesta, ad purum excoquent recoquenda studia.

## CAPUT XXI.

*De purgationis tempore & loco, an illa sit nascituris morbis accommodata, nascentibus utilis, natis indulgenda, denascentibus necessaria?*

**T**EMPUS purgandi fuit evacuandi consilium, quandiu videlicet in humorum exterminium natum esse purgans creditum est. Hanc opinionem castigat altera de redigendis occillationibus solidorum, fluidorumque restituendis directionibus, qua stabilitate purgationis tempus est, fluida inter & solida ordinis restituendi locus. Indè, nec immerito, subodorari licet, quas invitare strages, quantave invehere mala periclitentur illae purgationes, quae praecavendis morbis adhibentur; quam enim periculosè instituitur eò revocandi ordinis consilium, ubi perseverat adhuc rerum series. At corporis œconomiae hic status eorum est, qui propitiandis minitantibus morbis, praemissa purgatione libare solent; saltem neuter est, ut loqui amant, ille co-

258 DE PURGANDA MEDICINA  
rum status, dubius id est aut anceps,  
quo velut in bivio posita sanitas cespitat  
aut hæret. *Æquilibratam* rem cogita-  
bis, ab *æquilibrii* puncto recedere pro-  
nam; hâc sub positurâ momentum ad-  
dere, *æquilibrium* violare est. At in corpo-  
ris œconomiâ, quæ harmonia est, su-  
perpondii potentiam vincit stimulatio-  
nis vis, *fluidis* enim ad stimulum lo-  
cum concurrentibus, horum cùm *solidis*  
*æquabilitatem* decrescere necessum est:  
Indè *purgationum* illarum discrimina,  
quibus morbos prævertere anxii fata-  
gunt. Suam hanc diligentiam indulgeri  
volunt, utpotè ressecandis in dies pullu-  
lantibus succis necessariam, licet minùs  
exuperando mole, quàm ab orbitâ cir-  
cuitûs delirando liquores, morbos ex-  
suscitent. Sed indè spei parùm, multùm  
periculi ab ejusmodi evacuatione redit,  
cùm corruptelarum aliquantùm exone-  
rationem, corporis rerum horrenda  
perturbatio rependat; quod incurrere  
est aut accelerare malum, quod elabi  
aut evitare cordi fuerat. Imò verò me-  
dendi facinus erit, quod cassum sæpiùs  
evadet; nam purgationibus præludendo  
morbis, operam ludere est, sub morbis  
nascentibus eas aggrediendo sanguinis  
corruptelas, quæ desinentibus tantùm  
iis succedunt.



Hic igitur industriâ opus est, circumstantiarum nempe delectu, ne morbi illius loco quem prævenire consilium est, alter invitetur. Hoc omen ut avertas, memineris in prævertendis morbis purgationis operâ, id eligere tempus quo adjuvantem habeas naturam & in tua vota festinantem. Tempus illud erit, cum ex constante functionum integritate senseris, firmum adhuc tueri se, nedum titubare, *directionum* ordinem tum purgans adhibere ipsismet naturæ motibus calcar addere est. Secus, si hunc purgationi dederis locum, qui vel recrudescens, vel resurgens ægritudinis tempus erit. Tunc enim fatifcente aut cedente naturâ, *solidorum* *occillationes* perverti, *fluidorumque* *directiones* deflectere suspicio est. Sub hoc statu naturæ cespitantis, cum mutari incipiunt ac nutare humorum *determinationes*, purgantis addere stimulos, in præceptum ire est, & in declivia ferri. Quod ergo vulgi erratum est, in præcavendo morbo cavebis, à purgatione temperando eo tempore quo malum moveri incipit aut caput erigere, aliàs irritæ aut infastæ purgationis senties piaculum. Quasi enim inopinantes & inconscios aggredi juvaret eos humores quos prævertere

volueris, hos moveri incipientes, purgando contingere sacrum erit. *Causarius*, *arthriticus*, *scorbuticus*, *asthmaticus*, *tibidus*, &c. anxietates, tædia, tacitos dolores aut obscuros, similésque malorum anteambulones perſentiscit? Purgationi manum admoveere abſtinet; diætæ, diluentibus, otio te traditurus, uſque dùm pacatæ nascentes turbæ, *fluidis* & *solidis* ſuas reddi *directiones* ſpondeant. Cautionis iſtiusmodi ſpecimen offert *purgationis* uſus in prævertendis febrium paroxyſmis, quos cohibuit *cortex peruvianus*, qui ſic cavendus eſt, ut ni ſeptimanis aliquot à ſopitâ febre diſſita ſit purgatio, ſuppreſſos paroxyſmos certè revocaverit.

Interim quælibet ſelegeris momenta firmandis proſperandiſve ejuſmodi purgationum ſucceſſibus, in tantùm morbos non prævenient, ut exſuſcitant magis, ſi poſthabitâ morborum naturâ, indifcriminatim morbis quibuſlibet purgando anteire ſatagis. Ex morbis alii *ſpaſmodici* ſunt, alii *humorales*, ab *humorum* aut *ſpirituum*, ut aiunt, culpâ nati. Prioris ordinis ſunt *melancholici*, *hypochondriaci*, *hysterici*; poſterioris *catharrhoſi*, *apoplectici*, *arthritici* affectus. Illi ad *ſolida*, hi ad *fluida* pertinent magis. Prio-

res pariunt non *spirituum ataxia*, non *explosiones*, ridicula illa *effervescentiarum* simulacra quibus nuncium sempiternum dixit mechanices doctrina. At facit violata partium structura, aut vitiatum *elaterium*; quibus *catharsin* adhibere, crabrones irritare est. *Humorales* suscitatur aucta nimium sanguinis moles. Nam facta vasa eâ succorum copiâ, cui expediendæ impar fuerit *transpiratio*, cummulata tandem *tritui* resistunt, adeo ut inde repagulum, vasorum parietibus non subigendum exurgat. Tanto obice stimulatum vasorum *elaterium* eluctando insurgit & irascitur; interim cum à succis aggestis, *tritumque* renuentibus ponuntur horum morborum initia, his deterendis apta veniet *purgatio*.

Tam cauta hæc erit quæ prævertendis morbis adhibebitur, circumspectior adhuc quæ indulgebatur morborum initiis; dempto enim *orgasmi casu*, qui infrequens admodum est, suspiciosa tunc erit. Enim verò ideò ad *purgationem* curritur, quod, ut aiunt, humor sit tam desperatæ cruditatis, ut ad concoctionem nusquam pertingere possit. Eâ de re ad hujus expulsionem illicò properant, ne cuniculos agendo, aut viscus quoddam invadat malignè, aut confer-



tum opprimat. Tam falsa quàm damnosa isthæc assertio est, vera tamen observatio, quæ *catharsin* accelerandam jubet. In interpretatione peccatum est, insperabili concoctioni tribuendo, quod humoris conditioni, inclinationi, copię imputandum est. Ea non nunquam est copia succi morbidı, quem ineunte morbo natura domandum suscipit, ut par sit implendis simul locis, quæ sub sanitate occupare solet, & aliis quò insilit sub morbo. Indè fit ut plena sint simul *excretoria* vasa, & alia quæ ad oppositas partes eunt. Indè fit ut adhuc ejusdem humoris diversæ sint & oppositæ *directiones*; altera, quâ ad emissaria nativa seu *secretoria* vergit; altera, quâ ad alias partes rapitur. Hujus inordinationibus prodeunt *symptomata* quibus morbus viscera inquietat, illius serie & ductu contingunt naturæ nısus, aut conamina, morbidæ materiæ exterminationem molientis. Status ille *turgescentiæ*, si libet, titulo veniet; ut ut sit, *orgasmi* qui propriè talis sit, singulari conditione deficitur, quâ *orgasmm* intrâ unius diei, quæ morbi fortè primus est, limites coercet *Hippocrates*. Aliundè pluribus diebus perseverat, aliquot à morbi initio diebus purgandi copiam faciens. Veriùs

dixeris , aliquot à principio morbi dies transigendos esse docet humoris inquires, antequàm *purgatio* instituatur. Idem jubet duplicis humorum *directionis* ratio, quâ cum geminus contineatur impetus, ab acceleratâ citiùs purgatione metus esset, ne impulsî humores suum ad opposita viscera impetum sequantur, à suâ versùs *secretoria* declivitate aut *vergentiâ* deflectentes. Ea igitur mora morbo concedenda est, quâ fracto humorum impetui succedens purgatio, ad pronitatum aut *vergentiæ* loca devolvantur humores. Hic effectus est *diluentium*, *humectantium*, *laxantium*, *emollientium*, *diætæ* quoquè exquisitæ, quæ vasa inaniendo obsequi cogit; horum enim omnium operâ, potu, fotu, cibatu, laxatæ, titillatæque *excretoriorum* extremitates solvuntur, hiant, purgantique obsecundant. Equidem has internosse humorum posituras, situs, *tendencias* & pronitates artis summa est, eò tamen attingere datur illi, quem arti natura formaverit, aut observatio, quem penès erit sincera morborum historia, nativa symptomatum series, graphicæque descriptio; imprimis quem non fugerint morborum *desinentiæ*, modi nempe, dierum numeri, vacuationum ge-

264 DE PURGANDA MEDICINA  
nera quibus terminatur. Ita factus familiaris naturæ, ipsius assuescit moribus, ingenio, motibus, quos tandem unus operando reddere discit. Te v. g. docuerit usus, sub hoc vel illo morbo, hâc vel alterâ constitutione, hoc vel illo tempore venturas *apostasés*, quibus antequam consuevit alvi fluor, ad *purgationem* iter erit, eo tibi tempore locandam, quo bonis ægri rebus alvus solvi solet. *Apostasés* autem intellige partium hiatus, ab humorum impetu commissos aut violatas vasorum commissuras, nexus, conniventias; mixtos autem, coactos atque confusos liquorum exitus; tot præpostera recedentis ab *æquilibrio* circuituionis molimina.

Itaque etiam si purgationis morborum initiis adhibendæ argumento omni careretur, illius omittendæ non incerta lex erit; quotiès videlicet gravi *symptomate* laceffitum viscus aliquod conspexeris, utpotè cùm ejusmodi in partem singulari impetu conjicere liceat, *æquilibrium* nutare; quo tempore vacuationem moliri, ad partem affectam, irrumpique vicinam succos protrudere est. Sic *tussis*, *lateris dolor*, &c. à *purgationis* consilio removebunt. Imò verò ab eâ abstinere jubebunt *symptomata*, si de  
evacua-



A CURAR. SORDIB. Cap. XXI. 265  
evacuationum genere fuerint ; rupti  
enim *æquilibrii* signa erunt, jamque mu-  
tatas esse succorum *determinationes* : tunc  
autem moveri succos, eò devolvi illos  
necessum est, ubi minùs erit *resistentia* ;  
ad eas igitur partes quæ apertæ sunt &  
resolutæ. Porro in tam gravi, cujusmo-  
di *purgationis* est, negotio, *facti dimi-*  
*dium* habet, penès quem erit non fa-  
ciendi notitia.

Monendum tamen humores esse à  
circuitûs *æquabilitate* recedentes, qui  
non obstante impetu ad viscera factò,  
sequaces esse possunt & purgationi ob-  
sequentes : illos cogita qui *serosi*, *pitui-*  
*rosi* & *lymphatici* sunt, quique feruntur  
ad partes cœci exitûs, aut emissariorum  
exsortes. Succus sit *nutritius*, qui à san-  
guine abscedendo serpat ad nervos, *le-*  
*thargum*, *spasmodicò*que subsultus datu-  
rus ; hunc mollitum, ut decet, & ritè  
tractatum ad inferiora deturbat *purgatio*.  
Triplici autem de causâ. 1°. Ad loca  
ægrè pervia aut difficilis exitûs fertur.  
2°. *Lymphaticus* est, *intestinorum* succo  
congener. 3°. Coercetur vasis, *secreto-*  
*riorum* quæ in intestina hiant congene-  
ribus. Hæc autem vasa purgante velli-  
cata, generis ac ductûs societate cùm  
superioribus à quibus dependent juncta,  
M

266 DE PURGANDA MEDICINA  
hæc ad *excretionem* sollicitant. *Decapulan-*  
*di* modus est, quo ex superis ad infera  
liquores transeunt.

Infeliciùs cedit purgatio, si factus ad  
viscera humorum impetus, minùs sit à  
succo nutritio à sanguine segregato,  
suisque excepto vasis, quàm ab arie-  
tante totâ sanguinis massâ, succo nu-  
tritio, quem sinu suo volvit adhuc gra-  
vidâ. *Phlogoseos* casus sunt, sub quibus  
partes sanguine stagnatæ impediuntur,  
tuncque purgationi indulgere, malum  
consummare est. At observandum vis-  
cera esse, quæ sanguis non hoc vel illo  
sui succo, at totâ suâ mole impetere  
solet. Undè concludendum non ab hoc  
aut illo succo venire impetus, qui vis-  
cera illa laceffunt; proindèque istius-  
modi impetus ex iis non erunt qui *pur-*  
*gationi* obsequuntur. Verùm de illorum  
viscerum numero est *stomachus*, qui à  
sanguine uno pati consuevit, quidquid  
illi evenit mali. Saltem, quod hùc spec-  
tat, à sanguine nasci consueverunt *vo-*  
*mituritiones*, quibus laceffitur stomachus,  
cùm *menfibus*, & *hemorrhoidibus* moran-  
tibus aut suppressis incessabilis illi ve-  
niat vomendi cupido. Indè, quod vix  
apud vulgus inveniet fidem, à purgan-  
tibus finiuntur minùs quàm exacerban-

tur vomendi molimina, quæ sanguinis vacuatio magis quàm humorum evacuatio sedat. Ratio in promptu est, *excretoria* vasa sunt quæ à purgatione vellicantur, sanguiferis autem continentur qui impetunt succi. Deest ergò illa vasorum *rectitudo* purgationi necessaria, quâ stimulatae inferiores vasorum extremitates succos eliminandos continentes, à superioribus à quibus descendunt *consecutione* quâdam succos proli-  
ciant.

Ut ut sit, non sic accipienda *purgatio*, quæ morborum initiis conceditur, quasi *judicatoria* sit aut absolutoria. Eo animo instituenda erit, ut dùm servandis *directionibus* vacabit, ea succi mor-  
bidi portio identidem eliminetur, cui nativas *directionum* series retinere datum fuerit aut recuperare.

Indè venit quòd isthæc *purgatio*, sub statu morbi locum adhuc inveniat, toties iteranda, quoties humor medentis operâ suis redditus *directionibus*, purgationi prospera spondebit. Id autem usu venit maximè iis sub morbis, ubi licet non victrix, vincens tamen natura, non imperat quidem, sed moderatur. Hic ille est faustus *purgationis* successus, qui ludaculis fucum fecit; qui eventûs spe-




cie decepti, naturam quam obtemperantem invenêre, mancipatam opinati sunt : illius enim quod senserant obsequium, impotentia tribuentes, famulitium credidêre. Indè *crisum*, earumque appendicum *coctionum* nempe & dierum *judicatoriorum* dominos se dederunt & naturæ imperatores. At *nido*, ut aiunt, *maiores extendunt pennas*, imperium in naturam exaggerando perdunt ; hæc enim rogata dat ; coacta negat ; nihilominus tamen ea non est quæ duci recuset, at amat sui cultores ; quos inter cautos adjuvat, temnit audaces. Absit igitur, ut confessos hos præcocis purgationis eventus in exempla quotidiana trahas, imitamina erunt non præcepta ; decreta non consilia : artis sint semper aut industriæ opera, nusquam artificum facinora. Princeps enim medicinæ lex est, principisque medicinæ pronuntiatum, morborum initiis non adhibendam esse *purgationem*, quæ ut iis desinentibus in universum tutior, sic aptior est.

Reverâ cadente febre, sedatôque morbi tumultu, vasa detumescunt, ad suas *occillationes solida*, suas ad *directiones fluida* redeunt. Quid indè ? In aperto est ; fluente redditis liquoribus, horum

singuli suas series repetunt, resumunt ordines, *excretoria* subeunt; velutique solutis vasorum cataractis, succorum irrupit illuvies, partes mersura: tunc opportuna venit *purgatio*, quæ vasa stimulando, succorum *determinationes* adjuvat, corrivantésque undequaquè humores allecstat, evocat, exterminat.

Ita providetur, ne *post morbos relicta recidivas pariant*. Morbis enim superstites sunt humores, qui residues sunt, morantes, stagnati, aut hærentes. Residunt autem ubi elanguidâ aut deflectente *systalticâ* vi, molliùs, tardiùs aut præposterè micant alicubi vasa aut *occillant*. Hâc admîssâ culpâ, inæqualiter vasis aut visceribus redditis humoribus, horum stagnationes, aggestus, *apostasies* exsurgunt, obstructions, inflammationes abscedentia daturæ, quæ infaus-torum morborum postrema fors est: hanc avertit denascentibus adhibita *purgatio*, quæ vasa vellicando pungit, pungendo prolicit, proliciendo ducit, dirigit, determinat; *solida* ad *occillationes*, ad *directiones fluida*; utraque ad *depurationes*, *secretiones*, evacuationes; omnia ad sanitatem.



## CAPUT XXII.

*De accommodandâ purgatione variis morborum, temperierum, ætatum, sexuum, conditionum, regionum, & constitutionum differentiis, generibus & ingeniis.*

**P**ENDET purgationis felicitas à facilitate partium, flexibilitate, obsequio; tum à succorum ductilitate, fluxibilitate, situ, viciniâ, recessu; quorum omnium habito respectu, locanda venit *purgatio*, citiùs aut tardiùs, fortiùs, debiliùs, sæpiùs aut rariùs adhibenda. Igitur purgandi norma erit *solidorum* status, sitûsque *fluidorum*. Hæc ubi longiùs recesserint, hæserintque profundius; ubi illa fortiùs obstiterint, vigentia nimirum aut inobsequentia, purgationi parcetur. Enascente *acuto* morbo, utpotè cum derepentè oriatur, propè adhuc in januis est morbidus humor; undè octo circiter dierum numerus ei satis erit, quò ad ea, undè abreptus est, *secretoria* regrediatur; quæ temporis mensura, uti *coctionum* terminus obser-



vatur, ita *purgationis* tempus esse solet. Fortè ea fuerit vis *spasmi* morbidì humorè retrò pellentis, ut fulgurationis instar momento ad diffita feratur. Casus est febrium malignarum, sub quibus pernecitate tantâ moventur succi, ut à corporis *peripheriâ* undè remeant, ad arcana vasa, *nervos & glandulas* fulgurire videantur. Indè *cephalalgia* immanes, *leipothymia*, *comata*, *parotides*, *epiphora*, *ptyalismus*, *petechia*, *exanthemata*, *maculae* & alia id genus stagnatorum vasorum *capillarium* indicia, quæ malignas febres infestant. Reverâ his sub morbis *viginti* & ampliùs diebus *purgationis* opportunitati opus erit. Saltem norunt in hoc *pistrino versati*, quàm longâ morâ, dempto *orgasmi* casu, uti conveniat, ut *purgatio* succedat. Diversum concipies humoris morbidì situm, sub morbis *chronicis*. *Acutorum* ut plurimùm sunt appendices; à mixtis, confusis, implicitisque aut intricatis succis profectæ, succis proinde tam altè longèque cuneatis, ut ex iis ægritudinibus non paucas compererint artis curiosi, quibus *purgationem* vix accommodare detur. Exempla sunt *ascites*, *phthisis*, *scorbutus*, quibus *purgationem* adhibere, industriæ magis, quàm diligentiae opus erit, audaciæ minùs quàm consilii.

Ejusdem momenti est *temperamentorum* observanda varietas, quâ inconsultâ *purgationem* jubere, sapientiam exuere est. Præcipua sunt *temperamenta* quæ à sanguine, bile, pituitâ, melancholiâ designantur, quorum notiones, salvo etiam titulorum honore, si ut decet, licetque perpendantur, cautiones in *purgando* plusquam vulgares suggerunt. A sanguinis dominatu intelliges ubertatem succorum mollis texturæ, motûs facilis, æquabilis circuitûs, exquisitæ volubilitatis, perfectæ trituræ, qui cum in sanis puri maximè nati sunt, in ægris impurari minùs periclitantur; talium causâ exiguos *purgationum* sumptus facere, peritis usu venit. Non sic de bilis imperio statui solitum est, à bile enim sanguinem infectum fateri, *purgationi* annuere est. Interim *sulphuream*, *oleosam*, *flamigeram* esse *bilem* pronunciant, quæ sub morbis in succum acrem & *causticum* abit; *volatile* enim quo à naturâ imbuta fuerat, *fermentando*, ut aiunt, exuens, in acre *lixiviosum* exaltatur. Eâ de re *bilem*, à se suâque indole nativâ degenerem, *oleo* ignem passo comparant, adeò ut non secus ac à pingui mitique sapore desciscit *oleum*, quod ignem expertum est, sic à suo *volatili-oleoso* desciscens *bi-*

lis, quæ vim sensit morbidam, in acre *lixiviale*, *muriaticum* facessit. At purgationem, tam parùm fatuis humoribus inopportunam, dilaudare, purgatione erudiri minùs est, quàm infatuari.

Sequitur *melancholia*, succus ille sapientium calculo, rebellis & inobsequens, exorandus semper, nusquàm extorquendus. Terreus ut habetur, *salinus*, *fixus* & gravis, pondere quò inclinatur, ad inferas, quales alvinæ sunt sedes propendet. Ita quidem fortassis, si juris sui sic esset *melancholicus* humor, ut loco stans pondere premeret, aut mole gravitaret. At *fixus* est non tam gravitate molis, quàm molis situ aut positurâ. Cogita succum quo partes aluntur ex *salinarum* molecularum myriadibus conflatum, hinc liquorem tardum ac hærentem intelligis, illinc interjectos fibrillarum interstitiis salium aculeos, cuspidibus proindè hirta partium stamina, veriùs dixeris tot veluti cuneolis densari aut statuminari partium bases. Igitur obices sunt partium *systalticam* vim, aut *occillationes* morantes; quod idem est ac suo sibi esse repagulo; sui enim motûs authori impedimento esse, sui ipsius tarditatem accelerare est. Atqui hic ipse *solidorum* status, isthæc *fluidorum*



*rum* conditio, *melancholicis* tribuitur: qui hos alit humor, non *sanguineorum* est mollis succus; non *biliosorum oleosus*; at illius rore, hujus pinguedine defectus, macer est; falsus & asper; gravis & hærens. Gravis, inquam, nigricans enim & ater est *melancholicorum* sanguis, à compressis, compactisque *globulosis* ejus particulis, minùs indè factis volubilibus, aut in motum minùs pronis. Quàm fluxiles parùm sint & inobsequentes istius fortis humores, in aperto est. Eò autem inobsequentes magis, quòd fero, quod sanguinis vehiculum est, destituti, pandantur minùs, minùisque ductiles sint. Reverà *sputatores*, *tussiculosi*, *carrhosi* sunt, observante Hippocrate, *melancholici*, sed illinc saturum fero sanguinem cave credas, ab illius partium compressione & compacturà fit, ut *serum* expressum, à sanguine segregatum volvatur. Hic *Tantali* sitim intelligis; *melancholicorum* enim sanguis, fero merus, humore caret; ejus licèt inops, aquam egurgitat: à *soluto mixtionis vinculo* id *paradoxi* venit; indidem veniente *purgationis* adhibendæ *melancholicis* periculo.

Aliis adhuc patet incommodis *melancholicorum purgatio*; suæ sunt enim illius

fallaciæ, sic ut in illis interdum cassa fiat aut operatione vacua, interdum præpostera, vix aliquandò fida, aut mendantis consona consiliis; aliò, aut alios ab instituto adigens humores. In causâ est familiaris & consuetus *melancholicis* fibrarum *tonus*. Hæ *salino* spiritu afflatae rigent tantillum, *spasmi* vicinæ. Chordas fingito tibi paulò nimis tensas; dissonas audies si pulsantur; similiter *purgatione* stimulatae quæ jam præter naturam à *spasmo* nempè dejectæ erant partium fibrillæ, aliò quàm decebat succos asportabunt. Indè videas inter medendum, *purganti* exhibito, *urinas*, *sudores*, ipsum *sanguinem* succedere; aut humores, quos ad ima deturbare animus erat, ad supera ferri. In exempla veniunt *hysterica*, *scorbutici*, *melancholici*, *hypochondriaci*, quibus infauſta aut infesta est purgatio. Totiès fucum facit aut dolum!

*Pituita* superest, quam sic à naturâ comparatam crediderunt, ut purgationi lubens obsequeretur. Lubricus enim succus est, *lymphaticus*, volubilis, utpotè ex globulosis iisdem partibus quibus alba sanguinis portio, conflatus. Hoc litæ partes humescunt, tractabilésque factæ morem gerunt. Fatuum diceres succum,

saltem infusum, quem audaciùs aggredi datur; adde ignavum, aut inermem, salium spiculis destitutum quem in motum ciere audeas, sic morbis, quos *pituita* committit, paratum est effugium, scilicet in ejusmodi humore, qui à sedibus quas hostiliter invaserat ultroneus recedit.

At *pituita*, vox resque dolosa est. Hæc plerisque venit *seri* nomine, cujus specie decepti, *sero* æque ac *pituita purgationem* accommodant. Hic autem *pituita* titulo intelligitur *lymphæ* genus, aut succi alibilis, sanguinis partes diluentis, pandentis, adunantisve. Ut ab hujus succi sanguini æquabiliter admixti dominatu, nascitur sanguinis mollities, ab ejusdem exuperantiâ venit *pituitosi* titulus, qui succosum sonat. De *sero* non item, succus aqueus est, *salinus*, eliquatus, à sanguinis partium consortio segregatus. Id observabis in sanguine misso, quem densum ac pellicem tegit copia *seri* diffluentis ac segregati à substrato sanguine. Undè quantum mollitiei dat sanguini, quantum dulcedinis ei apportat & æquabilitatis *pituita* ubertas, tantum duritiei, falsedinis, & colliquationis in eo supponit *seri* copia. Porro quantum *purgationem* suadet san-



guinis mollities, tantumdem ab eâ dehortatur succorum *acrimonia*. Fucum fecit & dolum invecus in medicinam *chymia analogismus*. *Præcipitationibus secretiones* comparavere, *secretionumque numero vacuationes* addiderunt. Unde ad has aperiri viam *colliquatione* creditum est; quasi *seri* reliquamina ad *purgationem* monstrarent iter. At *expressionibus* similiore dixeris *excretiones*, totius rei succum, non succi portionem aliquam reddentibus; adeo ut quæ huic & alteri sanguinis circuitui superest *excernenda* pars, transactis iterum circuitibus aliquot trita magis ac comminuta in *secretiones* cessura sit. Quantum igitur *præcipitationi* servit *mixti solutio*; tantumdem *secretioni* adversatur *secernendi* succi *colliquatio*. *Secretio* enim effectio est *systaltica* virtutis succos adigentis, cui adactioni opus sunt maximè moles & impetus. At hunc frangi, alteramve decrescere intelligis in colliquescente succo, cujus partium vis ut unita minùs, imbecillior est, maximè cum inæqualiter mixta pellantur inæqualiter. Inde tantum metuunt artis magistri à purgaminibus *serosis*, vix unquam eorum calculo salutaribus futuris; hæc de causâ, quod *symptomatica* colliquationis ut plurimum,

vix aliquandò excernentis naturæ sint opus. Itaque *pituitosa* corpora & ad *purgationem* paratiora credideris, quæ *lymphâ* alibili turgidula erunt, *purgationem* ab iis arcendo quæ aqueis, falsis, serosis, eliquatis scatebunt.

Hinc admonemur quæ habenda ratio, qualisve faciendus delectus *purgationum* in curandis harum aut illarum ætatum morbis. Hic autem ætas, non ex annorum numero, neque ex *liquidorum* indole, sed ex *solidorum* conditione definienda est. Ætatis enim mensura hic est partium agilitas, aut virium potentia; quæ venit à molli partium *elaterio* seu *systalticâ* vi, quæ *solidis* propria est. At sub senectute, quæ *tabis* genus est, humore defectæ partes durescunt, & à suâ flexibilitate desciscentes, de *elaterio* perdunt. Unde ut contractionibus sic & *excretionibus* obeundis sunt impares. Sic constitutas admotis *purgantium* stimulis proritare ad contractiones, *phlogoses*, *spasmos* & *erethismum* excitare est. Inde à *purgatione* cavendum monet *Hippocrates*, in tabidis & ubi partes extenuatæ sunt. Posthac intelliges quantum in *purgandis* senibus cautus sis oportet aut parcus, nemo enim est qui tolerantius ferat purgandi cunctationes. Hinc usu

venit, eoque laudabili, ineunte mensâ purgare senes, ut à succosâ alimentorum parte, id mulciminis mutuetur *catharticum*, quod ex partium mollitudinis defectu periit.

Longè diversæ sunt habitudinis juvenum partes, eorum imprimis qui juniores sunt. Ut enim lactaria sunt ea omnia undè orti sunt & crescunt, lactea erunt partium emergentium stamina. Reverâ ipsa juvenum ossa primùm gelascentia sunt, *lymphâ* adhuc turgentibus vasis, muco, visco, pinguedine litis aut madentibus fibris, sic ut nihil nisi mollitudinem resipiscat juniorum corpus; re ipsâ infantibus feliciùs cedere *purgationem* proditum est. In hujus commodi partem veniunt, qui primam ætatem propiùs contingunt, vel qui non absimilem referunt partium temperiem. Hujus erunt censûs pingues aut obesuli, quorum succo turgidulæ carnes, sanguinis & succi nutritii indolem produnt, dulcem proindè & mollem, *purgationi* igitur accommodam; sic observante *Hippocrate*, qui crassos meliùs purgari solere tradit.

Adhuc aliundè venit juniorum corporibus *purgationis* bonum aut necessitas. Cogita ex ovo fœtûs exclusi cor-



pusculum, filarium esse seu glomerem ex innumeris simul & exilissimis tubulis sic compactum, ut à *granis* pauculis quæ embryonis pondus sunt, ad *libras* 100. & ampliùs in adultis dilatando se assurgat : tam enormi supplendæ moli, immensum materiæ pondus impendendum erit & dedolandum. Interim nemo facilè crediderit justam adeò fore & æquabilem *assimilandi* succi *anadosin* aut distributionem, ut non secùs ac in dedolandis rebus, plura non redundant superamenta, futuræ morborum materiaturæ. Hoc eò faciliùs credideris, quòd confertim magis infantibus alimenta ingerantur, eaque succosa nimis & crassiora, pultes intellige & panatellas, quibus, vice lactis materni, quod fatis fuisset, infantulos ingurgitant. Hâc ex culpâ proficiscuntur gemina succi nutritii diverticula ; affatim enim aggestus, qui sensim tantum & successivè pinxi, terique indiget ut corporetur, copiâ majori advenit, quàm ut adunari possit & *assimilari*. Indè deciduæ inutiles reliquiæ utilis materiæ noxia fiunt segmina, necessariæ futura purgationis pabula. Alter succi nutritii confertim advecti error est, ab hujus mole simul & impetu additis vasculo-

rum *directionibus* illata vis factaque per-  
versio tumens ille & fortiùs adactus  
succus, quos evolvere debuisset, invol-  
vit tubulos, violatísque *diametrorum* ca-  
pacitatibus, miscet quæ explicanda e-  
rant, hinc *glandula*, *struma*, *rachitis*, si-  
milésque partium *tumores* & perversio-  
nes, infantibus familiares; quibus aver-  
tendis aut expediendis opportuna venit  
*purgatio*: à practicis ideò commendata  
in infantium morbis, quòd ab *addephas-  
giâ* hos oriri confessum sit.



## CAPUT XXIII.

*Pergitur in aptandâ purgatione  
sexuum, conditionum, regio-  
num & constitutionum differen-  
tiis.*

**P**RONUNTIATUM est pituitosas esse  
fæminas, residibus, ignavis, & frigi-  
dis humoribus scatentes. Huic assertio-  
ni fidem fortè fecerit illud Hippocratis ;  
*femina ab aquâ incrementum accepit . . .*  
*Undè rara est & laxa ac veluti fluida . . .*  
*Cùmque rara sit & mollis humiditatem non*  
*remittit, undè pituitosas illas esse credi-*  
*derunt, unâque omnium voce receptum*  
*est. At hæc omnia ad tactum & visum,*  
*seu sensus. & speciem pertinere monue-*  
*rat sapientissimus ille naturæ magister,*  
*non ignarus abstrusorem esse fæminæ*  
*naturam, quàm ut obviæ rei, fatuæque*  
*aquæ aut pituitæ ingenio comparari fa-*  
*tis haberet. Nùm id injuriæ intulisset*  
*sexui imbelli, virorum iniquitas, qui fæ-*  
*minis undè tantùm sibi metuendum*  
*sentiebant, malignè invidentes, vindi-*  
*catâ sibi ignis naturâ, vilis aquæ indo-*



lem illis adjudicarunt? Mulieris naturam extenuare amantes, verentes definire. Reverâ de *naturâ muliebri* & morbis inquit Hippocrates, *istâ mihi dicenda sunt*, potissimum quidem in rebus humanis causam esse divinum numen, deinde mulierum naturas. An quòd numen magnam vim in homines habet, deinde *natura mulierum*. Ita sentit spectabilis admodum Hippocratis interpretes. Ast sexûs potentias aut astus exponere Hippocratis consilium tam parum fuit, ut totum illud naturæ muliebris *divinum*, de mulierum morbis exprimat ipse Hippocratis textus. Itaque *divinum* illud quod respiciunt mulierum morbi, in illorum morborum dolis, fraudibus, mutabilitate ac insidiis versatur. Ex illâ enim densâ malorum cohorte, quæ ex infensâ humano generi pyxide emerfit, ut lethaliora nulla, ita nulla maligniora aut dolo pleniora sunt quàm quæ à sexu prodeunt. Ideòne id infortunii contigerit mulieribus quòd *uterus*, *gravis calamitas*, *sexcentarum arumnarum author* sit? Suaderint varii ad omnigenas corporis partes facti ab utero insultus: cùm enim *uteri loco moti fuerint*, *ii aliàs aliò irruunt*. Cùm autem *qualibet occasio satis sit ad commovendos uteros*, *ad caput*, *ad præcordia*, *ad cor*, *ad stomachum*,

284 DE PURGANDA MEDICINA  
*ad hepar, ad coxam, ad lumbos, ad vesi-*  
*cam, indè pullulant multiplicia symptoma-*  
*ta, quæ morbos in hominibus simplices*  
*futuros, intricant, obscurant, miscent,*  
*impediunt in mulieribus; cùmque suus*  
*cuique symptomati assignetur humor, in*  
*mulierum morbis frequentandam esse*  
*purgationem evulgatum est. Hanc ini-*  
*quam purgationis interpretationem*  
*avertebat Hippocrates, submonens uteri*  
*affectus magnâ ex parte à flatibus ducere*  
*originem; à flatibus autem, qui materiæ*  
*aut humoris larvæ sunt & umbræ, quas*  
*purgantibus aggredi, aërem verberare*  
*est. Reverâ, non humores, sed sangui-*  
*nem æstuantem & flatulentum cumu-*  
*lando, morbos accersit uterus. Sanguis-*  
*ferum organum hic est, singulari &*  
*proprio circuitu donatum, qui univer-*  
*sali totius sanguinis circuitiois æquabi-*  
*litati consonare debet & consentire. Vi-*  
*scus enim est fæminarum corpori addi-*  
*titium, cujus vasa, quæ innumera sunt,*  
*ad circuitûs leges & consonantias, san-*  
*guis permeare debet; quasi corporis*  
*appendix est, ubi sanguis non minùs*  
*quàm in cæteris visceribus, ad libellam*  
*& æquilibrium præterfluere debet. Gra-*  
*vis calamitas! clamat Hippocrates de utero*  
*agens, inò discrimen hinc ingens, ac*

feminarium morborum ferax! In tantum ægritudinibus ansam præbens, in quantum succorum *æquilibrii* rationes, necessitates, occasiones multiplicat. Constet in virili corpore æquilibras in *cerebro*, *pulmonibus*, *hepate*, &c. Stabit sanitas, quæ ruet in feminâ à cujus utero aberit *æquilibrium*. Id autem calamitatis venturum totiès, quotiès violari contigerit, aut immutari, stringi id est aut dilatari plùs solito vasorum capacitates aut *diametros*. Quàm sæpissimè autem futurum id, portendit nervosa uteri, vasorùmque undè densè textitur compactura, quam si sexui iracundo non infrequenter, molli sæpè, tenero semper unitam cogitabis, vix eris capiendis ægritudinum sexûs causis, rationibus, occasionibus, periculis.

Imò verò missis animi *pathematis*, cordisque affectibus in quos faciles adeò sunt, sic à naturâ comparatæ videntur, ut suapte conditione, aut sexûs necessitate perdendo sanguinis circuitûs *æquilibrium* pateant. Puellarum ætas in fecernendis, excernendis, perennandisque *mensibus* tota occupatur, sic ut, si restiterint, substiterint, aut periodo defuerint, decolores, pallidæ, languentes, *hysterice*, flatuosæ, *hydropicæ*, degant. His gra-



viora succedent in nupturientibus ; inter-  
 rim si viro junguntur , altera cura : ma-  
 trimonii felicitas fit infelicitas sanitatis ;  
 à conceptu enim morantibus mensibus ,  
 graviditatis tædia emergunt ; tùm par-  
 tûs pericula , à *lochiis* retentis , suppressis ,  
 immodicis , vitiatis , verbo à sanguinis  
 inordinationibus nascitura. Verùm u-  
 trumlibet fecerint sibi vitæ genus , cœli-  
 bes fuerint aut nuptæ , utraque manet in-  
 eluctabilis mensium finitionis necessitas ,  
 ita ut in eadem mala à quibus mensium  
 accessu emerferunt , eorum recessu im-  
 mergi periclitentur. Indè consequitur  
 sanguinem esse , non humores , illúm-  
 que devium , deflectentem , & à trami-  
 te delirantem unde nascuntur mulierum  
 morbi. Reipsâ ejus insufficientiæ sunt  
 & inefficacitatis *purgantia* in sanandis  
 uteri morbis , ut hæc cassâ tunc tempo-  
 ris comperias aut periculosa : quæ causa  
 fuerit propter quam tam infrequentes  
 sunt curationum ejusmodi felices even-  
 tus. Sic virgunculam , defectam mensi-  
 bus , chlorosi pallentem , carnibus ex-  
 succam , flatu tumentem , marcentem  
 febre , fero madentem , ardore tabidam ,  
 morbo minùs quàm morborum satellitio  
 extingui vides ? In causâ est medi-  
 candi error ; minuendis humoribus das

operam, quæ in dirigendo, farciendo, & revocando sanguinis circuitu meliùs erat collocanda. Tam infelix est gravidarum curatio; in humorum enim saburrâ quæris vomituritionum, picæ, malaciæ, apositæ, intumesceniarum, lassitudinum, febrium, &c. causas, quas in sanguine retrogrado, stagnante, devio invenisses. At graviora nullibi senties purgationum delicta, quàm in parturientium & puerperarum affectibus; sanguinem enim, ubicunque humores evacuandos clamitant, evacuando, artis prodigia quæ pollicentur non promunt, experieris, eas eluctando quas experiuntur purgationum calamitates. Adventantibus senectæ tædiis addita sexûs incommoda vides, fæminarum perit faciei flos, languet appetitus, artus ingravescent, spiratio impeditur, anhelant, viribus franguntur, linquntur animo; ipsa mens ægrescit, aut mœstis territa, aut vanis lusa imaginibus; verbo *hysterica* fiunt, *melancholica*, *hypochondriaca*, expressa ex mœrore simulacra, quæ jucunditatis & gaudii dixisses spirantia signa. Tam fœdæ metamorphosi succos affingis tetros, degeneres, putridos, omnia conspurcantes; quibus exterminandis nullum non fingis purgandi genus, evacuatio-

nem vi aut arte invocando. Perditam sæpè, noxiam interdùm fles operam, & meritò, nam morbi causam nedùm afsecutus, sanguinem fugas, turbas, à circuitu dejicis; ampliùs quod rei caput est, partes exasperas, viscera torques, vasa stringis, sicque vasorum *diametros* minuis, vias obstruis; malorùmque causas, quæ vasorum *strictura* sunt multiplicas. Quas enim senescentibus fæminis ægritudines accersit partibus inusta labes, ulteriùs ne requiras, violatio est *systaltica* virtutis aut immutatio. Senium enim quid est? *Marasmus*, isque partium *nervosarum*, quæ cùm *spermatica* habeantur, seu sanguine defectæ, tabem primæ sentiunt. At hujus sortis sunt uteri stamina, quæ primùm proindè marcent aut arescunt. Indè depressa vasorum latera, connivent & arctantur, à suisque capacitatibus decidentia advectam sanguinis consuetam molem respuunt, quæ aliò *retropressa*, malorum quæ à retrogradis *mensibus* contingunt, dat origines. Hinc abscedentibus *mensibus* succedere *fluorem album* frequens est, purpureo enim rore viduatæ uteri partes, lympham plorant; nimirùm arescendo se contrahunt, quémque sanguinis loco altius imbiberunt & cumulatiùs, succum nutri-



nutritium exprimunt & eructant. Sed pulsus sic & ejectus ab utero sanguis, doloribus & malis corpus omne sternit. Ad *hepar*, *icteri*; ad *lienem*, *schirrhi*; ad *mammæ*, *carcinomatis*; ad *glandulas*, *strumarum*; ad *pulmones*, *asthmatis* & *tabis*; ad *nervos*, *spasmi* fomites & materiem vehit. Hanc *purgationibus* exhauriendam objicis? Tutiùs siccabit & meliùs, attemperata sic sanguinis moles, ut æquabilis veniat ad partes, & facilè circumagatur.

Ex abundanti de *lactantium* aut nutritum morbis audies, æquè noxiam iis esse purgationem; succi enim tunc eluxuriantes, à sanguine circuitui reddito resorbentur plenius quàm à purgantibus vacuentur, à quibus malè mulctati furiantur, disjiciuntur, cuneantur.

Aptanda quoquè purgatio variis vitæ, diætæ ac conditionis generibus; sic qui rura colunt ac laboribus se miscent, ut exercita sunt, firmatave labore eorum corpora, lacertosa sunt, tum ex succis *fixioribus* aut minùs *volatilibus* compactus sanguis, ut ignavior, sic ductilior est. In his habes, firmitatem in *solidis*, quæ succos validè excernant, obsequium in *fluidis*, quæ excerni patiantur. Interim admonet rusticorum & similiuna vitæ genus,

à *purgantibus* non rarò abhorreere eorum succos ; ita ut *alterantibus* meliùs quàm *evacuantibus* curentur. Quâ de re videas ruricolas , qui sani abstemii sunt , sanari vino , & reconvalescere ; fortè quia refocillari maximè indigent. Reverâ istiusmodi sunt eorum succi qui rarò exsuperent , aut superfluas sui dent aut linquant reliquias. *Olera* sunt , *legumina* , *fructus* , & *lactaria* , undè miseram , longævam tamen trahunt vitam , quæ eliquabilia , mollia , tritúque facilia sunt adeò , ut tota in *transpirationem* abeant. Disparia sunt edulia quæ finxit erudita luxu divitum gula , carnaria sunt enim , fibrata , ægrè discerpenda , tritu difficilia , superamentis ergò mille ac superfluitatibus obnoxia , dignis purgantium pabulis.

Purgationum facilitatem alit spondétque potulentorum consuetudo. Cùm enim nutritio *fluidorum* opus sit , potus utpotè *fluidus* maximè latè diffluens , & meabilis , communéque alituræ vehiculum , partium ductilitati confert non mediocriter ; ab eo enim habent *solida* undè flexibilia sint ; *fluida* , undè fluxibilia evadant. Eâ de causâ sub morbis observabis , alvum purgantibus obsurdescere aut exasperari iis , quibus fa-

miliare est inebriaminibus seu ignitis vinis indulgere. Hinc intelligitur quæ *regionum* habenda ratio in administrandis purgantibus. In summâ liberaliorem admittunt purgationem istius modi *regiones*, quæ *transpirationi* favent minùs. Cæterùm cave credas, parciolem esse *transpirationem*, ubi naturâ suâ frigidius cœlum est; *septentrionalium* corpora, ut firmiora sunt, aëris asperitate durata, tardatæ aut impeditæ *transpirationis* affectionibus patere minùs deprehenduntur. Interim purgationis necessitati aliundè obnoxii fiunt *septentrionales*, voraces sunt enim, eduliorum imprimis, vulgò crassiorum, at reverâ altilium maximè, illius nempe naturæ, ut ex his, cum trita subactave fuerunt, nulla retrimenta, feces saltèm quàm minimæ reduudent. Nihilominùs tamen, ex his intrâ corpus emergit sanguinis succosi, *lymphatici* seu pituitosi luxuries, istiusmodi nempe, quem purgationem suadere & invitare ostensum est. Hæc ad nostrates non adeò spectare nè credideris; ex his enim quæ de septentrionalibus hîc habes, profuturam hanc quibusvis terræ plagis purgandi regulam stabilire est: liberaliorem purgationem concedunt illæ *regiones*, ubi vegetior corporum *systaltica*



vis, nec cupediarum saporibus extremis, nec vinorum familiaritate, vel igniculis labefactata, succorum sed laudabilium exuperantiam parat, aggerit, cumulat. Adde, quæ ad has ideas conferant, locorum campestrium, nemorosorum, montanorum, palustrium incolatum, frugalitatis, sobrietatis, simplicitatis cultum, corporis exercitationum consuetudinem. Ex horum omnium defectu vel usu, inferre erit qualis futura *solidorum* textura, quale *fluidorum* ingenium, qualis utrorumque vis, conspiciatio, quæ tandem ad purgationem potentia,abilitas & aptitudo.

Nec te prætereat suum esse morbis ingenium; missâ enim nativâ quorundam *idiosyncrasiâ*, quâ universis *in genere*, vel his aut illis *in specie* purgantibus nonnulli repugnant; missis quibusdam morborum generibus, quæ parcissimum in purgando medicum postulant, de quorum numero sunt *inflammatorii, spasmodici, torminosi*. & *hemorrhœici* affectus; missis iterum quarundam partium morbis, quales *pulmonum* sunt, *renum* & *vesicæ*, turmatim identidem non secus ac sydera nova exoriuntur *epidemici* morbi, has vel illas infestantes regiones, qui primum sunt incertæ medicationis. Hi

quidem cum rapidè invadant, celerem postulant manum; quam celeritatem à purgationibus vulgus expectat, utpotè quæ hostilibus succis de repente exterminandis aptæ videantur. Ex his tamen sunt qui purgantia despiciunt aut reformidant, horum temnendo ictus aut timendo. Igitur suspensò gradu hîc progredi cauti est artificis, sic ut sapientiæ hîc lex una esset, ni aliundè medendi jubar affulgeret.

Hîc de *purgatione* lis est, quam *constitutionum epidemicarum* absolutoriam judicarunt. Hanc illi haud dubiè apud vulgus obtinuerunt fidem fausti eventus, quam illi derogari nolimus; notacula solùm ostendere consilium est, quibus indicibus *purgatio* opportuna adhibeatur.

Observabitur alterutrius culpâ, *solidorum* vel *fluidorum*, eruperit, crescat aut foveatur novus morbus, tùm alteruter prævaleat, illorum *spasmus*, vel horum tumultus. Conjecturam capies à *fluidorum* conditione, an à suâ mollitie, volubilitate, fluiditate desciverint; tùm à *solidorum* statu, an suas occillando retinuerint *directiones*. Hoc testabuntur *secretionum* ubertas, facilitas, periodi. Sic *alvum* non siccari, fluere *urinas*, spu-

294 DE PURGANDA MEDICINA  
ta exire, suis temporibus prodire men-  
ses, reëtriciis adhuc ac dominantis na-  
turæ signa sunt. *Fluidorum* seu humo-  
rum conditionem ostendet *lingua* facies;  
illorum ardorem, *acrimoniam*, *adustionem*  
aut *empyreuma* illius ficcitas, scabrities,  
asperitas: illorum temperiem, dulce-  
dinem, uvorem, illius humor, nitor,  
mollitudo. Lustrabis quoque *fluidorum*  
vestigia, pronitates, *inclinationes*, ri-  
mando quò ferantur, quòve vergant,  
an ad *convenientia loca*, & purgationi ac-  
commoda, an ad aliena, aut inopportu-  
na *purgationi*. Denique in concilium  
adhibebis morborum *communitates*, *rela-  
tiones*, similitudines, *analogias*, conten-  
dendo in eam mentis perspicacitatem,  
quam ex usu venaberis, disces exem-  
plo, studioque obtinebis & medicinali  
ingenio; quâ perspicacitate, ex *sympto-  
matum* certâ *syndrome*, meliùs, ex certo  
morbi & ægrotantis rerum conspectu,  
quem edocet erudita consuetudo, de  
*purgatione* augurantur artis magistri non  
infeliciter, sapientérque decernunt.





## CAPUT XXIV.

*De purgandi ratione & intentionibus in morbis particularibus.*

*Primum*

*in morbis cerebri.*

**A**D purgationis facilitatem faciunt & felicitatem, morbi sedium anfractus, recessus difficiles, remoti, flexuosi. Has difficultates humoribus imputabant *humorum* patroni, qui succos impactos altius existimantes, dissitos nimium, purgantiumve potentias eludentes, intractiles purgationi, aut invincibiles pronuntiarant. *Purgantibus cephalicis*, quæ omnia *phlegmagoga* sunt aut *drastica* nomen fecit & fidem isthuc cogitatum; cui fulcro fuit traditum *cerebro* munus: *frigidi & humidi metropolim* illud esse prodidit *Hippocrates*, quod *pituæ* sedem aut officinam esse interpretati sunt, nobilissimam corporis partem, in fæda feri colluviaria mutando. At in voce æquivocant, de succo ignobili, crudo & inutili exponentes, quod maturo & omnium mobilissimo competit. *Lympham*

296 DE PURGANDA MEDICINA  
dicito, quod *pituitam* vocitant, de cerebro verum narraveris. *Lympha* enim, succi nempe *nervosi* promptuarium est aut immissarium, quò confluit *lymphæ* nervorum omnis. Quid enim amabo tibi monstrat tota illa oculis indigesta cerebri moles? Pultaceam, mollem, humidam frigidamque substantiam? At imò in hâc nervorum omnium scaturigo est, fons ergò perennis & assiduus *lymphæ* nervorum, quâ madet tota atque mergitur. Ampliùs, in hâc habes tubulorum mille glomeramen, omnium animali futurorum motuum, affectionum, *sensationum*, cogitationum summam ac compendium. Tapetium *ichnographiam* cogita, mille filorum nodis inconditè, ut videtur, adumbratam, quæ ut ut confusa textorum inter digitos, in elegantes, mirabilèsq; imagines erumpit; rudem tenes cerebri confusæ molis notitiam. Ut enim illic conduntur emergentium imaginum lineamenta, hîc suo velut in ovo concipis, idearum omnium conditas à creatore materies & instrumenta. Milliaria nempe fibrarum mollium, flexibilium, ad omnes motiones, flexus, curvaturas, inclinationes, evibrationes comparata. His omnibus & singulis emotionum ge-

neribus ut fibræ promptè serviant & expeditè obsequantur, succo dulci, ductilique natate debuerunt & inebriari, quo ne unquàm carerent, copioso immergi curavit natura, ut levioribus titillationibus aut vellicationibus obsecundarent, eas acceptando *directiones*, sitúsque ac flexuras sumendo, ad quas inclinarentur. Igitur mollitiem illam, humiditatem, & frigiditatem, inconsultâ naturâ cerebro venisse ne credas; sic constitui, compingique necesse fuit eam corporis partem, quæ ut cera mollis, facilisque insculpi, totius animalis *œconomia* motuum & idearum cælaturis dicabatur; tenacem, ut rerum sigilla fervaret; ductilem, ut singula exprimendo, *phantasia*, menti, memoriæ redderet; merè tandem *passivam*, ut cælamini nulli repugnaret, omni ferviret injussa. Quid hæc, inquires, ad medendi artem? Certè ad emendandas aspernabiles (quibus fascinantur medentium mentes) cerebri morborum *ætiologias*, delendósque antiquatæ phyzices malè sanos conceptus. Cerebri enim affectus, mentísque hallucinationes, quæ a fœdâ *pituitæ* copiâ, committi evulgatum fuit, veras esse fibrarum cerebri perversiones & *ataxias*, vitiatásque illarum *direction-*



*nes, vibrationes, occillationes, &c.* revelat meliùs sic erudita *physiologia*. Cogitatus enim *imaginationis, sensationum*, aut motuum aberrationes sunt, quibus remediorum tormentis medeberis infeliciùs, quàm industriâ aut sagacitate.

Remediorum insidias hîc senties imprimis aut ludibria, si de *purgantium* numero fuerint, quorum quò uberiores erunt effectus, eò infensiora evadent; veras enim morborum causas non tangent, dùm eas quæ sanitatis sunt, in succo vel *lymphâ* nervorum sitas, deprædabuntur. Re verâ quò copiosiore *pituita*, (quæ *lymphâ* est, fomentum nervorum & nutricula) quantitatem evacuando obtinuerint, profusiùs eò prodegerint *vitalem* succum aut vitæ fontes siccaverint. Insuper animadvertere juvat, quàm ægrè ac tardè purgantium vim sentiat aut sequatur isthæc nervorum *lymphâ*. Hanc operandi difficultatem monstrat nervorum conditio; *arteriarum* (ut & *lymphatica vasa*) appendices sunt; additamenta aut productiones, funiculis similes solidis, non tubulatis aut alveatis, qui succos ab arteriis sibi venientes sorbent aut bibunt, non alveo proprio condunt aut complectuntur. Hînc consequitur, quantos in sanguine

moveris æstus, quibus nervorum *lympham* ad *secretoria* sanguinis prolicias & evoces; qualescunque ad nervorum confinia appellant sanguinis fluctus, filebunt; cæcis enim aut imperviis *solidis* impingendo *fluida*, vi cadent & impetû. In eliquandis ergò *pituitosis* cerebri humoribus, præterquamquod in deterrendis vitalibus succis operam ludere est, periculis ægrum, opprobriis artem est objicere.

Morbi enim cerebri, utpotè ad nervos pertinentes, *solidis* maximè proprii erunt, proindeque *purgationibus* subjecti minùs. Nam ut contrariorum similes sunt rationes, ab iisdem rerum modis exeunt, morborum & sanitatis causæ. A *solidorum*, quæ fibrillæ sunt, situ, directionibus, positurâ, affectionibus fovetur sanitas; eorundem inflexus, distorsiones, distractiones morbos dabunt. At quantum cum *fluidorum* exuperantiis, excessibus, vitiis, saporibus, convenit purgatio, tantum *solidorum* modis, aut *rationibus* alienatis repugnat; illa enim *purgationi* morem gerendo in evacuationem cedunt, hæc stimulata in *spasmodum* abeunt.

Id intereà donandum, gravissimis cerebri *symptomatis* auxilio præsentì esse

300 DE PURGANDA MEDICINA  
*purgationem. Sic lippitudine laborantem  
sponte fluens alvus juvat. Item quibus bi-  
liosæ dejectiones, superveniente surditate ces-  
sant; & quibus surditas, supervenientibus  
biliosis dejectionibus, cessat. Igitur alvi-  
nam regionem inter & cerebrum mu-  
tua dari commercia non obscurum est.  
Id rei evincit faustus interdum purgatio-  
num eventus, si tempore & loco præ-  
vertendis aut avertendis pessimis cere-  
bri symptomatis adhibeantur. Istiusmodi  
sunt soporosæ affectiones, lethargi, ten-  
dinum subsultus, quibus purgatione mede-  
ri docuit observatio. Non minùs con-  
fessa res est apoplexias, epilepsias, para-  
lyses catharticiis levare sanarive. Undè  
non temerè inferas cerebri morbis uti-  
lem esse, amicam & necessariam purga-  
tionem.*

Hæc ut confiteri decet, observare  
quoquè convenit, ex purgantibus effi-  
caciora, ex hisque *stibiata*, quæ stimulan-  
tia sunt, laudari in cerebri morbis &  
prosperare. Hoc autem temerè obser-  
vatum nemo crediderit, undè se prodit  
purgandi cerebri legitima ratio. Sur-  
gente morbo, insurgentibus & exsusci-  
tatis *solidorum potentiis, systole*, scilicet &  
*pressionibus, fluida* undequaque pulsa dis-  
jectave, eò maximè ferri, quò uberius



confluere naturâ consueverant, nemo est qui non intelligat. *Fluidorum* autem confluuium est cerebrum, quò nempè rapi solet succorum confluentia major. Indè conjicias omnium corporis partium posse luere pœnas cerebrum, quò videlicèt resiliunt, repulsam alicubi passi liquores. His autem deturbandis & ad infera revocandis servit purgatio, quæ stimulationis genus est, corporis centro concitata, in intestinis nempè, iisque partibus, quæ ut nervis maximè constrictæ sunt, sic cerebro, à quo nervi nascuntur, cohærent magis, atque consonant. Igitur cùm à morbi causâ cerebro metuitur, præmissis, artis ex consilio, quæ operationis felicitati præludere debent, catharticum miro veniet auxilio, hujus enim vellicatione veluti admonitæ fibræ, eum capiunt, induuntve *tenorem*, qui, venturo succorum impetui obsistat simul, ipsosque succos det præcipites. Ut decet enim stimulata fibræ, id *elaterii* acquirunt, quo tueantur se validiùs, efficaciùsque insilientes succos deturbent.

Sed hinc aliundè redit ægro utilitas, securitasque remedio. Millia punctis mille intrà intestina desinunt *excretoria* vasa, blandè sic conniventia, ut titilla-

302 DE PURGANDA MEDICINA  
ta facillè dehiscant. Tot parata putaveris humoribus effugia, quibus necessario elabantur. In propatulo enim est debacchantis ebullitione multi sedari iras atque tumultus, arte facto angusto dolii foramine; liquor enim ferociens, non secus ac potentia impetum faciens, eò rapitur spontè, ruitque ubi, aut apertior via est, aut resistantia minùs sentitur. Hinc quid accidere debeat succis, sub morbo concitatoribus factis, conijcere in promptu est, dehiscencia enim *excretoria* vasa, vellicatione nempe reſerata, tot exitus dant aut aperturas, quibus, diffatis vasis, ventilantur succi, *potentijs*que undequaque prementibus morem gerentes, eò feruntur ubi *resistentia* minor, patentèsque se dant exitus. Porro efficacius hanc evacuationis artem succedere necessum est, cum *cerebrum* versùs, seu ad *nervos* ruentes succi, eos autem arteriis quidem continuos, sed non tubulatos, in quos pleno aut facili alveo transfundi ament, aut decapulari, multum sentiant resistantiæ ex parte cerebri; dùm intestina tubulorum myriadibus, arteriis continuorum pertusa, effugiorum milliaria iis offerunt.

At indè colligas, quo studio, quæve

diligentiâ opus fuerit, in præparandis ad *purgationem* partibus, emolliendis id est intestinorum *fibris*, ac *secretoriorum* tubulis, quò purganti venturo, futuraeque stimulationi obsequantur. Hâc enim omisâ conditione, prolecti eò loci succi, ubi cæci fuerint, aut difficiles exitus, *moti non promovebuntur*, purgantisque puncturis discruciatæ partes aperiri indociles, tormina dabunt, cruciatus, *phlogoses*, intestinorum difficultates, *tenesmos*, tensivos abdominis tumores, flatuosas prominentias, spasmodicas tensiones, similésque miseras præproperæ aut infelicis *purgationis* appendices.

Hâc occasione observabis, quâm timidè usurpaveris *purgationem*, isthæc ubi præoccupaverint *symptomata*, argumenta non incerta, *phlogosi* partium aut *spasmodicâ diathesi*, occlusos *secretoriorum* exitus, compressâque sic eorum oscilla, ut licet stimulata quantumvis, coëant arctiùs, & hiare recusent. Nec aliundè, quod obiter monitum erit, repeti debet cassi aut miserabiles tot *purgationum* eventus.

Cæterùm ut hîc in tuto sit adhibenda purgatio; internoveris an à succis stagnantibus in cerebro foveantur, quæ urgent *symptomata*, an ab irrupentibus



succis nascantur. Si prius, loco ac sedibus fixi, stantésque succi, *purgationi* non obsequuntur, immotique vacuantis vim eludent. Si posterius, ut mobiles adhuc, remedii vi auscultando, morem gerent. Hinc intelligis purgationum miracula sub *acutis* morbis, si opportunè adhibeantur, à quibus surditates, sopores, deliria fugari illicò vides, eâ de causâ, quòd cùm ab evehentibus se ad cerebrum succis oriantur illa incommoda, ab his facillè adhuc deturban-dis sanescunt. Annè colligeres tutiorem ut feliciorem esse purgationem cerebri symptomatis sub *acutis* affectibus, quàm sub *chronicis*? Re ipsâ non adeò succedit sub *apoplexiâ*, *paralyfi*, *epilepsiâ*, *surditate*, *cœcitate*. Paradoxi hujus veritatem aperiet meditatus usus, qui *purgantia* ex consuetudine magis, quàm ratione his morbis vix sanabilibus adhibita ostendet. Verùm enim verò vix ex morbis ullos habeas purgationibus exercitos magis, dùm agrè nonnullos ex illis affectibus *purgatione* sanatos conspicias. Reverâ quâ fiet, ut remedium quod præsentiissimum fuerit, felici successu frequentiùs cadat? Rationem prodit succorum facta quies sub his morbis, qui à sanguine stagnato potiùs, nervo-

rum funiculos, partiúmque cerebri stamina inebriante ortum habent, quàm ab eodem ruente adhuc & in motum actó. Indè observabis nascentibus iis affectibus, aut eorum *paroxysmis* prosperare magis *purgantia*, quæ illis convescentibus adhibita, ægrorum ac vulgi pascunt meliùs animos, quàm morborum illorum causas depascuntur. An hìnc à purgatione abstinendum concludes sub his morbis? Imò huic indulgebis, modò intellexeris minuendis, deterendisque malorum istorum fomitibus eam deberi magis, quàm exhaustiendis, siccandisvè eorum causis. In dies enim accrescunt & aggeruntur succi, qui ad affectas ac debiles partes confluentes, augerent malum aut præcipitarent, quos appositè ressecabit purgatio; at altiùs hæret, & alteriùs ordinis est genuina causa, quæ commisit primò istos affectus, cui si purgatione unâ medeberis, *gladio ignem extinguēs*. Verbo morborum illorum agmen opportunè claudet purgatio, quæ his infaultè præludet.

Observationis illius veritatem aperit *purgationis* eventus, qui dùm in *sanandis tendinum subsultibus* felix esse solet sub *acutis morbis*, artuum tremores se-

306 DE PURGANDA MEDICINA  
nibus familiares nimium exasperat. Il-  
lic sanguis allidens & arietans, suis ad-  
huc vasis coercitus, purgantis incurfui,  
potentiæ ac *determinationi* subjacet ad-  
huc; hinc rorem pessimum, quo insuc-  
cati sunt, nervi eluctari assidue niten-  
tes, fortius *occillant*. Igitur sub illis ha-  
bes *fluidorum* vitium, quod emendare  
*purgatio* potis est; sub his *solidorum* affe-  
ctum, quem *purgatio* fovet aut auget.





## CAPUT XXV.

*De purgandi ratione & intentionibus, in morbis pectoris.*

ETIAM in morbis pectoris profusa facta est purgationum luxuries, ejus ejectitiorum seu excrementitiorum humorum prætextus causa fuit; suis enim ejectamentis, seu excrementis diffluere quoque pulmones opinati sunt. Reipsâ, inquiunt, excrementorum partis illius, quantitatem æstimare voles? Glandulas numera, plusquàm fœcundas, prodigas nempè serosi laticis origines. Hæc si pauca sunt, expirantis halitûs densissimam caliginem judicato, sputa, viscos, phlegmata, tot sinceræ difflati, expedientisque se sanguinis exuvias inspicito; lymphâ certè, seroque quod visceribus cæteris consuetum est, maderè non solum pulmones, ast iis prolui mergique necessum asseveraveris. Hæc cum ita se habeant in sanis, qualis & quanta non erit exoritura seri colluvies in ægris, cum sanitatis & morbi communes esse soleant causæ? Posthac ut ab unâ seri lu-

xurie repetendæ sunt pulmonum ægritudines, in expurgando *sero*, siccandâve *lymphâ* ponenda erit illarum medela. Hâc cantiunculâ canitur, hîsque nugis fidem meretur obvia cuique medicinæ illius facilitas. Ast hîc quoquè effectum cum causâ miscent, illóque unicè capti, hanc omisêre : nam quòd in pulmonibus *serum* aut *lymphâ* luxuriet, *solidorum* non *fluidorum* culpâ contingit, quam rem aperit, visceris hujus non meditata, sed conspectâ solùm natura, intellectâque functionis illius œconomia.

Pulmonem habeto saccum aut marsupium membranaceum ex lobulis seu locellis mille aut vesiculis compactum. *Nervum* textum videre videberis, arctari, dilatarique promptum, produci contrahique idoneum, *elasticum* proinde natum. Fibras adde *contractiles*, *compressiles* & *musculosas*, quibus singulæ illius *vesicula* donantur, nullam in corpore partem animadvertes substantiâ tam *elasticam*, tamve mole suâ *muscularem*, imò ne vel ullius umbram, quæ intrinsecus & sigillatim adeò *musculosa* sit & *contractilis*, cùm lobulus quilibet aut *vesicula*, *musculus* sit cavus & singularis.

Igitur hîc *musculum* habes pendulum, non simplicem sed compositum, tot ex

*musculis*, quot *vesiculis* adunatum; *compressilitatis*, aut compressionis organum, ingentis aut multiplicis potentiae, eò ingentioris, quòd à nullâ alternante aut oppositâ temperetur; forteàn, id alternationis officii expectabis ab *elaterio* vesicularum parietibus innato, quo depressi ultrò resilirent; at textus illorum parietum succis illis gravis, quibusurgent illi tubuli quibus constat, spontaneæ *resilitioni* impedimento erit; at hîc *antagonistam* sufficit aër, cujus *compressiles* spiræ, vesicularum cavo cœrcitæ, contractos earum parietes, resiliendo dilatant. *Occillatorii* motûs genus est, quo sanguis totus pulmonem permeans, arte mirabili non minùs quàm efficaci tenuatur, comminuitur, *teritur*. Cogites enim ingentem vesicularum numerum, nec numerabiles, quibus texuntur vesiculæ, succorum tubulos, vix fingendo eris, quàm multi, quàm teretes sint tubuli, quàm exigua aut minima sint succorum pervadentium fila, quàm numerosæ eorum superficies. Verùm quàm tenues, quantùmve divisi jam erunt succi qui tot *superficies* induerint? Addito, sic jam tenuatos succos, vesicularum spiris mille, totidem spirarum aëris *compressilium* resilientibus icti-



310 DE PURGANDA MEDICINA  
bus verberari, incomprehensæ divisionis artem habes & exemplum.

Sed hæc, inquires, quid ad *seri* morbidæ propagationem? Exindè intelliges. In dividendis succis ea naturæ mens est, idve consilii, ut ad has vesiculas appellens sanguis diffletur; hoc est, id hîc operæ præstet, quod in cute aut corporis habitu. Utrobiquè *transpiratio* est insensibilis, utrinquè immensa. At ut quæ corporis *peripheriæ* est in *serum* seu *sudorem* abit, si fuerit in vitio; pariter in aqueum laticem degenerat inconspicuus pulmonum halitus, si vitium capiat. Porro ex *sudoris* copiâ, metieris sputorum quantitatem, illa enim immanis est, hæc enormis futura.

Aperit eadem *tritûs* ratio, quo pacto ex inconspicuo rore, mucosus fiat & corporeus succus. *Trituræ* defectus & immutatio est, ut enim perfectè comminutus succus spiritus & aura est, sic ruditer & malè subactus, latex erit, qui non halitûs specie rorabit, sed qui striarum formâ stillando sudabit. Posthâc computes tubulorum myriades quibus sudant interiores vesicularum parietes, milliaria oscillorum numerabis, quæ lympham aut gluten eructabunt.

Si interrogas undè *tritura* corrumpat-

tur, aut quæ sint causæ quæ tritum vint, ab iisdem id errati enasci audies, à quibus *solidorum systole* aut *occillationes* interturbantur. Vitæ functionum integritas, ordo est; qui ordo ab *occillationum* rythmo venit: perduto autem hoc rythmo aut labefactato, ruit sanitas. Igitur *occillatorii* pulmonis vesicularum motûs alienato modulo, sanguinis attenuatio, quæ illius finis & fructus est, impeditur. Deperdita enim semel illâ ictuum successivâ & æquali alternatione, quæ sensim verberando sanguinem intimè subit ac penetrat, inæqualis ac præceps oritur verberatio, quæ sanguinis corticem solum attingendo, succos in tantum non solvit, ut stipet magis ac denset. Jam verò objectis pulmonibus aëris inclementiæ, vocis contentionibus, ingluviei succorum, tot inter apertas, familiares & publicas, stimulationum, vellicationumve causas, in dies interturbari, confundi, misceri pulmonum *occillationes* miraberis minùs, quàm non dejici prorsus ac pessundari. Tàm exquisitè nerveum pulmonem commemora, confer crassioris aëris pondus, paludosi gravitatem, *sulphurei* malitiam, *salini* acrimoniam, quales *ataxias*, *spasmos*, *crispaturas* exorituras indè

non expectabis? Cogita vocis vim aut usum assiduè exercendum; memineris succorum exuperantiæ patere eò faciliùs vasa pulmonis, quò uberiores ac viciniùs à cordis embolo & fortiùs ejaculatam excipiunt sanguinis molem: posthàc stupeas, si licet, quòd à rythmo, & ordinatione suâ desciscere periclitentur pulmonum *occillationes*. Hinc autem quid non futurum incommodi? Ex sanguinis spissitudine lentor; ex lentore pondus, sicque sanguis *gravitate* premit, morâ stagnat, stagnando acet. Indè *tusses*, anhelationes, spirandi difficultates, *asthmata*, *palpitationes*, tot impediti sanguinis, stagnantis, arietantis, motumque urgentis argumenta; anxius hærens sanguis, eluctari nititur, suâque in motum conamina ingeminat? Febris accedit, verberatus nimium sanguis furit, effringit vasa, sputique formâ purpureâ, flavâ, nigricante erumpens, peripneumoniam committit. Nec est undè causeris *catarrhos*, fluxiones, & impluvia, quorum scaturigines in cerebro frustra quæsieris; quotquot pectus laceßunt *symptomata*, ea interpretabuntur facillimè, hinc *solidorum* hærens, præpostera aut inordinata *systole*; illinc *fluidorum stagnationes*, incursus, excursus,



lus, evagationes. Amplius, exindè deduces eorum *symptomatum* causas, quæ pulmonum *catarrhos* aut affectus portant vel comitantur; stagnantes enim succi intrà pulmones, locorum angustiiis expressi ad cerebrum refluant, gravitates, sopores, dolores, pulsationes daturi. Fortassis, stagnantem intrà cerebrum sanguinem, pectus versùs confluere uberius aut descendere, pulmonum affectus commissurum malueris? Perindè erit, cùm utrinque in culpâ primò erunt *solidorum occillationes*, undè mutatae *fluidorum directiones, determinationes*, incurSIONES pervertentur, nullum non symptomatis pessimi genus invecTura.

Hic non obscuram habes lentescentis sanguinis causam à pulmone pendentem, qui cùm vitæ, sic comminuendi sanguinis princeps organum est; quid autem, si lentoris omnis (undè *inflammationes*, morborumque maximam partem venire docet recentior ætas) causa haberetur? Reipsâ, tam solemnis, tam publica, tam necessaria pars est pulmo, ut lædendæ non minùs quàm juvandæ corporis œconomix apta nata videri possit: cùmque terendo sanguini, tenuandove ferviat, quidni eundem cogendo inspissandoque, incommodaret?

Suspicionis illius argumentum exhibet, pedum tumor, contumacioribus spirandi difficultatibus illicò succedens; indicio non incerto factâ sanguinis *systasi* in pulmonibus, hæere eum necessario in ultimis vasorum extremitatibus; verbo, sanguinis *stagnationem* intrâ pectus, fucorum *stagnationem*, per universum corpus importare. An signaculum evidentius à pulmonibus nasci principem circuitus sanguinis causam?

Hanc firmant conjecturam, vulgares & quotidianæ morborum *desinentiæ*. Quibuscunque *symptomatis* viscera urgeantur sub morbis, reconvalescentiæ vix abjicienda spes, quandiù firmum pectus à morbi vi se tuetur. Hinc videas *cerebrum* torpens, *lienem* schirrhosum, flammatum *jecur*, fastidientem *stomachum*, resoluta *intestina*, *uterum* obstructum, *renes* purulentos, labefactatam *vesicam*, quibuscum vita consistit; hâc unâ de causâ, quòd *palmones* facti recti perseverent. Cernere est *vomitiones* assiduas, perennes *diarrhœas*, *hemorrhagias* enormes, contumaces *febres*, immedicabiles *cachexias*, *chloroses* diuturnas; hystericos, melancholicos, *hypochondriacos*, nephriticos, ictericos, mille mortis generibus diutissimè vexatos, vitæ tamen superstites,

quandiù tusses, anhelationes, suspiria, palpitationes, asthmata, phthises non succedunt, non incertæ mortis prænuntiæ. Tandem lethalia inter morborum in cadaveribus stigmata, tam frequentia nulla sunt, quàm concretiones, *tubercula*, *lapides*, *coagula*, *polypi*: sunt quibus pulmones obstructi, distenti, indurati conspiciuntur; argumento, de vitâ tunc temporis tantùm conclamatum esse, cætera licet viscera mors invaserit, cùm ei pectoris pomœria attingere morbo inconcessum fuerit.

Ut ut sit à sanguinis stagnatione oriri pectoris morbos non levis conjectura est, quam stagnationem invexerit illius motor, *occillationum* culpâ, inordinatione, turbis ac tumultu natus. An cum his bene convenit purgantium usus? Sub his quidem affectibus moliendam venire alvum commendant artis sapientes, ast *diluentium*, *potulentorum*, *enematum* arte, quâ vellicata, laxatave intestina, succorum portionem ad pectus irruentem, ad inferiora detorqueant. At compactam aut hærentem pulmonibus materiam morbidam purgatione tentare, tam impossibile est, quàm à pulmonibus ad intestina describere vias, quibus ad alvum descendere queat. Igitur,



316 DE PURGANDA MEDICINA  
quod fida docuit observatio, fidissimâ  
memoriâ tenebitur, vesiculis pulmo-  
num aut bronchiis coercitos succos, uno  
ore, unâque sputi formâ educi posse.  
Hanc ob rem *asthmaticis* affectionibus,  
*humoralibus* dictis, *vomitória* utilia com-  
periuntur, si cætera consentiant. Sto-  
machum vacuando id afferre beneficii  
*vomitória* clamitant humorum patroni:  
ex glutinum copiâ, quæ è stomacho pro-  
dierint, remedii utilitatem pollicentes.  
Non sic *praxeos* medicæ meliùs eruditi;  
à remedii enim stimulatione, id operâ  
expectant, quâ *occillantes* fortiùs pul-  
mones, impactas materies extundunt.

Interim, ut id feliciter cadat, integros  
adhuc esse pulmones necessum est, *in-*  
*flammationis*, *atonie*, *tabis* exortes; his  
enim sub casibus vitiatâ aut perditâ par-  
tium pulmonis *systole*, à *vomitóriis* caven-  
dum, quæ labantes aut labefactatas par-  
tes exsuscitando otiantes sollicitabunt  
evacuationi impares, quâmq; præfo-  
cationem prævertendi consilium erat  
accelerabunt.

Hûc altera venit non omittenda admo-  
nitio. Ut à *phlegmone* maximam morbo-  
rum pectoris partem committi frequens  
est, è *spasmodicâ diatthesi* inferri alteram  
partem non rarum. Testes sunt quoti-

diani, tusses quassantes continuò, emolientes nihil, *asthmata sicca*, præfocationes *hystericarum*, *melancholicæ*, *hypochondriacæ*, quas à spasmo fieri in confesso est. Ast ordinis illius malorum numerum densat maximè arcana fibrarum pulmonis *crispatura*, aut *convulsiva* tensio, singulis & omnibus pulmonum affectibus sic familiaris, ut hujus exsortes vix unquam sint vel *inflammatorii* morbi, ipsæ videlicet *pleuritides*, *peripneumonia*; prætereundo *catarrhos ferinos*, qui plùs *ataxiæ* inferunt aut *acrimoniæ*, quàm educant humoris. Quòdque fidem ægrè inveniret, ni cogeret observatio, *phthises* ipsæ plurimæ à spasmo veniunt aut aluntur; præterquamquòd enim consuetum tam nihil quàm *chronicas* affectiones *hystericas*, *melancholicas*, *tussiculosas* in *phthises* desinere; *phthysicis* etiàm deplo-ratis, auxilium par nullum comperies, *opiatis* comparandum. Ipsa *asthmata*, cum etiàm maximè premunt, sero-trepante, diffluente saltèm universo corporis habitu, sic ut aquâ cumulari internam pectoris capacitatem fermè credideris, *opiatis* miraculi instar con-valescunt.

Hæc omnia ut vera sunt, à *spasmo* primum nasci sæpiùs pectoris morbos

318. DE PURGANDA MEDICINA  
inferendum, undè suos intrà canales  
compressi coercitíque succi hærent, &  
stagnant; quòd necessariò consequatur,  
facit tùm pulmonum situs & inclinatio,  
tùm vasorum, undè dependent positura  
ac dispositio.

Ad pulmones appellentia vasa, ut  
ingrediendo lata sunt, sic exeundo ar-  
ctissima, utpotè cùm paulò mox ab in-  
gressu in capillaria vascula oblitterentur,  
adeò ut quod in terris sunt *isthmi & pe-  
ninsula*, id in humano corpore pulmones,  
quò facilis patet ingressus, undè regres-  
sus est difficilis. Quod hìnc venit incom-  
modi, à vasorum descensu crescet; quasi  
enim metus naturæ fuisset, ne tardiùs  
pulmonum penetralia perfunderet san-  
guis, ea versùs illum tendere minùs per  
pendulas arterias, quàm prout curavit  
aut præcipitari. Tolerandum, si delapso  
per locorum planitiem ei currendum  
fuisset, at illicò & pulmonum pròfundo  
per venas sursùm ei emergendum est.  
Tali sub locorum situ, tardatâ, violatâ,  
impeditâ partium *systole*; vitiato fibra-  
rum *tono*, mutatis inversis, dejectis *oc-  
cillationibus*, *directionibus*, *determinationi-  
bus*, morari, hære, stagnare succos ne-  
cessè est. Eò autem citiùs, quòd eminùs  
à corde jaculato sanguini, id temporis



A CURAR. SORDIE. Cap. XXV. 319  
& spatii sit inconcessum, quò vasa eâ-  
dem depleantur celeritate, quâ cumu-  
lantur.


Equidem cumulata vasa, quasi de-  
hiscerent rimis, multis succis sudare co-  
guntur, quibus ne purgationes destina-  
veris admonet *secretiorum directio*. Ho-  
rum nomine intelliges *bronchia*, depluen-  
tibus succis substrata, sic disposita, ut  
fursùm *occillent*, os nempe versùs, nata  
proindè iis succis effugia, qui pulmoni-  
bus incommodarent. Eòdem collimabit  
pectori medentis opera, morbos suc-  
cos sic tractabit, ut illac fugari possint;  
attemperabitque eâ dexteritate & con-  
silio, non ut ad alvum, quò minimè  
tendunt, sed ad fauces quibus exspuendi  
à naturâ jubentur.

Altera est nota cuilibet observatio,  
nostrorum & priscorum temporum usu  
confirmata, edocens quàm parùm con-  
sona sit naturæ consiliis *purgatio*, in af-  
fectibus pulmonum. Ex sudoribus peti-  
tur, criticâ illâ & solemni evacuatione,  
consuetâ naturæ, quotiescunque domina-  
rerum facta hos solvit morbos. Dato  
enim hanc unam esse moribus illius con-  
gruam in judicandis illis affectibus,  
tantùm dissona venit *purgatio*, quantùm  
alvo malè convenit cùm corporis habi-  
tu.

Moris interea est, morborum pectoris curationem *purgatione* claudere? Moris equidem, at sicine necessarii, ut ab eo resilire nefas? Lepidum morem finito morbo adhibere medicinam! Nunquid non, post morbum medicum vocari? Revera impingere possunt in hoc purgandi genere, quos purgandi ritus ageret magis, quam ratio, suasos male nullum dari morbi genus, cui declinanti aut victo necessaria non debeatur purgatio. Enimvero, eam nunc pratermittendo corporum quorundam *idiosyncrasiam*, quibus torquendis non levandis *cathartica* nata sunt, morbi sunt quos una *alterantia* juvant, quos ad *purgantia* cogere, in perniciem conjicere est. Tales numerat non paucos usus, non tantum *chronicos* inter, cujusmodi erunt *hysterici*, *scorbutici*, & *convulsivi* omnes affectus; sed & inter *acutos*, quos à *solidorum spasmo* magis, quam à *fluidorum* corruptelâ, horum rursus copiâ minùs, quam malitiâ ali, conjecturam faciunt, dolor asiduus, tussis inanis, sicca alvus, rutilantes urinæ, vigilia pertinax, similiaque, undè stimulata magis *solida* intelligas, quam exuperare aut colliquescere *fluida*,

His fortè demptis, morborum curatio.

nes *purgatione* claudes. Sub morbis enim, accitis ad sedes affectas humoribus, periculum erit, ne perseverante eorum impetu, durantéque *determinatione* factâ, debiles à morbo relictas partes labefactent. Sic lassos à morbo pulmones, affluentes succos sorbere tandem metus erit, ni illorum *atonia* futuræ, purgandò tandem provideas, ut humorum eò pergentium adhuc fracto impetu, recentes à morbo partes ab imminentibus morbidis reliquiis vindicentur. Porro id officii à purgantibus sub morbi finem adhibitis expectare est, à quibus vellicata intestina humores ad se reinvitant, restitutâque succorum motûs æquabilitate, quæ sanitatis tessera est aut argumentum, ægrotans fit à recidivâ tutus.





## CAPUT XXVI.

*De purgandi ratione & intentionibus, in morbis abdominis.*

**A**BDOMEN, commune viscerum reconditorium, non huic vel alteri morbo, sed omnium, quas complectitur, partium affectibus obnoxium est. Interim cloacam esse, quò exportentur universi corporis ejectiones, dedocent partium illarum usus & functiones. In his meditaberis varios sanguinis vortices, qui ab eodem loco profecti eodem revertuntur, à corde enim evibrati ad cor remeant. Abdominis ergò viscera habeas, non secus ac *circulatoria vasa*, intrà quæ circumactus sanguis *circulatur, cohobatur* & ulteriùs tenuatur. *Tritura* ars est, quâ tubulorum & plurium, & longiorum parietibus allisus, multiplicium labyrinthis divisus, variorum angulis ac recessibus fractus, omnium *pressionibus, ictibus, oscillationibus* multoties verberatus, fluidior fiat, tenuior, teretior. Re ipsâ, *lien*, ignobile illud plebeculæ viscus, ex unis ferè arteriis conflatum, *secretorii* vasis aliundè expers,

A CURAR. SORDIB. Cap. XXVI. 323  
quid aliud innuit, quàm *digerendi, exal-*  
*tandi* & excoquendi sanguinis usum? Eò  
verisimiliùs quòd non sibi, at æmulo  
visceri, *jecori* nempè laborare videatur.  
Jàm mihi considera *jecoris* operam, quæ  
*bilis* effectio est, succi illius nobilis, ani-  
mabilis & animati. An sub his aliud tibi  
finges, quàm exquisitiorem succorum  
comminutionem faciendam?

Stomachus, *occillatorium* illud & agi-  
tatorium viscus, non absimilis est desti-  
nationis, *tritûs* organum princeps est,  
perennis aut assidui motûs capax: cùm-  
que *musculari* motui tam multùm inter-  
viat sanguinis appulsus, quàm copiosè,  
quàm assiduè illuc affluere eum oport-  
tebit, ut motum illum perennet? Ve-  
rùm in hoc uno non consistit sanguinis  
ad stomachum accessio, quia in unâ *iri-*  
*turâ* non consistit stomachi functio. Ca-  
pacitas quam corporis centro efformat,  
spatium præcipuum est, quò expirant  
interioris *transpirationis* halitus; verbo  
sit honos, internum infumibulum est,  
aut interioris fumi à sanguine exhalan-  
tis spiraculum; qualis igitur attenua-  
tionis fuerit capax illa pars, quæ quem  
excipit sanguinem in fumum extenuat?  
Ejusdem conditionis sunt *intestina stoma-*  
*cho* continua, cujus præterquamquòd

appendices sunt & colliquiæ, quibus excipiuntur quæ ex eo excidunt, spiraminibus internis, *stomachi* exemplo, al- laborant : quò loci mirabilem naturæ industriam mireris, quæ ut immenso *transpirationis* internæ proventui sufficiat, globosi spatii loco, quod immane fuisset, fistulam in longum plicis distinctam porrexit, quæ longitudine pensaret globi capacitatem, spirarúmque frequentia spatii minùs occuparet. Exindè venit altera formaturæ hujus opportunitas; declivis facta est isthæc fistula, ut halitus internos morari diutiùs non patiatur, hi enim aërii ut sunt & *elastici*, tumentes & rarefacti nimium, tormina sicca, distensiones, flatus, dolores perpetuos fovissent.

Manifestum quæ invexisset incommoda sanguis *sero* plùs satis dilutus ac diffluens ; ut enim quod levius est, utpotè mole sufficienti destitutum fursùm pelli recusat, ita gravamine convenienti defectus sanguis, prementium partium *systoli* elabens, renueret ad cor remeare. Huic incommodo à naturâ cautum est stabilitis duplicis generis visceribus, *renibus* ac *pancreate*. In his serosas sanguis ponens exuvias, id sibi facit corporis aut massæ, quæ revehentium partium



A CURAR. SORDIB. *Cap. XXVI.* 325  
ictuum impetum meliùs sentiat, versùs  
que cor exportet.

Ad abdomen pertinent *testes* in viris,  
ubi quantùm attenuationis sanguini ad-  
dant, evincit prodigiosa pubescentibus  
accedens immutatio, quæ ea est ut eos  
ab irremediabilibus morbis liberet, in-  
solitoque robore ditet.

At parilis est energiæ in feminis ute-  
rus qui *mensium* eruptione, arti cuivis &  
industriæ inobsequentes, & remediis  
furdas affectiones expedit. Igitur hoc  
quoque viscus, attenuandò sanguini fa-  
mulatur. Re ipsâ an evidentior aut  
conspicua magis tenuati maximè sangui-  
nis nota? Uteri munere fit aut operâ,  
quòd sanguis transmeandis venis aut ar-  
teriis unicè natus, *excretoria lymphatica*  
possit pervadere. In hoc enim positum  
est *mensium* elaborationis & eruptionis  
mysterium. Qui in gravidis asportandæ  
fœtui nutritiæ *lymphæ* ad uterum con-  
fluit sanguis, ab hoc officio vacans in  
virginibus harum damno cumlaretur.  
Nascituris hinc incommodis providit  
natura; loci angustiiis coërcitus sanguis,  
suos inibi iterat circuitus. Id autem ne-  
cessariò, has enim intrà loci angustias  
conclusus illorum vasorum numerus,  
qui tumentem in gravidis & extentum

prodigiosè uterum circumdare debet, numerosiores ac crebriores plicas formandas habet, quæ tot labyrinthorum loco erunt, qui in utero virginum sanguini pervadendi veniunt. Nùm alia *cohobandi* sanguinis solertior ars aut major? Interim ut hinc utero metuentum non fuisset mediocriter, hanc ipsam sanguinis comminutionem (quam *volatilisationem*, aut *spirituascentiam* dicerent) lucro apponit natura. Dùm se præter morem comminuit sanguis, hunc sumit commensum, hancve induit aptitudinem, quâ insuetos tubulorum *diametros* subire possit. Hi *diametri*, *excretoriorum* sunt *vasorum*, quæ arteriis continua sunt, & quæ turgentis tunc, catulientisque sanguinis effugio serviunt. Suspicionis hujus veritatem aperit, *lymphaticus* ille effluxus, qui *fluoris albi* nomine eas vexat virgines, quas malè, aut imperfectè, aut nullatenus purgant *meneses*; tùm quoquè lactea illa, ut vulgus habet, meliùs *lymphatica* evacuatio, quæ puerperarum *lochia* excipit. Cùm enim puerperarum & albarum in virginibus evacuationum communes sint exitiones, conjectura non levis est, eadem esse quæ has exportant vasa. Porro cùm *lymphatica excretoria* sint, quæ evacuandis lym-

phaticis succis destinantur, liquet eadem ipsa esse, quæ memoratis modò evacuationibus lacteis serviunt. Hanc firmant conjecturam medentium observationes. Iis conspiciere contingit in lactantibus, lactis loco sanguinem per papillas interdùm exire. Vident in mulierosis viris, desperandâ libidine abutentibus, seminis loco, sanguinem ipsum in gonorrhœis reddi. *Urina, lacrymarum, sudorum, sputorum* loco sanguinem prodire conspiciunt, indubitato argumento fieri posse, ut *excretoria lymphatica, & serosa, arteriis* suas mutuentur vices, vique aut arte à sanguine referari se concedant.

Hîc recognoscas sinceras viscerum abdominis functiones, exindè genuinas intellecturus morborum abdominis causas. Factâ majori, densiorive, à ciborum exuperantiâ, succorum in vasis tenuandorum copiâ, quantum indè accedit *fluidis* terendi difficultas, tantum à *solidis* decedit trituræ potentia. Coorto mœrore, quo tota mergitur vita, *solidorum*, quæ vasa sunt, *occillationes* languent ac tardantur, verberatúsque oscitanter & languidè præterfluens sanguis, segnescit, cespitat, lentescit. Auctâ spiraminum ( quæ partium abdominis cava



328 DE PURGANDA MEDICINA  
replent) copiâ, aut illorum plûs satis  
aucto *elatore*, compressi indè vasorum  
parietes & arctati, quantum de *capaci-*  
*tatibus* aut *diametris*, tantum de tritus vi  
perdunt. Huc non malè referes; calida-  
rum veteris medicinæ, intemperierum  
aut *cacopragia* notiones. Ut ut sit con-  
strictis, his & similibus casibus, vasis,  
lentor & spissitudo præterlabentibus suc-  
cis adveniant oportet; in quo tenes  
spissati & tardigradi sanguinis obviam  
& facilem causam. Hanc autem ardori;  
febri, siccitati conjunctam, sic ut dùm  
debilis in arietando fit *solidorum* vis, ni-  
su & luctamine quæ in *fluida* exercet,  
vibrationum ictus iteret, ægrotantique  
hos omnes afferat labores, qui febri vul-  
gò tribuuntur. Intereà illis ictibus sub-  
jecta diutiùs *fluida* densantur ac spissef-  
cunt, eâ de causâ, quòd quantum de  
motu *progressivo* amittit sanguis, tantum  
de intestino acquirat. Meliùs, tandiù  
dividi & tenuari recusat sanguis, quan-  
diù à circuitione cohibetur. Rationem  
exhibet *systaltici* vasorum motûs ratio.  
Vermicularis genus est, & spiralis mo-  
tûs *occillatio*, quâ vasorum spiræ *undu-*  
*lando*, succos quos prætervehunt, non  
ad perpendiculum sed obliquè verbe-  
rant. Sic pulsi obliquo ictu succi, illicò

fugiunt & elabuntur. Secùs erit, si tardescerent fiant occillationes, tùm enim contractis à *spasmodicâ diathesi* partium *oscillantium* fibris, annularius evadit aut spiralis minùs, *systalticus* vasorum motus, rectâque non obliquè, sed ad *perpendicularum* sanguinem ferit; undè rectis lineis aut recto libramento coactus, eodem figitur loco, iisdémque punctis tuus, diutiùs evadere aut elabi nescius densatur ac lentescit. Lentescens autem moratùsque sanguis in abdomine, stupendum quot malis & incommodis ansam præbeat. Cordis ictibus obsistendo, circuitionis legibus & æquabilitati inobsequens factus, *fluidorum* cùm *solidis* æquilibrium turbat; inæquali enim factâ visceribus succorum *anadosi* aut distributione, contingit, ut dùm viscus unum succis affluentibus cumulatur, suo fraudetur alterum demenso. Indè *phlogoses*, inflammationes, *obstructiones*, *scirrhi*, quæ tot sunt succorum remoræ, *ingurgitationes*, *stagnationes* à sanguine impedito, coërcito, cuneato. Undè concludere licet viscerum *obstructiones* & inspissationes succorum, ut desides & impeditos liquores arguere, sic sanguinis impetuosius insilientis esse sæpissimè effectiones.

Indè rationem elicies, cur in morbis tam crebrò vitium contrahat *lien*. Arteriis ut totus compingitur, indè mali labem suscipit, undè sanguis vitium capere consuevit. *Arteriae* sunt, quæ cùm *conicae* sint, *ingurgitari* periclitantur magis. Adde plùs illis à naturâ contigisse *systaltici* motûs, agitabiliores proindè eas esse, spasmóque obnoxias magis, utpotè nervosæ magis texturæ. Hoc dato, cogites à quâlibet ex prædictis causâ, *spasmodicè* affici abdominis partes, id vitii primùm & maximè persentiscent, quæ vasis nervosis magis contextæ sunt. Ejus sunt conditionis *arteriae*, ex quibus constare *lien* observatur, igitur morborum insultibus patere magis *lienem*, in propatulo est. Causâ non dissimili tot affectibus obnoxius est uterus in mulieribus. Uterus enim ut sanguini tenuando evacuandóve destinatur, innumeris arteriarum mæandris perfunditur. Coortis igitur animi pathematis, in quæ plùs satis propensior est sequior sexus, aut turbatâ quâvis aliâ ratione functionum œconomiâ, turbati sanguinis circuitûs pœnas luit primus.

Verùm cùm tota illa turbatio à deflectente sanguinis circuitu moveatur, & ad stagnationem & ingurgitationem de-



finant sanguis ab orbitâ delirantis pec-  
camina, *phlogosi*, *inflammationi*, dolori  
succedere tandem debere *scirrhus* & *tu-  
bercula*, nemo est qui non intelligat. In-  
terim ingurgitados succis tubulos, *lym-  
pham*, *serum*, pariliâque fœda liquamina  
eructare intelligitur, maximè cum quæ  
cumulatæ sunt succis arteriæ in glandu-  
las, ut aiunt, seu vasorum *excretorium* n  
glomeres desinant. Talibus ejectionis  
impluvium paratur in subjectis partibus,  
hisque ejectionis everrendis purgan-  
tia cumularunt, morbi effectum cum  
causâ miscentes. Quanto autem errore  
id in artem inductum sit, norunt apud  
quos est artis usus. Testatur aliundè in-  
fausta ejusmodi affectionum curatio, ex  
quo enim *lien*is affectus, qui ad *melan-  
cholicos*, *hypochondriacos*, *scorbuticos* refe-  
runtur, purgantibus *phlegmagogis*, *panchy-  
magogis*, torquere perrexerunt, illorum  
pars maxima, insanabilium albo des-  
cripta fuit.

Tam molli pedè fulta est purgatio, sto-  
machi & intestinorum, seu *primarum  
viarum*, ut loqui amant, fœdâ colluvie  
fundata. Quæ illorum cavo continen-  
tur sordes, aut stercoreæ sunt, intesti-  
nis propriæ, unis proindè clysmatis  
eluidæ; aut eliquamina mucosa, sero-

332 DE PURGANDA MEDICINA  
*sa, lymphatica, &c.* quæ intestinorum  
*glandule* plorant. Si hujus fortis, *excre-*  
*mentitii* succi *revera* sunt, verique mor-  
borum fomites, at non causæ; constri-  
ctionis enim *spasmodica*, quæ morbo  
originem fecit expressiones sunt. His  
quidem mederi quoque necesse est, sed  
punctum non omne tulisse, neque om-  
nem morbi mineram siccaste ille puta-  
verit, qui illis exhaustiendis apprimè  
studuerit. Nervorum *ataxias* sedavisse,  
partiùmque *tonum* restituisse oportuerit  
ac flexibilitatem, quo omisso, vacua-  
tionibus unis indulgere, sanguinem  
pauperare erit, ac morbum perennare.

Similis eorum error erit, qui *flatuum*  
causam, pituitæ tenaci, crudæ, viscosæ  
attribuentes, *phlegmagogis* ægros mise-  
rè cruciant. Secus illis res erit cum ægro-  
tantibus, qui *flatuum aetiology* melioris  
eruditi, *flatus* esse noverint aërem inter-  
num, *elasticum* nimis factum, seu interna  
spiramina, locorum calore rarefacta  
nimium, eorùmque angustis arctius  
coërcita, quæ *fulminantis pulveris* exem-  
plo, carceres suos & repagula effringe-  
re nituntur aut dilatare. Quæ cum vera  
sint, flatus aggredi purgantibus aëra ver-  
berare est.

Exindè inferas, quid insidiarum ubi-

quæ non struant *purgantia*, quæ sub ipsis abdominis affectibus tantum minantur? Adhuc tamen aliundè ingravescent hîc purgantium pericula. Demptis *hepate & pancreate*, cætera quæ abdominis sunt viscera, aut *excretoriorum* exfortia sunt, aut quæ nacta sunt *excretoria*, extrâ intestinorum pomœria derivantur. *Lien* cæcum viscus est, aut *excretorio* nulli pervium. Quæ *utero, renibus, vesicæ* data sunt emissaria, foràs & ultrâ corporis *peripheriam* exeunt. Hînc ad corporis centrum revocare velle degeneres succos, *laterem lavare* est; ad intractabiles enim vias, nusquàmque relegendas succos cogere est.

*Intestina* supersunt & *stomachus*, quæ cùm aptiores exitus habeant, feliciorem evacuantibus exitum spondent. Sic erit, si gravatus magis, quàm stimulat<sup>us</sup> *stomachus* vomitionem suadeat; si vitio suo non alieno laboret, si vomat, non vomituriat; si recens, non vetus sit morbus, utpotè cùm nullum fermè morbum ostendat medendi usus, cui repugnet aut noceat magis purgatio aut vomitio, quàm *chronicus* vomitus.

Itaquè feliciùs ut cedat *vomitoriorum* usus, assiduè tenendum hoc observabile dogma. Incipientibus morbis ea adhi-



334 DE PURGANDA MEDICINA  
bere tutius, quàm iis progredientibus  
aut *consistentibus*. Id commendare vulga-  
re est, sic efficiendo, ut aiunt, ne sta-  
bulantes in primis viis fordes, altiùs va-  
sa subeant; sed *crassâ minervâ* philoso-  
phari est, putidos enim, degeneres &  
crudos succos inconspicua *lacteorum* of-  
cilla subire posse, is sibi non finget, qui  
meminerit corruptos succos eo carere  
commenso, eâque defici aptitudine, quâ  
opus habent eliquati ac puriores succi,  
ut *lactea* pervadant. *Vomitiorum*, mor-  
borum initio, adhibendorum laus alia  
& ratio hæc est; tunc temporis ut *exal-*  
*tati* sunt minùs & evoluti morbidi succi,  
stomachum gravant potiùs quàm stimu-  
lant, à *phlogosique*, *spasmóve*, progre-  
diente morbo venturis, longiùs abest  
stomachus. Tùm ergò superstitè adhuc  
partium facilitate, succorum evacuatio-  
ni operam dare convenit, ne *diarrhœam*  
deinceps invehant. At non omittendum  
non aspernabile artis præceptum, quod  
explorare jubet viciniora viscera, hæc-  
que inter, *hepar*; utpotè cui siccato, ob-  
structo, calenti, inflammato, accepta  
referenda sit vomituritionum pars ma-  
xima. Investiganda quoque viscera re-  
motiora, malò quorum non infrequen-  
ter nascuntur *cardialgia*, *nausea*, vomi-

tiones. Hæc autem inter viscera numerabis *uterum, renes, pulmones, cerebrum*, non omissis intestinis, à cæcâ enim & veteri *enterocele* contumaces foveri vomituritiones quotidie observatur. Istiusmodi autem vomitionum, à dissitorum locorum vitiis profectarum causæ sunt *sympathia* atque consensus, quos satis exponunt fibrarum doctrinæ, nervorum distributiones, & *occillationum* consensiones. Ut ut sit, vomitoria jubere, ubi procul à stomacho semotæ sunt nausearum causæ, aut imperiti stoliditatem, aut periti solertiam arguet.

Non prætereundum dubii adhuc esse eventus purgationes in affectionibus *lienis*; qui cum emissaria non obtinuerit aut exitus in intestina, quos imbibit succos in tantum non dimittit acriter etiam provocatus, ut coercet eos magis. Reverâ melancholicos morbos *epicrasi* solum purgandos volebant artis principes; eosdem purgantibus exacerbari observant adhuc ætatis hujus medici.

A stomachi conditione, diversa fors est intestinorum in purgationis negotio; maturius vomitoria ille admittit, serius hæc purgantia, nascentibus enim *diarrhœis* ac *dysenteriis*, *cathartica* adhibere,

*currenti calcaria* addere est, *superpurgationique*, seu *hypercatharsi superpurgationem*; hujus enim & *alvi fluxus* pares sunt conceptus. Adde dissimiles esse stomachi & intestinorum inclinatus & posituras; hæc tota ad evacuationes per inferiora proclivia sunt; stomachus nonnisi coactus per superiora evacuatur; igitur quantum stomacho tolerabilis est vomitorii stimulus, tantum metuenda intestinis purgantium spicula, quæ tolerabilia quoque his futura erunt, ubi sedato suo fibrarum tumultu, stimulis alienis vellicari sustinebunt, ut quos sorbuere succos morbosos libenter dimittant. Hinc coctis tantum humoribus, id est inspissatis purgationem concedunt medendi magistri, isthæc enim humorum spissitudo admonet, factam hanc tumultuantibus antea partibus pacem, qua succis, suis colatoriis immorari diutius incoqui proinde concedant. Denique quod ultimò monendum venit, in abdominis morbis, sic attemperanda purgatio, ut aut excretoria viscerum affectorum à *spasmo* sat libera sint, quò purgantium vellicationibus obsecundent vel ut sic emollita, reserata & consentientia sint omnia infimi ventris secretoria, quò liquati purgantibus succi, à parti-



A CERAR. SORDIB. Cap. XXVII. 337  
bus affectis ad quas ferebantur, ad isthæc *excretoria* divertantur.

---

## CAPUT XXVII.

*De purgandi ratione & intentionibus, in morbis universalibus.*

**M**ORBOS universales dixeris, qui non has vel illas partes, non hanc vel illam corporis regionem, sed omnes occupant. De horum censu sunt *febres continuæ, intermittentes, benignæ, malignæ, lentæ, hæctica, &c.* universales adhuc tibi morbi erunt, qui totam corporis *peripheriam*, aut omnes *nervos*, aut omnes *musculos*, aut omnes *glandulas*, aut omnes *articulos* obsident. Sub his complecteris omnes *cutis affectus, variolas, morbillos, purpureas maculas, erysipelata, scabiem, &c.* *Rheumatismos* omnis generis, *nervales, serosos, inflammatorios; arthritides regulares, irregulares, erraticas, periodicas; strumas* quaslibet & affectus his congeneres aut *analogos*; non omis- sis *catarrhis* omnis speciei. Sub quibus omnibus, sigillatim lustrare *purgandi rationes & consilia*, ut immensæ operæ esset, sic nostri non est instituti. Suffe-

338 DE PURGANDA MEDICINA  
cerit universales expiscando illorum *etiologias*, *purgationis* intentiones commoda aut incommoda designando prælibare.

Hæc ut assequaris, rimaberis morbidorum succorum nidos, an vicini sint aut remoti, superficiales an profundi; quæ sanguinis pars peccet, *rubra* an *alba*; quibus hæreat vasis, *sanguiferis* seu *rubris* an *albis*; his autem, an *nervosis*, *excretoriis*, vel *lymphaticis*. Ex horum enim omnium anfractibus, distantibus, tramitibus, exituris, *purgantium* potentias, defectus, utilitates, aut pericula interpretaberis. Hæc ut menti aperta fiant, morborum ideas sub generali conspectu contrahi, & objici animo placet. Cujusvis fortis, classis, aut naturæ fuerint morbi, communem in radice originem habent. *Pressio*nis genus est, quæ omnes & singulos committit; vis nempè *solidorum* aucta, fortiórque factus illorum *elater*, qui succos, quos sub sanitate mollis & amica vis, pacatè & æquabiliter, per universum corpus circumagendo, distribuere debuisset, impetuosè & inæqualiter pellendo, adigit. Sub hoc tumultu, sùs dequè miscetur corporis œconomia, perit concentus, & harmonia. A circuitûs orbitâ delirans sanguis, quos suis quosque tubulis

distribuendos habebat succos, indiscriminatim trudit, sic ut qui intrà sanguiferorum limites coërceri debuissent, per venas reversuri, ad *excretoria* vasa, ad *lymphatica*, ad ipsos *nervos* evagentur. Hîc imaginem habes morborum non insinceram, usûique medendi perutilem atque consonam. Quandiù intrà vasorum sanguiferorum pomœria pergit succorum tumultus, *acutos* morbos concipere erit; illos si transcenderit limites, *excretorios tubulos & lymphaticos*, ipsos *nervos*, ultimâsve vasorum extremitates aut *glandulas* subiens & invadens, *chronicorum* affectuum, *glandulosorum*, *serosorum*, *hecticorum*, *colliquativorum*; *rhumatiformorum*, *arthritidum* ideas habes. Affectiones sunt, sub quibus transcendent, quos à naturâ habebant limites, succi, aliò quàm quò debuissent, irrepserunt. Adeò ut qui per *nares*, *palatum*, *pulmones*, *jecur*, *pancreas*, *intestina*, *renes*, *uterum*, imprimis per cœca cutis spiracula evacuari debuissent, à nâtivis tramitibus deviando mutant vices, mutuâsque *secreteria*, at suo malo misceant operas, succosque confusos & inconditos, mutatos invicem sibi tradant; sic ut, quas vides sub morbis partium *distillationes*, proprii rarò, alieni sæpè reatûs, plora-



340 DE PURGANDA MEDICINA  
tus fuerint & lacrymæ. Motuum aber-  
rationes sunt, quibus fit ut ille succus  
cui per illas partes circumeundo fluen-  
dum fuisset, per alias partes circumac-  
tus pellatur. Hæ autem succorum eva-  
gationes, albæ sunt imprimis sanguinis  
*partis*, quæ tota *transpirationi* debetur in  
sanis; hinc si dejecta fuerit, aberratio-  
num millibus ansa fit & occasio. Tunc  
enim intrâ sanguifera vasa refluens, pri-  
mum sanguinem illo glutine albo vestit,  
quod tam multos parit *inflammatorios*,  
affectus; aliàs cuniculos agens & unde-  
quaquè pressa ab arteriis, in ultimos  
partium, *glandularum, nervorum, tendi-*  
*num*, &c. recessus serpit, illos omnes ibi  
paritura contumaces affectus, qui has  
partes torquere solent, aut macerare.  
Quæ hinc ad *febrium* curam, per *cathar-*  
*sin* exponendam transferri possent, tra-  
dere, *eandem incudem* tundere esset, tam  
multis hunc usque enarratis, quæ ad fe-  
bres pertinent. De *cutis* affectibus quæ-  
dam delibare, consultius erit, quæ ul-  
teriori indagine eò magis opus habent,  
quòd ea quæ in vulgus spargitur de iis  
idea, corporis œconomix consentanea  
minus videatur.

*Scabies, psora, lepra*, quid sint aperit  
intellecta succi nutritii, qui *alba san-*

guinis *pars* est, *deviatio*. Singulares & monstruosos succos sub his morbis fingere cessabis, cogitando quid futurum de succo nutritio reside, oriante, ac suppresso intrà *excretoria vasa*, & *glandulas cutis*, capillamentorum ejusmodi vasorum appendices; lentescens acescit, pungit, vellicat, spissescensque *lymphæ* incrematae similis, quæ in lamellas concrevit, in *furfuracea* ejectamenta abit.

Eadem *lymphæ* nutritia quæ *excretoria vasa* pervadenda habebat, intrà sanguifera coërcita, furēnsque, *variolarum pustulas* parit. E' contrà sanguinis *rubra pars*, quæ intrà sanguifera condenda erat, in ultima cutis *excretoria* jaculata, alboris loco, rubore cutem suffundit, febres *morbillosas, scarlatinas, purpuratas* datura.

*Rheumatismos* vides dolore, tumore, inflammatione stipatos, intrà *musculorum* carnes insiliisse deviantes succos concludes; eos autem nutritios & chylofos, utpotè cū à medente malè tractati, *apostemata* dent aut abscedentia. contrarium ostendunt *rheumatismi* rubore, tumore, inflammatione incomitati, qui *nervales* sunt, oriundi ab ipsis *nervis* fibris, seu partium staminibus contractis, rigentibus & corrugatis, *lymphatico* rore

stagnato insuccatis; rore autem succi illius non corpore, prodente illud *rheumatismorum* nervalium *desinentiâ*, quibus partium affectarum inhabilitas ad motum, nunquam *apostema* succedit.

Si ab innato *inequali partium robore*, cæca adsit articulis partium debilitas, quæ deflectentes succos ad se invitet, illuc irrumper deflexus succus, *arthritides* omnigenas pariturus.

Ejusdem delirantis à circuitu succi ad *glandulas* facta excursio, in his si *excretoriis* defectæ sint, quales sunt *conglobata*, coërcitus durescit; undè *struma*, quæ in *ulcera* maligna dehiscunt, fortè quia stagnando succus acescendi spatium nanciscitur, aut potiùs cùm *vascula glandularum* rumpi contingit. Hæc enim ut exilissima nata sunt, succorum tumore ac turgescentiâ dilatata, tenuantur eò usque cùm crepent. Secùs adveniet, si *secretoriis* donatæ sint, quæ infiliuntur *glandula*; succum enim quem sorbent, exspuere iis dabitur, undè *scaturient* tot *distillationum*, *defluxionum*, *catarrhorum* origines, quæ aquâ, fero, mucò, has vel illas partes mergent. Tandem vile illud quoad speciem, serum, mucumque, ipsissimum succum nutritium esse adeò verum est, ut tandem



A CURAR. SORDIB. *Cap. XXVII.* 343  
hujus jacturâ agrotantes in *phthisim*, *talem*, aut *atrophiâ* miserè præcipitentur.

Cæterum est, undè repetere possis, ex his hûc illûc jaculatis adactisque succis, veteri & novæ medicinæ adeò jactatos morborum fomites, quasi hîc vel illûc nidularentur immoti humores, *catharsi* proindè debiti. At ut ut ad longinqua ferantur deviati illi succi, naturæ jugum nunquam sic exuunt, ut aut motûum abdicent commercia, aut egressi vasis circuitûs temnant leges. Quocumquè secedant, indè revehuntur ad cor. Sicque in his duobus posita est adventitia his succis conditio; circumaguntur enim tardiùs, & in partibus aut vasis sibi alienis; & lentescendo, partes quas præterfluunt gravant, lædunt, incommodant; in hîsque hospites & advenæ facti, locorum *diametris*, *elateri*, *oscillationibus* inassueti, *crasin* mutant; suâque exuendo naturam, peregrinam induunt.

Circuitûs ergò legibus obnoxii adhuc illi succi, iis maximè castigari indigent & curari artibus, quæ humoribus intrâ vasa coërcitis adhuc conveniunt. An cûm *catharsi* illæ convenient artes, penès illos judicium sit, quibus nota est cor-

poris œconomia. Re verâ in morbis interdum opus est, humores *catharsi* evocare vasis adhuc contentos, sed hæc majora sint oportet vasa, in quibus succos tutò agitare liceat; nec dissita nimis illa vasa esse debent, in quibus pulsi paulò fortiùs, non adacti cuneatîque videantur; tandem à nativis *directionibus* non adeò desciverint, ut *determinationum* suarum tenaces adhuc, nedum obliterati, *purgantium* monitionibus aut invitamentis penitus non obsurdescant.

Verum an ejusmodi conditionis erunt succi, qui *glandularum, nervorum, musculorum, articulorum* recessus occupant? Hic mihi considera, locorum distantias, vasorum immensè exporrectorum incomprehensas longitudes animo metire, intra hæc exilia capillamenta contentos succos incorporeos fermè concipies; *diametros* enim indefinitè arctatos dum opplent non interrupti, omnis corporaturæ ferè expertes ad glandulas adveniant necesse est. *Volatilisationis* modus est, corporis œconomiae familiaris; at quantum *purgationi* adversatur succorum *volatilisatio*, tantum ejusmodi tenuationem succorum *purgationi* repugnare, intelligere est. *Purgationi* obsistit adhuc non minùs succorum falsitudo aut

A CURAR. SORDIB. Cap. XXVII. 345  
acrimonia; at falsitudini proximi sunt  
maximè, tenuati immensè succi, qui  
succosâ sui parte sic spoliati *evehuntur* aut  
*exaltantur*. Enimverò licet naturâ suâ,  
*salibus* armati non sint succi corporis, *sal-*  
*ium* seminibus ac spiculis foeti sunt,  
quæ evoluta, ex inconspicuis conspicua  
sunt. Evolvuntur autem exquisitâ te-  
nuatione, quæ succi fluitantes partes co-  
gendo, & uniendo fortiùs efficit, ut quæ  
diffusa erant & natantia spicula coeant  
approximentur, densentur, sicque *falsi-*  
*tudinem* contrahant. Cum his convenire  
*purgationem*, certè non adeò obvium  
est.

Ad stimulationem, tanquàm ad ulti-  
mam purgantium potentiæ anchoram,  
frustrà confugere erit; *stimulantium* e-  
nim purgantium effectus, ut ab *elateris*  
integritate, & *directionum* perseveran-  
tiâ dependet, isthæc stimulatio eventu  
cadet in universalibus morbis; succi  
enim qui hos committunt, à suis *direc-*  
*tionibus* deflectendo, *ad cutim, glandulas,*  
&c. abrepti sunt. Adde, cùm exilissima  
nata sint illa vasa, ad quæ deviarunt  
succi sub *arthritide* v. g. strumis, &c. di-  
latari ea illicò nimium & in *atoniam*  
conjici, infirmiora proindè evadere,  
quàm ut excitatis in abdomine vellica-



346 DE PURGANDA MEDICINA  
tionibus concinant aut obsequantur. Sic  
introspectiunda se dant *purgationum* pe-  
ricula, sub affectibus *cutis, glandularum,*  
*articulorum,* &c. in quibus plenis buccis  
decantantur purgantia. Re verâ, indè  
est quòd *scabies*, ipsius artis medendi  
*scabies* evadat non infrequenter, ab ad-  
hibitis præposterè purgantibus. Eâdem  
culpâ insanabiles sæpè fiunt *herpetes*, le-  
thaléque aut ulceratum evadit *erysipelas*.  
Simili errore in *carcinomata struma, ar-*  
*thridines* in tormenta abeunt. Tandem  
facinore non dissimili *variolas* in *spha-*  
*celum, morbillos* in *phthisin*, in atram mor-  
tem mutant febris malignæ *purpuram*.  
Nihilominùs tamen succos ad habitum  
exilientes, catharsi revellere satagunt  
ad corporis centrum, idque artis confi-  
lio; verùm cùm id officii à circuitu  
expectandum veniat, quandoquidem  
succo intrâ vasa coërcito, ad cor re-  
deundum sit, ea usurpanda præsidia,  
quæ reditum sanguinis adjuvant. Hæc  
inter ut seligenda sunt quæ majora va-  
sa tùm deplent, tùm à repletione ar-  
cent; is jubendus vivendi ritus, ea su-  
menda remedia, quæ sanguinem à tu-  
more, ardore, tumultu præservent, ut  
ad inanitas majorum vasorum capaci-  
tates accurrant, redituri ex ultimis va-

A CŪRAR. SORDIB. *Cap. XXVII.* 347  
forum capillamentis succi, qui facta  
sibi spatia occupent. Id à *purgatione*  
expectas? *Aquam ex pumice.* Quin imò,  
inopportunè adhibitâ stimulatione, illis  
nempè locis ad quos evocari nequeunt  
succi diffiti longiùs, aut illis hærentes  
partibus elatere defectis qui tardantes  
succos acceleret, his reversuris obices  
posuisse est; constrictionem enim infer-  
re corporis centro, dum succorum far-  
turâ obstruuntur habitûs vasa, utrinque  
vias præcludere est. Id mali certò in-  
curretur, si (quod medicorum plebe-  
culæ consuetum est) *drasticorum*, *phleg-*  
*magogorum* ne malâ operâ, in *cutis & glan-*  
*dularum* morbis evacuationem sollici-  
tent, in quibus, si usquam, *lenientibus &*  
*eccoproticis* alvus movenda magis, quàm  
exasperanda. Hîc enim facienda purga-  
tio, *consecutionis* modus est, quâ pa-  
tentioribus factis & apertioribus abdo-  
minis viis, ad eas utpotè *resistentes* mi-  
nùs, confluunt ultrò, qui in habitu  
stagnant succi. Ut enim pressio est  
universalis, motus ille *systalticus* partium  
omnium, consequentia est aut necessitas  
ut illâc uberiùs & citiùs se conferant  
succi, ubi minùs erit resistantiæ. Unde  
exurgit princeps illa purgandi lex in  
ejusmodi affectibus: *eccoproticis* indulge-

348 DE PURGANDA MEDICINA  
re multum, à *drasticis* omninò abstinere.

Observabitur adhuc sua esse horum, ut & *acutorum* morborum, exacerbationum tempora, quæ ex *dolore*, *rubore*, *tensione*, *tumore*, *inflammatione* internoscens. Sub his casibus, cùm *spasmodica* intendatur fibrarum constrictio, evacuationem moliri, *surdo canere est*. In tantum obsecundant *stimulatæ* partes, in quantum incontentæ sunt; cùmque *spasmo* convulsæ sint partes, quas dolor angit, urit ardor, tumor premit, aut *phlegmone* tendit, ab his dimittendum esse nihil, pro comperto erit. Undè altera purgationis lex, purgandi tempus hîc esse, remissionis intervallum. Tertia lex venit, purgationem hîc usurpandam imprimis, *precautionis* causâ, quâ provideatur malorum incrementis. Vulgò putant id præsidii necessarium, quò primis viis, ut aiunt, everrendis consulatur; veriùs dicas, ut materiæ minùs asportetur ad partes affectas: derivatâ enim ad intestina succorum copiâ majori, horum quantitas minor laborantibus partibus accedet. Ultimum indè nec aspernabile commodum emergit, levatæ sic ægræ partes, paratiores sunt ad *topicorum* operationes, quæ dùm mino-



A CURAR. SORD. *Cap. XXVIII.* 349  
rem succorum molem tenuandam, li-  
quandamve offendunt, faciliùs subeunt,  
tenuant plenius, feliciùs deterunt, mi-  
nuunt, dissipant.

---

## CAPUT XXVIII.

*De purgandi ratione & intentioni-  
bus, in morbis qui ad chirur-  
giam spectant.*

**V**ULNERA facilè comparaveris &  
*apostemata* cum *acutis* morbis; cum  
*chronicis*, *ulcera*, *fistulas*, & *ossium* affec-  
tus. In vulneribus & *abscessibus* ubi *coc-*  
*tionem* expectant, *purgationem* cum *coc-*  
*tionem* modulantur. In *ulceribus*, *fistulis*,  
*ossium* affectibus, imprimis si contuma-  
ciora, maligniora, *dyssepulotica*ve fue-  
rint, ut incoctiles succi habentur, qui  
ejusmodi alunt ægritudines, posthabitâ  
*coctionis critica* spe, ut à purgatione ferè  
statim curationem auspiciantur, in eâ-  
dem sæpiùs repetitâ pergunt; rati non  
tam coquendam venire materiem, quæ  
affectas partes perditura esset, quàm in-  
trâ vasa siccandam, præfocandamve.  
Ad rem, ut videtur, si consiliis consen-

tiret eventus ; at quàm citò ac feliciter *vulneribus* , tam infeliciter ac serò *ulceribus* medentur. Difficiles & infaustas ejusmodi curationes refundere moris est , in *cacopragian* , viscerumque labem irremediabilem ; at cùm infeliciter cedere videas ejusmodi curationes , iis in corporibus , quæ vegetat florens ætas , quæ ornat vividus color , quæ vestit nitens cutis , quæ fovet integra viscera , aliundè inferenda venit curarum illarum infelicitas. Porro , à certâ & consuetâ curandi methodo resilire convenit , ubi fallax & infida esse consuevit ; mutandique in medendo consilii ratio competens est , familiaris plusquàm & quotidianus eventus infelix. Atqui crebris , ac sæpiùs repetitis *purgationibus* instituitur *ulceribus* medendi ratio ; quid si , quæ in infaustis chronicorum curationibus suspicio injecta fuit , ab ingestis sæpiùs *purgantibus* , repeterentur medicationum illarum infortunia ? Hoc dato , *purgationibus* parcere , curationem hîc prosperare erit aut accelerare.

Purgationibus suis ut fidem faciant , stabiliunt destillantis continuo *seri* putrescentis *epigenesin* , quæ *ulcera* , &c. perennat. Seri autem illius evacuandi necessitatem exaggerant eò magis , quò in-

fenfius, acrius atque depafcens magis  
 ipsis feſe immiſceat partium medullis,  
 aut mille cuniculis partes deterens. Tot  
 indè malis invaſuris obviam ire neceſ-  
 ſum prædicant, quod à *purgationibus* fa-  
 ciliùs, expeditiùs, pleniùs impetran-  
 dum pollicentur.

At in eodem luto ſemper hæreſe eſt,  
*humorum* nempe copiâ, quorum aut  
 acrimoniam nullibi non videntes, co-  
 piæ illius, cùm adeſt, & acrimoniæ quæ  
 adnaſcitur cauſam nunquam animad-  
 vertunt. Stupendum quidem quàm exu-  
 berante ſuccorum quantitate diffluant  
 ulcera, ſic ut in *marafmum* deducant la-  
 borantes. Interim tantum ulceris cauſa  
 eſt diffluens humor, quantum *canteri*  
 cauſa eſt exundans indè ſuccus; in utro-  
 que proliciuntur ſucci, utrobiquè ſuctio-  
 nis genus eſt à ſtimulatione ortus, quæ  
 vellicatas partes ſtringendo, ſuccos qui-  
 bus madent, exprimit. Stimulationis  
 illius originem altiùs indagando, aliud  
 ab humorum copiâ invenire eſt, ſan-  
 guinis ipſius *ſyſtaſis* eſt aut mora, qui  
 ſtagnando, fibras divellit, angit, inquie-  
 rat. Re verâ obvium eſt & quotidianum  
 à *varicibus* naſci *ulcera* atque nutriri.  
 Coërciti autem ſub hâc ſtagnatione  
 ſucci, cumulando vaſa, diſtendendó-



que, rumpunt tandem, fonticulos aut rodendo aperiunt, aut hiatus develendo faciunt. At ratione alterutrâ ulcerationes committantur, à *pressione* fiunt, *solidorum* proindè non *fluidorum* vi & operâ.

*Fistularum* par ratio; familiares & consuetæ sunt *hemorrhoidum* appendices, quarum cuniculi seu *sinuositates* pressionis stagnatarum partium effectiones sunt; *systaltici*, at *spasmodici solidorum* motûs, succos prementis, extrudentis & exprimentis operationes.

Tam parùm ab humoribus venit *ossum caries*, quæ pressionis quoque opus est. Tubulorum enim glomeribus constant ossa non secùs ac cæteræ corporis partes, quorum suus est *systalticus* motus, suæque *occillationes*; obscuræ si sensibus fides; certæ, si rationi: cùm enim suus sit intrâ *ossum* vascula succorum circuitus, *emboli* vi illis opus est, quæ eò usque jaculatos à corde succos, cordi restituat. *Periostii* munus illud est, *tunica* scilicet *densa*, immensè *compressilis*, quæ *ossum* tubulos arctè vinciendo, digitorum more stringit eos, stringendoque exprimit. Hinc est, quòd detrìto, corruptòve *periostio*, nudata ossa vitium capiant, ponant exuvias, *cariem* con-

trahant : in propatulo est ratio , vi compressili defecta *ossa* , cùm *periostium* exuerunt , suis defraudantur *occillationibus* , suis autem destituti impulsibus præterfluentes succi , morantur , lentescunt , stagnant ; cumulati premunt , divellunt , rumpunt ; aut acescendo deterunt , rodunt , exedunt.

Sub his omnibus affectibus contemplari est tardatum hærentemque alicubi sanguinis circuitum , indéque deviantes à cursûs tramite succos ; undè *pituitæ* , feri , lymphæque ploratus ac sudationes. Reipsâ quidem , rarò primarii esse solent memorati affectus , aut ultrò nascentes , sæpiùs *secundarii* aut *vicarii* , prioribus succedentes : morborum enim pars non minima est , quæ in *varices* , *abscessus* , *fistulas* , &c. definit. A crasso , *terreo* , *tartareo* , *calcinato* seu ustulato sanguine ( qualem esse illum decedentibus morbis imaginantur ) hos affectus manare docent ; at meliùs à lasso partium *elatere* , qui diutiùs per morbum primum exercitus , fatiscit tandem , *occillatas* crebriùs partes in quandam quasi *atoniam* conjicit. Undè fractâ vasorum *systole* , præterlabentes succi otiantur , languescunt , stagnant. Hæc à fatiscente , perduto aut absente *periostii elatere* ; ea-

354 DE PURGANDA MEDICINA  
dem aut pejora ab eodem aucto nimium  
audies.

*Periostium* utpote *tendinosum*, proinde  
*contractile* admodum, si *spasmodicè* se ha-  
beat, hanc in subjectos ossium tubulos  
exercet *stricturam*, quæ succos omnes  
illapso stranguendo, moretur & inter-  
cipiat. Status eorum est quos torquet  
veterata *venerea lues*, strictionis eni-  
memoratae testes erunt, qui in artus eo-  
rum sæviunt immanes cruciatus, qui  
tandem in arcanas *caries*, *exostoses*que ac  
*nodos* manifestè erumpunt.

Stringentis *periostii* specimen aliud of-  
fert, tunicæ illius inflammatio, à quâ  
sic tenduntur arctanturque partes ut do-  
lores mille ægrotanti apportet. Porro  
quantum conferat *ossium* affectionibus  
succorum aberratio, evincit *rachitidis*  
vultus aut formatura; dum enim *carnosa*  
partes macie horridæ sunt & aliturâ de-  
fectæ, succis nutritiis adeò luxuriant *os-  
sea*, ut spatia non invenientes in brevi in-  
fantium corpore intrâ quæ in longum  
crescant, arcuari cogantur, nimiaque  
alimoniâ exuberantes articuli, *lymphâ*  
seu *sinoviâ* turgentes in nodos exube-  
rent. Quâ de causâ? Eâ scilicet quod  
infantes aut lacte crassiori aut uberiori,  
aut pultibus farinaceis ad ingluviem og-



gestis farti, tantam *partis albæ* sanguinis copiam in vasis suis aggerant, ut nauseantes venæ, plurimam illius partem ad *excretoria vasa*, spermaticarum, ut loquebantur, partium nutritia, elabifinant; meliùs ad eas partes, quales *osseæ* sunt, divertunt succi, quæ rubrâ sanguinis *portione* propemodum vacuæ, albâ nutriri amant. Undè *rachitidis* causam cogitabis succorum deflexionem quos à carnibus ossa suffurantur. Ulteriùs hanc causam scrutari si pergas, in vitiatâ *solidorum systalticâ* vi positam invenies primam originem; *tonicam* intellige *spasmodicam diathesin*, quâ *solide* partes, vividiori & *elastico* nimis succo ebriæ, stringuntur sic & arctantur, ut angustiores facti vasorum *diametri*, advenientibus succis ingressum renuant; adeò verum est nihil aliud esse morbos, quàm mutatas functionum facies, à mutatis succorum & motuum illorum *determinationibus*. In quo animadvertere est, ut alibi innuimus, quibus contingat de causis, ut morborum pars maxima, vix aliqua post se sui linquant in cadaveribus vestigia. Illud autem in *spasmodicis* affectionibus, conspicuum imprimis est, sub quibus, partibus aliis debiti succi, ad nervos abripiuntur. Quæ conjectura ad *lymphæ-*

tica & glandulas quoque spectat, quò  
 adacti deviantes succi, affectiones ut  
 difficiles & morosas, contumaces pari-  
 ter apportant. Verùm ut eò undè di-  
 gressi sumus revertamur, ad morbos  
 nimirùm, qui *chirurgia* adjudicantur;  
 hinc confirmare datur traditam aliàs ab-  
 strusam *abscessuum* illorum naturam, qui  
 multiformes *ossium, dentium, vesicula-*  
*rum* species condunt; ut enim cystide seu  
 involucris *membranaceis* singuli coërcen-  
 tur, quæ *systole* propriâ, singulari & ex-  
 trà consuetam naturæ normam natâ  
 exercentur, insolitas officinas in illis  
 concipere licet, in quibus devii liquores  
 verberentur, & in has vel illas *concretio-*  
*nes*, hujus vel illius figuræ, vultûs aut  
 corporaturæ fingantur, elaborenturve.  
 Denique illinc non malè deduces *verru-*  
*carum, polyporumve* origines; lassatæ  
 enim *contuse* aut *vulnerata* partes, ac di-  
 versimodè divulsæ, pressis expressivè  
 undequaquè à partium nativâ *systole* suc-  
 cis dehiscunt, qui sic inopportunis &  
 insolitis spatiis conclusi, ut inconditè  
 tunduntur, inconditas quoquè edunt  
 formaturas. Nec omittendum ab iisdem  
 succorum aberrationibus pingi in exti-  
 mâ cute varias colorum imagines; ut  
 enim abreptâ ad extimam corporis su-

perficiem *bile* nascitur *icterus*, à supressis  
*menfibus*, chlorosis; sic à stagnantibus &  
 refluus his vel illis succis, variis ac fœ-  
 dis coloribus deturpari cutem cogitabis,  
 multiplicésque enasci *lepra*, *psora* & *ele-*  
*phantiasis*, species. Hujus quoque sunt loci  
*carcinomata*, dirum morbi genus, sur-  
 dum remediis, purgationibus imprimis,  
 quarum stimulis iratæ partes, curam de-  
 rectant. Reverâ, cogites cuneatos suc-  
 cos *lymphaticos* intrâ ultimos vasculorum  
 ines, intimis que glandularum recessi-  
 bus incarceratos; ut illinc ad alvum re-  
 vocare gradum non datur, stimulatio-  
 nibus irritis exacerbati, suis sedibus fi-  
 untur magis, strictiusque coerciti, ut  
 partes quas obsident gravant diutius, sic  
 morâ vitiantur magis. Ex præcluso sic  
 ad interiora reditu, concludunt ad exte-  
 riora recludendas esse vias, undè ad *dia-*  
*phoresin*, *resolutionem*, *maturationem* se  
 ccingunt, undè *unguentorum*, *cataplasma-*  
*um*, *emplastrorum* infinitudo; sed infau-  
 to æquè ac molesto consilio, sic enim  
 tractis humoribus, quò vi morbi pel-  
 untur, naturæ tramites & propensiones  
 eclinare est, morbidorum succorum  
 impetui obsecundando. Absit tamen ne  
 quis credat, hæc dicta esse, ut ab ejus-  
 modi affectuum curâ exulent prorsus



externa, seu *topica* medicamenta; his imò suus asserendus honos, sed & locus internoscendus, & occasio observanda quæ curationum anima est, eorundem conditio tenenda, undè medendi legum tutamen. Porro vix credendo eris quàm paucorum *oleorum*, unguinum, *emplastro- rum*, *cataplasmatum* usum admittant *cutis* & *glandularum* affectiones, illi enim ut *erysipelata*, *phlogoses*, dolores, &c. apportant, his *ulcerationes*, malignosque hiatus pariunt, aut inopportunos & infelices *abscessus*. Cedunt feliciùs *lotiones*, *fotus*, *epithemata*, ex aquosis, humentibus, *anodynis*, quæ dùm cuneatorum succorum pressiones mulcent, laxant partes; iisque concedunt id spatii quo indigent ut ad cor, circuitûs lege tandem remeare possint.

Hæc auxilia aspernantur ii, quibus- cum purgantibus res esse consuevit; illorum enim evacuationibus delusi, morborum fomites in iis suspicantur, in quibus vitæ causas sæpè fuisset invenire. Morbidis quidem quibuscumque succis sua referenda sunt effugia, at ejus sortis ac posituræ, ut succorum locis, sedibus, *vergentiis*, propensionibus concordent. Ist hæc autem fuerint in iis ferè omnibus affectibus memoratis, quæ cuti pro-

pria sunt, cæca scilicet illius spiramina, quæ succis eò usque advectis exitum parant. Hinc fortè inferes *sudoriferorum* & *diaphoreticorum* usum, quo miserabiles illos affectus expediendos esse tibi fingeres, at quàm inauspicatò aperit sincera illorum *ætiologia*; quòd rebellent in causâ est succorum facta impulsio in profundos & remotiores partium recessus; igitur istiusmodi remedia adhibere, quæ *cordis* & *arteriarum elaterem* elevent, tum & succorum propulso- rum impetus augeant, morbis ipsis manum dare est, currentique malo calcar addere.

Ejusdem infortunii erit, purgantium usus, si iis cuneatos succos revocare vo- ueris, quæ dùm corporis centro tumultus cient, & impetus promovent, suc- cos fortiùs adigunt, pelluntque lon- giùs. Indè videas his sub casibus unâ cum crescente tumorum mole, decre- scere corporis molem, detritis non mor- borum sed vitæ fomentis. Reverâ osten- dunt quotidiani & infelices purgatio- num exitus in curandis *strumis*, *carcino- matibus*, *scirrhis*, &c. quàm malè cum his evacuationibus conveniat talium affec- tum medela, moti enim non promoti, qui illos committunt, succi, sæviunt criùs, fortiùs arietant, cuneantur, di-

vellunt, exulcerant, ultimamque sed infauſtam & exitialem malis ejusmodi imponunt manum.


Nunquid igitur in totum ableganda ſunt & proſcribenda *purgantia* à curatione *tumorum*, *ulcerum*, &c. in illos cadat hæc objurgatio, quos fugit fauſtus, qui legitimus erit, purgantium uſus ſub his morbis; hic enim cum abuſu horum expoſtulatur, ſeu cum iis qui in purgatione ſitam ſibi finxêre totam illorum curationum ſummam; obliti, non infrequenter in *alterante* magis quàm in *evacuante* vi ponendam eſſe *purgantium phlegmagogorum* imprimis potentiam. Miſſo enim *agarico*, qui *alterantis* titulo *theriacam* ingreditur, miſſo *rhabarbaro* cujus dilutum alterando magis quàm evacuando infantium morbis auxiliatur, *mercurius* ipſe *alterando* magis medetur illis affectionibus, quàm *evacuando*. Ejusmodi enim ſortis & texturæ eſt, ut ſub mole minimâ, inſignis ſit ponderis, undè dùm tenuitate ſua minimis vaſorum *diametris* accommodatur, maſſâ ſuâ vallet, quem à *ſyſtole* partium acceperit motûs impulſum & *determinationem*, ad ultimos uſque partium reſceſſus conſtanter tranſmittere. Hâc ratione arcanos partium cuniculos pervadendo, ſuccos

tenuat,



tenuat, comminuit, terit, eliquat. Imò terit; explorata enim est *mercurii* partium *elasticitas*, quâ fit ut illius particulae tubulorum angustis compressæ resilire cogantur; *occillationis*, *tritû* proindè genus est, quod arctis tubulorum comprimentium parietibus coërcitæ exercere tenentur. Verum quidem est evacuationem succedere, at modò insigni copiâ offeratur, alias interjectis *purgantiunculis* indiget, quibus eliquatae materies impetu concepto, in sublime tendentes, ad alium deturbentur.

Interim hîc quoque evacuando juvant *purgantia*, cùm enim succos nutritios depascere soleant, à quibus maximè aluntur memorati morbi, hos præcipitando in intestina, ad anum deturbant; maximè si *mercurialia* sint, quæ ponderis vi intestinorum *peristolen* vincant; aut *lympham* intrâ vasa liquando, intestina versùs profundunt. Artificium est, quo depulsis aut amandatis succis morborum illorum nutritiis, marcere morbi ipsi coguntur & extinguuntur. Quæ non pauca supersunt purgationum commoda, ex suprà dictis inferenda sunt aut repetenda.



## CAPUT XXIX.

*De prosperâ aut improsperâ , utili  
aut periculosa , linquendâ aut  
iterandâ purgatione.*

**P**URGATIONIS felicitas est , bonis  
ægri rebus , & cum *euphorîâ* , facta  
per alvum evacuatio. Quod ut succe-  
dat , facit maximè cautus ac prudens  
*purgantium* delectus. *Eccoproticum* aut  
*drasticum* adhibere , non perindè est. Il-  
lo abuti semper , hoc uti nonnunquam  
periculosum. Est ubi solis *enematis* insis-  
tendum ; sæpè ad *eccoprotica* progredi  
datur , ad *drastica* quoque transcendere  
indulgetur. Tandem morbi sunt aut mor-  
borum casus , quos *purgantia* , sunt quos  
*emetica* juvant.

*Eccoprotica* abstergendis primarum  
viarum sordibus addicunt , rati illam  
eorum operationem in humoribus trac-  
tandis unicè impendi ; quam meliùs lo-  
cabis in laxandis emolliendisque partium  
fibris. Hinc inter *eccoprotica* principem  
locum occupant *emollientia* , *diluentia* ,  
medicatâque herbis convenientibus jus-  
cula. Hoc sensu , suus erit *eccoproticis* lo-

A CURAR. SORDIB. Cap XXIX. 363  
cus, ubicunque rigidior fuerit partium  
tenus; quæ observatio ad *chronicos* æquè  
ac ad *acutos* morbos pertinet: quot enim  
dat mortuos sub *acutis*, tot sub *chronicis*  
facit causarios inepta purgatio. Hæc *ec-*  
*coprotica* si maturiùs intestina non laxave-  
rint, illicò suum *drasticis* fieri locum con-  
cludunt; at perperàm, intutus enim nun-  
quam magis est *drasticorum* usus, quàm  
ubi inobsequentes compèriuntur intes-  
tinorum fibræ. Igitur ut votis cedat  
*drasticorum* usurpatio, opus est ut com-  
perta partium abdominis laxitas, diffi-  
tarum partium, quibus humores hærent,  
obsequia spondeat. Interim in explo-  
randâ partium *diathesi* cautus sis adhuc,  
ne fucum faciat isthæc inobsequentia.  
*Purgationi* partes obsurdescunt, idquè  
vitii à stupore repetis? Meliùs illum stu-  
porem de *atoniâ* interpretari putaveris?  
Ut ut sit, errore ductus, ad *cardiaca* con-  
fugies, quibus *purgantis* vires erigas? In  
lecipulam cadis. Enimverò reluctantur  
partes, quia *phlogosi*, *spasmo*, *crispaturâ*  
impeditæ, à suis *occillationibus* arcentur.  
Si à *phlogosi*, una *diluentia* locum inve-  
nient; si à *spasmo*, *emollientia*, ipsaque  
*oleosa*, quæ *phlogosi* infensa sunt. Est quo-  
què ubi resistit alvus, ab abreptis aliò  
umoribus, quo cognito, cæteris con-



sentientibus blandis stimulantibus intestina vellicare conceditur. Ejusdem considerationis est *enematum* usus, sæpissimè fortis, interdum stimuli loco erunt. In genere, cum abdomen capacissimum sit succorum confluentum, *glandularum* infinitate, quibus constrictæ sunt quotquot illius sunt partes, has assidue sub morbis admoneri convenit, ut tantum de succo morbo minuatur, quantum de succis ad intestina inevitabitur. Ut quid autem succorum vacuandorum unice meminisse? Laudabilius & aliundè *enemata* profunt, maximè si inartificialia, aquea sint & diluentia, *mellis* & eorum omnium expertia, quæ inviscant & obstruunt: quantumvis autem *seri* aut *lymphæ* copiam vacuent intestinorum *glandula*, majorem longè perspirabilis intus materiæ quantitatem fundunt & exhalant continuo intestinorum infinitis punctis pertusorum oscilla. Itaque quantæ utilitatis comperiuntur ex aquis balnea, exteriori cutis *transpirationi* perennandæ, tantæ futurus *enematum* aqueorum usus, tergendis nempe intestinorum parietibus, quò largissimè vaporent. Porro, quantum arcendis malis confert externa, tantum valebit interna *transpiratio*. Adeo ut *enematum* similiūque benefi-

cia inſcitè noverint, qui ſpe ex iis conceptâ cecidiſſe ſe putant, quòd ſordes craſſiores ex eorum uſu non obtinuerint: fauſtus erit eventus, ſi titillatione levi, aut molliori affrictu excretoriorum oſcilla tergendò reſeraverint, quibus intercluſa *transpiranda* materies, expedita liberè vaporet. Hinc inter conualeſcentium bona numerat *Hippocrates* flatus ano prodeuntes, reſtitutæ enim internæ inteſtinorum *transpirationis* ſigna ſunt; hæcque boni ominis, monente eodem *Hippocrate*, ſi ſonori fuerint; argumento ſcilicet, unâ cum redeunte internâ *transpiratione*, nativum inteſtinalium fibrarum *tonum*, *peristolen*, & *ocillationum directionem* reſtitui, ità ut expreſſa vaporans materies elidatur vi, & cum ſtrepitu erumpat. Ex his omnibus concipere eſt, proſperum purgantium eventum, pendere à molli, facili & liberâ inteſtinorum habitudine, quâ fiat, ut eliquatis protrufiſque purgantis operâ ſuccis, pateant & obſequantur *excretoria*. Undè in artis purgandi partem quoque venit *topicorum* abdomini admotorum uſus, quorum præſentiâ emollitæ partes laxantur. Hujus efficacix ſunt *fortis* calentes, *cataplaſmata* imprimis, quæ abdomini accubantia, titulo duplici pro-

sunt; tùm fibrarum *spasmodum* frangendo, tùm evacuationem provèhendo, invi- tandóve. Re ipsâ ad extremitates vaso- rum quæ ad cutem tendunt humores provocando, *secretionum* quæ in intesti- nis peragenda sunt, promotionem ju- vare est; succorum enim & *occillationum directiones* quæ à corde ad habitum fe- runtur servando aut restituendo, humo- rum qui ad intestina derivandi purga- tione suscipiuntur *determinationem* sequi est, aut æmulari.

At *purgationem* nihil adeò fortunat, ac *diluentium* usus; maximè cùm eva- cuationes unicè adjuvet utraque, *liqui- dorum* nempe & *solidorum*, facilitas; cui opitulatur hinc succorum tenuitas, mo- bilitas, & ad *secretionem* aptitudo, illinc partium *secernentium* habilitas. *Transco- latio* enim est *secretio*, quâ non hæc vel illæ in vasis segregatæ portiones intra *secretoria* feliguntur, sed quâ tenuatione factâ meabiles succi, intra partes diffun- duntur, diffluunt, forasque stillant. Quod ut intelligas, *glandularum* ( quibus corpus perstratum est ) nomine con- cipito, peniculamenta seu fimbrias bi- baculas, chartæ emporeticæ similes, quæ quos vehunt succos sorbent; appendi- ces & extrema sunt tubulorum, qui in



ejusmodi lacinias molles, succolas, & bibulas desinunt. Posthac si memineris, quo pacto madentes pannorum laciniae, quam ebiberunt aquam procùl & foràs transmittant, artem tenes quâ ebriaë succis, madentes & succosae corporis partium fibrillae, succos quos ebiberunt, ad *glandulas* traducunt, ad eas nempè in quas, penicillorum more, finduntur ac desinunt lacinias. Addideris tuam quoque esse sanguinis fibræ *contractilitatem*; tùm præcipuam esse & copiosiorē *albam partem* quâ sanguis constat, quæ cum fibrâ sanguinis coincidit, quæque densari, cogi ac compingi facillimè potest; tunc concipere erit, quoto madore indigeat sanguis ut assiduè humescens, à spissitudine & compacturâ præservetur, ne, quod illi iùb morbis moris est, in gluten firmetur & solidescat, *solidumque* sic intrà *solidum* compactum, cordi impellenti insuperabilem objiciat molem. *Diluentium* autem titulo ea accipienda veniunt, quæ ut inartificialia sic & meabilia sunt magis, utpotè neutralia & *adiaphora*, qualia sunt aquea; cùm enim *dissolventium* omnium simplicissimum sit aqua, ita & universale magis; in quo animadvertere est, cur succorum omnium qui in corpore

368 DE PURGANDA MEDICINA  
*secernendi sunt, lymp̃ha, quæ aqua est, commune subiectum sit, publicæque materies; elutriandis enim proliciendis- que tam variis succis apta maximè sunt aquea; undè (quod obiter monendum) inferre licet aquarum species esse omnes illos succos. Reverà metus est, nè dùm diluentibus salinis aut saporis nimium partes sollicitaveris ad secretiones, sanguinis fibræ in contractionem cogas, secretoriorumque fibras in spasmum (quæ malâ arte irrita fiet & cassa evacuatio) unâ & eâdem fideliâ compressis secernendis & secretoriis.*

Indè concipitur quorundam corporum, *melancholicorum* imprimis conditio, quorum partes dum succis herbarum mollientium (quæ *Hippocratis* medicina fuit) macerantur, oleorum interno mulcimine plures per dies ingesto indigent, quò quos suo sinu coërcent succos concedant; sed hæc aliàs tradita huc revocare inopportunum; hæc iterum innuisse satis erit, quò inutilis & periculosæ *purgationis* rationes attendenti pateant.

Aleâ enim res plena maximè est, *solidas* partes stimulando in tantum non laxare aut aperire, ut stringantur magis; undè *spasmodum* discrimina, varia-

rúmque *metastafium*, quæ motos, non promotos humores aliò exportent. Ulteriùs progreditur exindè emergens damnum, mutatis indè perversisq̃ue *ocillationibus*, inconditè & præpofterè verberati succi à *coctione* recedunt, infuetasq̃ue indoles, texturas, habitudines induunt, naturæ moliminibus, motibus, *determinationibus* contrarias. Hinc *apostases* multiformes, *colliquationes* multigenæ, tôtque *difficilia symptomata*, quæ ægrotantibus labores apportant, crucemque figunt medico.

Crescet periculum si aliò quàm convenit feratur *purgantium* impetus, aut stimulantium vis; ut enim partes laxari indociles aggredi facinus est, ab iis exitus indebitos extorquere artis crimen erit. Intereà sic peccatur, quotiès humores qui deorsùm vacuari amant fursùm deturbantur, *purgantibus emetica* sufficiendo; quasi perindè sit, æqualibusq̃ue armis decertare, *purgantibus* aut *emeticis* uti. At non oblitis humorum *vergentiis*, quæ memoriæ medentis nunquam excidant, attendendum imprimis, an excutiendi humoris voluntas sit; aut indè quò irrui dimovendi, an evacuandi finis sit; si priùs, *emetica purgantium* loco poterunt usurpari, imò non infre-



quenter *purgantibus*, his sub casibus anteponenda venient *emetica*, quæ cum stimulando potissimum agant, dimovendis humoribus aut aliò rapiendis aptiora comperiuntur. Secùs se res habet, cum sub febre contumaci, à sanguine extricandus humor dispellendus est; tunc temporis *accommodatiora* sunt *purgantia*, quæ expediendis à sanguine humoribus utiliora sunt. Est quoque ubi *vomitoriis* indulgendum præ *purgantibus*; nascentibus v. g. morbis, aut sub ingluvie recenti, ubi sub pondere succorum & mole gemit abdominis cymba.

Neque omittendum, affectiones esse & constitutiones, in quibus per *epicrasin*, diluendo & in plures doses propinandæ sunt purgationes. Exemplo erunt *chronici* affectus quam plurimi, ubi non tam affatim præcipitare succos & evacuare convenit, quàm suffurari, minuire, subducere. Tractandæ similiter *malignæ febres* non paucæ, ubi cum anceps esse possit, an cessurus sit aut indocilis futurus humor, diluendo mulcendus venit, ne indomitus sæviat effrænatius, imò ut fractus saltèm cicuratusque recedat. Tanti momenti hîc est *diuenticum* usus, ut ab eo pendeat quo-

que facilis *purgantium* operatio, utpotè quorum beneficio ea debeatur *euphoria*, quæ faustas purgationes spondet & comitatur. Quapropter jubebatur ab antiquis medendi magistris, *lentium* decocti aut similis sed liberalis potus ab assumpto *cathartico*, videlicet ut dùm *purgantium* stimulis partes vellicarentur, potulentorum mulcimine laxatæ obsecundarent.

Arrident delicatulorum palatis, *pilularum*, *bolorum*, *opiatorum*, *extractorum formula*; sunt etiam quæ juvant *portionum eliquatarum*, *clarificatas* dicunt, usus; sed quæ sub his quærentur palati solatia, latent morborum suscitamina. Suis enim cùm exuviis sua posuerunt *extracta* & *eliquata potiones* mulcimina, quibus aliundè carent omninò *pilula*, & similis fortis formulæ. Igitur illis abstinuisse, præcordiorum mollitiei ac tutelæ prospicere est, quorum *eupragia* in eo sita est, ut mollia sint, facilia, tractabilia.

Famam quoque hâc ætate sibi fecerunt *fundentia* ( quæ verè *colliquativa sunt* ) inter quæ *mercurialibus* primas concedunt. At non aliundè veniunt majores insidiæ; quam enim obtinuerunt energiam, à suarum particularum insigni *elasticitate* habent, quæ *excretoriorum dia-*

*metros* cogendo, dilatandóque impensius, invitos referant. Verùm quid futurum de iis remediis in corporibus aut morbis, ubi *phlogoses*, tumultus, *spasmi* dominantur? Ubi ardore rigentes partes adversus stimulum recalcitrant, novos daturæ labores?

Rebellantium viscerum ingeniis accommodatiora sunt *opiata cathartica* maritata; quantum enim sub *acutis* morbis, à purgationibus natos tumultus pacant *opiata*, vespertinis horis exhibitata, tantum in tractandis *chronicis* affectionibus eadem valent *cathartica* admixta, nascituris tumultibus præcavendis idonea; exempla prudentibus artis præbebunt *colici*, *hysterici*, *nephritici*, *scorbutici* affectus, in quibus industriâ non furcâ, expellendus est hostilis succus.

Huc spectant adhuc *idiosyncrasia*, quæ arcanæ sunt corporum *diatheses*, undè fit ut ægrotantium quosdam invenias, quos lædit *cassia*, alios quos *senna*; *manna*, *rhabarbarum*, &c. cæteros.

Quapropter cauti medentis est, ab ægrotis sciscitari, nunquid ab aliquo purgante medicamento lædi soleant, ne pro pharmaco toxicum propinetur. Huic autem examini deesse ideò periculosum esset, eique annuere ideò necessarium,



A CURAR. SORDIB. Cap. XXIX. 373  
quòd illo omisso aut spreto, insigni ægro-  
tantis damno verteret purgantis per-  
peram sic exhibiti operatio.

Definiendum superest, quandiù aut  
quotiès repetendum veniat *catharticum*,  
quandòve linquendum sit, & ab eo de-  
sistendum. Videas quibus cordi est *pur-*  
*gantis* operatio quæ liberalis est & co-  
piofa, adeò ut à *purgatione* non cessent,  
quandiù affatim prodeunt humores.  
Contrà alios reperias, quos ad *purga-*  
*tionem* iterandam mirè provocat cassa  
*purgatio*, quæ parùm eduxit. Si priùs, in  
motu humores esse clamitando, ad *cathar-*  
*sin* recurrunt; si posteriùs humores for-  
tiùs impactos esse pronuntiantes à *purga-*  
*tionem* in tantùm non resiliunt, ut acuen-  
dum esse aut iterandum pharmacum as-  
severent. Medium tenet beatus in me-  
dendo *Hippocrates*, qui non ex copiâ  
æstimat *purgantis* efficaciam, sed ex le-  
vamine, undè pronuntiat laudabilia quæ  
excernuntur, si fuerint *talia qualia oportet*,  
si reddantur cum *euphorîâ*, denique  
si profint. Itaque quantumlibet copiosa  
fuerint *cathartico* prolicita, infida erunt,  
*intuta*, calamitosa, si ægrotantis leva-  
mini non fuerint. A *purgando* quoque ab-  
stinebis, quotiès irrita *purgatio* movet  
humores, non promovet, talem enim

374 DE PURGANDA MEDICINA  
*facile non fert ægrotans*, qui indè eò mi-  
nùs levatur, quò torquetur magis aut  
conturbatur. Ultimam etiam minabi-  
tur perniciem, si à purgatione vehe-  
mentiùs stimulatae partes, *spasmo* con-  
cepto, tenduntur, tument, prominent.  
Re verâ inindè cumulari uberiores hu-  
morum quantitatem arguunt, qui mi-  
nùs emunctæ naris in medendo sunt;  
secùs artis sagaciores, qui *solidorum spas-  
mum* inibi augurantes, à purgatione ces-  
sant, ne *crabrones irritent*; aut utiles suc-  
cos eliquando, vitam pro humoribus  
minuant aut tollant.



## CAPUT XXX.

*De fortuitis purgantium successibus.*

**Q**UOR sù M autem, inquit, tot ac tantæ cautiones? Quò tot observationes, tot præcepta quæ ad rem non spectant? Quæ videlicet ad eam non pertinent artem ubi fors dominatur, quàmve fortuna regit. Quisquis enim, monente Hippocrate, fortunam ex arte medicâ ejicit, is mihi, contrà quàm debet, sentire videtur. Porro quæ bona affert, quæ infert mala purgatio, hæc perpetrat fortuna, si quemadmodum narrat idem Hippocrates, exhibito medicamento, quod bilem aut pituitam deorsum purgat, menses retardati erumpunt. Lienem suppuratum habenti, medicamento exhibito quod bilem aut pituitam deorsum educat, pus ex liene per inferiora expurgatur, & morbo agrotans liberatur. Calculum habenti exhibito medicamento purgante, calculus in meatum urinarium vi protruditur, ita ut cum urinâ exeat. Ei qui pus in superiore ventre ex tuberculo collectum habet, idipsum ignorantes medicamentum quod sursum pituitam educat



376 DE PURGANDA MEDICINA  
*exhibuerunt, isque pus vomitione rejecit, sanusque evasit.*

Suaque habet incommoda purgatio, quæ casus operatur. *Exhibito, ut pergit Hippocrates, medicamento quod pituitam sursum educat, venam in pectore præ vomitione rumpit. Mulieri utero gerenti exhibito medicamento sursum purgante, alvus affatim deorsum erumpens foetum abortionem rejecit, &c.* Posthac fortunæ foetus facile dixeris purgantium opera, aut artis ausa, quæ fortitudinem animi in medente arguent magis quam industriam. Maxime cum optimis medicis similitudines imponant & difficultates pariant.

Re verâ, sapientiæ est, *similium dissimilitudines, & dissimilium similitudines discernere*; sed sua habet principia medendi ars, quæ tota firma est, cujusque perceptiones pulcherrima; ejus enim soror est sapientia, nec aliundè quàm à medicinâ venit manifesta naturæ cognitio. Sua igitur illius est certitudo, sua constantia, quæ in eos cadit, quibus non satis est eam ratiocinatione nosse, sed & in usum exercitatione traduxisse. Hanc exercitationem edocet occasionum scientia in quâ medendi peritia versatur. Ut enim fortuita sit & anceps occasio medendi, plerumquè attendenti se offert cum

*lenitate*, ait idem *Hippocrates*; quæ *lenitas* naturæ character est & ingenium, cuius cùm firmæ sint leges non fortuitæ, consequitur *occasionum* cognitionem, quæ illius motuum scientia est, non fortuitam, cæcam, aut abnormem constitucere artem; imò *occasiones*, quas profert, ipsius tramites ostendere, aperire mores, promere consilia.

Quod ut intelligas non éventa cùm eventis comparabis, in quibus produnt se non infrequenter iudiciorum fallaciæ; doctus enim perindè ut indoctus, rudis ut peritus, juvenis ut senex, medetur ac sanat. An propterea felices utrosque putaveris? Perperam; fortè feliciter curabunt imperiti, at infelices erunt medici, *improbi*, ut ait *Hippocrates*, *occasionum* ignari, fortunati aliundè, in morbis nempè levioribus qui periculo vacant, aut in iis corporum constitutionibus, quibus evertendis vix par esse potuerit aliquis morbus. *Medicorum* enim plerique, ut pergit *Hippocrates*, *navium gubernatorum malorum mihi simillimi videntur*, qui si tranquilliori mari navem regant, nemo eos peccare deprehendit. Quèd si eos vehemens ventus aut tempestas oppreserit, jam omnibus constat eorum imperitia, & culpâ navem perditam. Eodem sanè modò

*improbi plerique ( medici ) dùm leviter affectos curant, in iis quidem si delinquant, plebeios latet, ubi verò in magnum & vebementem & periculosum morbum inciderint, tunc illorum ars & errores sunt omnibus conspiciui. Itaque si purgandi felicitatem in aliquo explorare volueris, hanc non ex eventu prospero in morbo leviori auguraberis, æstimabis autem ex industriâ aut sagacitate quâ purgandi ansam subolfecerit, captaveritque in morbo difficili & periculoso, in constitutione debili, tenerâ, atrabilarîâ, melancholicâ, hystericâ.*

Interim ( quod concedendum est ) fortunæ genus in medendo recognoscere oportet, quo quis fractus morbo, fastiditâ vulgari methodo, ad alienigenarum medicorum manus confugiens, catharticis aut vehementioribus, aut crebrioribus usurpatis convalescit: sic est profectò, *at non minùs temeraria est, ut habet Celsus, ista medicina; quia plures se protinùs à principiis exceperit, interimunt. Ideoque pergit idem, ejusmodi medici meliùs alienos agros quàm suos ( curant aut ) nutriunt.* Porro alienos nuncupat eos quos alibi felices verè aut fortunatos describit; *assecclas nempè illius medicina cui fides est, quòd nimirum multò sæpiùs, perque multò plures agros proffit. Talis enim sit*



oportet medicina, ut *cùm* *sæpiùs* responde-  
rit, interdùm tamen fallat. Non itaque, si  
quid vix millesimo in corpore aliquem deci-  
pit, id fidem non habet, *cùm* per innumera-  
biles homines respondeat. Fortunam igitur  
in medicinâ amabis quæ perpetua aut  
ordinaria felicitas erit, cavendo ab eâ  
quæ audaculorum aut medicastrorum  
est, quâ tamen capitur hominum plebs,  
quæ ad insolita stupet, licet eam illo-  
rum audaciam regat impetus non ratio,  
casus non sapientia.

Interim ut fortuitam ejusmodi *pur-*  
*gationum* utilitatem intelligas, illarum  
efficientiam definire & aperire conve-  
nit. Vehementiora sunt aut crebriora,  
utraque fortassis, illa medicastrorum  
purgantia; talia proindè quæ sanguinem  
impensè eliquent & solvant. Hâc sub  
enormi eliquatorum succorum copiâ  
delitescere ac foràs abripi & deturbari  
morbi causam, verisimile est. Id offert  
exempli, *mercurii* operatio, quâ *syphilis*  
curatur. Morbi hujus causa ut recondita  
est & inconspicua, ita altè succis aut san-  
guini miscetur. Huic extricandæ impar  
solita medendi ratio, à *mercurio* id ope-  
ris obtinet, cujus omnipotentiâ suis  
cum exuviis ponit quidquid morbi con-  
debat sanguis. Re ipsâ, densis his *lym-*

*pharum, seri, pituitarumque involucris, quibus litum mercurio corpus diffluit, quidquid delituerit morbidi succi eliminabitur. Amplius, factâ hâc ex glandulis & membranâ omnibus humorum colluvione, mollescere, laxari, solvi & à spasmodis recedere, sicque mutare tonum partes necesse est, sic ut dùm fluidorum motus convertuntur, dùm stagnationes solvuntur, dùm cursus divertuntur, solidorum pressiones, potentia, occillationes frangantur, alienentur, invertantur; undè directionum, undulationum, determinationum immutatio, conversio, inversio. Porro quàm tumultuaria esse potest, confusanea, fortuita proindè isthâc curandi ratio, tam incerta, ominosa, inconstans est illarum purgationum operatio, quam pròmit cæca aut audax purgandi libido.*

Ejusdem alex sunt, discriminis & fortunæ purgationum tentamina, quibus humores impares purgationi & indebitos, aut à purgationum semitis alienos trahere aggrediuntur malè sani artifices. Sanguis fuerit in vitio, à circuitu desciscens, ab æquabilitate motûs degener, à directionibus delirans, à determinationibus abreptus, stagnans, lentescens, impeditus, qualem habent non infrequen-

ter mulierum ac virginum morbi : sub his humorum saburram suspicari placebit, mille purgantium stimulis laceſſendam? Sanguinem turbare erit, succos rem ſcere, *ſecretiones* ſiſtere, provocare partes, non laxare, ſtringere non ſolvere. Similiter, morbum fecerit animi *pathema*, ſanguinem accenderit ira, coëgerit melancholia; in culpâ ſit *ſuccus nervoſus*, morbum alant *preſſiones* auctæ, exleges *ocillationes*, *undulationes* inverſæ, præpoſteræ, abnormes; his omnibus in auxilium vocare *purgantia*, præterquamquod humores evocare fruſtrâ eſt ( qui fortè nunquam ſunt ) ad invia loca, ad alienas vias, declinare eſt; tam diſſimiles enim ſunt ſucci nervorum excuſus, tantùm ab inferioribus locis alieni, quantùm qui ſublimes ſunt parum concordant cum iis qui ſunt ad ſuperiora proclives. Interim his ſub caſibus audaculâ manu propinata *purgantia* ſuccedere videbis? Caſus & fortuna eſt, aut improſpera, inſidiosâve proſperitas, quam æmulari & in artis exemplum adoptare, temeritati medicaſtro- rum aut inſaniæ auſcultare erit.

Attamen non diffitendum fortuitos dari *purgationum* ſuccellus & abnormes, ut videtur, ſi vulgari & ſolitæ curandi



382 DE PURGANDA MEDICINA  
methodo comparantur, quos aliundè  
condonat aut finit, artis prudentia. In-  
euntibus v. g. *variolis confluentibus*, in  
*plethoricis* & juvenibus, adhibitâ quâli-  
bet diligentia, exuberans & evoluta  
nimiùm morbida materies *apostasies* su-  
bitaneas minatur, aut partes quas de  
repentè invaserit opprimere; tunc tem-  
poris maturiùs propinatum *mochlicon* im-  
minentem discutit procellam. Id certè  
novit qui artifex est, at præceps casus  
est, ubi ambigua remedia experiri satiùs  
est quàm nulla, toleranda tamen, imò  
laudanda, si legitimæ methodo non  
præiverint, fuerint igitur pedissequi il-  
lius non anteambulones, quæ sequan-  
tur, non antegrediantur: sunt enim me-  
dendi *occasiones* quas si à fronte præoc-  
cupare non datum est, à tergo usurpare  
concessum: cæterùm medicinalis operæ  
pretium est quod docuit & commendat  
usus, quo abuti dedecet artis novitios,  
quibus salivam moverit fortè id exem-  
pli, sed non *licet omnibus adire Corinthum*.  
Id igitur audentiæ ad artis magistros  
pertinuerit.

Quidquid enim de methodo de me-  
dendi clamitent, regimen & consilium  
est non tyrannis, injussu cujus aliquandò  
sapientibus mederi licet; docet enim

magis quàm imperat, aut quas jubet leges tempori, loco, occasione, asseruire finit. Nam ut certamina dantur, ubi præliandi legibus mancipare se, periculo est assentiri; ubi v. g. athletæ vis & impetus magis, quàm certandi scientia terrori est, sic à severiore medendi arte recedere, ars est, ubi debellandus humor, naturæ jugo excussus, inclementiâ sævit & malitiâ. Hinc insperati *purgationum* felices casus sub his morbis, ubi sic à circuitu delirarunt succi, ut ægrum perimerint priùs, quàm circuitui restituerentur. Hos iterùm obtinebis casus, quotiès ab ingeniis & moribus suis adeò desciverunt liquores, ut viscera labefactassent, antequàm ad suam se recepissent indolem.

Denique illi ipsi se produnt *purgandi* casus non aspernabiles, quandò partibus sic corporati sunt hostiles succi, ut sensim minuendi sint potiùs ac per *epi-rasin* deterendi sint, quàm affatim exurbandi. Verùm quod inculcandum æpiùs est, ut raræ sunt aves, rara erunt artis ausa, quæ ab usu aut experienciâ tendenda erunt & ediscenda, utpotè quæ obscuret ratio aut obnubilet.

Similem, & insolitum purgationis eventum felicem peritos edocuit idem

384 DE PURGANDA MEDICINA  
usus, qui norunt narium *hæmorrhagiarum*  
reditus *purgatione* prævertere : ubi vide-  
licet sanguinis *elasticitatem* nimiam di-  
luentibus, *concentrantibus*, *anodynis*, mul-  
centibus frænare frustra tentabitur, nisi  
tandem occasione natâ, mollitis nempe  
tempore simul & diluentibus succis, eo-  
rum sublimes impetus frangere detur,  
idque idoneâ *purgantis* usurpatione, quæ  
emollitas diù inferiorum partium fibras  
stimulando, deorsum efficacius *ocillari*  
cogat ; sicque *determinationes* mutando,  
*directiones* instauret.

Alia si vis exempla, oculatis enim &  
usu ad praxim informatis identidem se  
produnt, *vomitum*, *diarrhæarum*, *dy-*  
*senteriarum* sanationes, proferent. Sub  
his omnibus morbis, intrâ vasa quæ par-  
tes illas texunt, cespitans aut hærens  
sanguis, has insultat, succutit & in *spas-*  
*mus* conjicit ; undè exasperatæ *ocilla-*  
*tionēs* turbantur, motusque promunt  
aut nifus inconditos, à quibus tormina,  
dolores, anxietates, excretiones morbi-  
dæ. Tristis totius illius tragediæ author  
est sanguis, quàm compescit interdum  
*purgans* opportunè datum. Sic est, sed  
casus opus est, qui enim exturbantur  
humores stimularum partium fortuitæ  
expressiones sunt, dum reverâ eâdem  
stimula-



stimulationis operâ exsuscitatæ partes, *tonum* mutant & occillationes, impeditumque & hærentem sanguinem verberando fortiùs, pellunt efficacius, circuituique restitunt.

Verùm fortuitæ *purgationis* efficacix evidentius argumentum nullum est, quàm illius effectio quâ parturientibus auxiliari observatur. Fœtus hærens, ignavus aut instupens uterus parturienti mortem minatur? Acrioribus injectis *clysteribus*, aut tempestivè dato *purgante* solvitur uterus, & excluditur infans. Nùm in infantem agere isthæc *purgantia* credideris? Pallidis virginibus lethi minas intentat pallida mors? In causâ est mensium defectus? Adhibita *purgatio* auxiliabitur: an quia sanguini eliminando adjudicatur *purgatio*? Hæc quasi incogitando operatur. Quas mordet partes ad contractionem cogit, quæ ars illa est quâ *purgante* (vel tantùm enema fuerit) vellicatus uterus ad exclusionem fœtûs se accingit. Pari ratione quæ pungit vasa, ad *systolem* provocat, crescentèque aut instaurato *elatore* sanguinem vegetiùs premunt, & excretionem illius promovent, sed tunc fortuita vis est, quâ *purgans* suam præter institutionem, sanguinem educit.

Hæc igitur omnia concedenda sunt, quia comperta; at ut casus sunt, iis assuefieri minus convenit, artis enim rara sunt, quæ medendi industriam ostendunt non legem. Igitur ut illa non omittenda sunt, ita hæc observanda: imò verò eò scrupulosius tenendæ *purgandi* leges, quò pluribus obnoxia videtur casibus *purgatio*, tot enim incommodis patens & erroribus, tot insidiis circumseptâ, prudentiâ & cautionibus maximè indiget, quæ dùm tutum illius usum tueantur, ab abusu præservent. Interim cùm adhibitâ quâvis curâ, stabilitis quibuscumque legibus, ut *aliquandò bonus dormitat Homerus*, sic luditur quoque *purgando* cauta medendi lex, sit,



## CAPUT XXXI.

*De emendandis purgationum delictis.*

**O**MISSIONIS sunt purgationum peccata, vel *commissionis*; delinquent enim, vel nihil vel perperam agendo. Melius, quod de vitâ traditur, de infelici *purgatione* dictum puta; hujus magna pars infumitur *nihil agendo*, maxima, *malè agendo*, tota, *aliud agendo*. Reverâ, aut nihil, aut malè, aut aliud operantur purgantia emolumento morbi, ægroti detrimento. Si *nihil*, supplendum iterando statuunt artis rudes; si *malè*, acuendum pronuntiant; si *aliud*, non intelligunt ii, quibus perindè est, modò humores affatim exterminatos prospiciant. Secùs definiunt artis prudentes. Si vacuatione cassa sit *purgatio*, à purgando resiliunt, benè conscii facinora esse medentis opera, quæ invitâ ac reluctante naturâ suscipiuntur: in animo aliundè habentes, aut longiùs adhuc abreptos esse à *secretoriis* succos, quàm ut ad *intestina* revocentur; aut sanguini intimiùs esse remistos quàm ut extricen-



tur, vel rigidiores spasmō esse fibras, strictioraque *secretoriorum* oscilla, quàm ut succos elabi sinant. Undè intelligunt evacuationem aggredi sub hoc *solidorum*, *fluidorumve* statu, *athiopem esse lavare*. Hunc statum *cruditatis* nomine indigebat medicina vetus, quo perseverante, piaculo ducebat *purgationem* tentare, imò crimini, frustrà tentatam iterare. Enim verò tunc temporis meminisse convenit, morbos dari sub quibus evacuationem *purgatione* obtinere, aut difficile esse periculosum, aut impossibile; quales eos comperit usus, qui à *phlogosi*, ardore, remorâ sanguinis committuntur magis, quàm ab humorum putredine, corruptelâ, saburrâ; ejusdem quoque conditionis sunt, qui à siccitate, ut aiebant, præcordiorum nati erant, quod de fibrarum *tono* firmiori, rigidiori, *spasmodico* interpretaberis. Irritam deniquè se præbet *purgatio* in quibusdam corporum, regionum & aëris constitutionibus, quæ ad siccum & calidum vergunt; cæterum quotiès sub his casibus casâ *purgatione* peccatum fuerit, consilio magis quàm opere, cunctando non festinando, sarcietur delictum; frustrata enim sic evacuatio, præproperæ *purgationis* argumentum est; præproperæ, in-

quam; quamvis enim interposito plurium dierum intervallo exhibita fuerit, festinatam hanc dices, quotiès intractatas partes, indocilèsque succos invenerit; his enim conditionibus obtinendis, vix aliquandò hebdomadam intervalla satis erunt.

Cunctationi accedet *diluentium*, *mollientium*, *mulcentium* usus; *apozematum* v. g. herbarum succi aquosi, per *residentiam* *depurati* aut *eliquati*, non decocti, utpotè qui ignem experti alvum subducunt minùs. Nec omittendum non infrequenter resistere ideò partes *purgantium* operationi, quòd *phlebotomiæ* parcitum fuerit, quæ postliminio in usum revocata, alvo solvendæ confert, astipulante observatione familiari; non rarò enim dùm sanguis è sectâ venâ manat, derepentè bonisq; ægri rebus laxatur alvus. Neque id fortuitò contingere ostendit partium *mechanismus*; illæ enim ideò laxantur, quia tractabiles illarum fibræ, oscillationibus facilè serviunt. Porrò vasorum capillamenta, quibus contextæ fibræ sunt, impeditis, hærentibus ac cuneatis succis sæpè turgida, partium *systoli* impedimento sunt, quæ quia à suis contractionibus arcentur, succorum expressioni, evacuationi proindè adversan-

tur. At educto per venæsectionem lentefcente sanguine, liberæ factæ & expeditæ partes, faciliùs *occillant*, fortiùs comprimuntur, efficacius expellunt & evacuant; undè fit ut *venæsectio* laxantis medicamenti partes impleat & æmuletur.

Verùm, quod fidem vix inveniet, restituendæ quæ semel irrita fuerit, *purgantium* operationi, nihil adeò conferet atque *opiatorum* sapiens usus. Laxandi enim ars est purgandi scientia, à *solidorum tono* dependens; at *tono solidorum* molliendo nihil tam idoneum quàm *opiatorum* vis. Aliundè, ex medicaminibus nulla dantur tenuandis *fluidis* sive succis aptiora *opiatis*, quæ sanguini admixta, liquare illum, coloréque purpureo induere comperiuntur. Id autem, quod mirari subit, exequitur *opium* pacando sedandove, eâ ratione cæteris medicaminibus dissimile, quæ sanguinem tenuando, tumultus movent. Rationem aperit *opii* indoles, ea est, ut præ cæteris mixtis, quæ *volatilibus spiritibus* turgent, iis maximè abundet: sic ut ex unâ *opii* librâ uncia sex *spiritus volatilis* eliciantur. Igitur cogitabis ex *opio* corpus statim ingresso, levissimam & uberrimam *halitus* aërii nubem vaporare, qui halitus à



spiritibus impetum & *explosionem* facientibus dispar, non mole quam vix habet, non gravitate quâ exuitur, non pondere quo caret; sed pernicitate fulguris instar, non arietando, non dispellendo, non disgregando, sed permeando, pertranseundo, pervadendo operatur. Hâc arte fit, ut sanguinem subeundo, *lymphâ*que nervorum ingrediendo, penetrando singula, turbet nihil; imò vi nullâ succorum *stagnationes* (quæ *dolorum*, *laborum*, *spasmodorum* & anxietatum causæ sunt) solvendo. eliquandove, *liquidis* fluiditatem, *solidorum* *occillationibus* ordinem, sanguinis circuitui æquabilitatem, & utrisque (quod curæ omnis & operæ medicinalis apex & fastigium est) æquilibrium reddat & pacem.

Porro eâ ut plurimum de causâ irritæ fiunt, evacuatione defectæ, aut mutilæ *purgationes*, quòd sanguis compactus nimium ac glutine lentescens parum diffuat, ineptus proindè qui à *secretoriis* combibatur, ut *secretionibus* serviat. Cùm enim purgationum *materia* sit *lymphatica* seu *alba* sanguinis *portio*, compactior facta aut glutinosior, in eliquamina, quæ purgantium effectiones sunt diffluere nequit. Undè *opiatorum* energiâ tenuatus & eliquescent,

*purgantibus* materiem suppeditat, purgationúmque auget evacuationem.

Purgationis peccatum frequentius est evacuatio depravata, quæ cum *dysphoriâ* fit & torsionibus, succedentibus vigiliis, angoribus, febrium auctariis, tensionibus partium, doloribus, *renitentis*, &c. prominentiora enim à purgatione facta *hypochondria*, renitensque factum aut tensum abdomen, miseræ purgationis aut ominosæ vix incerta erunt indicia. Huic autem admissio malo, eadem quæ modò tradita fuit medicina erit; saltem idem medendi scopus; sic interim, ut cautio major sit, & certus minùs eventus. Hostiles enim & exitiales facti purgantium stimuli, id roboris partium *elateri* addunt, ut abnormi *elasticitate* sævientes in succos quos vehunt & pellunt, exlegésque & effrænes facti hùc illùc succi, cæco casu & incerto abripiantur, ardores, *phlogoses*, tumultus, *stagnationes* daturi. His remedio erunt venæsectio & *opiata*, eâ curâ illicò adhibenda & diligentia, quæ imminentem cladem ultimam avertant. Ingenti huic malo non inepta adhuc medela erit, à carniū aut jussculorum quæ ex iis comparantur abstinentia, quorum locum supplebunt *oryzata*, *hordeata*, ave-

*nacea*, quæ cum *sulphureis* partibus foeta minus sint quam carnaria, fomitum minus suppeditabunt sanguinis ardoribus, minusque agitatorii *spasms* ac tumultibus, quibus ansam dederit anxifera purgatio. Malæ purgationis & difficilis medela aliquandò fuerit purgantium permutatio. Fortè *cathartorum* loco usurpanda erunt *laxantia*; *emeti*corum vices implebunt fortassis *cathartica*, cum dentur morborum corporumque constitutiones, ingenia, *vergentia*, occasiones, quæ hæc vel illa præ cæteris admittunt.

*Biliofis*, ait Hippocrates, *ea exhibeto* quibus *bilis* repurgetur; *melancholicis*, quibus *bilis atra*; *hydropicis* *ea ex quibus aqua* . . . . Si verò alia quàm hæc purgaveris, quæcunque excludi debent non purgabis, quæ verò non convenit evacuabis. Quare bis peccabis. Indè manavit solemne illud Hippocratis axioma, si talia purgantur qualia conveniunt, confert & faciliè tolerant. Ex harum autem observationum neglectu provenit ominosarum purgationum pars maxima. Reipsâ purgationis ut ut faustæ & utilis incommodum necessarium est, sanguinem spoliando pauperare; at calamitatibus auctarium erit, si inactò succo qui morbum alit, alterum exhaustas qui sanitatem fovisset.



Hinc auguraberis quid non nasciturum mali, ex eorum rudi & inconditâ curatione, qui *bili*, *pituita*, *uni sero* evacuan- do student in iis morbis, qui ab hujus- modi humoribus non pendent: qui hu- mores venantur in iis quibus causa est spirituum *ataxia*, quos fecit *animi pathe- ma*, quos invexit inversus sanguinis cur- sus. Quæ illorum non infrequens culpa est qui *hystericas* catharticiis torquent, qui *spasmodicas colicas*, quales sunt quæ pictorum aut pictonum vocantur, *eme- ticis* tractant; qui *melancholicos*, *atrabila- rios*, *scorbuticos*, *hypocondriacos* purgan- do vexant. Simile peccatum eorum est qui morbos qui sanguinis sunt, in hu- moribus poni præposterè cogitantes, purgantibus sanguinem eliquant, siccant, exhaustiunt; quod delicti ad eos perti- net qui in plerisque virginum, mulie- rum, prægnantium, puerperarum mor- bis purgationibus indulgentes, devium à circuitu suo sanguinem alienant ma- gis ac disjiciunt. Non minùs periculosè impingunt, qui alterius ab eo loci ubi sedet morbus parem succum educunt, quod in eos competit, qui *pituitam*, cu- jusslibet fuerit loci perindè habentes, illam quæ narium pulmonumve est edu- xisse putaverint, si eam omnem quæ

stomachi & intestinorum est penitus everrerint. In eodem errore conquiescunt, qui in fero evacuando tam securi sunt, ut pars quælibet, viscus quodvis, qualis aut quæ fuerit regio corporis, officio medentis fecisse satis arbitrantur, si ferosam colluviem traxerint. Tales decipit *seri*, *pituitæ*que mirabilis ex cathartico proventus, in curatione morborum qui jecori proprii sunt; sub his enim affectibus quantus quantus purgando exierit humorum acervus, ægri damno, utilium jacturæ, morbi incremento prodierit, usquedùm bilis affatim deturbata, obstructionem solvi, expeditæque jecur & liberari ostendat. Imò *bilem* uberrimam prodire minimi erit, nisi flava, non plus nimio diluta, levis, æqualis & facilis exeat, subacta nimirum ut decet aut cocta, naturæque congrua moribus. *Porracea* enim, viridis aut pallida nimirum ut cruditatem sic acridinem arguit, laborantemque adhuc ac militantem non victricem naturam.

Quas purgandi cautelas, si *acutis*, si *chronicis* affectibus aptaveris; si cum *capitis*, *pectoris*, *abdominis*, totiusque corporis habitus morbis contuleris, ad impendentia purgationum pericula stupebis, adeo alios ab humoribus, qui illos

committunt affectus, educere confueverunt, nisi purgandi artis erudita manus prouiderit. Sic purgantia sanandis *apoplexiis* mendosa se produnt, eâ autem unâ de causâ, quòd *bilem, pituitâ* uve educant è stomacho, cùm sanguis lentescens, hæret, stagnatur, tardescit in cerebro. Similis delicti exemplum habes in *peripneumoniâ*, ubi purgationi vacare, cuneatum & impactum sanguinem turbare est, agitare, & in tumultum agere. Tam malè olet purgatio sub *tabe*, ubi dùm pulmo tuberculis horret & induratur, humores primarum viarum extrudere satagunt. Quid plura? *Stomachi, intestinorum, renum, vesicae, morbos* purgationibus exasperari comperies, si humoribus educendis, quibus illos affectus attribuunt, assueueris; aliud enim à causis extrudendo, molestiam afferes & laborem. Intereâ cavebis sedulus, ne credas penitus exulari debere purgantia ab omnibus his memoratis affectibus; enimverò quâ de causâ, quibus occasionibus, quo tempore & loco, sub quâ constitutione, quòve sexu, purgando iuvare norint artis magistri, traditum alias: undè meminisse tantùm hîc convenit omnes quotquot ingruunt purgationum calamitates, huic adscribendas



venire errori, quòd purgationes in tantum auxiliari persuasum vulgò sit, in quantum humores educendi sunt, hosque humores ipsissimos esse, qui morbos faciunt, fovent, curabilesque reddunt aut incurabiles.

Sed *aliud* adhuc aut incongruum operari purgatio deprehenditur, cum febrem, cujus extinctioni studetur, augeat aut exasperat, quod cum contingit à repetendâ *catharsi* manum abstinerebis, nisi purgandi indeclinabilis urgeat necessitas; quo dato casu, *corticem peruvianum*, *opiata* quoque fortassis, purgantibus proximè secuturis admiscere è re futurum, ut *unâ & eâdem fideiâ* mulceas & eblandiaris, quas stimularis partes.

Est quoque ubi operando nimium purgationes nocivæ comperiuntur; sic delinquant cum exturbatis hostilibus succis, utiles quoque & amicabiles eliquati succedunt & exterminantur; *superpurgationem* nuncupant, quæ enormem evacuationem sonat. Purgationis enim legitimæ & laudabilis muneris est, morbosos succos eliminare, eos videlicet qui in *secretoriis* hærentes, ad *excretionem* parati accingebantur; in his autem excretis consistens evacuatio *confert*, talém-

que *facile ferunt*. Succi enim sunt manumissi à naturâ, damnatique exilio, qui detrimenti nihil apportant; secus erit si fortiori stimulo vellicatæ partes vehementiùs, crebrioribûsque *occillationibus* exasperatæ, sanguinis interiores succos, toties verberando dividunt, divellunt, atque lacerant; quo in casu lethiferas accersunt *colliquationes*, eò exitiabiliores, quòd *spasmo tonico* dehiscencia *secretoriorum* oscilla, patula permaneant aut dilatata, *determinatis*, corriuantibus, stimuloque percitis, & impetum facientibus succis excipiendis continuo subjecta & obnoxia. Calamitatis summa erit, si immaniter ferociens irritata *systaltica* vis ipsissimam rubicundam sanguinis portionem divellendo extrudat, adeò ut humorum loco, quod *hypercatharsi* familiare est, sanguis ipse cacando reddatur. Ulteriùs procedens *deleteria* purgantis præposterè oblata malignitas, ad *nervos* serpit, quos ipsos acriùs lacefendo, mordet, pungit & angit; unde *tendinum spasmi*, *subsultus*, *tremores*, *spirituum ataxia*, *comata*, *deliria*, infelissima (si quæ dantur) portenta.

Cruenta dejectio purgationi succedens, ut ut malis ægri rebus contingat, curam feliciorē admittit; illi enim *spe-*

*cificè* auxiliatur *theriaca*, hoc titulo artis prudentibus commendata. Reverâ, ut insigni sapore condita sentitur, metus est non mediocris ne salibus aspera, odore gravis, fœtâque aromatis intrâ sanguinem febrilem & flammantem evoluta, tumultus cieat & incendia; sed his providebitur incommodis, eam exhibendo *alcalinis* pulveribus iisque *fixis*, tum aceto imprægnatam; pulveribus enim impedita, aceti *acido fixata*, minùs habet undè se pandat, evolvat se, vel exaltetur, aut *volatilium* turbas exfuscitet. Comitem adhibebis *diluentium* & edulcorantium usum, quo castratæ vel depressæ *theriacalium* potentia, mihiùs se gerunt cum sanguine. Nec omitendum eum esse *theriacæ* ardorem, qui formidinis minùs incutere debeat; *opio* enim gravis multa occurrit malis; partes enim laxat, mollit, expedit, viâque sanguini referando, circuitiorem illius restituit, quâ ratione ardores arcet aut sedat.

*Tendinum spasms*, &c. auxilio quoque erit *theriaca*, efficaci tamen minùs; ea enim sunt memorata *symptomata*, quæ ipsissimam *solidorum* substantiam infici monstrent, intimâsque partium medullas, quod idem est ac vinci naturam,



400 DE PURGANDA MEDICINA  
sic suffossam, ut secretiores sui obices  
intimioraque repagula tueri non potue-  
rit. Exhibenda interim eò confidentiùs,  
quòd *opiata* cardiacis admixta castigan-  
dis nervorum vitiis & emendandis spi-  
rituum *ataxiis* tutiora comperta fuerint.



## CAPUT XXXII.

Parergon.

*An purgationibus carere posset  
medicina?*

**D**UO importat quæ hîc instituîtur quæstio ; videlicet, an sic vivere potuisset homo, ut nusquam purgationibus indigeret : 2°. An positâ præsentî vitæ consuetudine, aut victûs vulgaris normâ purgantibus carere potis sit? Quo audito, statim secum reputant quos juvat præconcepta de saburris aut sordibus opinio, an sic suam instituere potuerit homo vitæ rationem, ut nulla superfluerent succorum inutilium superamenta, bene conscii ( ut sibi videntur ) eliminandis unis succorum ejectamentis dicari purgationem. Quæ si vera sint, erit undè à purgandi necessitate liberent homines, qui eduliorum temnendo luxuriam, parco & simplici victûs regimini se devoverint. Illorum spes alit confessa apud quemcunque observatio, valere ac senescere hominem, cæca cujus cutis spiramina eandem circiter incon-

spicui halitûs formâ exspuerint succo-  
 rum copiam, quàm ore consumpserit.  
 Reverâ, mentem serenat nihil adeò, ve-  
 getâtque corpus humanum atque victûs  
 parcimonia, maximè cùm pauxillum sit  
 illud necessarium, quod vitæ sustentandæ  
 opus est; undè consequitur vix unquam  
 futurum ut purgari indigeat, qui sic in-  
 stitutus fuerit, utpote cui, purgationi  
 indulgere idem fuerit ac necessaria abli-  
 gurire. Fidem mereretur id genus con-  
 filii, si unius alimentorum luxuriæ fœ-  
 tus essent succorum exuperantiæ aut su-  
 perfluitates; iterùm, si inutilium tan-  
 tùm & ejectitiorum succorum soboles  
 esset cachochymia. At aliundè quoque  
 veniunt isthæc delictorum genera. Un-  
 decunque compingatur sanguis, ex qui-  
 buslibet eduliis, quâvis parcimoniâ &  
 frugalitate assumptis, labem contrahere  
 potest; ut enim declinaverit nemo le-  
 thi irrevocabile fatum, ut ut severioris  
 parcimoniæ victûs studiosus fuerit, sic  
 sanguinis delictis aut *deliquis* assiduè pa-  
 tet iisque ineluctabilibus. Nascitur enim  
 homo, proindè moriturus, factus sic  
 temporis casibus obnoxius. Quod dic-  
 tum putabis, ut intelligas aliundè, quàm  
 à copiâ succorum humores oriri, ideòque  
 stare posse purgandi necessitatem, demptâ



etiã succorum redundantia, qui licet pauci naturâ ac laudabiles, eliquescere possunt & in humores degenerare. Motus enim, sanguinis *eucrasia* tutamen est, qui tandiũ nitet purus & intaminatus, quandiũ liberè, facilè, & æquabiliter intrâ vasa circumrotatur. Turbato autem illo motu, morante, impedito, perit illa circuitus æquabilitas, indè sanguis hærens lentescit atque densatur, vaporumque angustis coarctatus, pressusve, quos sinu suo coërcebat succos exprimit, ruptisque veluti aggeribus exundat. Sic habes *serosam colluviam*, similiaque eliquamina, quæ circumpositas partes mergent, tantum hæc de causâ, quod interclusus sanguis, à sui circuitus æquabilitate dejiciatur. Itaque quemadmodum seclusâ sic sanguinis *cacochymia*, succorumque nimietate humores sobolescent, aliam à quantitate, copiâ aut pravitate succorum purgandi necessitatis rationem dari intelligitur, iis etiam in affectibus, quos alunt *serosa*, *pituitosa*que eliquamina. Ampliùs, quod rei caput est, demptâ quoque aut absente sanguinis omni *dyscrasia*, sero undequaquè rorescunt partes aut exundant. Exemplo sit *cattarrhus*, quem inspiratus subito gelidus aër invexerit; id mali sanum quemlibet

derepentè corripit, redundante adeò seri affluxu, ut nares, oculi, fauces, pectus ferè mergantur. Nequè id diluvii aliundè quàm à sanguine repetes, quandoquidem sæpiùs in *coryzâ* emuncto sero, in *tussi* exspuatæ pituitæ, naribus aut ore sanguis ipse succedat; adeò verum est, aliam à corruptelâ aut putredine sanguinis proficisci humorum eliquationem! Diversam proindè esse à *cacochymia* purgandi rationem. Imò forteàn rationum omnium quæ purgationem suadebunt, infrequentior nulla dabitur, quàm *cacochymia*. Sexcentorum enim morborum pars maxima sanos corripit & inopinantes, sic ut qui functionibus integer pridie versabatur, postridie gravissimè decumbat, his subito tactus affectionibus, quæ altam saburram vulgò arguerent. At verò vix tunc concipias, quâ malâ arte, aut quàm infelici diligentia factum sit, ut tam promptè, tantumque impuretur sanguis. Aliquis v. g. sitis impatiens, labore fractus, fervens calore, sudore diffluens, aquam nive gelascentem, aut gelu rigentem absorbeat, *colicam*, *dysenteriam*, *pleuritidem* aut *rheumatismum* is sibi consciscit; nùm brevi adeò tempore in *bilem*, *serum*, *pituitam* resolvi sanguinem cogitabis? Rem

sic se habere concludes, aut aliam à *cachymia* purgandi necessitatem stabilire erit. Adde contagiosos, malignos & pestilentes affectus, qui afflatu momentaneo obvios quosque & athleticos infestant tantâ vi ac potentiâ, ut omnes functiones illicò pessundent; an tunc purgationis utilitates eliminandæ succorum saburræ imputabis? Itaque tantum abest à vero medicinæ inutilem esse purgationem, aut eâ carere posse medendi artem, ut necessaria conspiciatur, etiamsi ex paucis & simplicibus institueretur frugalissima victûs ratio, imò verò etiamsi laudabilis, corruptelæque aut vitii purus omninò esset sanguis, qui morbum committeret. Neque enim paradoxo argues hanc de sanguine opinionem, quam excusso præjudicio innuit rerum corporis scientia, quàmque confirmat usus. Enimverò à sanguine purissimo, intaminato, & ut decet constituto, gravissimos committi posse, imò reverâ in dies committi morbos suspicio non levis est. Talium morborum causam esse *plethoram* olim stabilitum est, at demptâ etiâ illâ veterum *plethorâ*, id est exuberante totius sanguinis plenitudine, imò positâ sanguinis exiguâ mole, ab illo vehementissimos af-



fectus invehi, conjectura non aspernabilis est. Denique fidem non excedit sanguinem, qui paucus nec illaudabilis fuerit in succos redundantes & degeneres solvi posse.

Absente enim universali plethorâ, qui paucus intrâ vasa vehitur sanguis, ejusdem conditionis manet, iisdem affectionibus & *ataxiis* obnoxius, hærere, tardari, lentescere capax. Mole quidem suâ is non erit qui ultroneo pondere impetum moveat, resistantiâsque aggerat, aut faciat obices; at vasa quæ sanguinem agunt ejusdem sunt *contractilitatis*, eadem eorum teneritudo, vis systaltica similis, quæ cûm omnipotentia sit in humano corpore, quæ *fluida*, seu succos omnes animalis œconomix pellit, urget & circumfert, iisdem *spasms*, contractionibus, compressionibus, *crispaturis* vasa subjicit, facitque idonea quæ sanguinis & cæterorum succorum moras, hæsitantias, lentores, stagnationes inducant. Insuper iisdem homo animi *pathematis*, curis, sollicitudinibus, ægritudinibus exponitur, iisdem aëris insultibus, inclementiis, inconstantiis necessario patet; undè superstitibus morborum potentiis, possibiles supersunt morbi, quibus minùs licèt subdatur materiæ,

A CURAR. SORD. *Cap. XXXII.* 407  
non minùs suberit potentia.

Quod autem fidem ferè excederet ,  
suppositâ minori morbidâ materie, pau-  
ciora non sunt quæ morbis superveniunt  
eliquamina ; hînc videas macilentos  
sputaminibus assiduis stillantes , tabe  
confectos sudoribus , hecticos *diarrhœis*  
colliquescere. Enimverò sanguinem ali-  
cubi hædere satis est , ut stimulati & cor-  
rivantes succi exundent. Argumento est  
spina digito infixâ , quæ partem quam  
obsidet pungendo , in eum tumorem at-  
tollit , qui nativam illius molem duplo  
& ampliùs superet.

Neque id mirum videbitur ei qui at-  
tenderit quamlibet corporis particulam  
vasis innumeris , hæc glandulis non nu-  
merandis esse contextam ; undè conse-  
quitur stagnato alicubi sanguine, residues  
fieri & hæsitare tot, quot vasa sunt , suc-  
cos , qui impulsî continuo à corde , ex-  
pulsique quia compressi , ab indigenâ  
partium *systalticâ* vi cuneantur & hærent.  
Secùs erit si ingurgitatae partes aut suc-  
cis gravidæ , emissariis instructæ sint ,  
quæ succos stagnantes & interclusos fo-  
râs aut in subjectas capacitates eructare  
possint ; hînc enim eliquaminum , de-  
fluxionum , evacuationùmve mille ge-  
nera. Testes appellabis *epiphoram* , *cory-*

*zam*, *tussim*, quas invadens inopinatè  
 frigus invehit; densata enim hâc occa-  
 sione vasa, *lympham* immodicè plorant.  
 Patet igitur omissis etiam *plethorâ* & *ca-  
 cochymiâ*, duplicem adhuc dari pullulan-  
 tium humorum fontem, *spasmodicam* sci-  
 licet *solidorum diathesin*, quæ *fluidorum*  
 vitium accersit, tùm *fluidorum* ipsorum  
 expressionem, expulsionem, eliquatio-  
 nem, quæ *spasmi* stringentis & exprimen-  
 tis effectus sunt. Posthâc si morbum  
 fingere dabitur, undè absit *solidorum spas-  
 mus* vel *strictura*, hincque succedens *flui-  
 dorum extrusio*, morbum tenes, qui pur-  
 gatione non indigebit, utpotè qui sic con-  
 stitutus, humoribus nullis aut nullis suc-  
 corum vitiis & eliquationibus subjaceat.  
 In medium proferes morbos, qui *atonie*  
 imputantur, sub quibus *lymphâ* madentes  
 partes, aut humoribus diffuentes anim-  
 advertis? Sed hîc quoquè in *solidis spas-  
 modicam* vim, in *fluidis* extrusionem repe-  
 ries. Vix enim, enormem quamvis eva-  
 cuationem observabis, quæ à laxatis, flac-  
 cidis aut resolutis partibus omninò de-  
 pendeat; hæc enim dùm victi *elateris* in  
 parte quâ manat humor, argumentum  
 est, vincentis *elateris* in parte unde mit-  
 titur indicium erit. Quod ut intelligatur,  
 animo tenendum, excretum aliquâ parte  
 humorem,



humorem, interclusi, stagnati & pulsantis alicubi sanguinis non infrequenter signum esse. Vomituritione v. g. humor aliquis excernitur; si prægnans fuerit in utero; si *hepatitis* in jecore; si *nephritis* in renibus; si *cephalæa* in cerebro stagnabit sanguis. Porro stagnatæ partes, succorum quibus turgent mole graves, in *systolem* nituntur ut se liberent & expediant. Vis est *systaltica* fortiùs compri-mens, cujus conatibus & impetui dùm obsistunt quæ firmiora sunt vasa, dehiscendo cedunt quæ firma minùs sunt *excretoria*. Vehementiores cogita *undulationes* à longè ad remota descendentes, quæ à robustioribus partibus profectæ, ad imbecilliores pergendo desinunt, adeò ut quantum illæ ad mittendum pollent, tantum ad emittendum aut excernendum valeant. Hæc ad alvinas evacuationes transferendo, concipere erit quâ fiat, ut enormis *diarrhœa*, potentia vehementioris sapiùs, quam dejectæ vis aut pessumdati intestinorum *elateris* testimonium fuerit. Febris enim ardet, sæviunt spiritus, vasa ferociter *oscillant*, ipse sanguis rigente fibrâ quâ tumet impetum ciet, tunc compressi undecunque succi intestinis evadendo exiliunt; an conspicuum magis desideres *elateris* vin-

centis in vasis, victi verò in intestinis argumentum ?

Cùm igitur confessa res sit, cuilibet morbo subesse *stricturam*, *crispaturam*, delitescentemve *spasnum*, qui *solida* ligando constringendove, *liquidorum* seu sanguinis motum interturbet, aut circuitum mutet vel dejiciat, vix ullum morbum reperiās sub quo sanguis moram trahendo vitium non capiat. Ampliùs, nullum habebis, sub quo vitiatu sanguis mille corruptelarum generibus non sobolescat. Non aliundè quidē mutaberis validius argumentum & efficacius purgationis necessariò adhibendæ ; sic nempe stabilità purgandi necessitatis duplici ratione, *spasnum* scilicet partes alicubi ligantem solvendi, tùm pullulantes indè succorum corruptelas evacuandi ; interim cum grano salis id accipiendum est. Enimverò licet curandi finem & intentiones intellexisse, ad artis apicem gradus sit, illas attigisse felicitas & fastigium est ; prius enim, iter est ad sanitatem, posterius, terminus est quem assequi artis caput & summa est. Hic igitur si alicubi curationis anima erit occasio, quam aucupari in purgando, artificis industriæ est. Esto reficiat, vix ullum dari morbum cui purga-

tio non accommodet, sed non immemor nullum prorsus esse cui non possit incommodare. Quod ne committat medendi curiosus, tenaci tenebit memoriâ, purgandi finem in solvendâ alvo positum esse minus, quàm in solvendo *solidorum spasmo*, quem autem solvi spondet cum *euphoriâ* profluens alvus. Ideoque adhibito purgantis stimulo, morbo *spasmo* vim inferre nusquam attentabit, inconscius an emollita satis intestinorum emissaria sint obsecundatura. Cui observationi ne desit, iterum meminerit id obsequii temporis esse ordinariò, interdum industriæ, sapientiæ semper opus, quod rarò inter initia morborum, ut plurimum sub finem locum inveniet; sic ut in medendo summus futurus sit, qui quantum fuerit in accelerandâ purgatione sagax, tantum fuerit in tardandâ prudens.

FINIS.



# INDEX RERUM.

*Numerus vulgaris, textus, Romanus, proloqui pag. indicat.*

## A

<b>A</b> <i>Bdominis</i> consideratio. ( V. <i>alvus.</i> ) pag.	
322	
— Inflatio.	119, 374
— Morbi.	327
— Curatio.	392
— <i>Ætiologia.</i>	119, 374
<i>Abscessus.</i>	98
<i>Absorbentium</i> agendi ratio.	112
— Intentio.	43
<i>Aciditas</i> , morborum causa.	55
— Ignis effectus.	72
— An detur in sanguine.	72, 150
<i>Æquilibrium.</i> Causa sanitatis. xxxvij, xciv,	
26, 28, 131	
— Ab utero.	285
— Vitiatum.	66, 311
— In quo consistit.	xlix
— Cui comparandum est.	ibid.
<i>Aër.</i> Ejus mechanismus ad morbos. 65, 66,	
618, 309	
— In pulmonibus.	309
— Interior & exterior luctantur.	68

# INDEX RERUM.

— Rarefcens, quid operatur.	68
<i>Aëris contagia.</i>	67
<i>Ætates, quomodo definiendæ.</i>	278
<i>Alba pars sanguinis, quid.</i>	4, 29, 235
— Materies fecretionum omnium.	391
— Causa morborum.	47, 340
<i>Alcalifatio sanguinis, quid.</i>	72
<i>Alimenta simplicia.</i>	289
— Quomodo confideranda.	234, 236
— Impura, quæ.	12
— Ingurgitata. Eorum mechanifmus.	60
<i>Alterantium quorumvis agendi ratio.</i>	111
<i>Alvus. An fentina?</i>	87
— Publicum sanguinis emiffarium.	20
— Illius natura, feu conditio.	19
— Sordes dolofæ.	117, 123
— Purgantium effecta.	128
<i>Alvus fequax utilis ad purgationem.</i>	120
<i>Alvi fluxus.</i>	121
<i>Amarum, acidum, ancipitis potentia.</i>	21
— An infunt fanguini.	22
<i>Analogia morborum.</i>	293
<i>Analogifmus chymia.</i>	277
<i>Anaftomofes.</i>	81
<i>Anatomes ftudium Solidorum fyftema in-</i> <i>nuit.</i>	lxv
<i>Anima, quomodo morborum caufa.</i>	57
<i>Aphorifmus Hippocr. explicatus.</i>	247
<i>Apoftafes.</i>	36, 142
— Variæ, critica.	97
<i>Arteriarum pofitura, definentia.</i>	35
<i>Atonia malè intellecta.</i>	39, 409
— Quid eft.	363
<i>Aurium ceruminis ufus.</i>	13
<i>Authores medicinales laude digni, quâ ratio-</i> <i>ne.</i>	lx

# INDEX RERUM.

— Eorum vitia.	iv, v, xviiij, xxiv, xxvj
— Excusatio.	xxv, lxxxviiij, &c.
— Characteres.	vj
— Commenta.	xvj
<i>Authores</i> , Hippocratem imitentur.	vj, xliiv
— Imitantes.	vij, x
— Quibus legibus judicandi.	lxxxvj
<i>Authorum</i> intentiones quales sint oportet.	xxvj
— Judicium quomodo exercendum.	lxxxvj

## B

<b>B</b> <i>Aglivi</i> laus.	xxxv
<i>Balsamum</i> sanguinis, quid.	30
<i>Bellinus</i> laudatus.	xxxviiij
<i>Bilis</i> , pituita, an excrementa. 6, 8, 17, 19, 83	
— Morbosa.	272
— Natura.	19
— Proventus.	83
<i>Boerhaave</i> laudatus.	xliij
<i>Borellus</i> laudatus.	xxxviiij
<i>Bruta</i> , unde raro ægrotant.	57

## C

<b>C</b> <i>Acochymia</i> , quid.	404
<i>Cadavera</i> humorum congestiones non ostendunt.	138, 140, 143
<i>Calor</i> , & frigus malè intellecta.	44
— Quantus in corpore.	199
— Ejus remedia.	202
<i>Calida remedia</i> noxia.	xciv
<i>Carcinoma</i> .	357
<i>Carnium</i> damna.	235
<i>Casus</i> in medicinâ.	375, 384



# INDEX RERUM.

— Quomodo intelligendi.	379, 381
— Quando admittendi.	383
<i>Catarrorum</i> causæ.	46, 78, 313, 339, 404
<i>Causæ morborum.</i>	56
— Chronicorum.	72, 129, 132
— An à Sulphure?	72
— Ab effœto sanguine?	72
— Ab humorum saburrâ?	129
<i>Censorum</i> dotes quales.	lxxix
<i>Censura</i> rerum medicinalium, ad quos pertinet.	lxxvij
— Iniqua, qualis.	lxxviii
<i>Cephalica</i> remedia malè intellecta.	298
<i>Cerebri</i> consideratio.	297
— Fibrarum mollities.	297
— Morbi.	295
— Fibrarum sunt occillationes.	297, 299
— Illorum purgatio.	299
<i>Chirurgicales</i> morbi.	349, 356
— Eorum divisio.	349
— Purgatio.	360
<i>Chronici morbi.</i> Eorum tempora.	38
<i>Chyli</i> natura.	4, 30
— Depuratio.	13, 30
<i>Chymia</i> confusionem invexit.	liv
<i>Chymia</i> analogismus dolosus. xij, &c. lxxv,	277
— Incommoda.	lxxiiij
— A quibus notata.	ibid.
<i>Circuitus</i> sang. Illius uniformitas.	24, 96
— Unitas in omnibus succis.	140
— Ordo, ratio.	xcv, 27
<i>Circuitus particulares</i> in visceribus.	23, 35, 140
— Eorum harmonia cum universali.	24. 28
<i>Clysteres.</i> Eorum agendi ratio.	175, 364
— Non unis facibus destinantur.	115
— Stimulando juvant. 177. Probatur.	178

# INDEX RERUM.

— Eorum utilitas, unde.	180
— Potentiores, quàm suppositoria.	185
— Dimidiati quando juvant.	185
— Quomodo alvum comprimunt.	185
<i>Coctio &amp; cruditas</i> , quid sunt.	197, 200, 248
— An à calore?	200
— An à volatilibus?	205
— Tritus, comminutio est.	201, 203
— Tritus est lentus, successivus.	203
— Initio morborum.	244, 249
— Necessaria ad purgationem initio morbo- rum.	248, &c.
— Lavigatio est.	204
<i>Coctionis</i> conditiones.	204
— Exempla initio morborum.	245
— Explicatio mechanica.	205, 219, 240
<i>Colliquatio</i> humorum.	10, 70, 73, 277
— An morborum causa?	75
<i>Colores</i> succorum, unde sunt.	156, 211
— Mutati in sanguine quid, &c.	208
<i>Comminutio</i> sanguinis.	17
<i>Communitates</i> morborum.	294
<i>Concentrandi</i> intentio. (V. <i>absorbentia</i> .)	43
<i>Cor</i> , confluvium humorum.	85
<i>Corpus</i> . Automa est.	113
— Ejus œconomia.	31
— Tota in directionibus.	43
<i>Crises</i> .	98
— Non ridendæ.	116, 227
<i>Critico</i> lex servanda. (V. <i>censura</i> .)	lxxxiv
— Conditiones.	lxxxv
<i>Cruditates</i> . A lymphâ fiunt.	208
<i>Cruditatum</i> materies & ratio.	218, 240
— Causæ.	206, 242
— Infidelitas.	230
— Signa.	206

# INDEX RERUM.

<i>Crudum</i> , an à frigore ?	199
— Quid reverà sit.	199, 388
<i>Cutis affectus</i> .	340, 346, 357
— Oleosis exasperantur.	358

## D

<b>D</b> <i>Efacationis ratio</i> .	13
<i>Dejectionum</i> alvi consideratio.	229, 251
<i>Depuratio</i> sanguinis.	10, 30, 210, 224, 401
— Chyli.	131
— An à fermento ?	10, &c.
<i>Desinentiæ</i> morborum.	314, 330
<i>Despumatio</i> sanguinis.	5, 8
<i>Despumationum</i> deliria.	210, 224, 401
<i>Determinationum</i> restitutio.	211, 224
<i>Diata</i> , causa morborum.	59
<i>Diata</i> necessitas.	xxx
— Absque carnibus ratio.	xxxij, 112
<i>Diagnosís</i> .	xxv
— Quomodo instituenda.	xxj
<i>Diametrorum</i> mechanismus.	211, &c.
— Proportiones.	28, 131, 133
<i>Diarrhæa</i> ; non ab humorum saburrâ.	127, 237
— Non ab <i>atonîâ</i> .	49
— Quomodo curandæ.	237
— Non semper purg. indicant.	213
<i>Diluentia</i> , quid sunt.	370
— Eorum utilitas.	xciv, 263, 367, 389
— Agendi ratio.	3
— Natura.	234
<i>Directiones</i> , Sanitatis causæ.	23, 34, 244, &c.
— Mutatæ.	36, 42, 131, 133, 343
— Vitiatæ.	44, 131, 343
<i>Directionum</i> restitutio.	211, 224
<i>Dolans</i> laudatus.	lxviiij



# INDEX RERUM.

<i>Drastica remedia.</i>	363
<i>—Eorum abusus.</i>	xix

## E

<b>E</b> <i>Ccoprotica.</i> ( <i>V. minorativa.</i> )	
<i>Elater</i> vasorum epistomii vices agit.	133,
149	
<i>— Partium.</i>	xlix
<i>Emetica</i> , in pulmon. morbis.	316
<i>Emph sematum</i> causæ.	93
<i>Epicrasis.</i>	36, 370
<i>Epidemici</i> morbi.	292
<i>Errorum</i> in medicinâ causæ.	viii, &c
<i>Ettmulleri</i> laus & ingenium.	lix
<i>Evacuantium</i> numerus.	96
<i>— Necessitas.</i>	95
<i>— Errores.</i>	104, 107
<i>— Imposturæ.</i>	117, 397
<i>Evacuantiæ</i> , non de purgantibus tantum intel- ligenda.	114
<i>Evacuatio</i> , quid Hippocrati.	114
<i>— Cruenta.</i>	398
<i>Evacuationes</i> partiales, sed plures, bonæ.	230
<i>— Ætiologiæ.</i>	78, 95
<i>— An à solidis?</i>	78
<i>Evacuationum</i> ubertas, unde.	155
<i>— Proprietates.</i>	191
<i>— Doli, fraudes.</i>	91, 102, 105
<i>— Differentiæ.</i>	95
<i>Exanthematum</i> causæ.	49
<i>Excrementum</i> , quid.	1, 6
<i>— Foràs</i> pellitur.	7, 9, 333
<i>Excrementorum</i> origo.	11, 15
<i>Excretoria</i> intrâ abdomen qualia.	333
<i>Excretoriorum</i> aberrationes.	49, 339
<i>Exercitationes</i> corporis. xxix, xxxiv, 114, &c.	

# INDEX RERUM.

## F

<b>F</b> <i>Acultas Medica</i> Parisiensis laudata.	<i>ix</i>
— <i>Medicinæ optimæ vindex.</i>	<i>ix</i>
<i>Febris</i> idea.	202
— <i>Ætiologia nova.</i>	63, 75, 132
<i>Febris</i> digestionis dicta.	64
<i>Febris maligna</i> à purgatione abhorret.	215
<i>Feminarum</i> temperamentorum consideratio.	282
— <i>Natura.</i>	285
<i>Fætus</i> consideratio.	279
<i>Fermentorum</i> damnatio.	II, 86
<i>Fibra</i> corporis, quales.	xxxvij
<i>Fistula.</i>	352
<i>Flatus</i> , causæ morborum.	284
<i>Flatuum</i> origo.	48, 93
— An à pituitâ?	332
<i>Fluida</i> , non à se moventur.	xxxij, 148
— Illorum vis erigi vix potest.	108
— <i>Impotentia.</i>	109, 113, 137
— <i>Habenda ratio.</i>	120, 225
— <i>Vis incerta.</i>	xxxij, lxxiv, 22
<i>Fluidorum</i> vitia exposita.	33
— <i>Potentia à solidis.</i>	34
— <i>Status sub morbis.</i>	43
<i>Fluoris albi</i> causa.	288, 326
<i>Fomites</i> morborum ubi & unde. I, 84, 343, &c.	
<i>Fortuna</i> & casus in medicinâ.	375
— <i>Quid est.</i>	377
<i>Freind</i> laudatus.	xlij

## G

<b>G</b> <i>Landula</i> , quid.	366
— A Ruyfchio unicè bene definita.	lxvij
<i>Glandularum</i> morbi à spasmo. 38, 142, 281, 342	
— <i>Ufus legitimi.</i>	lxvij, &c.

# INDEX RERUM,

## H

<b>H</b> æmorrhagiarum cessatio causa plurimum morborum.	45
<i>Hæmorrhoidum</i> siccatio causa morborum.	45
<i>Hippocratis</i> ingenium.	vj
— Stylus in scribendo.	vj
— Libri.	vj, xlvj
— Imitatio in scribendo.	vij
— Neglectus.	xviij
<i>Historia</i> morborum.	xxv
<i>Hoffmannus</i> laudatus.	lxxiiij
<i>Homines</i> , quare frequentius ægrotant quam bestia.	58
<i>Humorista</i> .	xciiij
<i>Humorum</i> lapsus, pronitates.	36, 79
— Vergentiæ.	221, 369
— Confusio.	137, 196
— Aberrationes in visceribus.	50, 339, 368, 394
— Reproductio.	129
— Coagula, crassamina.	83
— Vitia à sanguine.	38
— Proventus, origo.	70, 74, 80, 106, 402
— Causa.	401
<i>Humores</i> an à solidior. An à fluidior. vitio?	71, 74, 402
— An morborum causæ?	xciiij, 74
— Morborum fomites?	75
— Incoctiles.	239
<i>Humorum</i> nimia cura.	lxxiv, 108, 225, 376
— Signa ad purgationem.	119
— Vergentiæ.	221
— Saburra.	83
— Regressus.	79
— Copia.	87



# INDEX RERUM.

— Fraudes , imposturæ.	91 , &c
— Præparationes.	224
— Promptuaria , aggestus.	124
— Impetus , à sanguine.	265
<i>Hydropis</i> causa.	48
— Sicci causa.	48
<i>Hydrops</i> pectoris.	81
— Morborum omnium exitus aut finis.	129
<i>Hydropici</i> sanguinem fundunt ante mortem.	45
<i>Hypercatharsis</i> .	397

## I

<b>I</b> <i>Diosyncrasia</i> .	292 372
<i>Impuritates</i> , an sanguinem subeant?	12, 30, 54
<i>Indicatio</i> universalis in omnibus morbis.	130
<i>Infantium</i> morborum causæ.	279
<i>Inflammatio</i> , causa morborum malignorum.	126
<i>Inflammationum</i> causæ.	36, 80
<i>Intestina</i> , eorum consideratio.	183, 301
— Mechanismus ad purgationem.	13, 83, 155
— Systaltica vis immensa.	176
— Teneritudo seu sensibilitas.	12
— Mucositates.	13
— Secretiones, quâ arte fiunt.	18, 88
— An sentina sint corporis?	87
— Enormem fundunt succorum copiam.	183
— Evacuantur solidorum vi.	184
— In spasmum incidunt.	184
<i>Intestini</i> recti mechanismus.	182
<i>Judicium</i> , in rebus medicinalibus, ad quos pertinet.	lxxxj
— Quale ingenium, &c. postulat.	ibid.
— Non juvenum sit, non imperitorum.	ibid.

# INDEX RERUM.

## L

<b>L</b> <i>Axitates</i> partium malè intellectæ. (V. <i>Atonia.</i> )	39
<i>Lentor</i> sang. morbor. causæ.	353
— Ejus causæ.	14, 30, 132, 328
— In pulmone.	313
<i>Libri medicinales</i> , quales hodie.	iv
— Minuendi non augendi.	lix
— Quales esse deberent.	vj, xxvj
<i>Libri</i> hujus de purgatione scopus. lxxxij, xcviij	
— Excusatio.	xcviij
— Censura.	cij
<i>Lienis</i> consideratio.	330
<i>Linder</i> laudatur.	xlij
<i>Liquida.</i> (V. <i>fluida.</i> )	
<i>Liquores ardentes</i> morbor. causæ.	62
<i>Lochiorum</i> consideratio.	326
<i>Lymphatica</i> vasa.	35
<i>Lympha</i> eadem vitia quæ sanguini.	37
— Morbi.	38, 354, &c
— purgationi malè cedunt.	359

## M

<b>M</b> <i>Alignarum</i> febr. idea. 240, 292, 271, 370	
— Causa a spasmō.	41
— Non ab humorum saburrâ.	126
<i>Malignitatis</i> prætextus.	239, &c
<i>Medentis</i> scopus.	130
— Audentia.	xix
<i>Medentium</i> successûs varia ratio.	xcix
<i>Medici</i> P arisienses.	ix
— Hippocratis sapientiæ æmuli.	ix
— Medicinam restaurarunt.	ix
— Ab Arabismo vindicaverunt.	vij

# INDEX RERUM.

<i>Medicus.</i> Illius excellentia.	l
<i>Medicina</i> , in quo consistit.	v, 188
— In notionibus, non in verbis.	lvij
— Disciplina est non audentia.	186
— Illius status hodiernus.	iiij
— Lapsûs causa.	vj, &c.
— Improtecta, quæ toleranda.	xcviij
— Illius dignitas.	l
<i>Melancholicus</i> succus.	273, 368
<i>Membranarum</i> diathesis morboſa.	48, 125, 356
<i>Menſium</i> in feminis errores.	136
<i>Mercurialium</i> agendi rationes.	361, 371
<i>Mesenterium</i> , an sentina?	126
<i>Metaphysica</i> in physicâ.	31
<i>Metaſtaſes.</i>	189, 369
<i>Methodus medendi</i> , quando omittenda.	382
— Qualis initio morborum.	x
<i>Minorativa.</i> ( V. <i>Eccoprotica.</i> )	6
— Eorum pericula.	195
— Quando conveniunt.	193, 347
— Eorum agendi rationes.	362
<i>Mixione</i> fiunt ſecretiones.	4
<i>Moor</i> ( de ) laudatur.	xlij
<i>Morbi</i> idea.	32, 338
— Motus.	xxij
— Cauſa,	32, 338
<i>Morborum cauſa</i> ſunt ſuccorum diverticula.	
136, 140	
— <i>Ametriæ</i> , <i>anomalix</i> , <i>directionum</i> mutationes.	32, 133, 140
<i>Morbi</i> , à ſolidis fiunt.	34, 76
— A ſolidorum elatere aucto.	39
— A frigore perperam intellecto.	44
— Acuti & chronici à cauſa communi.	129
— Illorum differentix.	129
— Quibus nocet purgatio.	271, 336



# INDEX RERUM.

— Universales, qui & quot.	337
<i>Morborum</i> proprietates ad purgationem.	292
— Fomites.	338
— Mutationes.	339
— Diagnofis bene instituenda.	xxj
<i>Morbilorum</i> cauſæ.	341
— Cura.	346
<i>Morton.</i> Qualis medicus.	xxvij
<i>Motus</i> naturæ.	219
— Progreſſivus, omnis boni author.	206. 328
— Inteflinus, omnis mali cauſa.	ibid.

## N

<b>N</b> ævi. Eorum cauſæ.	135
<i>Narcotica.</i> Quomodo agunt.	76
<i>Natura.</i> Illius motus.	xxij, 219
— Detrectatores inſulſi.	xlvi
— Delicta quoque verenda ſunt.	189
<i>Natura</i> , quandiũ auſcultandum.	188, &c.
— Majeſtas, definitio.	l
<i>Navigatio.</i> Quomodo vomitum excitat.	165
<i>Nerveæ</i> partium ſtamina.	33, 131
<i>Nervi.</i> Eorum morbi.	142
— Agitationes, à purg. deterrent.	214
— Succī, aberrationes.	50, 142
— Vitia.	52
— Succo, idem quod ſanguini vitium accedit.	37
<i>Neuter ſtatus.</i>	257
<i>Novatorum</i> ingenium.	10
<i>Nova medicina</i> incommoda.	lxxij
<i>Nutricationis</i> ratio.	15, 26

## ⊙

<b>O</b> bftruſiones.	38, 82, 85
<i>Occaſio</i> purgationis.	192, 210, 224, 227,
	232, 347

# INDEX RERUM.

<i>Occasionum</i> captatio.	382
— Ad purgationem.	410
<i>Occillationes</i> vitiatae , causae morborum.	32 , 59 , 82
— Obstructionum.	38
— Morbor malignor.	41
<i>Occillationum</i> directiones observandae.	131
— Anomaliae.	51 , 356 , 159
— Confusio , mixtio.	157 , 407
<i>Occillationes</i> , ab aëre inductae.	65
<i>Oeconomia</i> corporis.	<i>vide</i>
<i>Oleosa</i> vellicant , & quare.	160
<i>Opiata</i> . ( V. <i>Narcotica</i> .)	
— Purgantibus admixta.	372 , 390
<i>Orgasmus</i> .	239
— Quid est.	242 , &c.
— Naturae motus.	243
— Rarus.	252 , &c.
— Praecepta.	250
— Verus , legitimus quis.	253
— Non est succorum incoctilium.	254
— Spurius , quis.	252
— Ægrè definitur.	255
— Infidias habet & fallacias.	254
<i>Orgasmi</i> exemplum describitur.	255
<i>Orgasmi</i> spurii qui obnoxii.	253
<i>Ossium</i> morbi, unde fiunt.	141, 352 , &c.
P	
<i>Pancreatis</i> consideratio.	324
<i>Partium</i> textura nervea.	29, 33
<i>Pathemata</i> animi , morbor causae.	59
<i>Pathologia</i> , solidor. systemate innixa.	<i>vide</i>
<i>Pathologia</i> illius authores.	<i>vide</i>
<i>Pectoris</i> morbi.	307
— Eorum causae & curationes.	<i>ibid.</i>
<i>Pedum</i> tumor , à pulmone.	81

# INDEX RERUM.

<i>Peregrinationis</i> utilitas.	xxxiv
<i>Periostii</i> natura.	352
— Morborum causæ.	191
<i>Philosophia</i> abusus in medicina.	xj
<i>Phlogoses</i> , earum causæ.	80, 142
<i>Physici</i> munus.	31
<i>Pitcarnius</i> laudatus.	xxxiv
<i>Pituita</i> , quid.	275
<i>Pituita</i> cerebri.	297
<i>Plethora</i> .	405
<i>Polymathia</i> in medicina.	v
<i>Potulentorum</i> agendi ratio. (V. <i>diluentia</i> .)	290
<i>Precipitationes</i> , an dentur in corpore?	10, 75,
	103, 277
<i>Precipitationum</i> deliria.	210, 225, 277
<i>Preparatio</i> humorum.	210, 228, 303, 363
<i>Prima via</i> . Earum purgatio.	331, 362
<i>Profluviorum</i> , (V. <i>colliquatio</i> .) causæ.	50, 78
<i>Pulmonum</i> consideratio.	308, 310, 318
— Morbi.	312
— Is nocet purgatio.	319
— Qualis illis convenit.	315
— A sang. stagnante.	315
— A spasmò.	316
<i>Pulmo</i> . Lentoris sanguinis causa.	313
<i>Pulmonum</i> integritas reconvalescentiam spon-	
det.	314
<i>Purgantia</i> , cephalica.	295
— Draastica. 347. Fundentia.	371
— In plures doses.	270
— In formâ solidâ.	371
— Clarificata, vulgò <i>clarifiés</i> .	371
<i>Purgantia</i> , causas morborum non attingunt.	
	122, 148
— In solida operantur.	153
— In membranas agunt.	154



# INDEX RERUM.

- Injecta intrâ vasa purgant. 176
- Velliendo agunt, non salium vi. 158, 211
- An sanguinem fundunt? 152
- Non fermentant. 211
- Opiatis maritata. 372
- Humores indebitos aliquando evacuant. 380

- Purgatio*, illius antiquitas. 146
- Felicitas. 246
- Infelicitas quomodo emendanda. 391, &c.
- Abusus. 147
- Ratio, malè intellecta. xix, 5, 102, 105, 147
- Non unâ humorum causâ. 148
- Nimiùm evacuant. 397
- Illius unde tanta autoritas. 109
- Necessaria in morbis permultis. 410
- Determinationum restitutio est. 211, 224
- Compressionis species est. 220, 277
- Præceptum esse non debet. 219, 410
- Felix initio morborum. 249
- Illius scopus. 267
- Indicatio. xxij
- Periculosa initio morborum. 217, 226, 261

- Intermittenda & quando. 373
- Leges habet, & quales. 217, 220
- Ex Hippocrate. 218
- Non certæ est operationis. 228, 304
- Accommodanda morbis, temperamentis. 232

- Ad futuros morbos. 257
- Ad nascentes, natos, denascentes morbos. 257
- Non unâ humorum causâ instituitur. 257
- An eâ carere posset medicina? 401
- Illius quomodo judicanda felicitas. c
- Periculosa ad præcautionem. 257, 259

# INDEX RERUM.

— Quando convenit.	259
— Quando nocet.	360, 369
— Serosi humoris aut lymphatici.	263
— Quibus morbis propria.	xix
— Post morbos.	288, 310
— Periculosa morbis uteri.	286
— Solidorum doctrinæ innixa.	xcvj
— Accommodanda diversimodè.	270.
— Ad Sexus, regiones.	282, 291
— Ad temperamenta.	272
— Ad biliosos, melanchol.	272, 274
— Ætates.	278
— Vitæ conditiones.	289
— Quibus medicis indulgenda.	xcix
— In parturientibus.	287, 385
— Fluore albo.	288
— Lactantib.	289
— In morbis pectoris.	307
— Lienis & stomachi.	335
— In epidemicis affectibus.	292
— Diarrhœis.	335
— Chirurgicalibus morbis.	349
— Cerebri morbis.	295, 299, 303
— In morbis universalibus.	337
— Cutis.	340
— Abdominis.	322
<i>Purgationis</i> cautiones.	187, 343, 362
— Delicta.	387, 394
— Fraudes.	268, 358, 396
— Casus.	375
— Tempora, occasiones.	232, 192, 210, 224, 227, 347, 257
— Facilitas.	405
— Remoræ.	193, 342, 362, 373, 164
— Repetitio.	267, 362, 373, 397
— Scopus.	210, 224, 401, 267

# INDEX RERUM.

— Laxandi <i>solida</i> magis quàm <i>fluida</i> eva- cuandi.	411
— Frustraneæ causæ.	197, 303, 341, 369
— Fortuiti successus.	373
— Norma.	186
— Nostræ methodo quæ debetur fides.	xcix
— Signa.	191, 232, 293
— Leges obscuratæ.	lj
— Vindicatæ, à quibus authoribus.	lij
<i>Puriformes lymphæ</i> , pulmonum, Vesicæ, Re- num.	91
<i>Puris</i> proventûs causa.	350
<i>Puritas</i> succorum, quid.	19
<i>Purpurea macula.</i> ( Vid. <i>Exanthemata.</i> )	

## R

<b>R</b> <i>Achitis</i> , illius causa.	135, 355
<i>Recidivarum</i> causæ.	269
<i>Refrigerantium</i> agendi ratio.	ij
<i>Remedia</i> in <i>solida</i> agunt.	110
— Illorum agendi rationes.	ij
— Vis vasa non subit.	153
— Successus quando boni.	c
<i>Renum</i> consideratio.	324
<i>Rheumatismorum</i> causæ, differentia.	341
<i>Rubra</i> sang. pars. Illius natura	29
— Usus.	ibid.
— Mechanismus.	54
— Albæ vasa ingrediens.	49
<i>Ruyſch</i> anatomici celeberrimi præstantia.	lxvij

## S

<b>S</b> <i>Saburra</i> humorum, unde venit.	14, 8;
— Fallax.	117
— Impossibilis.	84
— Circuitui sang. repugnans.	84
<i>Saburra</i> signa fallacia.	118
<i>Sales volatiles</i> usurpandi ratio.	lxiv



# INDEX RERUM.

— Omnium morbor. causa est.	130, 141
<i>Stibiata</i> , quando unice purgantia.	174
— Ano infusa sine purgantibus inertia.	198
— Bechicis admixta.	174
— In cerebri morbis quomodo agunt.	300
<i>Stimulantium</i> utilitas.	168
— Natura.	145
<i>Stomachus.</i> ( V. <i>ventriculus.</i> )	323
— Illius amaror infidum purgationis si- gnum.	119
— Trituræ organum princeps.	323
— Ægrotat à sanguine.	266
<i>Strictura</i> in morbis. ( V. <i>spasmi.</i> )	lvj, 410
— Causa morborum.	39, 77, 89, 63, 149
<i>Succorum</i> eluvies, unde.	152
<i>Sudores</i> , critici sunt in pulmon. morbis.	319
<i>Sudoriferorum</i> infidelitas.	227, 168
<i>Superfluitates</i> humorum.	8
<i>Superfluitatum</i> origo.	14
<i>Suppositoria</i> , stimulando agunt.	180
— Illorum mechanica octio.	182, 175
<i>Sydenham</i> , studendi ratio.	xxvij
<i>Sylvius de le boe.</i> Illius laus & ingenium.	lxij
— In medendo felicitas.	lxiij
<i>Sylviani</i> , quare in medendo infelices.	ibid.
<i>Sympathie</i> partium.	35
<i>Symptomata</i> , unde.	70
— Eorum natura.	70
— A morbo vel à naturâ.	71, xxj
<i>Systaltica vis.</i> ( V. <i>Elater.</i> )	xciv, 411
<i>Systematum</i> abusus, commenta.	xvj, lj
— Usus.	xlvi
— Confusio.	liv
— Furor.	xlviij
<i>Systematis</i> boni idea.	lxxvj
— conditiones.	lxxxvij, cij
	<i>Tendinum</i>

# INDEX RERUM.

## T

<b>T</b> <i>Endinum</i> subsultus.	399
<b>T</b> <i>Testium</i> consideratio.	325
<i>Transpirationis</i> materies.	196
—— Ratio.	26, 47, 89
—— Internæ ratio.	364
<i>Tremores</i> artuum.	305
<i>Tritura</i> sanguinis.	17, 310
—— Febrium causa est.	75
<i>Tritura</i> systematis utilitas.	xc
—— Commoda.	xcij
—— Effectiones.	53, 310
—— Organum.	323
—— Potentia.	18
<i>Tritura</i> ratio in stomacho.	163, 323
<i>Tumores</i> serosi.	91
<i>Turgescentia</i> , quid (V. orgasmus.)	247

## V

<b>V</b> <i>Arices</i> .	351
<b>V</b> <i>Variola</i> . Earum causæ.	341
—— ——— cura.	347
<i>Vasa</i> . His constat corpus.	26
—— Eorum infinitudo, immensitas, mechanismus.	133, 141
—— Situs, ordo, differentia.	35, 132, 151
—— Hiatus an dentur.	81
<i>Vasa</i> , lymphatica, secretoria, venosa.	35, 136
—— Vices suas mutant in morbis.	327
<i>Vectionis</i> utilitas.	xxxiv
<i>Vellicationum</i> diversitas. (158) V. <i>occillationes</i> .	
<i>Vena</i> , earum usus.	35, 136
<i>Ventriculus</i> , ejus functio.	3
—— In singulis visceribus.	3
—— Sensibilitas, teneritudo.	62, &c.
—— Musculus est.	162

## T

# INDEX RERUM.

Imperium in corpus, sympathia.	64
Torcularium est publicum.	18, 323
Ventriculi morbi, non à laburrâ.	127
A sensibilitate illius.	62, &c.
Vergentia humorum.	221, 369
Veritas, medicinæ qualis.	lxxvj
Viscera, tot ventriculi.	3
Visci, phlegmata, quid sunt?	8
Vita. Causæ.	21
An à calore, an ab accido, &c?	21
In quo consistit.	23
Motus est organicus.	22
Ulcera. Eorum natura.	349
Vocis ætiologia.	312
Volatilisatio in corpore, quid est,	344
Vomitiones, à solidorum impetu.	161, 163
Illarum mechanismus.	162
Differentiæ, & judicia.	171, 334
Initio morborum.	164
Vomitória, nauseas augent.	166
Citiùs agunt quàm purgantia.	166
Quando purgantibus præferenda sunt.	369
An in cathartica evadere possunt.	167
Necessaria, & quare.	167, 169, 369
Quomodo agunt.	168, &c. 333
Urina, crudæ, chylosæ, puriformes,	208
Earum judicia ad purgationem.	120
Ufus, in mediendo, quid sit.	lxxxiii
Uteri consideratio.	284, 325
Affectus à flatu.	284
A sanguine.	ibid.
An tam multi.	283
Uvillis. Laus & ingenium.	lxj
Vulnere natura.	349

FINIS INDICIS.

Typis J. QUILLAU.



## A P P R O B A T I O.

**E**GO infra scriptus NICOLAUS ANDRY, Consiliarius & Medicinæ Lector ac Professor Regius, Doctor Medicus Parisiensis, speciali delegatione Illustrissimi Galliarum Cancellarii, Librum legi cui titulus : *Depurgandâ Medicinâ à curarum sordibus, &c.* in quo priscam & jam diu obsoletam, Erasistrati de Tritu sententiam, ab oblivione eruere sibi proponit Autor, tandemque Tritus ( ut ait ) ictibus everberatâ fermentatione, fermentorum memoriam obliterare : cujus Libri in lucem edendi veniam concedi nihil obstat. Datum Parisiis, die trigesimâ Octobris, anni millesimi septingentesimi decimi tertii. ANDRY.

---

## P R I V I L E G E D U R O Y.

**L**OUIS, par la grace de Dieu, Roy de France & de Navarre : A nos amez & feaux Conseillers les Gens tenans nos Cours de Parlement, Maîtres des Requêtes ordinaires de notre Hôtel, Grand Conseil, Prevôt de Paris, Baillifs, Senechaux, leurs Lieutenans Civils, & autres nos Justiciers qu'il appartiendra, SALUT. Notre bien amé GUILLAUME CAVELIER, Libraire à Paris, Nous ayant fait remontrer qu'il desireroit faire imprimer un Livre intitulé, *Depurgandâ Medicinâ à curarum sordibus*, s'il Nous plaisoit lui accorder nos Lettres de Privilege sur ce necessaires : Nous lui avons permis & permettons par ces Présentes de faire imprimer ledit Livre en telle forme, marge,

caractère, conjointement ou séparément, & autant de fois que bon lui semblera, & de le vendre, faire vendre & débiter par tout notre Royaume pendant le temps de quatre années consécutives, à compter du jour de la date desdites Presentes. Faisons défenses à toutes sortes de personnes, de quelque qualité & condition qu'elles soient, d'en introduire d'impression étrangère dans aucun lieu de notre obéissance; & à tous Imprimeurs, Libraires, & autres, d'imprimer, faire imprimer, vendre, faire vendre & débiter, ni contrefaire ledit Livre, en tout ni en partie, sans la permission expresse & par écrit dudit Exposant, ou de ceux qui auront droit de lui, à peine de confiscation des exemplaires contrefaits, de quinze cens livres d'amende contre chacun des contrevenans, dont un tiers à Nous, un tiers à l'Hôtel-Dieu de Paris, l'autre tiers audit Exposant, & de tous dépens, dommages & intérêts; à la charge que ces Presentes seront enregistrées tout au long sur le Registre de la Communauté des Imprimeurs & Libraires de Paris, & ce dans trois mois de la date d'icelles, que l'impression dudit Livre sera faite dans notre Royaume & non ailleurs, en bon papier, & en beaux caractères, conformément aux Reglemens de la Librairie; & qu'avant que de l'exposer en vente, il en sera mis deux Exemplaires dans notre Bibliothèque publique, un dans celle de notre Château du Louvre, & un dans celle de notre très cher & féal Chevalier Chancelier de France, le Sieur Phelypeaux, Comte de Pontchartrain, Commandeur de nos Ordres; le tout à peine de nullité des Presentes: Du contenu desquelles vous mandons & enjoignons de faire jouir l'Exposant, ou ses ayans cause, pleinement, & pai-



ablement, sans souffrir qu'il leur soit fait aucun trouble ou empêchement. Voulons que la copie desdites Presentes, qui sera imprimée au commencement ou à la fin dudit Livre, soit tenue pour dûement signifiée, & qu'aux copies collationnées par l'un de nos amés & feaux Conseillers & Secretaires, foi soit ajoutée comme à l'Original. Commandons au premier notre Huissier ou Sergent, de faire pour l'exécution d'icelles tous Actes requis & nécessaires, sans demander autre permission, & nonobstant clameur de Haro, Charte Normande, & Lettres à ce contraires: Car tel est notre plaisir. Donné à Versailles le vingt-quatrième jour de Mars l'an de grace mil sept cens quatorze, & de notre Règne le soixante-onzième. Signé, Par le Roy en son Conseil. FOUQUET, avec paraphe.

*Registré sur le Registre No. 3. de la Communauté des Libraires & Imprimeurs de Paris, page 765, numero 1018, conformément aux Reglemens, & notamment à l'Arrêt du 13 Août 1703. A Paris le 26 Mars 1714.*

ROBUSTEL, Syndic.



LIVRES QUI SE VENDENT  
chez GUILLAUME CAVELIER  
fils, rue S. Jacques à Paris, à la  
Fleur de Lys d'Or.

**V**Oyage du Levant, c'est-à-dire,  
dans les principaux endroits de  
l'Asie Mineure, dans les Isles de  
Chio, Rhodes, Chypre, &c. comme  
aussi dans les principales Villes d'E-  
gypte, Syrie, & de la Terre Sainte,  
par Corneille le Brun, avec plus de  
cent Tailles-douces dessignées après  
nature, in fol. grand papier, 1714,  
36 livres.

— Le même en petit papier, in fol. 25 l.  
*De Purganda Medicina, ubi detecto eva-  
cuantium fūco Purgationum fraudes &  
impostura revelantur, &c. Authore Do-  
mino Hecquet, 12. Paris. 1714. 2 l. 10 s.*  
*Domini Petri Foresti, Observationes & Cu-  
rationes Med. & Chirur. in fol. 4 vol.*  
*in 2 tom. Rothomagi 1653, 18 l.*  
Traité des Maladies de l'Oeil, & des  
remèdes propres pour leur guérison,  
par M. Maître Jan, in 4. Troyes 1704.  
5 l. 10 s.

- Glauberi (Joh. Rudolphi) *miraculum Mundi*, seu plena perfectaque descriptio admirabilis naturæ ac proprietatis Potentissimi subjecti, &c. in 8. Amst. 1653, en feuille, 10 f.
- Tartarus ex vini fecibus, extrahendus, in 8. *ibid.* en feuille, 10 f.
- Mauriceau (Franc.) *Tractatus de mulierum Prægnantium parturientium, & puerperarum morbis*, cum fig. in 4. Paris. 1681, 4 l.
- Hippocratis Opera omnia, cum Oeconomîâ Foessii, Grec. Lat. in fol. Genevæ 1662, 18 l.
- Hippocratis Aphorismi, edente Jans. ab Almeloven, Grec. Lat. in 24. Amst. 1685, 1 l. 5 f.
- Verheyen (Philip.) *Corporis Humani Anatomîæ*, in 4. 2 vol. Bruxel. 1710, 14 l.
- Bauhini (Gaspar.) *Pinax Theatri Botanici cum Prodomo Plantarum*, in 4. fig. Basil. 1671, 7 l.
- Diemerbroeck, *Anatomia Corporis Humani*, in 4. 2 vol. fig. Ultraject. 1672, 10 l.
- Freind (Jo.) *Emmenologia de fluxu Muliebris menstrui*, in 8. Roterdami 1711, 1 l. 15 f.
- Zwelfer (Jo.) *Pharmacopœia Regia*,

- in fol. 2 vol. Noribergæ 1675, 20 l.*  
 Plateri Observationes Med. *in 8. Basil.*  
 1680, 3 l.  
 Blasii (Gerardi) Observationes Med.  
 accedit Historia Monstri Triplicis,  
*in 8. Amst. fig. 1677, 1 l. 15.*  
 — ejusdem Blasii Zootomia, sive Ana-  
 tome Hominis & Brutorum rario-  
 rum, *in 8. fig. Amst. 1677, 2 l. 10 s.*  
 Miscellanæa Med. Phis. Germaniæ, *in 4.*  
*fig. Paris. 1672, 5 l.*  
 Lister (Martinus) de Humoribus, *in 8.*  
*Amst. 1711, 2 l. 10 s.*  
 — ejusdem Octo Exercitationes Medi-  
 cinales de quibusdam morbis Chro-  
 nicis, *in 8. Amst. 1698, 4 l.*  
 Stenonis, Specimen Elementorum Myo-  
 logiæ, &c. *cum fig. Amst. 1669, 1 l.*  
 15 s.  
 Beccheri (Jo. Joach.) Physica subterra-  
 nea, cum supplement. *in 8. 2 vol. 6 l.*  
 La Medecine Dogmatique, Méchani-  
 nique, en forme d'institution, par  
 Bellesfontaine, 2 vol. *in 12. Amsterd.*  
 1712, 4 l.  
 Peyer Mericologia, sive de Ruminan-  
 tibus, & Ruminatione, *in 4. cum fig.*  
*Basil. 1685, 4 l.*  
 Prosper Alpinus de Plantis Exoticis fi-  
 guris, *in 4. Venetiis 1656, 7 l.*



Apicius Cælius de Arte Coquinaria, cum  
notis Listeri, in 8. *Amst.* 1709, 2 l.  
10 s.

Zuingeri (Theod.) Fasciculus Disserta-  
tionum Med. in 8. *Basil.* 1710, 3 l.

— ejusdem Praxeos Medicæ, in 4. 2 vol.  
*Basil.* 1710, 12 l.

Joanis Franci Veronica Theezans, in 12.  
*fig. Lipsiæ* 1700, 1 l. 10 s.

Cælius Aurelianus, de Morbis acutis &  
Chronicis, in 4. *Amst.* 1709, 7 l. 10 s.

Miscellanæa Berolinensia, in 4. *fig. Bero-*  
*lini* 1710, 8 l.

Nouvelles découvertes des parties de  
l'Homme & de la Femme, par Bar-  
les, in 12. 4 vol. *fig. Lyon* 1680, 5 l.

Boneti, Polyalthes, sive Thesaurus Me-  
dico-practicus, in fol. 3 vol. *Geneva*  
1691,

— Sepulchretum, sive Anatomia Pra-  
ctica, in fol. 3 vol. *Lug.* 1700,

— Medicina Septentrionalis, in fol. 2  
vol. *Geneva* 1684,

— Labyrinthus Medicus, in 4. *Geneva*  
1687,

Joannis Fernelii Ambiani Medicina,  
cum notis Boneti, in folio *Geneva*  
1679, 12 l.

Kircheri Physica Experimentalis, in fol.  
*fig. Amst.* 1680, 12 l.

- figuris*, in 4. 7 l.
- Dolæi Encyclopædia Medica, in 4. 6 l.
- Paulini ( franc. ) Cynographia curiosa,  
 seu Canis descriptio, in 4. Norimbergæ  
 1689, 4 l. 10 s.
- de Nuce Moschatâ Descriptio curio-  
 sa, Hist. Phys. Medica, in 8. Lipsiæ  
 1704, 3 l. 10 s.
- Lagographia curiosa, seu Leporis  
 descriptio, &c. in 8. Augustæ Vindeli-  
 corum 1691, 2 l. 10 s.
- Langii ( Christ. Joh. ) Opera omnia Me-  
 dica, Theoret. Practica, curante Ri-  
 vino, 3. vol. in fol. Lipsiæ 1704, 30 l.
- Dispensatorium Regium & Electorale,  
 Borusso-Brandenburgicum, in folio. Be-  
 rolini 1713, 10 l.
- Acerra Medico - Chymica, in 4. Lipsiæ  
 1713, 6 l.
- Ruischii, Fred. Thesaurus Animalium,  
 in 4. fig. Amst. 1710, 4 l. 10 s.
- Thesaurus Secretorum curiosorum, in  
 4. Colonia Allobrogum 1709, 6 l.
- Bayle ( Franc. ) Institutiones Physicæ &  
 Opuscula, 4. vol. in 4. fig. Tolosæ 1701,  
 20 l.

*L'on trouve chez le même Libraire des  
 Livres sur toutes sortes de Sciences, tant de  
 ceux qui sont imprimez en France, que dans  
 les Pays Etrangers.*

13



